

Namo tassa bhagavato arahato sammāsambuddhassa

Khuddakanikāye

Jātakapāḷi

(Paṭhamo bhāgo)

1. Ekakanipāto

1. Apaṇṇakavaggo

1. Apaṇṇakajātakam

1. Apaṇṇakam ṭhānameke, dutiyaṃ āhu takkikā;
Etadaññāya medhāvī, taṃ gaṇhe yadapaṇṇakanti [taṃ gaṇheyya apaṇṇakam (ka.)].

Apaṇṇakajātakam paṭhamam.

2. Vaṇṇupathajātakam

2. Akilāsuno vaṇṇupathe [vaṇṇupathe (ka.)] khaṇantā, udaṅgaṇe tattha papaṃ avindum;
Evaṃ munī vīriya [munī vīriya (pī.), muni vīriya (syā. ka.)] balūpapanno, akilāsu vinde
hadayassa santinti.

Vaṇṇupathajātakam dutiyaṃ.

3. Serivavāṇijajātakam

3. Idha ce naṃ [idha ce hi naṃ (sī. pī.)] virādhesi, saddhammassa niyāmatam [niyāmakam (syā. ka.)];
Ciraṃ tvaṃ anutappesi [anutapessasi (sī. pī.), anutappissasi (?)], serivāyaṃva vāṇijoti.

Serivavāṇijajātakam tatiyaṃ.

4. Cūlasetthijātakam

4. Appakenapi medhāvī, pābhatena vicakkhaṇo;
Samuṭṭhāpeti attānaṃ, aṇuṃ aggaṃva sandhamanti.

Cūla [culla (sī.), cullaka (syā. pī.)] setthijātakam catuttham.

5. Taṇḍulanālijātakam

5. [kimagghatī taṇḍulanālikā ca, bārāṇasī antarabāhirāni; assapañcasate tāni, ekā taṇḍulanālikāti; (syā.)] Kimagghatī taṇḍulanālikāya, assāna mūlāya vadehi rāja [nālikā ca (sī.), nālikāya (ka. sī. aṭṭha.)];
Bārāṇasiṃ santarabāhirato [bāhirantaṃ (sī.)], ayamagghatī taṇḍulanālikāti [kimagghatī

vaṇḍulanāḷikā ca, bārāṇasī antarabāhirāni; assapañcasate tāni, ekā taṇḍulanāḷikāti; (syā.)].

Taṇḍulanāḷijātakam pañcamaṃ.

6. Devadhammajātakam

6. Hiriottappasampannā, sukkadhammasamāhitā;
Santo sappurisā loke, devadhammāti vuccareti.

Devadhammajātakam chaṭṭhaṃ.

7. Kaṭṭhahārijātakam

7. Putto tyāham mahārāja, tvaṃ maṃ posa janādhipa;
Aññepi devo poseti, kiñca [kiñci (ka.)] devo sakaṃ pajanti.

Kaṭṭhahāri [kaṭṭhavāhana (ka.)] jātakam sattamaṃ.

8. Gāmaṇijātakam

8. Api ataramānānaṃ, phalāsāva samijjhati;
Vipakkabrahmacariyosmi, evaṃ jānāhi gāmaṇīti.

Gāmaṇijātakam aṭṭhamaṃ.

9. Maghadevajātakam

9. Uttamaṅgaruhā mayhaṃ, ime jātā vayoharā;
Pātubhūtā devadūtā, pabbajjāsamayo mamāti.

Maghadeva [makhādeva (sī. pī.), devadūta (ka.)] jātakam navamaṃ.

10. Sukhavihārijātakam

10. Yañca aññe na rakkhanti, yo ca aññe na rakkhati;
Sa ve rāja sukhaṃ seti, kāmesu anapekkhavāti.

Sukhavihārijātakam dasamaṃ.

Apaṇṇakavaggo paṭṭhamaṃ.

Tassuddānaṃ –

Varāpaṇṇaka vaṇṇupatha serivaro, suvicakkhaṇa taṇḍulanāḷikassā;
Hiri puttavaruttagāmaṇinā, yo ca na rakkhati tena dasāti.

2. Sīlavaggo

11. Lakkhaṇamigajātakam

11. Hoti sīlavataṃ attho, paṭisanthāra [paṭisandhāra (ka.)] vuttinaṃ;
Lakkhaṇaṃ passa āyantaṃ, ñātisaṅghapurakkhataṃ [purakkhitaṃ (syā.), purekkhitaṃ (ka.)];
Atha passasimaṃ kāḷaṃ, suvihīnaṃva ñātibhīti.

Lakkhaṇamigajātaṃ paṭhamaṃ.

12. Nigrodhamigajātaṃ

12. Nigrodhameva seveyya, na sākhamupasaṃvase;
Nigrodhasmiṃ mataṃ seyyo, yañce sākhasmi [sākhasmiṃ (sī. pī.)] jīvitanti.

Nigrodhamigajātaṃ dutiyaṃ.

13. Kaṇḍijātaṃ

13. Dhiratthu kaṇḍinaṃ sallaṃ, purisaṃ gāḷhavedhinaṃ;
Dhiratthu taṃ janapadaṃ, yatthitthī pariṇāyikā;
Te cāpi dhikkatā [dhikkatā (?)] sattā, ye itthīnaṃ vasaṃgatāti.

Kaṇḍijātaṃ tatiyaṃ.

14. Vātamigajātaṃ

14. Na kiratthi rasehi pāpiyo, āvāsehi va [vā (sabbattha)] santhavehi vā;
Vātamigaṃ gahanānissitaṃ [gehanissitaṃ (sī. pī.)], vasamānesi rasehi sañjayoti.

Vātamigajātaṃ catutthaṃ.

15. Kharādiyajātaṃ

15. Aṭṭhakkhuraṃ kharādiye, migam vaṅkātivāṅkinaṃ;
Sattahi kālātikkantaṃ [sattahi kalāha'tikkantaṃ (sī.), sattakāleha'tikkantaṃ (syā.), sattahi
kālāha'tikkantaṃ (pī.)], na naṃ ovaditussaheti.

Kharādiyajātaṃ pañcamaṃ.

16. Tipallatthamigajātaṃ

16. Migam tipallattha [tipallatta (ka.)] manekamāyaṃ, aṭṭhakkhuraṃ aḍḍharattāpapāyimaṃ
[aḍḍharattāvapāyimaṃ (sī. pī.)];
Ekena sotena chamāssasanto, chahi kalāhitibhoti [kalāhatibhoti (sī. syā. pī.)] bhāgineyyoti.

Tipallatthamigajātaṃ chaṭṭhaṃ.

17. Mālutajātaṃ

17. Kāḷe vā yadi vā juṇhe, yadā vāyati māluto;
Vātajāni hi sītāni, ubhotthamaparājītāti.

Mālutajātaṃ sattamaṃ.

18. Matakabhatajātakam

18. Evaṃ ce sattā jāneyyūṃ, dukkhāyaṃ jātisambhavo;
Na pāṇo pāṇinaṃ haññe, pāṇaghātī hi socatīti.

Matakabhatajātakam aṭṭhamam.

19. Āyācitabhatajātakam

19. Sace mucce [muñce (sī. syā. pī.)] pecca mucce [muñce (sī. syā. pī.)], muccamāno hi bajjhati;
Na hevaṃ dhīrā muccanti, mutti bālassa bandhananti.

Āyācitabhatajātakam navamam.

20. Naḷapānajātakam

20. Disvā padamanuttiṇṇam, disvānotaritam padaṃ;
Naḷena vāriṃ pissāma [pivissāma (sī. syā. pī.)], neva [na ca (ka.)] maṃ tvaṃ vadhissasīti.

Naḷapānajātakam dasamam.

Sīlavaggo dutiyo.

Tassuddānam –

Atha lakkhaṇa sākha dhiratthu puna, na kiratthi rasehi kharādiyā;
Atibhoti vara [rasa (sabbattha)] māluta pāṇa, muccena naḷaavhayanena bhavanti dasāti.

3. Kuruṅgavaggo

21. Kuruṅgamigajātakam

21. Ñātametam kuruṅgassa, yaṃ tvaṃ sepaṇṇi siyyasi [seyyasi (sī. syā. pī.)];
Aññaṃ sepaṇṇi gacchāmi, na me te ruccate phalanti.

Kuruṅgamigajātakam paṭhamam.

22. Kukkurajātakam

22. Ye kukkurā rājakulamhi vaddhā, koleyyakā vaṇṇabalūpapannā;
Teme na vajjhā mayamasma vajjhā, nāyaṃ saghaccā dubbalaghātikāyanti.

Kukkurajātakam dutiyam.

23. Gojānīyajātakam

23. Api passena semāno, sallebhi sallalīkato;
Seyyova vaḷavā gojo [bhojjo (sī.), bhojjho (syā. pī.)], yuñja maññeva sārathīti.

Gojānīya [bhojānīya (sī. syā. pī.)] jātakam tatiyam.

24. Ājaññajātakam

24. Yadā yadā yattha yadā, yattha yattha yadā yadā;
Ājañño kurute vegam, hāyanti tattha vālavāti.

Ājaññajātakam catuttham.

25. Titthajātakam

25. Aññamaññehi titthehi, assam pāyehi sārathi;
Accāsanassa puriso, pāyāsassapi tappatīti.

Titthajātakam pañcamaṃ.

26. Mahiḷāmukhajātakam

26. Purāṇacorāna vaco nisamma, mahiḷāmukho pothayamanvacārī;
Susaññatānañhi vaco nisamma, gajuttamo sabbaguṇesu aṭṭhāti.

Mahiḷāmukhajātakam chaṭṭham.

27. Abhiñhajātakam

27. Nālam kabaḷam padātave, na ca piṇḍam na kuse na ghaṃsitum;
Maññāmi abhiñhadassanā, nāgo snehamakāsi [sinehamakāsi (sī. syā. pī.)] kukkureti.

Abhiñhajātakam sattamaṃ.

28. Nandivīsālajātakam

28. Manuññameva bhāseyya, nāmanuññam kudācanaṃ;
Manuññam bhāsamānassa, garum bhāram udaddhari;
Dhanañca naṃ alābhesi, tena cattamano ahūti.

Nandivīsālajātakam aṭṭhamaṃ.

29. Kañhajātakam

29. Yato yato garu dhuram, yato gambhīravattanī;
Tadāssu kañham yuñjanti, svāssu taṃ vahate dhuranti.

Kañhajātakam navamaṃ.

30. Munikajātakam

30. Mā munikassa pihayi, āturannāni bhuñjati;
Apposukko bhusam khāda, etaṃ dīghāyulakkhaṇanti.

Munikajātakam dasamaṃ.

Kuruṅgavaggo tatiyo.

Tassuddānaṃ –

Kuruṅgassa kukkuragojavaro, puna vāḷavassasirivhayano [sirivayano (sabbattha)];
Mahiḷāmukhanāmanuññavaro, vahate dhura munikena dasāti.

4. Kulāvakavaggo

31. Kulāvakajātakaṃ

31. Kulāvakā mātali simbalismiṃ, īsāmukhena parivajjayassu;
Kāmaṃ cajāma asuresu pāṇaṃ, mā me dijā vikkulavā [māyime dijā vikulāvā (sī. syā. pī.)]
ahesunti.

Kulāvakajātakaṃ paṭhamaṃ.

32. Naccajātakaṃ

32. Rudaṃ manuññaṃ rucirā ca piṭṭhi, veḷuriyavaṇṇūpanibhā [vaṇṇūpaṭibhā (syā.), vaṇṇasannibhā
(ka.)] ca gīvā;
Byāmamattāni ca pekhuṇāni, naccena te dhītaraṃ no dadāmīti.

Naccajātakaṃ dutiyaṃ.

33. Sammodamānajātakaṃ

33. Sammodamānā gacchanti, jālamādāya pakkhino;
Yadā te vivadissanti, tadā ehinti me vasanti.

Sammodamānajātakaṃ tatiyaṃ.

34. Macchajātakaṃ

34. Na maṃ sītaṃ na maṃ uṇhaṃ, na maṃ jālasmi bādhanam;
Yañca maṃ maññate macchī, aññaṃ so ratiyā gatoti.

Macchajātakaṃ catutthaṃ.

35. Vaṭṭakajātakaṃ

35. Santi pakkhā apatanā, santi pādā avañcanā;
Mātāpitā ca nikkhantā, jātaveda paṭikkamāti.

Vaṭṭakajātakaṃ pañcamaṃ.

36. Sakuṇajātakaṃ

36. Yaṃ nissitā jagatiruhaṃ vihaṅgamā, svāyaṃ aggim pamuñcati;
Disā bhajatha vakkaṅgā [vaṅkaṅgā (syā.)], jātaṃ saraṇato bhayanti.

Sakuṇajātakam chaṭṭham.

37. Tittirajātakam

37. Ye vuḍḍha [vaddha (sī. pī.)] mapacāyanti, narā dhammassa kovidā;
Diṭṭheva dhamme pāsamsā, samparāye ca suggatīti.

Tittirajātakam sattamaṃ.

38. Bakajātakam

38. Nāccantaṃ nikatippañño, nikatyā sukhamedhati;
Ārādheti nikatippañño [ārādhe nikatippañño (pī.)], bako kakkāṭakāmivāti.

Bakajātakam aṭṭhamaṃ.

39. Nandajātakam

39. Maññe sovaṇṇayo rāsi, soṇṇamālā ca nandako;
Yattha dāso āmajāto, ṭhito thullāni [thūlāni (ka.)] gajjatīti.

Nandajātakam navamaṃ.

40. Khadiraṅgārajātakam

40. Kāmaṃ patāmi nirayaṃ, uddhampādo avamsiro;
Nānariyaṃ karissāmi, handa piṇḍaṃ paṭiggahāti.

Khadiraṅgārajātakam dasamaṃ.

Kulāvakaṃ catuttho.

Tassuddānaṃ –

Sirimātali dhītara pakkhivaro, ratiyāgato mātāpitā ca puna;
Jagatīruha vuḍḍha sukakkaṭako, tathā nandakapiṇḍavarena dasāti.

5. Atthakāmaṃ

41. Losakajātakam

41. Yo atthakāmassa hitānukampino, ovajjamāno na karoti sāsanaṃ;
Ajiyā pādamolamba [pādamolamba (sī. syā. pī.)], mittako viya socatīti.

Losakajātakam paṭhamaṃ.

42. Kapotajātakam

42. Yo atthakāmassa hitānukampino, ovajjamāno na karoti sāsanaṃ;
Kapotakassa vacanaṃ akatvā, amittahatthagatova seṭṭīti.

Kapotajātakam dutiyam.

43. Veḷukajātakam

43. Yo atthakāmassa hitānukampino, ovajjamāno na karoti sāsanam;
Evam so nihato seti, veḷukassa yathā pitāti.

Veḷukajātakam tatiyam.

44. Makasajātakam

44. Seyyo amitto matiyā upeto, na tveva mitto mativippahīno;
Makasam vadhissanti hi eḷamūgo, putto pitu abbidā uttamaṅganti.

Makasajātakam catuttham.

45. Rohiṇijātakam

45. Seyyo amitto medhāvī, yañce bālānukampako;
Passa rohiṇikam jammiṃ, mātaram hantvāna socatīti.

Rohiṇijātakam pañcamam.

46. Ārāmadūsakajātakam

46. Na ve anattakusalena, atthacariyā sukhāvahā;
Hāpeti attham dummedho, kapi ārāmiko yathāti.

Ārāmadūsakajātakam chaṭṭham.

47. Vāruṇidūsakajātakam

47. Na ve anattakusalena, atthacariyā sukhāvahā;
Hāpeti attham dummedho, koṇḍañño vāruṇiṃ yathāti.

Vāruṇidūsakajātakam sattamam.

48. Vedabbajātakam

48. Anupāyena yo attham, icchati so vihaññati;
Cetā haniṃsu vedabbam [vedabbham (sī. pī.)], sabbe te byasanamajjhagūti.

Vedabba [vedabbha (sī. pī.)] jātakam aṭṭhamam.

49. Nakkhattajātakam

49. Nakkhattam paṭimānentam, attho bālam upaccagā;
Attho atthassa nakkhattam, kiṃ karissanti tārakāti.

Nakkhattajātakam navamam.

50. Dummedhajātakam

50. Dummedhānaṃ sahasena, yañño me upayācīto;
Idāni khohaṃ yajissāmi, bahu [bahū (sī. pī.), bahuṃ (ka.)] adhammiko janoti.

Dummedhajātakam dasamaṃ.

Atthakāmaṃ pañcamaṃ.

Tassuddānaṃ –

Atha mittaka mātu kapotavaro, tathā veḷūka eḷamūgo rohiṇī;
Kapi vāruṇi cetacarā ca puna, tathā tāraḷa yaññavarena dasāti.

Paṭhama paṇṇāsako.

6. Āsīsavaggo

51. Mahāsīlavajātakam

51. Āsīsetheva [āsīmsetheva (sī. syā. pī.)] puriso, na nibbindeyya paṇḍito;
Passāmi vohaṃ attānaṃ, yathā icchim tathā ahūti.

Mahāsīlavajātakam paṭhamaṃ.

52. Cūḷajanakajātakam

52. Vāyametheva puriso, na nibbindeyya paṇḍito;
Passāmi vohaṃ attānaṃ, udakā thalamubbhatanti.

Cūḷajanakajātakam dutiyaṃ.

53. Puṇṇapātijātakam

53. Tatheva puṇṇā pātiyo, aññāyaṃ vattate kathā;
Ākāraṇena [ākārakena (sī. syā. pī.)] jānāmi, na cāyaṃ bhaddikā surāti.

Puṇṇapātijātakam tatiyaṃ.

54. Kimphalajātakam

54. Nāyaṃ rukkho durāruho, napi gāmato ārakā;
Ākāraṇena jānāmi, nāyaṃ sāduphalo dumoti.

Kimphalajātakam catutthaṃ.

55. Pañcāvudhajātakam

55. Yo alīnena cittaṃ, alīnāmanaso naro;
Bhāveti kusalaṃ dhammaṃ, yogakkhemassa pattiyā;

Pāpuṇe anupubbena, sabbasaṃyojanakkhayanti.

Pañcāvudhajātakam pañcamaṃ.

56. Kañcanakkhandhajātakam

56. Yo pahaṭṭhena cittena, pahaṭṭhamanaso naro;
Bhāveti kusalam dhammaṃ, yogakkhemassa pattiyā;
Pāpuṇe anupubbena, sabbasaṃyojanakkhayanti.

Kañcanakkhandhajātakam chaṭṭham.

57. Vānarindajātakam

57. Yassete caturo dhammā, vānarinda yathā tava;
Saccam dhammo dhiti [dhitī (sī. pī.)] cāgo, diṭṭham so ativattatīti.

Vānarindajātakam sattamaṃ.

58. Tayodhammajātakam

58. Yassete ca [yassa ete (sī. pī.)] tayo dhammā, vānarinda yathā tava;
Dakkhiyam sūriyam paññā, diṭṭham so ativattatīti.

Tayodhammajātakam aṭṭhamaṃ.

59. Bherivādakajātakam

59. Dhame dhame nātidhame, atidhantañhi pāpakam;
Dhantena hi satam laddham, atidhantena nāsitanti.

Bherivādakajātakam navamaṃ.

60. Saṅkhadhamajātakam

60. Dhame dhame nātidhame, atidhantañhi pāpakam;
Dhantenaḍhigatā bhogā, te tāto vidhamī dhamanti.

Saṅkhadhamajātakam dasamaṃ.

Āsīsavaggo chaṭṭho.

Tassuddānam –

Yathā icchim tathāhudakā thalā, sura sāduphalo ca alīnamano;
Sampahaṭṭhamano caturo ca tayo, sataladdhaka bhogadhanena dasāti.

7. Itthivaggo

61. Asātamantajātakam

61. Asā lokitthiyo nāma, velā tāsam na vijjati;
Sārattā ca pagabbhā ca, sikhī sabbaghaso yathā;
Tā hitvā pabbajissāmi, vivekamanubrūhayanti.

Asātamantajātakaṃ paṭhamam.

62. Aṇḍabhūtajātakaṃ

62. Yaṃ brāhmaṇo avādesi, vīṇaṃ samukhaveṭṭhito;
Aṇḍabhūtā bhatā bhariyā, tāsū ko jātu vissaseti.

Aṇḍabhūtajātakaṃ dutiyam.

63. Takkapaṇḍitajātakaṃ

63. Kodhanā akataññū ca, piṣuṇā mittabhedikā [piṣuṇā ca vibhedikā (sī. syā. pī.)];
Brahmacariyaṃ cara bhikkhu, so sukhaṃ na vihāhasīti [pihāhisīti (sī. syā. pī.), vihāyasi (ka.)].

Takkapaṇḍitajātakaṃ [takkajātakaṃ (sī. syā. pī. aṭṭha.)] tatiyam.

64. Durājānajātakaṃ

64. Mā su nandi icchati maṃ, mā su soci na micchati [na icchati (sī. syā. pī.)];
Thīnaṃ bhāvo durājāno, macchassevodaye gatanti.

Durājānajātakaṃ catuttham.

65. Anabhiratijātakaṃ

65. Yathā nadī ca pantho ca, pānāgāraṃ sabhā papā;
Evaṃ lokitthiyo nāma, nāsaṃ kujjhanti paṇḍitāti.

Anabhiratijātakaṃ pañcamam.

66. Mudulakkhaṇajātakaṃ

66. Ekā icchā pure āsi, aladdhā mudulakkhaṇaṃ;
Yato laddhā aḷarakkhī, icchā icchaṃ vijāyathāti.

Mudulakkhaṇajātakaṃ chaṭṭham.

67. Ucchaṅgajātakaṃ

67. Ucchaṅge deva me putto, pathe dhāvantiyā pati;
Taṅca desaṃ na passāmi, yato sodariyamāyati [sodariyaṃ naye (ka.)].

Ucchaṅgajātakaṃ sattamam.

68. Sāketajātakaṃ

68. Yasmiṃ mano nivisati, cittañcāpi [cittaṃ vāpi (katthaci)] pasīdati;
Adiṭṭhapubbake pose, kāmaṃ tasmimpi vissaseti.

Sāketajātakam aṭṭhamam.

69. Visavantajātakam

69. Dhiratthu taṃ visaṃ vantaṃ, yamaṃ jīvitakāraṇā;
Vantaṃ paccāvamissāmi [paccāharissāmi (ka.)], mataṃ me jīvitā varanti.

Visavantajātakam navamam.

70. Kuddārajātakam

70. Na taṃ jitaṃ sādhu jitaṃ, yaṃ jitaṃ avajīyati;
Taṃ kho jitaṃ sādhu jitaṃ, yaṃ jitaṃ nāvajīyatīti.

Kuddārajātakam dasamam.

Itthivaggo sattamo.

Tassuddānam –

Sikhīsabbaghasopi ca vīṇavaro, pisuṇā mittabhedikā nandī nadī;
Mudulakkhaṇa sodariyā ca mano, visa sādhujitena bhavanti dasāti.

8. Varuṇavaggo

71. Varuṇajātakam

71. Yo pubbe karaṇīyāni, pacchā so kātumicchati;
Varuṇakaṭṭha [varaṇakaṭṭha (sī. pī.)] bhañjova, sa pacchā manutappaṭīti.

Varuṇajātakam paṭhamam.

72. Sīlavahatthijātakam

72. Akatañṇussa posassa, niccam vivaradassino;
Sabbaṃ ce pathaviṃ [paṭhavim (sī. syā. pī.)] dajjā, neva naṃ abhirādhayeti.

Sīlavahatthijātakam dutiyam.

73. Saccaṃkirajātakam

73. Saccaṃ kirevamāḥamsu, narā ekacciya idha;
Kaṭṭham niplavitaṃ [viplāvitaṃ (sī. pī.)] seyyo, na tvevekacciyo naroti.

Saccaṃkirajātakam tatiyam.

74. Rukkhadhammajātakam

74. Sādhū sambahulā ñātī, api rukkhā araññajā;
Vāto vahati ekaṭṭhaṃ, brahantampi vanappatinti.

Rukkhadhammajātakam catuttham.

75. Macchajātakam

75. Abhitthanaya pajjunna, nidhiṃ kākassa nāsaya;
Kākam sokāya randhehi, mañca sokā pamocayāti.

Macchajātakam pañcamam.

76. Asaṅkiyajātakam

76. Asaṅkiyomhi gāmamhi, araññe natthi me bhayaṃ;
Ujūṃ maggaṃ samārūlho, mettāya karuṇāya cāti.

Asaṅkiyajātakam chaṭṭham.

77. Mahāsupinajātakam

77. Usabhā rukkhā gāviyo gavā ca, asso kaṃso siṅgālī [sigāsī (sī. syā. pī.)] ca kumbho;
Pokkharāṇī ca apākacandanam, lābūni sīdanti silā plavanti.

Maṇḍūkiyo kaṇhasappe gilanti, kākam supaññā parivārayanti;
Tasā vakā eḷakānam bhayāhi, vipariyāso [vipariyāyo (syā. ka.)] vattati nayidha matthīti.

Mahāsupinajātakam sattamam.

78. Illisajātakam

78. Ubho khañjā ubho kuṇī, ubho visamacakkhukā [cakkhulā (sī. pī.)];
Ubhinnaṃ piḷakā [piḷakā (syā.)] jātā, nāham passāmi illisanti.

Illisajātakam aṭṭhamam.

79. Kharassarajātakam

79. Yato viluttā ca hatā ca gāvo, daḍḍhāni gehāni jano ca nīto;
Athāgamā puttahatāya putto, kharassaram ḍiṇḍimam [deṇḍimam (sī. syā. pī.), ḍiṇḍimam (ka.)]
vādayantoti.

Kharassarajātakam navamam.

80. Bhīmasenajātakam

80. Yaṃ te pavikatthitam pure, atha te pūtisarā sajanti pacchā;
Ubhayaṃ na sameti bhīmasena, yuddhakathā ca idañca te vihaññanti.

Bhīmasenajātakam dasamam.

Varuṇavaggo [varaṇavaggo (sī. pī.)] aṭṭhamo.

Tassuddānaṃ –

Varuṇā akataññūvare tu saccavaraṃ, savanappatinā ca abhitthanaya;
Karuṇāya silāplava illisato, puna ñiṇḍimapūtisarena dasāti.

9. Apāyimhavaggo

81. Surāpānajātakaṃ

81. Apāyimha anaccimha, agāyimha rudimha ca;
Visaññikaraṇiṃ pitvā [pītvā (sī. syā. pī.)], diṭṭhā nāhumha vānarāti.

Surāpānajātakaṃ paṭhamam.

82. Mittavindakajātakaṃ

82. Atikkamma ramaṇakaṃ, sadāmatthañca dūbhakaṃ;
Svāsi pāsānamāsīno, yasmā jīvaṃ na mokkhasīti.

Mittavindakajātakaṃ dutiyam.

83. Kālakaṇṇijātakaṃ

83. Mitto have sattapadena hoti, sahāyo pana dvādasakena hoti;
Māsaḍḍhamāsena ca ñāti hoti, tatuttariṃ attasamopi hoti;
Sohaṃ kathaṃ attasukhassa hetu, cirasanthutaṃ [cirasandhavaṃ (ka.), cirasatthunaṃ (pī.)]
kāḷakaṇṇiṃ jaheyanti.

Kālakaṇṇijātakaṃ tatiyam.

84. Atthassadvārajātakaṃ

84. Ārogyamicche paramaṇca lābhaṃ, sīlaṇca vuddhānumataṃ sutañca;
Dhammānūvattī ca alīnatā ca, atthassa dvārā pamukhā chaḷeteti.

Atthassadvārajātakaṃ catuttham.

85. Kiṃpakkajātakaṃ

85. Āyatiṃ dosaṃ nāññāya, yo kāme paṭisevati;
Vipākante hananti naṃ, kiṃpakkamiva bhakkhanti.

Kiṃpakkajātakaṃ pañcamam.

86. Sīlavīmaṃsakajātakaṃ

86. Sīlaṃ kireva kalyāṇaṃ, sīlaṃ loke anuttaraṃ;
Passa ghoraviso nāgo, sīlavāti na haññatīti.

Sīlavīmaṃsakajātakam chaṭṭham.

87. Maṅgalajātakam

87. Yassa maṅgalā samūhatāse [samūhatā (sī. syā. pī. su. ni. 362)], uppātā [uppādā (pī.)] supinā ca lakkhaṇā ca;
So [sa (sī. pī. ka.)] maṅgaladosavītivatto, yugayogādhigato na jātumetīti.

Maṅgalajātakam sattamaṃ.

88. Sārambhajātakam

88. Kalyāṇimeva muñceyya, na hi muñceyya pāpikam;
Mokkho kalyāṇiyā sādhu, mutvā tappati pāpikanti.

Sārambhajātakam aṭṭhamaṃ.

89. Kuhakajātakam

89. Vācāva kira te āsi, saṅhā sakhilabhāṇino;
Tiṇamatte asajjittho, no ca nikkhasatam haranti.

Kuhakajātakam navamaṃ.

90. Akataññujātakam

90. Yo pubbe katakalyāṇo, katattho nāvabujjhati;
Pacchā kicce samuppanne, kattāram nādhigacchatīti.

Akataññujātakam dasamaṃ.

Apāyimhavaggo navamo.

Tassuddānam –

Apāyimha ca dūbhakam sattapadam, chaḷadvāra ca āyatinā ca puna;
Ahiṣīlava maṅgali pāpikassā, satamnikkha katatthavarena dasāti.

10. Littavaggo

91. Littajātakam

91. Littam paramena tejasā, gilamakkham puriso na bujjhati;
Gila re gila pāpadhuttaka, pacchā te kaṭukam bhavissatīti.

Littajātakam paṭṭhamaṃ.

92. Mahāsārajātakam

92. Ukkaṭṭhe sūramicchanti, mantīsu akutūhalam;

Piyañca annapānamhi, atthe jāte ca paṇḍitanti.

Mahāsārajātakam dutiyaṃ.

93. Visāsabhojanajātakam

93. Na vissase avissatthe, vissatthepe na vissase;
Vissāsā bhayamanveti, sīhaṃva migamātukāti [migamātuyā (ka.)].

Visāsabhojanajātakam tatiyaṃ.

94. Lomaḥṃsajātakam

94. Sotatto sosindo [sosīto (sī. syā. pī.), sosino (ka.)] ceva, eko bhimsanake vane;
Naggo na caggimāsīno, esanāpasuto munīti.

Lomaḥṃsajātakam catutthaṃ.

95. Mahāsudassanajātakam

95. Aniccā vata saṅkhārā, uppādavayadhammino;
Uppajjitvā nirujjhanti, tesam vūpasamo sukhoti.

Mahāsudassanajātakam pañcamaṃ.

96. Telapattajātakam

96. Samatittikam anavasekam, telapattam yathā parihareyya;
Evaṃ sacittamanurakkhe, patthayāno disam agatapubbanti.

Telapattajātakam chaṭṭhaṃ.

97. Nāmasiddhijātakam

97. Jīvakañca matam disvā, dhanapāliñca duggatam;
Panthakañca vane mūlham, pāpako punarāgatoti.

Nāmasiddhijātakam sattamaṃ.

98. Kūṭavāñijajātakam

98. Sādhu kho paṇḍito nāma, na tveva atipaṇḍito;
Atipaṇḍitena puttana, manamhi upakūlitoti [upakūlitoti (sī.), upakuṭṭhitoti (syā.), upakuṭito (ka.)].

Kūṭavāñijajātakam aṭṭhamaṃ.

99. Parosahassajātakam

99. Parosahassampi samāgatānaṃ, kandeyyuaṃ te vassasataṃ apaññā;

Ekova seyyo puriso sapañño, yo bhāsītassa vijānāti atthanti.

Parosahassajātakam navamam.

100. Asātarūpajātakam

100. Asātam sātarūpena, piyarūpena appiyam;
Dukkham sukhasa rūpena, pamattamativattatīti.

Asātarūpajātakam dasamam.

Littavaggo dasamo.

Tassuddānam –

Gilamakkhakatūhala mātukassā, muninā ca aniccata pattavaram;
Dhanapālivo atipaṇḍitako, saparosahassaasātadasāti.

Majjhimo paṇṇāsako.

11. Parosatavaggo

101. Parosatajātakam

101. Parosataṃ cepi samāgatānam, jhāyeyyūṃ te vassasataṃ apaññā;
Ekova seyyo puriso sapañño, yo bhāsītassa vijānāti atthanti.

Parosatajātakam paṭhamam.

102. Paṇṇikajātakam

102. Yo dukkhaphuṭṭhāya bhavēyya tāṇam, so me pitā dubbhi [dūbhi (sī. pī.)] vane karoti;
Sā kassa kandāmi vanassa majjhe, yo tāyitā so sahasam [sahasā (sī. syā. pī.)] karotīti.

Paṇṇikajātakam dutiyam.

103. Verijātakam

103. Yattha verī nivasati [nivasati (sī. ka.)], na vase tattha paṇḍito;
Ekarattam dirattam vā, dukkham vasati verisūti.

Verijātakam tatiyam.

104. Mittavindakajātakam

104. Catubbi aṭṭhajjhagamā, aṭṭhāhipi ca soḷasa;
Soḷasāhi ca bāttiṃsa [battiṃsa (sī. syā. pī.)], atriccham cakkamāsado;
Icchāhatassa posassa, cakkam bhamati matthaketi.

Mittavindakajātakam catuttham.

105. Dubbalakaṭṭhajātakaṃ

105. Bahumpetaṃ vane kaṭṭhaṃ, vāto bhañjati dubbalaṃ;
Tassa ce bhāyasī nāga, kiso nūna bhavissasīti.

Dubbalakaṭṭhajātakaṃ pañcamamaṃ.

106. Udañcanījātakaṃ

106. Sukhaṃ vata maṃ jīvantaṃ [sukhakaṃ vata jīvaṃ (ka.)], pacamānā udañcanī;
Corī jāyappavādena, telaṃ loṇaṅca yācatīti.

Udañcanījātakaṃ chaṭṭhaṃ.

107. Sālittakajātakaṃ

107. Sādhu kho sippakaṃ nāma, api yādisa kīdisaṃ;
Passa khañjappahārena, laddhā gāmā catuddisīti.

Sālittakajātakaṃ sattamaṃ.

108. Bāhiyajātakaṃ

108. Sikkheyya sikkhitabbāni, santi tacchandino [sacchandino (sī. pī.)] janā;
Bāhiyā hi [pi (sī. syā. pī.)] suhannena, rājānamabhirādhayīti.

Bāhiyajātakaṃ aṭṭhamaṃ.

109. Kuṇḍapūvajātakaṃ

109. Yathanno puriso hoti, tathannā tassa devatā;
Āharetāṃ kuṇḍapūvaṃ [kaṇaṃ pūvaṃ (sī. pī.)], mā me bhāgaṃ vināsayāti.

Kuṇḍapūvajātakaṃ navamaṃ.

110. Sabbasaṃhārakapañhajātakaṃ

110. Sabbasaṃhārako [sabbasāhārako (ka.)] natthi, suddhaṃ kaṅgu pavāyati;
Alikāṃ bhāyatiyaṃ dhuttī, saccamāha mahallikāti.

Sabbasaṃhārakapañhajātakaṃ dasamaṃ.

Parosatavaggo ekādasamo.

Tassuddānaṃ –

Saparosata tāyita verī puna, bhamacakkatha nāgasirivhayano;
Sukhakaṅca vata sippaka bāhiyā, kuṇḍapūva mahallikakā ca dasāti.

12. Haṃcivaggo

111. Gadrabhapañhajātakam

111. Haṃci [haṃsi (sī. syā.), hañci (?)] tuvaṃ evamaññasi seyyo, puttana pitāti rājaseṭṭha;
Handassatarassa te ayaṃ, assatarassa hi gadrabho pitāti.

Gadrabhapañhajātakam paṭhamam.

112. Amarādevīpañhajātakam

112. Yena sattubilaṅgā ca, diguṇapalāso ca pupphito;
Yena dadāmi [yena' dāmi (sī. syā.)] tena vadāmi, yena na dadāmi [yena nā' dāmi (sī. syā.)] na
tena vadāmi;
Esa maggo yavamajjhakassa, etaṃ channapathaṃ vijānāhīti.

Amarādevīpañhajātakam dutiyam.

113. Siṅgārajātakam

113. Saddahāsi siṅgālassa [siṅgālassa (sī. syā. pī.)], surāpītassa brāhmaṇa;
Sippikānaṃ satam natthi, kuto kaṃsasatā duveti.

Siṅgārajātakam tatiyam.

114. Mitacintijātakam

114. Bahucintī appacintī, ubho jāle abajjhare;
Mitacintī pamocesī, ubho tattha samāgatāti.

Mitacintijātakam catuttham.

115. Anusāsikajātakam

115. Yāyañña [yāyaññe (ka.)] manusāsati, sayam loluppacārīnī;
Sāyaṃ vipakkhikā seti, hatā cakkena sāsikāti [sālīkāti (sī. syā. pī.)].

Anusāsikajātakam pañcamam.

116. Dubbacajātakam

116. Atikaramakarācariya, mayhampetaṃ na ruccati;
Catutthe laṅghayitvāna, pañcamāyasi āvutoti.

Dubbacajātakam chaṭṭham.

117. Tittirajātakam

117. Accuggatātilapatā [atibalatā (sī. syā. pī.), atilapakā (katthaci)], ativelaṃ pabhāsītā;
Vācā hanati dummedham, tittiraṃvātivassitanti.

Tittirajātakam sattamam.

118. Vaṭṭakajātakam

118. Nācintayanto puriso, visesamadhigacchati;
Cintitassa phalaṃ passa, muttosmī vadhabandhanāti.

Vaṭṭakajātakam aṭṭhamam.

119. Akālarāvijātakam

119. Amātāpitarasamvaddho [pitari (sī. pī.), pitu (syā.)], anācerakule vasaṃ;
Nāyaṃ kālaṃ akālaṃ vā, abhijānāti kukkuṭoti.

Akālarāvijātakam navamam.

120. Bandhanamokkhajātakam

120. Abaddhā tattha bajjhanti, yattha bālā pabhāsare;
Baddhāpi tattha muccanti, yattha dhīrā pabhāsareti.

Bandhanamokkhajātakam dasamam.

Haṃcivaggo [haṃsivaggo (sī. syā.)] dvādasamo.

Tassuddānaṃ –

Atha gadrabha sattuva kaṃsasataṃ, bahucinti sāsikāyātikara;
Ativela visesamanācariyova, dhīrāpabhāsaratena dasāti.

13. Kusanālivaggo

121. Kusanālijātakam

121. Kare sarikkho atha vāpi seṭṭho, nihīnako vāpi kareyya eko;
Kareyyumete [kareyyum te (sī. pī.)] byasane uttamatthaṃ, yathā ahaṃ kusanāli rucāyanti.

Kusanālijātakam paṭhamam.

122. Dummedhajātakam

122. Yasam laddhāna dummedho, anatthaṃ carati attano;
Attano ca paresaṇca, hiṃsāya paṭipajjatīti.

Dummedhajātakam dutiyam.

123. Naṅgalīsajātakam

123. Asabbatthagāmiṃ vācaṃ, bālo sabbattha bhāsati;
Nāyaṃ dadhiṃ vedī na [na vedī (ka.)] naṅgalīsaṃ, dadhippayam [dadhimpayam (sī. pī.)]
maññati naṅgalīsanti.

Naṅgalīsajātakaṃ tatiyaṃ.

124. Ambajātakam

124. Vāyametheva puriso, na nibbindeyya paṇḍito;
Vāyāmassa phalaṃ passa, bhuttā ambā anītihanti.

Ambajātakam catuttham.

125. Kaṭāhakajātakam

125. Bahumpi so vikattheyya, aññaṃ janapadaṃ gato;
Anvāgantvāna dūseyya, bhuñja bhoge kaṭāhakāti.

Kaṭāhakajātakam pañcamaṃ.

126. Asilakkhaṇajātakam

126. Tadevekassa [tathevekassa (sī. syā. pī. aṭṭha. mūlapāṭho)] kalyāṇam, tadevekassa pāpakaṃ;
Tasmā sabbam na kalyāṇam, sabbam vāpi na pāpakanti.

Asilakkhaṇajātakam chaṭṭham.

127. Kalaṇḍukajātakam

127. Te desā tāni vatthūni, ahañca vanagocarō;
Anuvicca kho taṃ gaṇheyyuṃ, piva [pipa (sī. pī.)] khīraṃ kalaṇḍukāti.

Kalaṇḍukajātakam sattamaṃ.

128. Biḷāravatajātakam

128. Yo ve dhammaṃ dhajaṃ [dhammadhajaṃ (syā. pī. ka.)] katvā, nigūlho pāpamācare;
Vissāsaitvā bhūtāni, biḷāraṃ nāma taṃ vatanti.

Biḷāravatajātakam aṭṭhamam.

129. Aggikabhāradvājajātakam

129. Nāyaṃ sikhā puññahetu, ghāsahetu ayaṃ sikhā;
Nānguṭṭhagaṇanaṃ yāti, alaṃ te hotu aggikāti.

Aggikabhāradvājajātakam navamaṃ.

130. Kosiyajātakam

130. Yathā vācā ca bhuñjassu, yathā bhuttañca byāhara;
Ubhayaṃ te na sameti, vācā bhuttañca kosiyeti.

Kosiyajātakam dasamaṃ.

Kusanāḷivaggo [sarikkhavaggo (ka.)] terasamo.

Tassuddānaṃ –

Kusanāḷisirivhayano ca yasaṃ, dadhi mamba kaṭāhakapañcamako;
Atha pāpaka khīra biḷāravataṃ, sikhi kosiyasavhayanena dasāti.

14. Asampadānavaggo

131. Asampadānajātakam

131. Asampadānenitarītarassa, bālassa mittāni kalī bhavanti;
Tasmā harāmi bhusaṃ aḍḍhamānaṃ, mā me mitti jīyittha sassatāyanti.

Asampadānajātakam paṭhamam.

132. Bhīrukajātakam

132. Kusalūpadese dhitiyā dalhāya ca, anivattitattābhayabhīrutāya [avattitattābhayabhīrutāya (sī. syā. pī.)] ca;
Na rakkhasīnaṃ vasamāgamimhase, sa sotthibhāvo mahatā bhayena meti.

Bhīruka [pañcagaruka (sī. pī.), pañcabhīruka (syā.), abhayabhīrutaḥ(?)] jātakam dutiyam.

133. Ghatāsanajātakam

133. Khemaṃ yaḥim tattha arī udīrito [ari uddharito (ka.)], dakassa majjhe jalate ghatāsano;
Na ajja vāso mahiyā mahīruhe, disā bhajavho saraṇājja no bhayanti.

Ghatāsanajātakam tatiyam.

134. Jhānasodhanajātakam

134. Ye saññino tepi duggatā, yepi asaññino tepi duggatā;
Etaṃ ubhayaṃ vivajjaya, taṃ samāpattisukhaṃ anaṅgaṇanti.

Jhānasodhanajātakam catuttham.

135. Candābhajātakam

135. Candābhaṃ sūriyābhañca, yodha paññāya gādhati.
Avitakkena jhānena, hoti ābhassarūpagoti.

Candābhajātakam pañcamam.

136. Suvaṇṇahaṃsajātakam

136. Yaṃ laddhaṃ tena tuṭṭhabbaṃ, atilobho hi pāpako;
Haṃsarājam gahetvāna, suvaṇṇā parihāyathāti.

Suvaṇṇahaṃsajātakam chaṭṭham.

137. Babbujātakam

137. Yattheko labhate babbu, dutiyo tattha jāyati;
Tatiyo ca catuttho ca, idaṃ te babbukā bilanti.

Babbujātakam sattamaṃ.

138. Godhajātakam

138. Kiṃ te jaṭāhi dummedha, kiṃ te ajinasāṭiyā;
Abbhantaram te gahanam, bāhiram parimajjasīti.

Godhajātakam aṭṭhamam.

139. Ubhatobhaṭṭhajātakam

139. Akkhī bhinnā paṭo naṭṭho, sakhigehe ca bhaṇḍanam;
Ubhato paduṭṭhā kammantā [paduṭṭhakammanto (sī.), paduṭṭho kammanto (pī.)], udakamhi
thalamhi cāti.

Ubhatobhaṭṭhajātakam navamaṃ.

140. Kākajātakam

140. Niccam ubbiggahadayā, sabbalokavihesakā;
Tasmā nesam vasā natthi, kākānamhāka [kākānasmāka (sī. syā. pī.)] nātinanti.

Kākajātakam dasamaṃ.

Asampadānavaggo cuddasamo.

Tassuddānam –

Itarītara rakkhasi khemiyo ca, parosatapañhena ābhassaro puna;
Atha haṃsavaruttamababbujaṭam, paṭanaṭṭhaka kākavarena dasāti.

15. Kakaṇṭakavaggo

141. Godhajātakam

141. Na pāpajanasamsevī, accantasukhamedhati;
Godhākulam [godhakkulam (ka.)] kakaṇṭāva [kakaṇṭakā (ka.)], kalim pāpeti attananti.

Godhajātakam paṭhamam.

142. Siṅgārajātakam

142. Etañhi te durājānam, yaṃ sesi matasāyikam;

Yassa te kaḍḍhamānassa, hatthā daṇḍo na muccatīti.

Siṅgārajātakam dutiyaṃ.

143. Virocajātakam

143. Lasī ca te nipphalitā, matthako ca padālito [vidālito (sī. pī.)];
Sabbā te phāsukā bhaggā, ajja kho tvaṃ virocasīti.

Virocajātakam tatiyaṃ.

144. Naṅguṭṭhajātakam

144. Bahumpetaṃ asabbhi [bahupetamasabbhi (ka.)] jātaveda, yaṃ taṃ vāladhinābhipūjayāma;
Maṃsārahassa natthajja maṃsaṃ, naṅguṭṭhampi bhavaṃ paṭiggahātīti.

Naṅguṭṭhajātakam catutthaṃ.

145. Rādhajātakam

145. Na tvaṃ rādha vijānāsi, aḍḍharatte anāgate;
Abyayataṃ [abyāyataṃ (sī. syā. pī.), abyattataṃ (?)] vilapasi, virattā kosiyāyaneti.

Rādhajātakam pañcamaṃ.

146. Samuddakākajātakam

146. Api nu hanukā santā, mukhañca parisussati;
Oramāma na pārema, pūrateva mahodadhīti.

Samuddakākajātakam chaṭṭhaṃ.

147. Puppharattajātakam

147. Nayidaṃ dukkhaṃ aduṃ dukkhaṃ, yaṃ maṃ tudati vāyaso;
Yaṃ sāmā puppharattena, kattikaṃ nānubhossatīti.

Puppharattajātakam sattamaṃ.

148. Siṅgārajātakam

148. Nāhaṃ punaṃ na ca punaṃ, na cāpi apunappunaṃ;
Hatthibondiṃ pavekkhāmi, tathā hi bhayatajjitoti.

Siṅgārajātakam aṭṭhamaṃ.

149. Ekapaṇṇajātakam

149. Ekapaṇṇo ayaṃ rukkho, na bhūmyā caturaṅgulo;
Phalena visakappena, mahāyaṃ kiṃ bhavissatīti.

Ekapaṇṇajātakam navamam.

150. Sañjīvajātakam

150. Asantaṃ yo paggaṇhāti, asantaṃ cūpasevati;
Tameva ghāsaṃ kurute, byaggho sañjīvako yathāti.

Sañjīvajātakam dasamam.

Kakaṇṭaka [pāpasevana (ka.)] vaggo pannarasamo.

Tassuddānam –

Sukhamedhati daṇḍavaro ca puna, lasi vāladhi pañcamarādhavaro;
Samahodadhi kattika bondi puna, caturaṅgulabyagghavarena dasāti.

(Uparimo paṇṇāsako.) [() sīhaḷapotthakeyeva dissati]

Atha vagguddānam –

Apaṇṇakam sīlavaggakuruṅga, kulāvakam atthakāmena pañcamam;
Āsīso itthivarunaṃ apāyi, littavaggena te dasa;
Parosataṃ haṃci kusanāḷi [haṃsi sarikkham (sabbattha)], asampadam kakaṇṭakavaggo.

Ekanipātamhilākatanti.

Ekakanipātam niṭṭhitam.

2. Dukanipāto

1. Daḷhavaggo

151. Rājovādajātakam (2-1-1)

1. Daḷham daḷhassa khipati, balliko [malliko (sī. pī.)] mudunā mudum;
Sādhumpi sādhunā jeti, asādhumpi asādhunā;
Etādiso ayam rājā, maggā uyyāhi sārathi.
2. Akkodhena jine kodham, asādhum sādhunā jine;
Jine kadariyam dānena, saccenālikavādīnam;
Etādiso ayam rājā, maggā uyyāhi sārathīti.

Rājovādajātakam paṭhamam.

152. Asamekkhitakammantam, turitābhiniṭṭhitam.

Sāni kammāni tappenti, uṇhamvajjhohitam mukhe.

4. Sīho ca sīhanādena, daddaram abhinādayi;
Sutvā sīhassa nigghosaṃ, siṅgālo [siṅgālo (sī. syā. pī.)] daddare vasam;

Bhīto santāsamāpādi, hadayañcassa apphalīti.

Siṅgārajātakam [sigārajātakam (sī. syā. pī.)] dutiyaṃ.

153. Sūkarajātakam (2-1-3)

5. Catuppado ahaṃ samma, tvampi samma catuppado;
Ehi samma [sīha (sī. pī.)] nivattassu, kiṃ nu bhīto palāyasi.
6. Asuci pūtilomosi, duggandho vāsi sūkara;
Sace yujjhitukāmosi, jayaṃ samma dadāmi teti.

Sūkarajātakam tatiyaṃ.

154. Uragejātaka (2-1-4)

7. Idhūragānaṃ pavaro pavitṭho, selassa vaṇṇena pamokkhamicchaṃ;
Brahmañca vaṇṇaṃ [vakkam (ka.)] apacāyamāno, bubhukkhito no vitarāmi [visahāmi (ka. si. syā. pī.)] bhottuṃ.
8. So brahmagutto cirameva jīva, dibyā ca te pātubhavantu bhakkhā;
Yo brahmavaṇṇaṃ apacāyamāno, bubhukkhito no vitarāsi [sabbatthapi samānaṃ] bhottunti.

Uragejātakaṃ catutthaṃ.

155. Bhaggajātakaṃ (2-1-5)

9. Jīva vassasataṃ bhagga [gagga (sī. pī.)], aparāni ca vīsatiṃ [vīsati (syā. ka.)];
Mā maṃ pisācā khādantu, jīva tvaṃ sarado satam.
10. Tvampi vassasataṃ jīva, aparāni ca vīsatiṃ;
Viṣaṃ pisācā khādantu, jīva tvaṃ sarado satanti.

Bhaggajātakaṃ pañcamaṃ.

156. Alīnacittajātakaṃ (2-1-6)

11. Alīnacittaṃ nissāya, pahaṭṭhā mahatī camū;
Kosalaṃ senāsantuṭṭhaṃ, jīvaggāhaṃ agāhayi.
12. Evaṃ nissayasampanno, bhikkhu āradhaviṇṇo;
Bhāvayaṃ kusalaṃ dhammaṃ, yogakkhemassa pattiyā;
Pāpuṇe anupubbena, sabbasaṃyojanakkhayanti.

Alīnacittajātakaṃ chaṭṭhaṃ.

157. Guṇajātakaṃ (2-1-7)

13. Yena kāmaṃ paṇāmeti, dhammo balavataṃ migī;
Unnadantī vijānāhi, jātaṃ saraṇato bhayaṃ.

14. Api cepi dubbalo mitto, mittadhammesu tiṭṭhati;
So ñātako ca bandhu ca, so mitto so ca me sakhā;
Dāṭhini mātimaññittho [maññivo (syā.), maññavho (ka.)], siṅgālo mama pāṇadoti.

Guṇajātakaṃ sattamaṃ.

158. Suhanujātakaṃ (2-1-8)

15. Nayidaṃ visamasīlena, soṇena suhanū saha;
Suhanūpi tādisoyeva, yo soṇassa sagocarō.
16. Pakkhandinā pagabbhena, niccaṃ sandānakhādīnā;
Sameti pāpaṃ pāpena, sameti asatā asanti.

Suhanujātakaṃ aṭṭhamaṃ.

159. Morajātakaṃ (2-1-9)

17. Udetayaṃ cakkhumā ekarājā, harissavaṇṇo pathavippabhāso [paṭhavippabhāso (sī. syā. pī.)];
Taṃ taṃ namassāmi harissavaṇṇaṃ pathavippabhāsaṃ, tayājja guttā viharemu divasaṃ.

Ye brāhmaṇā vedagū sabbadhamme, te me namo te ca maṃ pālayantu;
Namatthu buddhānaṃ [buddhāna (?)] namatthu bodhiyā, namo vimuttānaṃ [vimuttāna (?)]
namo vimuttiyā;
Imaṃ so parittaṃ katvā, moro carati esanā.

18. Apetayaṃ cakkhumā ekarājā, harissavaṇṇo pathavippabhāso;
Taṃ taṃ namassāmi harissavaṇṇaṃ pathavippabhāsaṃ, tayājja guttā viharemu rattiṃ.

Ye brāhmaṇā vedagū sabbadhamme, te me namo te ca maṃ pālayantu;
Namatthu buddhānaṃ namatthu bodhiyā, namo vimuttānaṃ namo vimuttiyā;
Imaṃ so parittaṃ katvā, moro vāsamakappayīti.

Morajātakaṃ navamaṃ.

160. Vinīlajātakaṃ (2-1-10)

19. Evameva nūna [nu (ka.)] rājānaṃ, vedehaṃ mithilaggahaṃ;
Assā vahanti ājaññā, yathā haṃsā vinīlakaṃ.
20. Vinīla duggaṃ bhajasi, abhūmiṃ tāta sevasi;
Gāmantaḱāni [gāmantikāni (sī.), gāmantarāni (ka.)] sevassu, etaṃ mātālayaṃ tavāti.

Vinīlajātakaṃ dasamaṃ.

Daḷhavaggo paṭhamaṃ.

Tassuddānaṃ –

Varaballika daddara sūkarako, uragūttama pañcamabhaggavaro;
Mahatīcamu yāva siṅgālavaro, suhanuttama mora vinīlaṃ dasāti.

2. Santhavavaggo

161. Indasamānagottajātakaṃ (2-2-1)

21. Na santhavaṃ [sandhavaṃ (ka.)] kāpurisena kayirā, ariyo anariyena pajānamattham; Cirānūvutthopi karoti pāpaṃ, gajo yathā indasamānagottaṃ.
22. Yaṃ tveva jaññā sadiso mamanti, sīlena paññāya sutena cāpi; Teneva mettiṃ kayirātha saddhiṃ, sukho have sappurisena saṅgamoti.

Indasamānagottajātakaṃ paṭhamam.

162. Santhavajātakaṃ (2-2-2)

23. Na santhavasmā paramatthi pāpiyo, yo santhavo [sandhavo (ka.)] kāpurisena hoti; Santappito sappinā pāyasena [pāyāsena (ka.)], kicchākataṃ paṇṇakuṭṭiṃ adayhi [adaḍḍhahi (sī. syā.), adaṭṭhahi (pī.), adaddahi (?)].
24. Na santhavasmā paramatthi seyyo, yo santhavo sappurisena hoti; Sīhassa byagghassa ca dīpino ca, sāmā mukhaṃ lehati santhavenāti.

Santhavajātakaṃ dutiyam.

163. Susīmajātakaṃ (2-2-3)

25. Kālā migā setadantā tavīme [tava ime (sī. syā. pī.)], parosataṃ hemajālābhichannā [hemajālābhisañchannā (sī.)]; Te te dadāmīti susīma brūsi, anussaraṃ pettipitāmahānaṃ.
26. Kālā migā setadantā mamīme [mama ime (sī. pī.)], parosataṃ hemajālābhicchannā; Te te dadāmīti vadāmi māṇava, anussaraṃ pettipitāmahānanti.

Susīmajātakaṃ tatiyam.

164. Gijjhajātakaṃ (2-2-4)

27. Yaṃ nu gijjho yojanasataṃ, kuṇapāni avekkhati; Kasmā jālañca pāsañca, āsajjāpi na bujjhasi.
28. Yadā parābhavo hoti, poso jīvitasāṅkhaye; Atha jālañca pāsañca, āsajjāpi na bujjhatīti.

Gijjhajātakaṃ catuttham.

165. Nakulajātakaṃ (2-2-5)

29. Sandhiṃ katvā amittena, aṇḍajena jalābuja; Vivariya dāṭhaṃ sesi [sayasi (sī. syā. pī.)], kuto te bhayamāgataṃ.
30. Saṅketheva [saṅkateva (ka.)] amittasmim, mittasmimpi na vissase; Abhayā bhayamuppannaṃ, api mūlāni kantatīti [mūlaṃ nikantatīti (sī.)].

Nakulajātakam pañcamam.

166. Upasālakajātakam (2-2-6)

31. Upasāḷakanāmāni [[upasāḷhakanāmānam](#) (sī. syā. pī.)], saḥassāni catuddasa;
Asmiṃ padese daḍḍhāni, natthi loke anāmatam.
32. Yamhi saccañca dhammo ca, ahiṃsā saṃyamo damo;
Etaṃ ariyā sevanti, etaṃ loke anāmatanti.

Upasālakajātakam chaṭṭham.

167. Samiddhijātakam (2-2-7)

33. Abhutvā bhikkhasi bhikkhu, na hi bhutvāna bhikkhasi;
Bhutvāna bhikkhu bhikkhassu, mā taṃ kālo upaccagā.
34. Kālam vohaṃ na jānāmi, channo kālo na dissati;
Tasmā abhutvā bhikkhāmi, mā maṃ kālo upaccagāti.

Samiddhijātakam sattamam.

168. Sakuṇagghijātakam (2-2-8)

35. Seno balasā patamāno, lāpaṃ gocaraṭṭhāyinaṃ;
Sahasā ajjhappattova, maraṇaṃ tenupāgami.
36. Sohaṃ nayena sampanno, pettike gocare rato;
Apetasattu modāmi, sampassaṃ atthamattanoti.

Sakuṇagghijātakam aṭṭhamam.

169. Arakajātakam (2-2-9)

37. Yo ve mettena cittena, sabbalokānukampati;
Uddhaṃ adho ca tiriyaṃ, appamāṇena sabbaso.
38. Appamāṇaṃ hitaṃ cittaṃ, paripuṇṇaṃ subhāvitam;
Yaṃ pamāṇakataṃ kammaṃ, na taṃ tatrāvasissatīti.

Arakajātakam navamam.

170. Kakaṇṭakajātakam (2-2-10)

39. Nāyaṃ pure uṇṇamati [[unnamati](#) (syā.)], toraṇagge kakaṇṭako;
Mahosadha vijānāhi, kena thaddho kakaṇṭako.
40. Aladdhapubbaṃ laddhāna, aḍḍhamāsaṃ kakaṇṭako;
Atimaññati rājānaṃ, vedehaṃ mithilaggahanti.

Kakaṇṭakajātakam dasamam.

Santhavavaggo dutiyo.

Tassuddānaṃ –

Atha indasamāna sapaṇṇakuṭi, susimuttama gijjha jalābujako;
Upasāḷaka bhikkhu salāpavaro, atha mettavaro dasapuṇṇamatīti.

3. Kalyāṇavaggo

171. Kalyāṇadhammajātakam (2-3-1)

41. Kalyāṇadhammoti yadā janinda, loke samaññaṃ anupāpuṇāti;
Tasmā na hiyyetha [hīyetha (sī.)] naro sapañño, hiriyāpi santo dhuramādiyanti.
42. Sāyaṃ samañña idha majja pattā, kalyāṇadhammoti janinda loke;
Tāhaṃ samekkhaṃ idha pabbajissaṃ, na hi matthi chando idha kāmabhogeti.

Kalyāṇadhammajātakam paṭhamam.

172. Daddarajātakam (2-3-2)

43. Ko nu saddena mahatā, abhinādeti daddaram;
Taṃ sīhā nappaṭinadanti [kiṃ sīhā nappaṭinadanti (sī. pī.), na sīhā paṭinadanti (ka.)], ko
nāmeso migādhibhū.
44. Adhamo migajātānaṃ, siṅgālo tāta vassati;
Jātimassa jigucchantā, tuṅhī sīhā samacchareti.

Daddarajātakam dutiyam.

173. Makkaṭajātakam (2-3-3)

45. Tāta māṇavako eso, tālamūlaṃ apassito;
Agārakañcidaṃ atthi, handa demassagārakam.
46. Mā kho tvaṃ tāta pakkosi, dūseyya no agārakam;
Netādisaṃ mukhaṃ hoti, brāhmaṇassa susīlinoti.

Makkaṭajātakam tatiyam.

174. Dubbhiyamakkaṭajātakam (2-3-4)

47. Adamha te vāri pahūtarūpaṃ, ghammābhitattassa pipāsitassa;
So dāni pitvāna [pītvāna (sī. pī.)] kirīkarosi [kikiṃkarosi (sī. syā. pī.)], asaṅgamo pāpajanena
seyyo.
48. Ko te suto vā diṭṭho vā, sīlavā nāma makkaṭo;
Idāni kho taṃ ohacchaṃ [ūhacca (sī. pī.), ohaccaṃ (syā.), uhajjaṃ (ka.)], esā asmāka
dhammatāti.

Dubbhiyamakkaṭajātakam catuttham.

175. Ādiccupaṭṭhānājātakam (2-3-5)

49. Sabbesu kira bhūtesu, santi sīlasamāhitā;
Passa sākhamigaṃ jammaṃ, ādiccamupatiṭṭhati.
50. Nāssa sīlaṃ vijānātha, anaññāya pasamsatha;
Aggihuttañca uhanam [ūhantam (sī.), ūhanam (syā.), ūhanti (pī.), uhadam (ka.)], dve ca
bhinnā kamaṇḍalūti.

Ādiccupaṭṭhānājātakam pañcamam.

176. Kaḷāyamuṭṭhijātakam (2-3-6)

51. Bālo vatāyaṃ dumasākhagocarō, paññā janinda nayimassa vijjati;
Kaḷāyamuṭṭhiṃ [kaḷāyamuṭṭhiṃ (sī. pī.)] avakiriya kevalam, ekam kaḷāyaṃ patitam gavesati.
52. Evameva mayaṃ rāja, ye caññe atilobhino;
Appena bahum jiyyāma, kaḷāyeneva vānaroti.

Kaḷāyamuṭṭhijātakam chaṭṭham.

177. Tindukajātakam (2-3-7)

53. Dhanuhatthakalāpehi, nettiṃ savaradhāribhi;
Samantā parikiṇṇamha, katham mokkho bhavissati.
54. Appeva bahukiccānam, attho jāyetha koci nam;
Atthi rukkhassa acchinnam, khajjathaññeva tindukanti.

Tindukajātakam sattamam.

178. Kacchapajātakam (2-3-8)

55. Janittam me bhavittam me, iti pañke avassayim;
Tam mam pañko ajjhabhavi, yathā dubbalakam tathā;

Tam tam vadāmi bhaggava, suṇohi vacanam mama.
56. Gāme vā yadi vā raññe, sukham yatrādhigacchati;
Tam janittam bhavittañca, purisassa pajānato;

Yamhi jīve tamhi gacche, na nicketahato siyāti.

Kacchapajātakam aṭṭhamam.

179. Satadhammajātakam (2-3-9)

57. Tañca appañca ucchiṭṭham, tañca kicchena no adā;
Soham brāhmaṇajātiko, yaṃ bhuttam tampi uggatam.
58. Evaṃ dhammam niraṃkatvā [nirākatvā (?) ni + ā + kara + tvā], yo adhammena jīvati;

Satadhammova lābhena, laddhenapi na nandatīti.

Satadhammajātakam navamaṃ.

180. Duddadajātakam (2-3-10)

59. Duddadam dadamānānaṃ, dukkaram kamma kubbatam;
Asanto nānukubbanti, satam dhammo durannayo.
60. Tasmā sataṅca asatam, nānā hoti ito gati;
Asanto nirayam yanti, santo saggaparāyaṇāti [parāyanā (syā. ka.)].

Duddadajātakam dasamaṃ.

Kalyāṇavaggo tatiyo.

Tassuddānaṃ –

Susamaññamigādhibhū māṇavako, vāripahūtarūpādiccupaṭṭhānā;
Sakaḷāyasatindukapaṅka puna, satadhamma sududdadakena dasāti.

4. Asadisavaggo

181. Asadisajātakam (2-4-1)

61. Dhanuggaho asadiso, rājaputto mahabbalo;
Dūrepātī akkhaṇavedhī, mahākāyappadālano.
62. Sabbāmitte raṇam katvā, na ca kañci viheṭṭhayi;
Bhātaram sotthiṃ katvāna, saṃyamaṃ ajjhupāgamīti.

Asadisajātakam paṭhamam.

182. Saṅgāmāvacarajātakam (2-4-2)

63. Saṅgāmāvacaro sūro, balavā iti vissuto;
Kiṃ nu toraṇamāsajja, paṭikkamasi kuñjara.
64. Omadda khippam paligham, esikāni ca abbaha [ubbaha (syā.), abbhuha (ka.)];
Toraṇāni ca madditvā, khippam pavisa kuñjarāti.

Saṅgāmāvacarajātakam dutiyam.

183. Vālodakajātakam (2-4-3)

65. Vālodakam apparasaṃ nihīnaṃ, pitvā [pītvā (sī. pī.)] mado jāyati gadrabhānaṃ;
Imaṅca pitvāna rasaṃ paṇītam, mado na sañjāyati sindhavānaṃ.
66. Appam pivitvāna nihīnajacco, so majjati tena janinda puṭṭho [phuṭṭho (sī. syā.), muṭṭho (ka.)];
Dhorayhasilī ca kulamhi jāto, na majjati aggarasaṃ pivitvāti.

Vālodakajātakam tatiyam.

184. Giridattajātakam (2-4-4)

67. Dūsito giridattena [giridantena (pī.)], hayo sāmassa paṇḍavo;
Porāṇam pakatiṃ hitvā, tasevānuvidhiyyati [nuvidhīyati (sī. pī.)].
68. Sace ca tanujo poso, sikharākāra [singārākāra (syā.)] kappito;
Ānane naṃ [taṃ (sī. syā. pī.)] gahetvāna, maṇḍale parivattaye;
Khippameva pahantvāna, tasevānuvidhiyyatīti.

Giridattajātakam catuttham.

185. Anabhiratijātakam (2-4-5)

69. Yathodake āvile appasanne, na passati sippikasambukañca;
Sakkharam vālukam macchagumbam, evaṃ āvilamhi [āvile hi (sī.)] citte;
Na passati attadattham parattham.
70. Yathodake acche vippasanne, so passati sippikasambukañca;
Sakkharam vālukam macchagumbam, evaṃ anāvilamhi citte;
So passati attadattham paratthanti.

Anabhiratijātakam pañcamam.

186. Dadhivāhanajātakam (2-4-6)

71. Vaṇṇagandharasūpeto, amboyam ahuvā pure;
Tameva pūjam labhamāno, kenambo kaṭukapphalo.
72. Pucimandaparivāro, ambo te dadhivāhana;
Mūlam mūlena saṃsaṭṭham, sākhā sākhā [sākhām (syā. ka.)] nisevare [nivīsare (ka.)];
Asātasannivāsena, tenambo kaṭukapphaloti.

Dadhivāhanajātakam chaṭṭham.

187. Catumaṭṭhajātakam (2-4-7)

73. Ucce viṭabhimāruyha, mantayavho rahogatā;
Nīce oruyha mantavho, migarājāpi sossati.
74. Yam suvaṇṇo suvaṇṇena [yam supaṇṇo supaṇṇena (sī. syā. pī.)], devo devena mantaye;
Kiṃ tettha catumaṭṭhassa, bilaṃ pavisa jambukāti.

Catumaṭṭhajātakam sattamam.

188. Sihakotthujātakam (2-4-8)

75. Sīhaṅgulī sīhanakho, sīhapādapatiṭṭhito;
So sīho sīhasaṅghamhi, eko nadati aññathā.
76. Mā tvaṃ nadi rājaputta, appasaddo vane vasa;
Sarena kho [mā (ka.)] taṃ jāneyyuṃ, na hi te pettiko saroti.

Sīhakotthujātakam aṭṭhamam.

189. Sīhacammajātakam (2-4-9)

77. Netam sīhassa naditam, na byagghassa na [byagghassa na ca (ka.)] dīpino;
Pāruto sīhacammena, jammo nadati gadrabho.
78. Cirampi kho taṃ khādeyya, gadrabho haritam yavam;
Pāruto sīhacammena, ravamānova dūsayīti.

Sīhacammajātakam navamam.

190. Sīlānisamsajātakam (2-4-10)

79. Passa saddhāya sīlassa, cāgassa ca ayam phalam;
Nāgo nāvāya vaṇṇena, saddham vahatupāsakam.
80. Sabbhireva samāsetha, sabbhi kubbetha santhavam;
Satañhi sannivāsena, sotthim gacchati nhāpitoti.

Sīlānisamsajātakam dasamam.

Asadisavaggo catuttho.

Tassuddānam –

Dhanuggaha kuṅjara apparaso, giridattamanāvilacittavaram;
Dadhivāhana jambūka sīhanakho, haritayava nāgavarena dasāti.

5. Ruhakavaggo

191. Ruhakajātakam (2-5-1)

81. Api [ambho (syā. ka. sī.)] ruhaka chinnāpi, jiyā sandhīyate puna;
Sandhīyassu purāṇiyā, mā kodhassa vasaṃ gami.
82. Vijjamānesu vākesu [vijjamānāsu maruvāsu (sī.), vijjamānāsu marūdvāsu (pī.)], vijjamānesu
kārisu;
Aññam jiyam karissāmi, alaṅṅeva purāṇiyāti.

Ruhakajātakam paṭṭhamam.

192. Sirikāḷakaṇṇijātakam (2-5-2)

83. Itthī siyā rūpavatī, sā ca sīlavatī siyā;

Puriso taṃ na iccheyya, saddahāsi mahosadha.

84. Saddahāmi mahārāja, puriso dubbhago siyā;
Sirī ca kālakaṇṇī ca, na samenti kudācananti.

Sirikālakaṇṇijātakaṃ dutiyaṃ.

193. Cūlapadumajātakaṃ (2-5-3)

85. Ayameva sā ahamapi [ahampi (sī. syā. pī.), ahamsi (ka.)] so anañño, ayameva so
hatthacchinno anañño;
Yamāha ‘‘komārapatī mama’’nti, vajjhitthiyo natthi itthīsu saccaṃ.
86. Imañca jammaṃ musalena hantvā, luddaṃ chavaṃ paradārūpaseviṃ;
Imissā ca naṃ pāpapatibbatāya, jīvantiyā chindatha kaṇṇanāsanti.

Cūlapadumajātakaṃ tatiyaṃ.

194. Mañicorajātakaṃ (2-5-4)

87. Na santi devā pavasanti nūna, na hi nūna santi idha lokapālā;
Sahasā karontānamasaññātānaṃ, na hi nūna santī paṭisedhitāro.
88. Akāle vassatī tassa, kāle tassa na vassati;
Saggā ca cavati ṭhānā, nanu so tāvatā hatoti.

Mañicorajātakaṃ catutthaṃ.

195. Pabbatūpattharajātakaṃ (2-5-5)

89. Pabbatūpatthare [pabbatapatthare (sī. syā. pī.)] ramme, jātā pokkharāṇī sivā;
Taṃ siṅgālo apāpāyi [apāpāsi (sī. syā. pī.)], jānaṃ sīhena rakkhitaṃ.
90. Pivanti ce [pivanti ve (sī.), pivantiva (pī.), pivanteva (?)] mahārāja, sāpadāni mahānadiṃ;
Na tena anadī hoti, khamassu yadi te piyāti.

Pabbatūpatthara [pabbatapatthara (sī. syā. pī.)] jātakaṃ pañcamaṃ.

196. Valāhakassajātakaṃ (2-5-6)

91. Ye na kāhanti ovādaṃ, narā buddhena desitaṃ;
Byasanaṃ te gamissanti, rakkhasīhiva vāñijā.
92. Ye ca kāhanti ovādaṃ, narā buddhena desitaṃ;
Sothhiṃ pāraṃ gamissanti, valāheneva [vālāheneva (sī. pī.)] vāñijāti.

Valāhakassa [vālāhassa (sī. pī.)] jātakaṃ chaṭṭhaṃ.

197. Mittāmittajātakaṃ (2-5-7)

93. Na naṃ umhayate disvā, na ca naṃ paṭinandati;

Cakkhūni cassa na dadāti, paṭilomañca vattati.

94. Ete bhavanti ākārā, amittasmiṃ patiṭṭhitā;
Yehi amittaṃ jāneyya, disvā sutvā ca paṇḍitoti.

Mittāmittajātakaṃ sattamaṃ.

198. Rādhajātakaṃ (2-5-8)

95. Pavāsā āgato tāta, idāni nacirāgato;
Kaccinnu tāta te mātā, na aññamupasevati.
96. Na kho panetaṃ subhaṇaṃ, giraṃ saccupasaṃhitam;
Sayetha poṭṭhapādova, mummure [mummure (syā.), maṃ pure (ka.) mummurasaddo
thusaggimhi kukkuḷe ca vattatīti sakkatābhidhānesu] upakūthitoti [upakūsitoti (sī. syā. pī.),
upakūlito (ka.)].

Rādhajātakaṃ aṭṭhamaṃ.

199. Gahapatijātakaṃ (2-5-9)

97. Ubhayaṃ me na khamati, ubhayaṃ me na ruccati;
Yācāyaṃ koṭṭhamotiṇṇā, nāddasaṃ iti bhāsati.
98. Taṃ taṃ gāmapati brūmi, kadare appasmi jīvite;
Dve māse saṅgamaṃ katvā [kāraṃ katvāna (sī. pī.), saṃkamaṃ katvā (ka.)], maṃsaṃ
jaraggavaṃ kisaṃ;

Appattakāle codesi, tampi mayhaṃ na ruccatīti.

Gahapatijātakaṃ navamaṃ.

200. Sādhusīlajātakaṃ (2-5-10)

99. Sarīradabyaṃ vuḍḍhabyaṃ [vaddhabyaṃ (sī. pī.)], sojaccaṃ sādhusīliyaṃ;
Brāhmaṇaṃ teva pucchāma, kannu tesam vanimhase [vaṇimhase (sī. pī.)].
100. Attho atthi sarīrasmiṃ, vuḍḍhabyassa namo kare;
Attho atthi sujātasmiṃ, sīlaṃ asmāka ruccatīti.

Sādhusīlajātakaṃ dasamaṃ.

Ruhakavaggo pañcamaṃ.

Tassuddānaṃ –

Apiruhaka rūpavatī musalo, pavasanti sapañcamapokkharāṇī;
Atha muttimavāṇija umhayate, ciraāgata koṭṭha sarīra dasāti.

6. Nataṃdalhavaggo

201. Bandhanāgārajātakam (2-6-1)

101. Na taṃ daḷhaṃ bandhanamāhu dhīrā, yadāyasaṃ dārujapabbajañca [babbajañca (sī.)];
Sārattarattā maṇikuṇḍalesu, puttesu dāresu ca yā apekkhā.
102. Etaṃ daḷhaṃ bandhanamāhu dhīrā, ohāriṇaṃ sithilaṃ duppamuñcaṃ;
Etampi chetvāna vajanti dhīrā, anapekkhino kāmasukhaṃ pahāyāti.

Bandhanāgārajātakam paṭhamam.

202. Keḷisīlajātakam (2-6-2)

103. Haṃsā koñcā mayūrā ca, hatthayo [hatthino (sī.), hatthiyo (syā. pī.)] pasadā migā;
Sabbe sīhassa bhāyanti, natthi kāyasmi tulyatā.
104. Evameva manussesu, daharo cepi paññavā;
So hi tatha mahā hoti, neva bālo sarīravāti.

Keḷisīlajātakam dutiyam.

203. Khaṇḍajātakam (2-6-3)

105. Virūpakkhehi me mettaṃ, mettaṃ erāpathehi me;
Chabyāputtehi me mettaṃ, mettaṃ kaṇhāgotamakehi ca.
- Apādakehi me mettaṃ, mettaṃ dvipādakehi me;
Catuppadehi me mettaṃ, mettaṃ bahuppadehi me.
- Mā maṃ apādako hiṃsi, mā maṃ hiṃsi dvipādako;
Mā maṃ catuppado hiṃsi, mā maṃ hiṃsi bahuppado.
- Sabbe sattā sabbe pāṇā, sabbe bhūtā ca kevalā;
Sabbe bhadraṇi passantu, mā kañci [kiñci (syā. ka.)] pāpamāgamā.
106. Appamāṇo buddho, appamāṇo dhammo;
Appamāṇo saṅgho, pamāṇavantāni sarīsapāni [sirīsapāni (sī. syā. pī.)];
Ahivicchikasatapadī, uṇṇanābhi [uṇṇanābhi (sī. syā. pī.)] sarabūmūsikā.
- Katā me rakkhā katā me parittā, paṭikkamantu bhūtāni;
Sohaṃ namo bhagavato, namo sattannaṃ sammāsambuddhānanti.

Khaṇḍajātakam tatiyam.

204. Vīrakajātakam (2-6-4)

107. Api vīraka passesi, sakuṇaṃ mañjubhāṇakam;
Mayūragīvasaṅkāsaṃ, patiṃ mayhaṃ saviṭṭhakam.
108. Udakathalacarassa pakkhino, niccaṃ āmakamacchabhajino;
Tassānukaram saviṭṭhako, sevāle paliguṇṭhito matoti.

Vīrakajātakam catuttham.

205. Gaṅgeyyajātakam (2-6-5)

109. Sobhati maccho gaṅgeyyo, atho sobhati yāmuno [sobhanti macchā gaṅgeyyā, atho sobhanti yāmunā (syā. pī.)];

Catuppadoyaṃ puriso, nigrodhaparimaṇḍalo;

Īsakāyata [īsamāyata (ka.)] gīvo ca, sabbeva atirocati.

110. Yaṃ pucchito na taṃ akkhāsi [akkhā (sī. syā. pī.)], aññaṃ akkhāsi [akkhāti (syā. pī.)] pucchito;

Attappasamsako poso, nāyaṃ asmāka ruccatīti.

Gaṅgeyyajātakam pañcamam.

206. Kuruṅgamigajātakam (2-6-6)

111. Ingha vaddhamayaṃ [vaddhamayaṃ (sī. syā. pī.)] pāsam, chinda dantehi kacchapa; Ahaṃ tathā karissāmi, yathā nehiti luddako.

112. Kacchapo pāvisī vāriṃ, kuruṅgo pāvisī vanaṃ; Satapatto dumaggamhā, dūre putte apānayīti.

Kuruṅgamigajātakam chaṭṭham.

207. Assakajātakam (2-6-7)

113. Ayamassakarājena, deso vicarito mayā;

Anukāmaya kāmena [anukāmayavanukāmena (sī. pī.)], piyena patinā saha.

114. Navena sukhadukkheṇa, porāṇaṃ apidhīyati [apithīyati (sī. pī.), apithiyyati (syā.)]; Tasmā assakaraññaṃ, kiṭṭo piyataro mamāti.

Assakajātakam sattamam.

208. Susumārajātakam (2-6-8)

115. Alaṃ metehi ambhehi, jambūhi panasehi ca;

Yāni pāraṃ samuddassa, varaṃ mayhaṃ udumbaro.

116. Mahatī vata te bondi, na ca pañña tadūpikā;

Susumāra [suṃsumāra (sī. syā. pī.)] vañcito mesi, gaccha dāni yathāsukhanti.

Susumārajātakam aṭṭhamam.

209. Kukkuṭajātakam (2-6-9)

117. Diṭṭhā mayā vane rukkhā, assakaṇṇā vibhīṭakā [vibhedakā (syā. ka.)];

Na tāni evaṃ sakkanti, yathā tvaṃ rukkhā sakkasi.

118. Purāṇakukkuṭo [kakkaro (sī. syā. pī.)] ayam, bhetvā pañjaramāgato;
Kusalo vāḷapāsānaṃ, apakkamati bhāsātī.

Kukkuṭa [kakkara (sī. syā. pī.)] jātakaṃ navamaṃ.

210. Kandagalakajātakaṃ (2-6-10)

119. Ambho ko nāma yaṃ rukkho, sinnapatto [sīnapatto (sī. pī.)] sakaṇṭako;
Yattha ekappahārena, uttamaṅgaṃ vibhijjitaṃ [visāṭikaṃ (sī. syā. pī.), vighāṭitaṃ (sī. niyya)].
120. Acāri vatāyaṃ vitudaṃ vanāni, kaṭṭhaṅgarukkhesu asārakesu;
Athāsadā khadiraṃ jātasāraṃ [jātisāraṃ (ka.)], yatthabhidā garuḷo uttamaṅgati.

Kandagalaka [kandalaka (ka.)] jātakaṃ dasamaṃ.

Nataṃdaḷhavaggo chaṭṭho.

Tassuddānaṃ –

Daḷhabandhana haṃsavaro ca puna, virūpakkha saviṭṭhaka macchavaro;
Sakuruṅga saassaka ambavaro, puna kukkuṭako garuḷena dasāti.

7. Bīraṇathambhavaggo

211. Somadattajātakaṃ (2-7-1)

121. Akāsi yoggaṃ dhuvamappamatto, saṃvaccharam bīraṇathambhakasmiṃ;
Byākāsi saññaṃ parisam vigayha, na niyyamo tāyati appapaññaṃ.
122. Dvayaṃ yācanako tāta, somadatta nigacchati;
Alābhaṃ dhanalābhaṃ vā, evaṃ dhammā hi yācanāti.

Somadattajātakaṃ paṭhamaṃ.

212. Ucchiṭṭhabhattajātakaṃ (2-7-2)

123. Añño uparimo vaṇṇo, añño vaṇṇo ca heṭṭhimo;
Brāhmaṇī tveva pucchāmi, kiṃ heṭṭhā kiñca uppari.
124. Ahaṃ naṭosmi bhaddante, bhikkhakosmi idhāgato;
Ayañhi koṭṭhamotiṇṇo, ayam so yaṃ [tvam (ka.)] gavesasīti.

Ucchiṭṭhabhattajātakaṃ dutiyaṃ.

213. Bharujātakaṃ (2-7-3)

125. Isīnamantaram katvā, bharurājāti [kururājāti (ka.)] me sutam;
Ucchinno saha raṭṭhehi [raṭṭhena (sī. pī.)], sarājā vibhavaṅgato.
126. Tasmā hi chandāgamaṃ, nappasaṃsanti paṇḍitā;
Aduṭṭhacitto bhāseyya, giraṃ saccupasamhitanti.

Bharujātakam [kururātakam (ka.)] tatiyaṃ.

214. Puṇṇanadījātakam (2-7-4)

127. Puṇṇaṃ nadiṃ yena ca peyyamāhu, jātaṃ yavaṃ yena ca guyhamāhu;
Dūraṃ gataṃ yena ca avhayanti, so tyāgato [tyābhato (syā. ka.) pahaḷigāthābhāvo manasi
kātabbo] handa ca bhuñja brāhmaṇa.
128. Yato maṃ saratī rājā, vāyasampi pahetave;
Haṃsā koñcā mayūrā ca [haṃsakoñcamayūrānaṃ (ka. aṭṭha. pāṭhantaram)], asatīyeva
pāpiyāti.

Puṇṇanadījātakam catutthaṃ.

215. Kacchapajātakam (2-7-5)

129. Avadhī vata attānaṃ, kacchapo byāharaṃ giram [kacchapova pabyāharaṃ (syā.), kacchapo so
pabyāharaṃ (ka.)];
Suggahītasmiṃ kaṭṭhasmiṃ, vācāya sakiyāvadhi.
130. Etampi disvā naravīriyasetṭha, vācaṃ pamuñce kusalaṃ nāivelam;
Passasi bahubhāṇena, kacchapaṃ byasanaṃ gatanti.

Kacchapajātakam pañcamaṃ.

216. Macchajātakam (2-7-6)

131. Na māyamaggi tapati, na sūlo sādhutacchito;
Yañca maṃ maññate macchī, aññaṃ so ratiyā gato.
132. So maṃ dahati rāgaggi, cittaṃ cūpatapeti maṃ;
Jālino muñcathāyirā maṃ, na kāme haññate kvacīti.

Macchajātakam chaṭṭhaṃ.

217. Seggujātakam (2-7-7)

133. Sabbo loko attamano ahosi, akovidā gāmadhammassa seggu;
Komāri ko nāma [komārikā nāma (ka.), komāriko nāma (syā. pī.)] tavajja dhammo, yaṃ tvam
gahitā pavane parodasi.
134. Yo dukkhaphuṭṭhāya bhavēyya tāṇaṃ, so me pitā dubbhi vane karoti;
Sā kassa kandāmi vanassa majjhe, yo tāyitā so sahasaṃ karotīti.

Seggujātakam sattamaṃ.

218. Kūṭavāñijātakam (2-7-8)

135. Saṭṭhassa sāṭṭheyamidam sucintitaṃ, paccoḍḍitaṃ paṭikūṭassa kūṭaṃ;
Phālañce khādeyyuṃ [adeyyuṃ (sī. pī.)] mūsikā, kasmā kumāraṃ kulalā na [no (sī. syā. pī.)]
hareyyuṃ.

136. Kūṭassa hi santi [santīdha (ka.)] kūṭakūṭā, bhavati [bhavanti (ka.)] cāpi nikatino nikatya;
Dehi puttanaṭṭha phālanatṭhassa phālaṃ, mā te puttamahāsi phālanatṭhoti.

Kūṭavāṇijātakam aṭṭhamam.

219. Garahitajātakam (2-7-9)

137. Hiraññaṃ me suvaṇṇam me, esā rattiṃ divā kathā;
Dummedhānaṃ manussānaṃ, ariyadhammaṃ apassataṃ.

138. Dve dve gahapatayo gehe, eko tattha amassuko;
Lambatthano veṇikato, atho ankitakaṇṇako;

Kīto dhanena bahunā, so taṃ vitudate jananti.

Garahitajātakam navamam.

220. Dhammadhajātakam (2-7-10)

139. Sukhaṃ jīvitarūposi, raṭṭhā vivanamāgato;
So ekako rukkhamūle [araññasmim (sī. syā. pī.)], kapaṇo viya jhāyasi.

140. Sukhaṃ jīvitarūposmi, raṭṭhā vivanamāgato;
So ekako rukkhamūle, kapaṇo viya jhāyāmi;

Sataṃ dhammaṃ anussaraṃti.

Dhammadhajātakam dasamam.

Bīraṇathambhavaggo sattamo.

Tassuddānaṃ –

Atha bīraṇathambhavarō ca naṭo, bharurājavaruttamapuṇṇanadī;
Bahubhāṇi aggipavane mūsikā, sahalambatthano kapaṇena dasāti.

8. Kāsāvavaggo

221. Kāsāvajātakam (2-8-1)

141. Anikkasāvo kāsāvaṃ, yo vatthaṃ paridahissati [paridahessati (sī. pī.)];
Apeto damasaccena, na so kāsāvamarahati.

142. Yo ca vantakasāvassa, sīlesu susamāhito;
Upeto damasaccena, sa ve kāsāvamarahatīti.

Kāsāvajātakam paṭhamam.

222. Cūlanandiyajātakam (2-8-2)

143. Idam tadācariyavaco, pārāsariyo yadabravi [porāṇācariyobravi (ka.)];
Māsu tvam akari [akarā (sī. pī.)] pāpaṃ, yaṃ tvam pacchā kataṃ tape.

144. Yāni karoti puriso, tāni attani passati;
Kalyāṇakārī kalyāṇaṃ, pāpakārī ca pāpakaṃ;

Yādisaṃ vapate bījaṃ, tādisaṃ harate phalanti.

Cūlanandiyajātaṃ dutiyaṃ.

223. Puṭabhatajātaṃ (2-8-3)

145. Name namantassa bhaje bhajantaṃ, kiccānukubbassa kareyya kiccaṃ;
Nānatthakāmassa kareyya atthaṃ, asambhajantampi na sambhajeyya.

146. Caje cajantaṃ vanathaṃ na kayirā, apetacittena na sambhajeyya;
Dijo dumaṃ khīṇaphalanti ñatvā, aññaṃ samekkheyya mahā hi lokoti.

Puṭabhatajātaṃ tatiyaṃ.

224. Kumbhilajātaṃ (2-8-4)

147. Yassete caturo dhammā, vānarinda yathā tava;
Saccaṃ dhammo dhiti cāgo, diṭṭhaṃ so ativattati.

148. Yassa cete na vijjanti, guṇā paramabhaddakā;
Saccaṃ dhammo dhiti cāgo, diṭṭhaṃ so nātivattatīti.

Kumbhilajātaṃ catutthaṃ.

225. Khantivaṇṇajātaṃ (2-8-5)

149. Atthi me puriso deva, sabbakiccesu byāvaṭo [vāvaṭo (ka.)];
Tassa cekoparādhatthi, tattha tvam kinti maññasi.

150. Amhākampatthi puriso, ediso idha vijjati;
Dullabho aṅgasampanno, khantirasamāka rucattīti.

Khantivaṇṇajātaṃ pañcamaṃ.

226. Kosiyajātaṃ (2-8-6)

151. Kāle nikkhamaṇā sādhu, nākāle sādhu nikkhama;
Akālena hi nikkhamma, ekakampi bahujjano;

Na kiñci atthaṃ joteti, dhaṅkasenāva kosiyaṃ.

152. Dhīro ca vidhividhānaññū, paresaṃ vivarānugū;
Sabbāmitte vasīkatvā, kosiyova sukhī siyāti.

Kosiyajātaṃ chaṭṭhaṃ.

227. Gūthapāṇajātakam (2-8-7)

153. Sūro sūrena saṅgamma, vikkantena pahārinā;
Ehi nāga nivattassu, kiṃ nu bhīto palāyasi;

Passantu aṅgamagadhā, mama tuyhañca vikkamaṃ.

154. Na taṃ pādā vadhissāmi, na dantehi na soṇḍiyā;
Mīlhena taṃ vadhissāmi, pūti haññatu pūtināti.

Gūthapāṇajātakam sattamaṃ.

228. Kāmanītajātakam (2-8-8)

155. Tayo giriṃ antaraṃ kāmayāmi, pañcālā kuruyo kekake ca [kurayo kekaye ca (sī.)];
Tatuttariṃ [taduttariṃ (ka.)] brāhmaṇa kāmayāmi, tikiccha maṃ brāhmaṇa kāmanītaṃ.

156. Kaṇhāhidatṭhassa karonti heke, amanussapaviṭṭhassa [amanussavaddhassa (sī. pī.),
amanussaviṭṭhassa (syā.)] karonti paṇḍitā;
Na kāmanītassa karoti koci, okkantasukkassa hi kā tikicchāti.

Kāmanītajātakam aṭṭhamaṃ.

229. Palāyitajātakam (2-8-9)

157. Gajaggameghehi hayaggamālibhi, rathūmijātehi sarābhivassebhi [sarābhivassabhi (syā. sī.
aṭṭha.), sarābhivassibhi (?)];
Tharuggahāvaṭṭa [dhanuggahāvaṭṭa (ka.)] daḥhappahāribhi, parivāritā takkasilā samantato.

158. [abhidhāvathā ca patathā ca, vividhavinaditā ca dantibhi; vattatajja tumulo ghoso, yathā vijjutā
jaladharassa gajjatoti; (sī. pī. ka.)] Abhidhāvatha cūpadhāvatha ca [abhidhāvathā cuppatathā ca
(syā.)], vividhā vinādītā [vinādītatha (ka.)] vadantibhi;
Vattatajja tumulo ghoso yathā, vijjulatā jaladharassa gajjatoti [abhidhāvathā ca patathā ca,
vividhavinaditā ca dantibhi; vattatajja tumulo ghoso, yathā vijjutā jaladharassa gajjatoti; (sī. pī.
ka.)].

Palāyitajātakam navamaṃ.

230. Dutiyapalāyitajātakam (2-8-10)

159. Dhajamaparimitaṃ anantapāraṃ, duppasahaṃdhañkehi sāgaraṃva [sāgaramiva (sī. syā. pī.)];
Girimivaanilena duppasayo [duppasaho (sī. pī. ka.)], duppasaho ahamajjatādisena.

160. Mā bāliyaṃ vilapi [vipalapi (bahūsu)] na hissa tādisaṃ, viḍayhase [viḷayhase (sī. pī.)] na hi
labhase nisedhakam;
Āsajjasi gajamiva ekacāriṇaṃ, yo taṃ padā naḷamiva pothayissatīti.

Dutiyapalāyitajātakam dasamaṃ.

Kāsāvavaggo aṭṭhamaṃ.

Tassuddānaṃ –

Varavatthavaco dumakhīṇaphalaṃ, caturodhammavaraṃ purisuttama;
Dhaṅkamagadhā ca tayogirināma, gajaggavaro dhajavarena dasāti.

9. Upāhanavaggo

231. Upāhanajātakam (2-9-1)

161. Yathāpi kītā purisassupāhanā, sukhasa atthāya dukhaṃ udabbahe;
Ghammābhitattā thalasā papīlitā, tasseva pāde purisassa khādare.
162. Evameva yo dukkulīno anariyo, tammāka [tamhāka (sī.), tumhāka (syā. pī.)] vijjañca sutañca
ādiya;
Tameva so tattha sutena khādati, anariyo vuccati dupāhanūpamoti [pānadūpamoti (sī. pī.).]

Upāhanajātakam paṭhamam.

232. Viṇāguṇajātakam (2-9-2)

163. Ekacintito yamattho, bālo apariṇāyako;
Na hi khujjena vāmena, bhoti saṅgantumarahasi.
164. Purisūsabham maññamānā, aham khujjamakāmayiṃ;
Soyam saṃkuṭito seti, chinnatanti yathā viṇāti [thuṇāti (sī.).]

Viṇāguṇajātakam dutiyam.

233. Vikaṇṇajātakam (2-9-3)

165. Kāmaṃ yaḥim icchasi tena gaccha, viddhosi mammamhi [mamamsi (ka.)] vikaṇṇakena;
Hatosi bhattena suvāditenā [savāditenā (sī. syā. pī.)], lolo ca macche anubandhamāno.
166. Evampi lokāmiṣaṃ opatanto, vihaññatī cittavasānuvattī;
So haññati ñātisakhāna majjhe, macchānugo soriva suṃsumāroti [susumāro (ka.).]

Vikaṇṇajātakam tatiyam.

234. Asitābhūjātakam (2-9-4)

167. Tvameva dānimakara [makari (syā.), makarā (ka. sī.)], yaṃ kāmo byagamā tayi;
Soyam appaṭisandhiko, kharachinnaṃva renukaṃ [rerukaṃ (sī. pī.).]
168. Atricchaṃ [atricchā (sī. syā. pī.)] atilobhena, atilobhamadena ca;
Evam hāyati atthamhā, ahamva asitābhuyāti.

Asitābhūjātakam catuttham.

235. Vacchanakhajātakam (2-9-5)

169. Sukhā gharā vacchanakha, sahiraññā sabhojanā;

Yattha bhutvā pivitvā ca, sayeyyātha anussuko.

170. Gharā nānīhamānassa, gharā nābhaṇato musā;
Gharā nādinnadaṇḍassa, paresaṃ anikubbato [[anikrubbatō \(ka.\)](#)];

Evam chiddaṃ durabhisambhavaṃ [[durabhibhavaṃ \(sī. pī.\)](#)], ko gharaṃ paṭipajjātī.

Vacchanakhajātakaṃ pañcamaṃ.

236. Bakajātakam (2-9-6)

171. Bhaddako vatayaṃ pakkhī, dijo kumudasannibho;
Vūpasantehi pakkhehi, mandamandova jhāyati.

172. Nāssa sīlaṃ vijānātha, anaññāya pasamsatha;
Amhe dijo na pāleti, tena pakkhī na phandaṭī.

Bakajātakam chaṭṭham.

237. Sāketajātakam (2-9-7)

173. Ko nu kho bhagavā hetu, ekacce idha puggale;
Atīva hadayaṃ nibbāti, cittañcāpi pasīdati.

174. Pubbeva sannivāseṇa, paccuppannahitena vā;
Evam taṃ jāyate pemaṃ, uppalaṃva yathodaketi.

Sāketajātakam sattamaṃ.

238. Ekapadajātakam (2-9-8)

175. Ingha ekapadaṃ tāta, anekatthapadassitaṃ [[padanissitaṃ \(sī. pī.\)](#)];
Kiñci saṅgāhikaṃ brūsi, yenatthe sādhayemase.

176. Dakkheyyekapadaṃ tāta, anekatthapadassitaṃ;
Tañca sīlena saññuttaṃ, khantiyā upapāditam;

Alaṃ mitte sukhāpetuṃ, amittānaṃ dukhāya cāti.

Ekapadajātakam aṭṭhamaṃ.

239. Haritamaṇḍūkajātakam (2-9-9)

177. Āsīvisampi maṃ [[āsīvisaṃ mamaṃ \(sī. pī.\)](#)] santaṃ, pavitṭhaṃ kumināmukhaṃ;
Ruccate haritāmātā, yaṃ maṃ khādanti macchakā.

178. Vilumpateva puriso, yāvassa upakappati;
Yadā caññe vilumpanti, so vilutto vilumpatī [[viluppatī \(?\)](#)].

Haritamaṇḍūkajātakam navamaṃ.

240. Mahāpiṅgalajātakam (2-9-10)

179. Sabbo jano hiṃsito piṅgalena, tasmim̐ mate paccayā [paccayaṃ (sī. syā. pī.)] vedayanti;
Piyo nu te āsi akaṇhanetto, kasmā nu tvaṃ rodasi dvārapāla.
180. Na me piyo āsi akaṇhanetto, bhāyāmi paccāgamanāya tassa;
Ito gato hiṃseyya maccurājam, so hiṃsito āneyya puna idha.
181. Daḍḍho vāhasahashehi, sitto ghaṭasatehi so;
Parikkhatā ca sā bhūmi, mā bhāyi nāgamissatīti.

Mahāpiṅgalajātakam dasamaṃ.

Upāhanavaggo navamo.

Tassuddānaṃ –

Varupāhana khujja vikaṇṇakako, asitābhuya pañcamavacchanakho;
Dija pemavaruttamaekapadaṃ, kumināmukha piṅgalakena dasāti.

10. Siṅgālavaggo

241. Sabbadāthijātakam (2-10-1)

182. Siṅgālo mānathaddho ca, parivārena atthiko;
Pāpuṇi mahatiṃ bhūmiṃ, rājāsi sabbadāthinam.
183. Evameva manussesu, yo hoti parivāravā;
So hi tattha mahā hoti, siṅgālo viya dāthinanti.

Sabbadāthijātakam paṭhamam.

242. Sunakhajātakam (2-10-2)

184. Bālo vatāyaṃ sunakho, yo varattaṃ [yo ca yottaṃ (ka.)] na khādati;
Bandhanā ca pamuñceyya, asito ca gharaṃ vaje.
185. Aṭṭhitaṃ me manasmim̐ me, atho me hadaye kataṃ;
Kālañca paṭikaṅkhāmi, yāva passupatū jano [pasupatujjano (syā. ka.)].

Sunakhajātakam dutiyaṃ.

243. Guttilajātakam (2-10-3)

186. Sattatantiṃ sumadhuraṃ, rāmaṇeyyaṃ avācayim̐;
So maṃ raṅgamhi avheti, saraṇaṃ me hohi kosiya.
187. Ahaṃ taṃ saraṇaṃ samma [ahaṃ te saraṇaṃ homi (vi. va. 328)], ahamācariyapūjako;
Na taṃ jayissati sisso, sissamācariya jessasīti.

Guttilajātakam tatiyaṃ.

244. Vigaticchajātakam (2-10-4)

188. Yaṃ passati na taṃ icchati, yañca na passati taṃ kiricchati;
Maññāmi ciraṃ carissati, na hi taṃ lacchati yaṃ sa icchati.
189. Yaṃ labhati na tena tussati, yañca pattheti laddhaṃ hīleti;
Icchā hi anantagocarā, vigaticchāna [vīticchānam (sī. pī.)] namo karomaseti.

Vigaticcha [vīticcha (sī. pī.)] jātakam catuttham.

245. Mūlapariyāyajātakam (2-10-5)

190. Kālo ghasati bhūtāni, sabbāneva sahattanā;
Yo ca kālaghaso bhūto, sa bhūtapacaniṃ paci.
191. Bahūni naraśīsāni, lomasāni brahāni ca;
Gīvāsu paṭimukkāni, kocidevettha kaṇṇavāti.

Mūlapariyāyajātakam pañcamam.

246. Bālovādajātakam (2-10-6)

192. Hantvā chetvā [jhatvā (sī. pī.), ghatvā (syā.)] vadhitvā ca, deti dānam asaññato;
Edisaṃ bhattam bhuñjamāno, sa pāpamupalimpati [sa pāpena upalippati (sī. pī.)].
193. Puttadārampi ce hantvā, deti dānam asaññato;
Bhuñjamānopi sappañño, na pāpamupalimpatīti.

Bālovādajātakam chaṭṭham.

247. Pādañjalijātakam (2-10-7)

194. Addhā pādañjalī sabbe, paññāya atirocati;
Tathā hi oṭṭham bhañjati, uttariṃ nūna passati.
195. Nāyaṃ dhammaṃ adhammaṃ vā, atthānatthañca bujjhati;
Aññatra oṭṭhanibbhogā, nāyaṃ jānāti kiñcananti.

Pādañjalijātakam sattamam.

248. Kiṃsukopamajātakam (2-10-8)

196. Sabbehi kiṃsuko diṭṭho, kiṃnvettha vicikicchatha;
Na hi sabbesu ṭhānesu, sārathī paripucchito.
197. Evaṃ sabbehi ñāṇehi, yesaṃ dhammā ajānitā;
Te ve dhammesu kaṅkhanti, kiṃsukasmiṃva bhātaroti.

Kiṃsukopamajātakam aṭṭhamam.

249. Sālakajātakam (2-10-9)

198. Ekaputtako bhavissasi, tvañca no hessasi issaro kule;
Oroha dumasmā sālaka, ehi dāni gharakaṃ vajemase.
199. Nanu maṃ suhadayoti [nanu maṃ hadayeti (sī. pī.)] maññasi, yañca maṃ hanasi veḷuyaṭṭhiyā;
Pakkambavane ramāmase, gaccha tvam gharakaṃ yathāsukhanti.

Sālakajātakaṃ navamaṃ.

250. Kapijātakaṃ (2-10-10)

200. Ayaṃ isī upasamasamyame rato, sa tiṭṭhati [santiṭṭhati (sī. pī.)] sisirabhayena aṭṭito;
Handa ayaṃ pavisatumaṃ agārakaṃ, vinetu sītaṃ darathañca kevalaṃ.
201. Nāyaṃ isī upasamasamyame rato, kapī ayaṃ dumavarasākhagocarō;
So dūsako rosako cāpi jammo, sacevajemampi [sace + āvaje + imampi] dūseyyagāranti
[dūsaye gharanti (sī. syā. pī.)].

Kapijātakaṃ dasamaṃ.

Siṅgālavaggo dasamo.

Tassuddānaṃ –

Atha rājā siṅgālavaro sunakho, tathā kosiya icchati kālaghaso;
Atha dānavaroṭṭhapi sārathinā, punambavanañca sisirakapi dasāti.

Atha vagguddānaṃ –

Daḷhañca vagmaṃ aparena santhavaṃ, kalyāṇavaggāsadiso ca rūhakaṃ;
Nataṃdaḷha bīraṇathambhakaṃ puna, kāsāvupāhana siṅgālakena dasāti.

Dukanipātaṃ niṭṭhitaṃ.

3. Tikanipāto

1. Saṅkappavaggo

251. Saṅkapparāgajātakaṃ (3-1-1)

1. Saṅkapparāgadhoteṇa, vitakkanisiteṇa ca;
Nālaṅkatena bhadreṇa [nevālaṅkatabhadreṇa (syā.)], usukārākatena ca [na usukārakatena ca
(sī. syā. pī.)].
2. Na kaṇṇāyatamuttene, nāpi morūpasevinā;
Tenamhi hadaye viddho, sabbaṅgaparidāhinā.
3. Āvedhañca na passāmi, yato ruhiramassave;
Yāva ayoniso cittaṃ, sayamaṃ me dukkhamābhatanti.

Saṅkapparāgajātakaṃ paṭṭhamaṃ.

252. Tilamuṭṭhijātakam (3-1-2)

4. Ajjāpi me taṃ manasi [sarasi (ka.)], yaṃ maṃ tvamaṃ tilamuṭṭhiyā;
Bāhāya maṃ gahetvāna, laṭṭhiyā anutālayi.
5. Nanu jīvite na ramasi, yenāsi brāhmaṇāgato;
Yaṃ maṃ bāhā gahetvāna, tikkhattuṃ anutālayi.
6. Ariyo anariyaṃ kubbantaṃ [kubbānaṃ (sī. pī.), kubbaṃ (syā.)], yo daṇḍena nisedhati;
Sāsaṇaṃ taṃ na taṃ veraṃ, itī naṃ paṇḍitā vidūti.

Tilamuṭṭhijātakam dutiyaṃ.

253. Maṇikaṇṭhajātakam (3-1-3)

7. Mamannaṇānaṃ vipulaṃ uḷāraṃ, uppajjatīmassa maṇissa hetu;
Taṃ te na dassaṃ atiyācakosi, na cāpi te assamamāgamissaṃ.
8. Susū yathā sakkharadhotapāṇī, tāsesi maṃ selaṃ yācamāno;
Taṃ te na dassaṃ atiyācakosi, na cāpi te assamamāgamissaṃ.
9. Na taṃ yāce yassa piyaṃ jigīse [jigimse (sī. syā. pī.)], desso hoti atiyācanāya;
Nāgo maṇiṃ yācīto brāhmaṇena, adassanaṃyeva tadajjhagamāti.

Maṇikaṇṭhajātakam tatiyaṃ.

254. Kuṇḍakakucchisindhavajātakam (3-1-4)

10. Bhutvā tiṇaparighāsaṃ, bhutvā ācāmaṇḍakam;
Etaṃ te bhojanaṃ āsi, kasmā dāni na bhujjasi.
11. Yattha posam na jānanti, jātiyā vinayena vā;
Bahum [pahū (sī. pī.), pahum (syā. ka.)] tattha mahābrahṃe, api ācāmaṇḍakam.
12. Tvaṅca kho maṃ pajānāsi, yādisāyaṃ hayuttamo;
Jānanto jānamāgamma, na te bhakkhāmi kuṇḍakanti.

Kuṇḍakakucchisindhavajātakam catutthaṃ.

255. Sukajātakam (3-1-5)

13. Yāva so mattamaññāsi, bhojanasmim vihaṅgamo;
Tāva addhānamāpādi, mātaraṅca aposayi.
14. Yato ca kho bahutaraṃ, bhojanaṃ ajjhavāhari [ajjhupāhari (sī. pī.)];
Tato tattheva saṃsīdi, amattaññū hi so ahu.
15. Tasmā mattaññūtā sādhu, bhojanasmim agiddhatā [agiddhitā (syā. ka.)];
Amattaññū hi sīdanti, mattaññū ca na sīdareti.

Sukajātakam pañcamaṃ.

256. Jarūdapānajātakam (3-1-6)

16. Jarūdapānaṃ khaṇamānā, vāṇijā udakatthikā;
Ajjhagamum̐ ayasaṃ lohaṃ [ajjhagamsu ayolohaṃ (sī. syā. pī.)], tipusīsañca vāṇijā;
Rajataṃ jātarūpañca, muttā veḷūriyā bahū.
17. Te ca tena asantuṭṭhā, bhiyyo bhiyyo akhāṇisum̐;
Te tatthāsīviso [tattha āsīviso (ka.), tatthapāsīviso (syā.)] ghorō, tejasī tejasā hani.
18. Tasmā khaṇe nātikhaṇe, atikhātaṃ [atikhaṇaṃ (ka.)] hi pāpakaṃ;
Khātena ca [khaṇena ca (ka.), khaṇanena (syā.)] dhaṇaṃ laddhaṃ, atikhātena [atikhaṇena (ka.)] nāsitanti.

Jarūdapānajātakam chaṭṭhaṃ.

257. Gāmaṇicandajātakam (3-1-7)

19. Nāyaṃ gharānaṃ kusalo, lolo ayaṃ valīmukho;
Kataṃ kataṃ kho dūseyya, evaṃdhammamidaṃ kulaṃ.
20. Nayidaṃ cittavato lomāṃ, nāyaṃ assāsiko migo;
Siṭṭhaṃ [satthaṃ (sī. syā. pī.)] me janasandhena, nāyaṃ kiñci vijānati.
21. Na mātaṃ pitaraṃ vā, bhātaraṃ bhaginiṃ sakaṃ;
Bhareyya tādiso poso, siṭṭhaṃ dasarathena meti.

Gāmaṇicanda [gāmaṇicaṇḍa (sī. pī.)] jātakam̐ sattamaṃ.

258. Mandhātujātakam (3-1-8)

22. Yāvatā candimasūriyā, pariharanti disā bhanti virocānā [virocamānā (ka.)];
Sabbeva dāsā mandhātu, ye pāṇā pathavissitā [paṭhavinissitā (sī. pī.), paṭhavissitā (syā.)].
23. Na kahāpaṇavassena, titti kāmesu vijjati;
Appassādā dukhā kāmā, iti viññāya paṇḍito.
24. Api dibbesu kāmesu, ratiṃ so nādhigacchati;
Taṇhakkhayarato hoti, sammāsambuddhasāvakoti.

Mandhātujātakam̐ aṭṭhamaṃ.

259. Tirīṭavacchajātakam (3-1-9)

25. Nayimassa vijjāmayamatthi kiñci, na bandhavo no pana te sahāyo;
Atha kena vaṇṇena tirīṭavaccho [tirīṭivaccho (syā. ka.)], tetaṇḍiko bhuñjati aggapiṇḍam̐.
26. Āpāsu [āvāsu (ka.)] me yuddhaparājitassa, ekassa katvā vivanasmi ghore;
Pasārayī kicchagatassa pāṇiṃ, tenūdatāriṃ dukhasampareto.
27. Etassa kiccena idhānupatto, vesāyino visayā jīvaloke;
Lābhāraho tāta tirīṭavaccho, dethassa bhogaṃ yajathañca [yajatañca (sī. pī.), yajitañca (syā.)]

yaññanti.

Tirītavacchajātakam navamam.

260. Dūtajātakam (3-1-10)

28. Yassatthā dūramāyanti, amittamapi yācituṃ;
Tassūdarassaham dūto, mā me kujjha [kujjhi (sī. pī.)] rathesabha.
29. Yassa divā ca ratto ca, vasamāyanti māṇavā;
Tassūdarassaham dūto, mā me kujjha [kujjhi (sī. pī.)] rathesabha.
30. Dadāmi te brāhmaṇa rohiṇīnaṃ, gavaṃ sahasaṃ saha puṅgavena;
Dūto hi dūtassa kathaṃ na dajjaṃ, mayampi tasseva bhavāma dūtāti.

Dūtajātakam dasamam.

Saṅkappavaggo paṭhamo.

Tassuddānaṃ –

Usukāravaro tilamuṭṭhi maṇi, hayarāja vihaṅgama āsiviso;
Janasandha kahāpaṇavassa puna, tiriṭam puna dūtavarena dasāti.

2. Padumavaggo

261. Padumajātakam (3-2-1)

31. Yathā kesā ca massū ca, chinnaṃ chinnaṃ virūhati;
Evaṃ rūhatu te nāsā, padumaṃ dehi yācito.
32. Yathā sārādikaṃ bījaṃ, khetto vuttaṃ virūhati;
Evaṃ rūhatu te nāsā, padumaṃ dehi yācito.
33. Ubhopi palapantete [vilapantete (syā. ka.)], api padmāni dassati;
Vajjuṃ vā te na vā vajjuṃ, natthi nāsāya rūhanā;
Dehi samma padumāni, aham yācāmi yācitoti.

Padumajātakam paṭhamam.

262. Mudupāñijātakam (3-2-2)

34. Pāṇi ce muduko cassa, nāgo cassa sukārito;
Andhakāro ca vasseyya, atha nūna tadā siyā.
35. Analā mudusambhāsā, duppūrā tā [duppūrattā (ka.)] nadīsamā;
Sīdanti naṃ viditvāna, ārakā parivajjaye.
36. Yaṃ etā upasevanti, chandasā vā dhanena vā;
Jātavedova saṃ ṭhānaṃ, khippaṃ anudahanti nanti.

Mudupāṇijātakam dutiyaṃ.

263. Cūlapalobhanajātakam (3-2-3)

37. Abhijjamāne vārisimṃ, sayam [ayam (ka.)] āgamma iddhiyā;
Missībhāvitthiyā gantvā, saṃsīdasi [saṃsīdati (ka.)] mahaṇṇave.
38. Āvaṭṭanī mahāmāyā, brahmacariyavikopanā;
Sīdanti naṃ veditvāna, ārakā parivajjaye.
39. Yam etā upasevanti, chandasā vā dhanena vā;
Jātavedova saṃ ṭhānaṃ, khippaṃ anudahanti nanti.

Cūlapalobhana [cullapalobhana (sī. syā. pī.)] jātakam tatiyaṃ.

264. Mahāpanādajātakam (3-2-4)

40. Panādo nāma so rājā, yassa yūpo suvaṇṇayo;
Tiriyaṃ soḷasubbedho [soḷasapabbedho (sī. pī.)], uddhamāhu [uccamāhu (sī. syā. pī.)]
sahassadhā.
41. Sahassakaṇḍo satageṇḍu [satabhedo (sī. pī.), satabheṇḍu (sī. nissaya)], dhajāsu haritāmayo;
Anaccuṃ tattha gandhabbā, cha saḥassāni sattadhā.
42. Evametaṃ [evameva (ka.)] tadā āsi, yathā bhāsasi bhaddaji;
Sakko ahaṃ tadā āsiṃ, veyyāvaccakaro tavāti.

Mahāpanādajātakam catutthaṃ.

265. Khurappajātakam (3-2-5)

43. Disvā khurappe dhanuveganunne, khagge gahīte tikhiṇe teladhote;
Tasmiṃ bhayasmimṃ maraṇe viyūḷhe, kasmā nu te nāhu chambhitattaṃ.
44. Disvā khurappe dhanuveganunne, khagge gahīte tikhiṇe teladhote;
Tasmiṃ bhayasmimṃ maraṇe viyūḷhe, vedaṃ alatthaṃ vipulaṃ uḷāraṃ.
45. So vedajāto ajjhabhaviṃ amitte, pubbeva me jīvitamāsi cattaṃ;
Na hi jīvite ālayaṃ kubbamāno, sūro kayirā sūrakiccaṃ kadācīti.

Khurappajātakam pañcamaṃ.

266. Vātaggasindhavajātakam (3-2-6)

46. Yenāsi kisiyā paṇḍu, yena bhattaṃ na rucati;
Ayaṃ so āgato bhattā [tāto (sī. syā. pī.)], kasmā dāni palāyasi.
47. Sace [na kho (syā. ka.)] panādikeneva, santhavo nāma jāyati;
Yaso hāyati itthīnaṃ, tasmā tāta palāyahaṃ [palāyiham (syā.), palāyitaṃ (ka.)].
48. Yassassinaṃ kule jātaṃ, āgataṃ yā na icchati;

Socati cirarattāya, vātaggamiva bhaddalīti [kundalīti (sī. pī.), gadrabhīti (syā.)].

Vātaggasindhavajātakam chaṭṭham.

267. Kakkaṭakajātakam (3-2-7)

49. Siṅgīmigo āyatacakkhunetto, aṭṭhittaco vārisayo alomo;
Tenābhibhūto kapaṇam rudāmi, mā heva maṃ pāṇasamaṃ jaheyya [jaheyyā (pī.) jahā'yye (?)].
50. Ayya na taṃ jahissāmi, kuṅjaram saṭṭhihāyanam [kuṅjara saṭṭhihāyana (sī. pī.)];
Pathabyā cāturantāya, suppiyo hosi me tuvaṃ.
51. Ye kuḷīrā samuddasmiṃ, gaṅgāya yamunāya [nammadāya (sī. pī.)] ca;
Tesaṃ tvam vārijo seṭṭho, muṅca rodantiyā patinti.

Kakkaṭaka [kuḷīra (ka.)] jātakam sattamaṃ.

268. Ārāmadūsakajātakam (3-2-8)

52. Yo ve sabbasametānaṃ, ahuvā seṭṭhasammato;
Tassāyaṃ edisī paññā, kimeva itarā pajā.
53. Evameva tuvaṃ brahme, anaññāya vinindasi;
Kathaṃ mūlaṃ adisvāna [kathaṃhi mūlaṃ aditvā (syā. pī.)], rukkham jaññā patiṭṭhitam.
54. Nāhaṃ tumhe vinindāmi, ye caññe vānarā vane;
Vissasenova gārayho, yassatthā rukkharopakāti.

Ārāmadūsakajātakam aṭṭhamam.

269. Sujātajātakam (3-2-9)

55. Na hi vaṇṇena sampannā, mañjukā piyadassanā;
Kharavācā piyā hoti, asmiṃ loke paramhi ca.
56. Nanu passasimaṃ kāḷiṃ, dubbaṇṇam tilakāhataṃ;
Kokilaṃ saṅhavācena, bahūnaṃ pāṇinaṃ piyaṃ.
57. Tasmā sakhilavācassa, mantabhāṇī anuddhato;
Atthaṃ dhammaṅca dīpeti, madhuraṃ tassa bhāsitanti.

Sujātajātakam navamaṃ.

270. Ulūkajātakam (3-2-10)

58. Sabbehi kira ñātīhi, kosiyo issaro kato;
Sace ñātīhi anuññāto [ñātīhanuññāto (sī. pī.)], bhaṇeyyāhaṃ ekavācikaṃ.
59. Bhaṇa samma anuññāto, atthaṃ dhammaṅca kevalaṃ;
Santi hi daharā pakkhī, paññavanto jutindharā.

60. Na me rucati bhaddaṃ vo [bhadante (ka.)], ulūkassābhisecanaṃ;
Akkuddhassa mukhaṃ passa, kathaṃ kuddho karissatīti.

Ulūkajātakaṃ dasamaṃ.

Padumavaggo dutiyo.

Tassuddānaṃ –

Padumuttama nāgasirivhayano, sa-mahaṇṇava yūpa khurappavaro;
Atha bhaddalī kuñjara rukkha puna, kharavāca ulūkavarena dasāti.

3. Udapānavaggo

271. Udapānadūsakajātakaṃ (3-3-1)

61. Āraññikassa isino, cirarattaṃ tapassino;
Kicchākataṃ udapānaṃ, kathaṃ samma avāhasi [avāhayi (sī. pī.), apāhasi (syā.)].
62. Esa dhammo siṅgālānaṃ, yaṃ pitvā ohadāmase;
Pitupitāmaṃ dhammo, na taṃ [na naṃ (sī. pī.)] ujjhātumarahasi.
63. Yesaṃ vo ediso dhammo, adhammo pana kīdiso;
Mā vo dhammaṃ adhammaṃ vā, addasāma kudācananti.

Udapānadūsakajātakaṃ paṭhamaṃ.

272. Byagghajātakaṃ (3-3-2)

64. Yena mittena saṃsaggā, yogakkhemo vihiyyati;
Pubbevajjhābhavaṃ tassa, rukkhe akkhīva paṇḍito.
65. Yena mittena saṃsaggā, yogakkhemo pavaḍḍhati;
Kareyyattasamaṃ vuttiṃ, sabbakiccesu paṇḍito.
66. Etha byagghā nivattavho, paccupetha [paccametha (sī. pī.)] mahāvanaṃ;
Mā vanaṃ chindi nibyagghaṃ, byagghā māhesu nibbanāti.

Byagghajātakaṃ dutiyaṃ.

273. Kacchapajātakaṃ (3-3-3)

67. Ko nu uddhitabhattova [uddhitabhattova (sī.), vaḍḍhitabhattova (syā.)], pūrahattova brāhmaṇo;
Kahaṃ nu bhikkhaṃ acari, kaṃ saddhaṃ upasaṅkami.
68. Ahaṃ kapismi dummedho, anāmāsāni āmasiṃ;
Tvamaṃ maṃ mocaya bhaddante, mutto gaccheyya pabbataṃ.
69. Kacchapā kassapā honti, koṇḍaññā honti makkaṭā;
Muñca kassapa koṇḍaññaṃ, kataṃ methunakaṃ tayāti.

Kacchapajātakam tatiyam.

274. Lolajātakam (3-3-4)

70. Kāyam balākā sikhinī, corī laṅhipitāmahā;
Oram balāke āgaccha, caṇḍo me vāyaso sakhā.
71. Nāham balākā sikhinī, aham lolosmi vāyaso;
Akatvā vacanam tuyham, passa lūnosmi āgato.
72. Punapāpjasī samma, sīlañhi tava tādīsam;
Na hi mānusakā bhogā, subhuñjā honti pakkhināti.

Lolajātakam catuttham.

275. Rucirajātakam (3-3-5)

73. Kāyam balākā rucirā, kākanīlasmimacchati;
Caṇḍo kāko sakhā mayham, yassa [tassa (sī. pī.)] cetam kulāvakam.
74. Nanu mam samma jānāsi, dija sāmākabhोजना;
Akatvā vacanam tuyham, passa lūnosmi āgato.
75. Punapāpjasī samma, sīlañhi tava tādīsam;
Na hi mānusakā bhogā, subhuñjā honti pakkhināti.

Rucirajātakam pañcamam.

276. Kurudhammajātakam (3-3-6)

76. Tava saddhañca sīlañca, veditvāna janādhipa;
Vaṇṇam añjanavaṇṇena, kālīngasmim nimimhase [vinimhase (syā.), vanimhase (ka.)].
77. Annabhaccā cabhaccā ca, yodha uddissa gacchati;
Sabbe te appaṭikkhippā, pubbācariyavaco idam.
78. Dadāmi vo brāhmaṇā nāgametaṃ, rājārahaṃ rājabhoggaṃ yasassinam;
Alaṅkataṃ hemajālābhichannaṃ, sasārathim gacchatha yena kāmanti.

Kurudhammajātakam [kurudhammajātakam (sī. syā. pī.)] chaṭṭham.

277. Romakajātakam (3-3-7)

79. Vassāni paññāsa samādhikāni, vasimha selassa guhāya romaka;
Asaṅkamānā abhinibbutattā [abhinibbutacittā (syā. ka.)], hatthatta [hatthatta (syā.)] māyanti
mamaṇḍajā pure.
80. Te dāni vakkaṅga kimatthamussukā, bhajanti aññaṃ girikandaram dijā;
Na nūna maññanti mamam yathā pure, cirappavutthā atha vā na te ime.
81. Jānāma taṃ na mayaṃ sampamūlā [na maya' masma mūlā (sī. pī.)], soyeva tvam te

mayamasma nāññe;

Cittañca te asmiṃ jane paduṭṭhaṃ, ājīvika [ājīvaka (sī. syā.), ājīvika (pī.)] tena tamuttasāmāti.

Romakajātakam sattamaṃ.

278. Mahimsarājajātakam (3-3-8)

82. Kimattha [kamattha (sī. pī.)] mabhisandhāya, lahucittassa dubbhino [dūbhino (sī. pī.)];
Sabbakāmadadasseva [duhasseva (sī. syā. pī.), rahasseva (ka.)], imaṃ dukkhaṃ titikkhasi.
83. Siṅgena nihanāhetam, padasā ca adhiṭṭhaha;
Bhiyyo [bhīyo (sī.)] bālā pakujjheyyuṃ, no cassa paṭisedhako.
84. Mamevāyaṃ maññamāno, aññepevaṃ [aññampevaṃ (sī. syā. pī.)] karissati;
Te naṃ tattha vadhissanti, sā me mutti bhavissatīti.

Mahimsarājajātakam [mahisajātakam (sī. syā. pī.)] aṭṭhamaṃ.

279. Satapattajātakam (3-3-9)

85. Yathā māṇavako panthe, siṅgāliṃ vanagocarim;
Atthakāmaṃ pavedentiṃ [pavadantiṃ (pī.)], anattakāmāti maññati;
Anattakāmaṃ satapattam, atthakāmoti maññati.
86. Evameva idhekacco, puggalo hoti tādiso;
Hitehi vacanaṃ vutto, paṭigaṇhāti vāmato.
87. Ye ca kho naṃ pasamsanti, bhayā ukkaṃsayanti vā [ca (sī. pī.)];
Tañhi so maññate mittam, satapattamva māṇavoti.

Satapattajātakam navamaṃ.

280. Puṭadūsakajātakam (3-3-10)

88. Addhā hi nūna migarājā, puṭakammaṃ kovidō;
Tathā hi puṭam dūseti, aññam nūna karissati.
89. Na me mātā vā pitā vā, puṭakammaṃ kovidō;
Kataṃ kataṃ kho dūsema, evaṃ dhammamidaṃ kulam.
90. Yesam vo ediso dhammo, adhammo pana kīdiso;
Mā vo dhammam adhammam vā, addasāma kudācananti.

Puṭadūsakajātakam dasamaṃ.

Udapānavaggo [araññavaggo (sī. pī. ka.)] tatiyo.

Tassuddānam –

Udapānavaram vanabyaggha kapi, sikhinī ca balāka ruciravaro;
Sujanādhparomakadūsa puna, satapattavaro puṭakamma dasāti.

4. Abbhantaravaggo

281. Abbhantarajātakaṃ (3-4-1)

91. Abbhantaro nāma dumo, yassa dibyamidaṃ phalaṃ;
Bhutvā dohaḷinī nārī, cakkavattiṃ vijāyati.
92. Tvampi [tvañca (sī. pī.), tvaṃ hi (ka.)] bhadde mahesīsi, sā cāpi [cāsi (sī. pī.)] patino piyā;
Āharissati te rājā, idaṃ abbhantaraṃ phalaṃ.
93. Bhatturatthe parakkanto, yaṃ ṭhānamadhigacchati;
Sūro attapaccāgī, labhamāno bhavāmahanti.

Abbhantarajātakaṃ paṭhamaṃ.

282. Seyyajātakaṃ (3-4-2)

94. Seyyaṃso seyyaso hoti, yo seyyamupasevati;
Ekena sandhiṃ katvāna, sataṃ vajjhe [macce (ka.), bajjhe (ka. aṭṭha.)] amocayim.
95. [kasmā...pe... saggamaṃ na gaccheyya (katthaci)] Tasmā sabbena lokena, sandhiṃ katvāna
ekato [ekako (sī. syā. pī.)];
Pecca saggamaṃ nigaccheyya [kasmā...pe... saggamaṃ na gaccheyya (katthaci)], idaṃ suṇātha
kāsiyā [kāsayo (sī. pī.).]
96. Idaṃ vatvā mahārājā, kaṃso bārāṇasiggaho;
Dhanaṃ kaṇḍaṇca [tūṇiñca (sī. pī.)] nikkhippa, saṃyamaṃ ajjhupāgamīti.

Seyyajātakaṃ dutiyaṃ.

283. Vaḍḍhakīsūkarajātakaṃ (3-4-3)

97. Varam varam tvaṃ nihanaṃ pure cari, asmiṃ padese abhibhuyya sūkare;
So dāni eko byapagamma jhāyasi, balaṃ nu te byaggha na cajja vijjati.
98. Ime sudaṃ [imassu tā (syā. ka.)] yanti disodisaṃ pure, bhayaṭṭitā leṇagavesino puthu;
Te dāni saṅgamma vasanti ekato, yatthaṭṭhitā duppasahajjame [duppasahajjime (syā.)] mayā.
99. Namatthu saṅghāna samāgatānaṃ, disvā sayamaṃ sakhya vadāmi abbhutaṃ;
Byagghamaṃ migā yattha jiniṃsu dāṭhino, sāmaggīyā dāṭhabalesu muccareti.

Vaḍḍhakīsūkarajātakaṃ tatiyaṃ.

284. Sirijātakaṃ (3-4-4)

100. Yaṃ ussukā saṅgharanti, alakkhikā bahuṃ dhanam;
Sippavanto asippā ca, lakkhivā tāni bhuñjati.
101. Sabbattha katapuññassa, aticcaññeva paṇino;
Uppajjanti bahū bhogā, appanāyatanesupi.

102. Kukkuṭo [kukkuṭa (sī. pī.), kukkuṭā (sī. nissaya, saddanīti)] maṇayo daṇḍo, thiyo ca puññalakkhaṇā;
Uppajjanti apāpassa, katapuññassa jantunoti.

Sirijātakam catuttham.

285. Maṇisūkarajātakam (3-4-5)

103. Dariyā satta vassāni, tiṃsamattā vasāmase;
Haññāma [hañchema (sī. pī.), hañchāma (?)] maṇino ābham, iti no mantanam ahu.
104. Yāvatā maṇim ghaṃsāma [yāva yāva nighaṃsāma (sī. pī.)], bhiiyo vodāyate maṇi;
Idaṅca dāni pucchāma, kiṃ kiccaṃ idha maññasi.
105. Ayaṃ maṇi veḷūriyo, akāco vimalo [vipulo (ka.)] subho;
Nāssa sakkā sirim hantum, apakkamatha sūkarāti.

Maṇisūkara [maṇighaṃsa (ka.)] jātakam pañcamam.

286. Sālūkajātakam (3-4-6)

106. Mā sālūkassa pihayi, āturannāni bhuñjati;
Apposukko bhusam khāda, etaṃ dīghāyulakkhaṇam.
107. Idāni so idhāgantvā, atithī yuttasevako;
Atha dakkhasi sālūkam, sayantam musaluttaram.
108. Vikantam [vikattam (sī.), vikantiyamānam chindiyamānamti attho] sūkaram disvā, sayantam musaluttaram;
Jaraggavā vicintesum, varamhākam bhusāmivāti.

Sālūkajātakam chaṭṭham.

287. Lābhagarahajātakam (3-4-7)

109. Nānummatto nāpisuṇo, nānaṭo nākutūhalo;
Mūlhesu labhate lābham, esā te anusāsani.
110. Dhiratthu tam yasalābham, dhanalābhaṅca brāhmaṇa;
Yā vutti vinipātena, adhammacaraṇena [adhammacariyāya (sī. syā.)] vā.
111. Api ce pattamādāya, anagāro paribbaje;
Esāva jīvikā seyyo [seyyā (sī. syā. pī.)], yā cādhammena esanāti.

Lābhagarahajātakam sattamam.

288. Macchuddānajātakam (3-4-8)

112. Agghanti macchā adhikam sahasam, na so atthi yo imam saddaheyya;
Mayhaṅca assu idha satta māsā, ahampi tam macchuddānam kiṇeyyam.

113. Macchānaṃ bhojanaṃ datvā, mama dakkhiṇamādisi;
Taṃ dakkhiṇaṃ sarantiyā, kataṃ apacitiṃ tayā.
114. Paduṭṭhacittassa na phāti hoti, na cāpi taṃ [naṃ (sī. syā.)] devatā pūjayanti;
Yo bhātaraṃ pettikaṃ sāpateyyaṃ, avañcayī dukkaṭakammakārīti.

Macchuddānajātakaṃ aṭṭhamamaṃ.

289. Nānāchandaḥajātakam (3-4-9)

115. Nānāchanda mahārāja, ekāgāre vasāmase;
Ahaṃ gāmvaram icche, brāhmaṇī ca gavaṃ satam.
116. Putto ca ājaññarathaṃ, kaññā ca maṇikuṇḍalaṃ;
Yā cesā puṇṇikā jammī, udukkhalaṃbhikañkhati.
117. Brāhmaṇassa gāmvaram, brāhmaṇiyā gavaṃ satam;
Puttassa ājaññarathaṃ, kaññāya maṇikuṇḍalaṃ;
Yañcetaṃ puṇṇikaṃ jammaṃ, paṭipādeṭhuddukhalanti.

Nānāchandaḥajātakam navamamaṃ.

290. Sīlavīmaṃsakajātakam (3-4-10)

118. Sīlaṃ kireva kalyāṇaṃ, sīlaṃ loke anuttaraṃ;
Passa ghoraviso nāgo, sīlavāti na haññati.
119. Sohaṃ sīlaṃ samādissaṃ, loke anumataṃ sivaṃ;
Ariyavuttisamācāro, yena vuccati sīlavā.
120. Ñātīnañca piyo hoti, mittesu ca virocati;
Kāyassa bhedaṃ sugatiṃ, upapajjati sīlavāti.

Sīlavīmaṃsakajātakam dasamamaṃ.

Abbhantaravaggo catuttho.

Tassuddānaṃ –

Duma kaṃsavaruttamabyagghamigā, maṇayo maṇi sālukamavhayano;
Anusāsaniyopi ca macchavaro, maṇikuṇḍalakena kirena dasāti.

5. Kumbhavaggo

291. Surāghaṭajātakam (2-5-1)

121. Sabbakāmadadaṃ kumbhaṃ, kuṭaṃ laddhāna dhuttako;
Yāva naṃ anupāleti, tāva so sukhamedhati.
122. Yadā matto ca ditto ca, pamādā kumbhamabbhidā;
Tadā naggo ca pottho ca, pacchā bālo vihaññati.

123. Evameva yo dhanam laddhā, pamatto [amattā (sī.), amatto (pī.)] paribhuñjati;
Pacchā tappati dummedho, kuṭam bhitivāva [kuṭam bhinnova (sī. pī.), kuṭabhinnova (?)]
dhuttakoti.

Surāghaṭa [bhadraghaṭa (sī. pī.), bhadraghaṭabhedaka (syā.)] jātakaṃ paṭhamam.

292. Supattajātakaṃ (3-5-2)

124. Bārāṇasyam [bārāṇassam (sī. pī.)] mahārāja, kākarājā nivāsako [nivāsiko (sī. pī.)];
Asītiyā sahassehi, supatto parivārito.
125. Tassa dohaḷinī bhariyā, suphassā bhakkhitumicchati [macchamicchati (sī. pī.)];
Rañño mahānase pakkaṃ, paccaggham rājabhojanam.
126. Tesāham pahito dūto, rañño camhi idhāgato;
Bhattu apacitiṃ kummi, nāsāyamakaram [makariṃ (sī. nissaya)] vaṇanti.

Supattajātakaṃ dutiyam.

293. Kāyanibbindajātakaṃ (3-5-3)

127. Phuṭṭhassa me aññatarena byādhinā, rogena bālham dukhitassa ruppato;
Parisussati khippamidam kaḷevaram, pupham yathā paṃsuni ātape kataṃ.
128. Ajaññam jaññasankhātam, asuciṃ sucisammataṃ;
Nānakuṇapaparipūram, jaññarūpaṃ apassato.
129. Dhiratthumam āturam pūtikāyam, jegucchiyam assuciṃ byādhidhammam;
Yatthappamattā adhimucchitā pajā, hāpentī maggam sugatūpapattiyāti.

Kāyanibbinda [kāyavicchanda (sī.), kāyavicchinda (pī.)] jātakaṃ tatiyam.

294. Jambukhādakajātakaṃ (3-5-4)

130. Koyam bindussaro vaggu, saravantāna [pavadantāna (sī. pī.)] muttamo;
Accuto jambusākhāya, moracchāpova kūjati.
131. Kulaputtova jānāti [kulaputto pajānāti (syā. ka.)], kulaputtam [kulaputte (sī. pī.)] pasamsitum;
Byagghacchāpasarīvaṇṇa, bhuñja samma dadāmi te.
132. Cirassam vata passāmi, musāvādī samāgate;
Vantādam kuṇapādañca, aññamaññam pasamsaketi.

Jambukhādakajātakaṃ catuttham.

295. Antajātakaṃ (3-5-5)

133. Usabhasseva te khandho, sīhasseva vijambhitam;
Migarāja namo tyatthu, api kiñci labhāmase.
134. Kulaputtova jānāti, kulaputtam pasamsitum;

Mayūragīvasaṅkāsa, ito pariyāhi vāyasa.

135. Migānaṃ siṅgālo [kotthuko (sī. pī.), koṭṭhuko (syā.)] anto, pakkhīnaṃ pana vāyaso;
Eraṇḍo anto rukkhānaṃ, tayo antā samāgatāti.

Antajātakam pañcamaṃ.

296. Samuddajātakam (3-5-6)

136. Ko nāyaṃ [ko nvāyaṃ (syā.)] loṇatoyasmiṃ, samantā paridhāvati;
Macche makare ca vāreti, ūmīsu ca vihaññāti.
137. Anantapāyī sakuṇo, atittoti disāsuto;
Samuddaṃ pātumicchāmi, sāgaraṃ saritaṃ patim.
138. So ayaṃ hāyati ceva, pūrate ca mahodadhi;
Nāssa nāyati pītanto, apeyyo kira sāgaroti.

Samuddajātakam chaṭṭham.

297. Kāmavilāpajātakam (3-5-7)

139. Ucce sakuṇa ḍemāna, pattayāna vihaṅgama;
Vajjāsi kho tvaṃ vāmūruṃ, ciraṃ kho sā karissati [sarissati (ka.)].
140. Idaṃ kho sā na jānāti, asim sattiṅca oḍḍitaṃ;
Sā caṇḍī kāhati kodhaṃ, taṃ me tapati no idaṃ [no idha (sī. syā. pī.)].
141. Esa uppalaśannāho, nikkhañcussīsakohitaṃ [nikkhamussīsake kataṃ (sī. pī.),
nikkhañcussīsake kataṃ (syā.)];
Kāsikañca muduṃ vatthaṃ, tappetu dhanikā piyāti [dhanakāmiyāti (syā. pī.), dhanakāmikāti
(sī.)].

Kāmavilāpajātakam sattamaṃ.

298. Udumbarajātakam (3-5-8)

142. Udumbarā cime pakkā, nigrodhā ca kapitthanā;
Ehi nikkhama bhujjassu, kiṃ jighacchāya miyyasi.
143. Evaṃ so suhito hoti, yo vuḍḍhamapacāyati;
Yathāhamajja suhito, dumapakkāni māsito.
144. Yaṃ vanejo vanejassa, vañceyya kapino kapi;
Daharo kapi [daharopi taṃ na (sī. pī.), daharopi na (syā.)] saddheyya, na hi jiṇṇo jarākapīti.

Udumbarajātakam aṭṭham.

299. Komāraputtajātakam (3-5-9)

145. Pure tuvaṃ sīlavataṃ sakāse, okkantikaṃ [okkandikaṃ (sī. syā. pī.)] kīḷasi assamamhi;

Karohare [karohi re (ka.)] makkaṭṭiyāni makkaṭṭa, na taṃ mayam sīlavataṃ ramāma.

146. Sutā hi mayhaṃ paramā visuddhi, komāraputtassa bahussutassa;
Mā dāni maṃ maññi tuvaṃ yathā pure, jhānānuyutto viharāmi [jhānānuyuttā viharāma (sī. pī.)] āvuso.
147. Sacepi selasmi vapeyya bījaṃ, devo ca vasse na hi taṃ virūlḥe [neva hi taṃ ruheyya (sī. pī.), na hi taṃ virūlḥe (?)];
Sutā hi te sā paramā visuddhi, ārā tuvaṃ makkaṭṭa jhānabhūmiyāti.

Komāraputtajātakam navamaṃ.

300. Vakajātakam (3-5-10)

148. Parapānarodhā [parapānaghāte (syā.), parapānarocam (ka.)] jīvanto, maṃsalohitabhojano;
Vako vataṃ samādāya, upapajji uposatham.
149. Tassa sakko vataññāya, ajarūpenupāgami;
Vītatapo ajjhappatto, bhañji lohitapo tapam.
150. Evameva idhekacce, samādānamhi dubbalā;
Lahum karonti attānam, vakova ajakāraṇāti.

Vakajātakam dasamaṃ.

Kumbhavaggo pañcamaṃ.

Tassuddānam –

Varakumbha supattasirivhayano, sucisammata bindusaro cusabho;
Saritampati caṇḍi jarākapinā, atha makkaṭṭiyā vakakena dasāti.

Atha vagguddānam –

Saṅkappo padumo ceva, udapānena tatiyam;
Abbhantaram ghaṭabhedam, tikanipātamhilaṅkatanti.

Tikanipātam niṭṭhitam.

4. Catukkanipāto

1. Kāliṅgavaggo

301. Cūlakāliṅgajātakam (4-1-1)

1. Vivarathimāsam [vivaratha imāsam (sī. syā. pī.)] dvāram, nagaram pavisantu [pavisitum mayā; (ka.)] aruṇarājassa;
Sīhena susiṭṭhena, surakkhitam [susatthena, surakkhitam (sī. pī.), susiṭṭhena (ka.)] nandisenena.

2. Jayo kaliṅgānamasayhasāhinam, parājayo anayo [ajayo (syā.), anvito (ka.)] assakānam;
Iceva te bhāsitaṃ brahmacāri, na ujjubhūtā vitathaṃ bhaṇanti.
3. Devā musāvādamupātivattā, saccaṃ dhanam paramam tesu [tathaṃ pemakaram nu (ka.),
tathaṃ paramam karam nu (syā.)] sakka;
Taṃ te musā bhāsitaṃ devarāja, kiṃ vā paṭicca maghavā mahinda.
4. Nanu te sutam brāhmaṇa bhaññamāne, devā na issanti purisaparakkamassa;
Damo samādhi manaso abhejjo [adejjo (sī. pī.), abhijjo (ka.)], abyaggaṭā nikkamaṇa
[nikkhamanaṇa (sī.)] kāle;
Daḷhaṇa viriyam purisaparakkamo ca, teneva āsi vijayo assakānanti.

Cūlakāliṅgajātakaṃ paṭhamam.

302. Mahāassārohajātakaṃ (4-1-2)

5. Adeyyesu dadaṃ dānam, deyyesu nappavecchati;
Āpāsu byasanaṃ patto, sahāyam nādhigacchati.
6. Nādeyyesu dadaṃ dānam, deyyesu yo pavecchati;
Āpāsu byasanaṃ patto, sahāyamadhigacchati.
7. Saññogasambhogavisesadassanaṃ, anariyadhammesu saṭhesu nassati;
Kataṇa ariyesu ca ajjavesu, mahapphalaṃ hoti aṇumpi tādisu.
8. Yo pubbe katakalyāṇo, akā loke sudukkaram;
Pacchā kayirā na vā kayirā, accantaṃ pūjanārahoti.

Mahāassārohajātakaṃ dutiyam.

303. Ekarājajātakaṃ (4-1-3)

9. Anuttare kāmaguṇe samiddhe, bhutvāna pubbe vasī ekarāja;
So dāni dugge narakamhi khitto, nappajjahe vaṇṇabalaṃ purāṇam.
10. Pubbeva khantī ca tapo ca mayham, sampatthitā dubbhisena [dabbasenā (sī. pī.)] ahosi;
Taṃ dāni laddhāna kathaṃ nu rāja, jahe aham vaṇṇabalaṃ purāṇam.
11. Sabbā kirevam pariniṭṭhitāni, yasassinaṃ paññavantaṃ visayha;
Yaso ca laddhā purimaṃ uḷāram, nappajjahe vaṇṇabalaṃ purāṇam.
12. Panujja dukkhena sukham janinda, sukkena vā dukkhamasayhasāhi;
Ubhayattha santo abhinibbutattā, sukhe ca dukkhe ca bhavanti tulyāti.

Ekarājajātakaṃ tatiyam.

304. Daddarajātakaṃ (4-1-4)

13. Imāni maṃ daddara tāpayanti, vācāduruttāni manussaloke;
Maṇḍūkabhakkhā udakantasevī, āsīvisam maṃ avisā sapanti.

14. Sakā raṭṭhā pabbājito, aññaṃ janapadaṃ gato;
Mahantaṃ koṭṭhaṃ kayirātha, duruttānaṃ [duruttāni (ka.)] nidhetave.
15. Yattha posaṃ na jānanti, jātiyā vinayena vā;
Na tattha mānaṃ kayirātha, vasamaññātake jane.
16. Videsavāsaṃ vasato, jātavedasamenapi [jātavedabhayenapi (ka.)];
Khamitabbaṃ sapaññaena, api dāsassa tajjintanti.

Daddarajātakaṃ catutthaṃ.

305. Sīlavīmaṃsanajātakaṃ (4-1-5)

17. Natthi loke raho nāma, pāpakammaṃ pakubbato;
Passanti vanabhūtāni, taṃ bālo maññatī raho.
18. Ahaṃ raho na passāmi, suññaṃ vāpi na vijjati;
Yattha aññaṃ [suññaṃ (syā. ka.)] na passāmi, asuññaṃ hoti taṃ mayā.
19. Dujjacco ca sujacco [ajacco (pī.)] ca, nando ca sukhavaḍḍhito [sukhavacchako (sī.),
sukhavacchano (syā. pī.)];
Vejjo ca addhuvasīlo [atha sīlo (ka.)] ca, te dhammaṃ jahu matthikā.
20. Brāhmaṇo ca kathaṃ jahe, sabbadhammāna pāragū;
Yo dhammamanupāleti, dhitimā saccanikkamoti.

Sīlavīmaṃsanajātakaṃ pañcamamaṃ.

306. Sujātajātakaṃ (4-1-6)

21. Kimaṇḍakā ime deva, nikkhattā kaṃsamallake;
Uपालohitakā vaggū, taṃ [te (pī.)] me akkhāhi pucchito.
22. Yāni pure tuvaṃ devi, bhaṇḍu nantakavāsini;
Ucchaṅgahatthā pacināsi, tassā te koliyaṃ phalaṃ.
23. Uḍḍayhate na ramati, bhogā vippajahanti taṃ [vippajahanti'mama (?)];
Tatthevimaṃ paṇinetha, yattha kolaṃ pacissati.
24. Honti hete mahārāja, iddhipattāya [iddhimattāya (ka.)] nāriyā;
Khama deva sujātāya, māsā [māsu (ka.)] kujjha rathesabhāti.

Sujātajātakaṃ chaṭṭhaṃ.

307. Palāsajātakaṃ (4-1-7)

25. Acetanaṃ brāhmaṇa assuṇantaṃ, jāno ajānantamimaṃ palāsaṃ;
Āraddhaviriyo dhuvaṃ appamatto, sukhaseyyaṃ pucchasi kissa hetu.
26. Dūre suto ceva brahā ca rukkho, dese ṭhito bhūtanivāsarūpo;
Tasmā namassāmi imaṃ palāsaṃ, ye cetha bhūtā te [te ca (sī. pī.)] dhanassa hetu.

27. So te karissāmi yathānubhāvaṃ, kataññutaṃ brāhmaṇa pekkhamāno;
Kathañhi āgama satama sakāse, moghāni te assu pariphanditāni.
28. Yo tindukarukkhasa paro [puro (ka.)] pilakkho [pilakkhu (sī. pī.), milakkhu (ka.)], parivārito
pubbayañño uḷāro;
Tassesa mūlasmiṃ nidhi nikhāto, adāyādo gaccha taṃ uddharāhīti.

Palāsajātakaṃ sattamaṃ.

308. Sakunajātakaṃ (4-1-8)

29. Akaramhasa te kiccaṃ, yaṃ balaṃ ahuvamhase;
Migarāja namo tyatthu, api kiñci labhāmase.
30. Mama lohitabhakkhasa, niccaṃ luddāni kubbato;
Dantantaragato santo, taṃ bahuṃ yampi jīvasi.
31. Akatañnumakattāraṃ, katassa appaṭikāraṃ;
Yasmiṃ kataññutā natthi, niratthā tassa sevānā.
32. Yassa sammukhaciṇṇena, mittadhammo na labbhati;
Anusūya [anusuyya (sī. pī.)] manakkosaṃ, saṇikaṃ tamhā apakkameti.

Sakunajātakaṃ aṭṭhamaṃ.

309. Chavakajātakaṃ (4-1-9)

33. Sabbamidaṃ carimaṃ kataṃ [carimavataṃ (sī. pī.)], ubho dhammaṃ na passare;
Ubho pakatiyā cutā, yo cāyaṃ mantajjhāpeti [mantajjhāyati (sī.), sajjhāpayati (pī.)];
Yo ca mantama adhīyati.
34. Sālīnaṃ odanaṃ bhuñje, sucimaṃ maṃsūpasecanaṃ;
Tasmā etaṃ na sevāmi, dhammaṃ isihi sevitamaṃ.
35. Paribbaja mahā loko [mahābrahme (ka.)], pacantaññepi pāṇino;
Mā taṃ adhammo ācarito, asmā kumbhamivābhidā.
36. Dhiratthu taṃ yasalābhaṃ, dhanalābhañca brāhmaṇa;
Yā vutti vinipātena, adhammacaraṇena vāti.

Chavakajātakaṃ navamaṃ.

310. Seyyajātakaṃ (4-1-10)

37. Sasamuddapariyāyaṃ, mahimaṃ sāgarakuṇḍalaṃ;
Na icche saha nindāya, evamaṃ seyya [sayha (sī. syā. pī.)] vijānahi.
38. Dhiratthu taṃ yasalābhaṃ, dhanalābhañca brāhmaṇa;
Yā vutti vinipātena, adhammacaraṇena vā.
39. Api ce pattamādāya, anagāro paribbaje;

Sāyeva jīvikā seyyo, yā cādhammena esanā.

40. Api ce pattamādāya, anagāro paribbaje;
Aññaṃ ahiṃsayam loke, api rajjena taṃ varanti.

Seyyajātakam [sayhajātakam (sī. syā. pī.)] dasamam.

Kāliṅgavaggo [vivaravaggo (sī. pī.)] paṭhamo.

Tassuddānam –

Vivarañca adeyya samiddhavaram, atha daddara pāpamahātiraho;
Atha koli palāsavarañca kara, carimam sasamuddavarena dasāti.

2. Pucimandavaggo

311. Pucimandajātakam (4-2-1)

41. Uṭṭhehi cora kiṃ sesi, ko attho supanena [supitena (sī.), supinena (pī. ka.)] te;
Mā taṃ gahesuṃ [gaṇḥeyyūṃ (ka.)] rājāno, gāme kibbisakārakam.
42. Yam nu [nūna (syā.)] coram gahessanti, gāme kibbisakārakam;
Kiṃ tattha pucimandassa, vane jātassa tiṭṭhato.
43. Na tvaṃ assattha jānāsi, mama corassa cantaram;
Coram gahetvā rājāno, gāme kibbisakārakam;
Appenti [accenti (syā.)] nimbasūlasmim, tasmim me saṅkate mano.
44. Saṅkeyya saṅkitabbāni, rakkheyyānāgataṃ bhayaṃ;
Anāgatabhayā dhīro, ubho loke avekkhatīti.

Pucimandajātakam paṭhamam.

312. Kassapamandiyajātakam (4-2-2)

45. Api kassapa mandiyā, yuvā sapati hanti [sampaṭihanti (ka.)] vā;
Sabbam taṃ khamate dhīro, paṇḍito taṃ titikkhati.
46. Sacepi santo vivadanti, khippam sandhīyare puna;
Bālā pattāva bhijjanti, na te samathamajjhagū.
47. Ete bhiyyo samāyanti, sandhi tesam na jīrati;
Yo cādhipannam jānāti, yo ca jānāti desanam.
48. Eso hi uttaritaro, bhāravaho dhuraddharo;
Yo paresādhipannānam, sayam sandhātumarahatīti.

Kassapamandiyajātakam dutiyam.

313. Khantīvādijātakam (4-2-3)

49. Yo te hatthe ca pāde ca, kaṇṇanāsaṅca chedayi;
Tassa kujjha mahāvīra, mā raṭṭhaṃ vinasā [vinassa (ka. sī. syā. ka.)] idaṃ.
50. Yo me hatthe ca pāde ca, kaṇṇanāsaṅca chedayi;
Ciraṃ jīvatu so rājā, na hi kujjhanti mādisā.
51. Ahū atītamaddhānaṃ [ahu atītamaddhāne (syā. pī. ka.)], samaṇo khantidīpano;
Taṃ khantiyāyeva ṭhitaṃ, kāsirājā achedayi.
52. Tassa kamma [kamma (sī. pī.)] pharusassa, vipāko kaṭuko ahu;
Yaṃ kāsirājā vedesi, nirayamhi samappitoti.

Khantīvādījātakam tatiyaṃ.

314. Lohakumbhijātakam (4-2-4)

53. Dujjīvitamañjīvīma, ye sante [yesam no (syā. ka.)] na dadamhase;
Vijjamānesu bhogesu, dīpaṃ nākamha attano.
54. Saṭṭhi [saṭṭhim (syā.)] vassasahassāni, paripuṇṇāni sabbaso;
Nīraye paccamānaṃ, kadā anto bhavissati.
55. Natthi anto kuto anto, na anto paṭidissati;
Tadā hi pakataṃ pāpaṃ, mama tuyhaṅca mārisā [mārisa (sī. syā. pī.).]
56. Sohaṃ nūna ito gantvā, yoniṃ laddhāna mānusiṃ;
Vadaññū sīlasampanno, kāhāmi kusalaṃ bahuntī.

Lohakumbhijātakam catutthaṃ.

315. Sabbamaṃsalābhajātakam (4-2-5)

57. Pharusā vata te vācā, maṃsaṃ [samma (pī. ka.)] yācanako asi [casi (pī.)];
Kilomasadisī [kilomassa sadisā (pī.)] vācā, kilomaṃ samma dammi te.
58. Aṅgamaṃ manussānaṃ, bhātā loke pavuccati;
Aṅgassa sadisī vācā [aṅgassadisī te vācā (ka.)], aṅgaṃ samma dadāmi te.
59. Tātāti putto vadamāno, kampeti [sammeti (ka.)] hadayaṃ pitu;
Hodayassa sadisī [hodayassadisī (ka.)] vācā, hadayaṃ samma dammi te.
60. Yassa gāme sakhā natthi, yathāraññaṃ tatheva taṃ;
Sabbassa sadisī vācā, sabbam samma dadāmi teti.

Sabbamaṃsalābhajātakam [maṃsajātakam (sī. syā. pī.)] pañcamaṃ.

316. Sasapaṇḍitajātakam (4-2-6)

61. Satta me rohitā macchā, udakā thalamubbhatā;
Idaṃ brāhmaṇa me atthi, etaṃ bhutvā vane vasa.

62. Dussa me khettapālassa, rattibhattaṃ apābhattaṃ;
Maṃsasūlā ca dve godhā, ekañca dadhivāraṃ;
Idaṃ brāhmaṇa me atthi, etaṃ bhutvā vane vasa.
63. Ambapakkaṃ dakaṃ [ambapakkodakaṃ (sī. pī.)] sītaṃ, sītaccchāyā manoramā [sītaccchāyaṃ manoramam (sī. syā. pī.)];
Idaṃ brāhmaṇa me atthi, etaṃ bhutvā vane vasa.
64. Na sasassa tilā atthi, na muggā napi taṇḍulā;
Iminā agginā pakkaṃ, mamaṃ [maṃsam (ka.)] bhutvā vane vasāti.

Sasapaṇḍitajātakaṃ chaṭṭhaṃ.

317. Matarodanajātakaṃ (4-2-7)

65. Mataṃ mataṃ eva [matamatameva (sī. syā. pī.)] rodatha, na hi taṃ rodatha yo marissati;
Sabbepi [sabbeva (sī. syā. pī.)] sarīradhārino, anupubbena jahanti jīvitaṃ.
66. Devamanussā catuppadā, pakkhigaṇā uragā ca bhogino;
Samhi [yamhi (syā.), asmim (pī. ka.)] sarīre anissarā, ramamānāva jahanti jīvitaṃ.
67. Evaṃ calitaṃ asaṇḥitaṃ, sukhadukkhaṃ manujesvapekkhiya;
Kanditaruditaṃ niratthakaṃ, kiṃ vo sokagaṇābhikīrare.
68. Dhuttā ca soṇḍā [dhuttā soṇḍā (sī.), dhuttā soṇḍā ca (syā.)] akatā, bālā sūrā ayogino [bālā sūrā vīrā ayogino (pī.)];
Dhīraṃ maññanti bāloti, ye dhammassa akovidāti.

Matarodanajātakaṃ sattamaṃ.

318. Kaṇaverajātakaṃ (4-2-8)

69. Yaṃ taṃ vasantasamaye, kaṇaveresu bhāṇusu;
Sāmaṃ bāhāya pīlesi, sā taṃ ārogyamabravi.
70. Ambho na kira saddheyyaṃ, yaṃ vāto pabbataṃ vahe;
Pabbatañce vahe vāto, sabbampi pathaviṃ vahe;
Yattha sāmā kālakatā [kālākatā (ka.)], sā maṃ ārogyamabravi.
71. Na ceva sā kālakatā, na ca sā aññamicchati;
Ekabhattikinī [ekabhattā kira (sī. syā.), ekabhattakinī (pī.)] sāmā, tameva abhikaṅkhati.
72. Asanthutaṃ maṃ cirasanthutena [asandhataṃ maṃ cirasandhatena (ka.)], nimīni sāmā
adhuvaṃ dhuvena;
Mayāpi sāmā nimineyya aññaṃ, ito ahaṃ dūrataṃ gamissanti.

Kaṇaverajātakaṃ aṭṭhamaṃ.

319. Tittirajātakaṃ (4-2-9)

73. Susukhaṃ vata jīvāmi, labhāmi ceva bhuñjitaṃ;

Paripantheva tiṭṭhāmi, kā nu bhante gatī mama.

74. Mano ce te nappaṇamati, pakkhi pāpassa kammuno;
Abyāvaṭassa bhadraṣṣa, na pāpamupalimpati.
75. Ñātako no nisinnoti, bahu āgacchate jano;
Paṭicca kammaṃ phusati, tasmim̐ me saṅkate mano.
76. Na paṭicca kammaṃ phusati, mano ce nappadussati;
Apossukkassa bhadraṣṣa, na pāpamupalimpātī.

Tittirajātakam̐ navamam̐.

320. Succajajātakam̐ (4-2-10)

77. Succajam̐ vata naccaji, vācāya adadam̐ girim̐;
Kiṃ hitassa cajantassa, vācāya adada pabbatam̐.
78. Yañhi kayirā tañhi vade, yaṃ na kayirā na tam̐ vade;
Akarontam̐ bhāsamānam̐, parijānanti paṇḍitā.
79. Rājaputta namo tyatthu, sacce dhamme ṭhito casi;
Yassa te byasanam̐ patto, saccasmim̐ ramate mano.
80. Yā daliddī daliddassa, aḍḍhā aḍḍhassa kittima [kittimā (sī. syā. pī.)];
Sā hissa paramā bhariyā, sahiraññassa itthiyoti.

Succajajātakam̐ dasamam̐.

Pucimandavaggo dutiyo.

Tassuddānam̐ –

Atha cora sakassapa khantīvaro, dujjīvitatā ca varā pharusā;
Atha sasa matañca vasanta sukham̐, succajam̐vatanaccajinā ca dasāti.

3. Kuṭidūsakavaggo

321. Kuṭidūsakajātakam̐ (4-3-1)

81. Manussasseva te sīsam̐, hatthapādā ca vānara;
Atha kena nu vaṇṇena, agāram̐ te na vijjati.
82. Manussasseva me sīsam̐, hatthapādā ca siṅgila [siṅgāla (ka.), piṅgala (ṭīkā)];
Yāhu seṭṭhā manussesu, sā me paññā na vijjati.
83. Anavaṭṭhitacittassa, lahucittassa dubbhino [dūbhino (pī.)];
Niccām̐ addhuvasīlassa, sukhabhāvo [sucibhāvo (sī.), sukhabhāgo (?)] na vijjati.
84. So karassu ānubhāvam̐, vītivattassu sīliyam̐;
Sītavātaparittānam̐, karassu kuṭavam̐ [kuṭikam̐ (sī. syā.)] kapīti.

Kuṭṭidūsaka [singālasakuṇa (ka.)] jātakaṃ paṭhamam.

322. Duddubhajātakaṃ (4-3-2)

85. Duddubhāyati [daddabhāyati (sī. pī.)] bhaddante, yasmim̐ dese vasāmahaṃ;
Ahampetam̐ na jānāmi, kimetaṃ duddubhāyati.
86. Beluvaṃ patitaṃ sutvā, duddubhanti [daddabhanti (sī.)] saso javi;
Sasassa vacanaṃ sutvā, santattā migavāhinī.
87. Appatvā padaviññāṇam̐, paraghosānusārino;
Panādaparamā bālā, te honti parapattiyā.
88. Ye ca sīlena sampannā, paññāyūpasame ratā;
Ārakā viratā dhīrā, na honti parapattiyāti.

Duddubhajātakaṃ [daddabhajātakaṃ (sī. pī.)] dutiyaṃ.

323. Brahmadatajātakaṃ (4-3-3)

89. Dvayaṃ yācanaṃ rāja, brahmadatta nigacchati;
Alābham̐ dhanalābham̐ vā, evaṃ dhammā hi yācanā.
90. Yācanaṃ rodanaṃ āhu, pañcālānaṃ rathesabha;
Yo yācanaṃ paccakkhāti, tamāhu paṭirodanaṃ.
91. Mā maddasaṃsu rodantaṃ, pañcālā susamāgatā;
Tuvaṃ vā paṭirodantaṃ, tasmā icchāmahaṃ raho.
92. Dadāmi te brāhmaṇa rohiṇīnaṃ, gavaṃ sahassaṃ saha puṅgavena;
Ariyo hi ariyassa kathaṃ na dajjā [dajje (sī.), dajjam̐ (?)], sutvāna gāthā tava dhammayuttāti.

Brahmadatajātakaṃ tatiyaṃ.

324. Cammasātakajātakaṃ (4-3-4)

93. Kalyāṇarūpo vatayaṃ catuppado, subhaddako ceva supesalo ca;
Yo brāhmaṇam̐ jātimantūpapannaṃ, apacāyati meṇḍavaro yasassī.
94. Mā brāhmaṇa ittaradassanena, vissāsamāpajji catuppadassa;
Daḷhappahāraṃ abhikaṅkhamāno [abhikattukāmo (syā.)], avasakkaṭṭi dassati suppahāraṃ.
95. Ūruṭṭhi [ūraṭṭhi (sī.)] bhaggaṃ pavaṭṭito [patito (sī. syā.)] khāribhāro, sabbañca bhaṇḍam̐
brāhmaṇassa [brāhmaṇassīdha (ka. sī. pī.), brāhmaṇasseva (ka. sī. syā. ka.)] bhinnaṃ;
Ubhopi bāhā paggayha [paggayeva (syā.), paggaḥīya (?)] kandati [bāhā paggayya kandati (pī.
ka.)], abhidhāvatha haññate brahmacārī.
96. Evaṃ so nihato seti, yo apūjam̐ pasamsati [namassati (pī.)];
Yathāhamajja pahato, hato meṇḍena dummatīti.

Cammasātakajātakaṃ catuttham̐.

325. Godharājajātakam (4-3-5)

97. Samaṇaṃ taṃ maññaṃāno, upagacchimasaññaṭaṃ;
So maṃ daṇḍena pāhāsi, yathā assamaṇo tathā.
98. Kiṃ te jaṭāhi dummedha, kiṃ te ajinasāṭiyā;
Abbhantaraṃ te gahaṇaṃ, bāhiraṃ parimajjasi.
99. Ehi godha nivattassu, bhuñja sālīnamodanaṃ;
Telaṃ loṇaṇca me atthi, pahūtaṃ mayha pippali.
100. Esa bhiyyo pavekkhāmi, vammikaṃ sataporisaṃ;
Telaṃ loṇaṇca kittesi [kintesi (syā. pī.)], ahitaṃ mayha pippalīti.

Godharājajātakam pañcamaṃ.

326. Kakkārujātakam (4-3-6)

101. Kāyena yo nāvahare, vācāya na musā bhāṇe;
Yaso laddhā na majjeyya, sa ve kakkārumarahati.
102. Dhammena vittameseyya, na nikatyā dhaṇaṃ hare;
Bhoge laddhā na majjeyya, sa ve kakkārumarahati.
103. Yassa cittaṃ ahāliddaṃ, saddhā ca avirāginī;
Eko sādumaṃ na bhuñjeyya, sa ve kakkārumarahati.
104. Sammukhā vā tirokkhā vā [parokkhā vā (pī.), parammukhā (ka.)], yo sante na paribhāsati;
Yathāvādī tathākārī, sa ve kakkārumarahatīti.

Kakkārujātakam chaṭṭhaṃ.

327. Kākavatījātakam (4-3-7)

105. Vāti cāyaṃ [vāyaṃ (ka.)] tato gandho, yattha me vasatī piyā;
Dūre ito hi kākavatī [kākātī (sī.), kākāti (syā. pī.)], yattha me nirato mano.
106. Kathaṃ samuddamatarī, kathaṃ atari kepukaṃ [kebukaṃ (sī. pī.)];
Kathaṃ satta samuddāni, kathaṃ simbalimāruhi.
107. Tayā samuddamatarī, tayā atari kepukaṃ [kebukaṃ (sī. pī.)];
Tayā satta samuddāni, tayā simbalimāruhiṃ.
108. Dhiratthumaṃ mahākāyaṃ, dhiratthumaṃ acetanaṃ;
Yattha jāyāyaṃ jāraṃ, āvahāmi vahāmi cāti.

Kākavatījātakam sattamaṃ.

328. Ananusociyajātakam (4-3-8)

109. Bahūnaṃ vijjatī bhotī, tehi me kiṃ bhavissati;

Tasmā etaṃ na socāmi, piyaṃ sammillahāsiniṃ.

110. Taṃ taṃ ce anusoceyya, yaṃ yaṃ tassa na vijjati;
Attānamanusoceyya, sadā maccivasam patam.
111. Na heva ʘhitam nāsīnam, na sayānam na paddhagum [patthagum (syā.)];
Yāva byāti nimisati, tatrāpi rasatī [saratī (sī. syā. pī.)] vayo.
112. Tatthattani vatappaddhe [vata panthe (syā.), vata bandhe (ka.) vata + pa-addhe =
vatappaddhe], vinābhāve asaṃsaye;
Bhūtam sesam dayitabbam, vītam ananusociyanti [cavitam nānusociyanti (syā.), matantam
nānusociyam (ka.)].

Ananusociyajātakam aṭṭhamam.

329. Kālabāhujātakam (4-3-9)

113. Yaṃ annapānassa pure labhāma, taṃ dāni sākhamigameva gacchati;
Gacchāma dāni vanameva rādha, asakkatā casma dhanañjayāya [dhanañcayāya (ka.)].
114. Lābho alābho yaso ayaso ca, nindā pasamsā ca sukhañca dukkham;
Ete aniccā manujesu dhammā, mā soci kiṃ socasi poṭṭhapāda.
115. Addhā tuvaṃ paṇḍitakosi rādha, jānāsi atthāni anāgatāni;
Katham nu sākhamigam dakkhisāma [dakkhiyāma (ka.), dakkhāma (syā.)], niddhāvitam
[niddhāpitam (sī. syā.), nibbāpitam (pī.), nicchadam (ka.)] rājakulatova jammam.
116. Cāleti kaṇṇam bhakuṭim karoti, muhum muhum bhāyayate [bhāyate (syā.), bhāyāpate (ka.)]
kumāre;
Sayameva tam kāhati kālabāhu, yenārakā ʘhassati annapānāti.

Kālabāhujātakam navamam.

330. Sīlavīmaṃsajātakam (4-3-10)

117. Sīlam kireva kalyāṇam, sīlam loke anuttaram;
Passa ghoraviso nāgo, sīlavāti na haññati.
118. Yāvadevassahū kiñci, tāvadeva akhādisum;
Saṅgamma kulalā loke, na hiṃsanti akiñcanam.
119. Sukham nirāsā supati, āsā phalavatī sukhā;
Āsam nirāsam katvāna, sukham supati piṅgalā.
120. Na samādhiparo atthi, asmim loke paramhi ca;
Na param nāpi attānam, vihiṃsati samāhitoti.

Sīlavīmaṃsajātakam dasamam.

Kuṭidūsakavaggo tatiyo.

Tassuddānaṃ –

Samanussa -saduddubha-yācanako, atha meṇḍavaruttama-godhavarō;
Atha kāyasakepuka bhotīvaro, atha rādhasusīlavarena dasāti.

4. Kokilavaggo

331. Kokilajātakaṃ (4-4-1)

121. Yo ve kāle asampatte, ativelam pabhāsati;
Evaṃ so nihato seti, kokilāyiva atrajo.
122. Na hi sattham sunisitam, visam halāhalāmiva [halāhalam iva (pī.)];
Evaṃ nikaṭṭhe [nikkaḍḍhe (syā.), nikaḍḍhe (ka.)] pāṭeti, vācā dubbhāsītā yathā.
123. Tasmā kāle akāle vā [akāle ca (sī. syā.)], vācam rakkheyya paṇḍito;
Nāivelam pabhāseyya, api attasamamhi vā.
124. Yo ca kāle mitam bhāse, matipubbo vicakkhaṇo;
Sabbe amitte ādeti, supaṇṇo uragāmivāti.

Kokilajātakaṃ [kokālikajātakaṃ (sabbattha)] paṭhamam.

332. Rathalaṭṭhijātakaṃ (4-4-2)

125. Api hantvā hato brūti, jetvā jitoti bhāsati;
Pubbavakkhāyino [pubbamakkhāyino (sī. syā.)] rāja, aññadatthu [ekadatthu (sī. pī.)] na
saddahe.
126. Tasmā paṇḍitajātiyo, suṇeyya itarassapi;
Ubhinnaṃ vacanaṃ sutvā, yathā dhammo tathā kare.
127. Alaso gihī kāmabhogī na sādhu, asaññato pabbajito na sādhu;
Rājā na sādhu anisammakārī, yo paṇḍito kodhano tam na sādhu.
128. Nisamma khattiyo kayirā, nānisamma disampati;
Nisammakārino rāja [rañño (sī. syā.)], yaso kitti ca vaḍḍhatīti.

Rathalaṭṭhijātakaṃ dutiyam.

333. Pakkagodhajātakaṃ (4-4-3)

129. Tadeva me tvam vidito, vanamajjhe rathesabha;
Yassa te khaggabaddhassa, sannaddhassa tirīṭino;
Assatthadumasākhāya, pakkā godhā palāyatha.
130. Name namantassa bhaje bhajantam, kiccānukubbassa kareyya kiccam;
Nānatthakāmassa kareyya attham, asambhajantampi na sambhajeyya.
131. Caje cajantam vanatham na kayirā, apetaçittena na sambhajeyya;
Dījo dumam khīṇaphalanti [phalaṃva (ka. sī. syā. ka.), dukanipāte puṭabhajātakena

[samsandetabbam](#)] ñatvā, aññaṃ samekkheyya mahā hi loko.

132. So te karissāmi yathānubhāvaṃ, kataññutaṃ khattiye [[khattiyo \(syā. ka.\)](#)] pekkhamāno;
Sabbāṇca te issariyaṃ dadāmi, yassicchasi tassa tuvaṃ dadāmīti.

Pakkagodhajātakam [[godhajātakam \(sī. syā. pī.\)](#)] tatiyaṃ.

334. Rājovādajātakam (4-4-4)

133. Gavaṃ ce taramānānaṃ, jimhaṃ gacchati puṅgavo;
Sabbā tā jimhaṃ gacchanti [[sabbā gāvī jimhaṃ yanti \(sī. syā.\)](#)], nette jimhaṃ gate sati.
134. Evameva manussesu, yo hoti setṭhasammato;
So ce adhammaṃ carati, pageva itarā pajā;
Sabbam raṭṭhaṃ dukhaṃ seti, rājā ce hoti adhammiko.
135. Gavaṃ ce taramānānaṃ, ujum gacchati puṅgavo;
Sabbā gāvī ujum yanti [[sabbā tā ujum gacchanti \(pī. a. ni. 4.70\)](#)], nette ujum gate sati.
136. Evameva manussesu, yo hoti setṭhasammato;
So sace dhammaṃ carati, pageva itarā pajā;
Sabbam raṭṭhaṃ sukhaṃ seti, rājā ce hoti dhammikoti.

Rājovādajātakam catutthaṃ.

335. Jambukajātakam (4-4-5)

137. Brahā pavaḍḍhakāyo so, dīghadāṭho ca jambuka;
Na tvaṃ tattha kule jāto, yattha gaṇhanti kuñjaraṃ.
138. Asīho sīhamānena, yo attānaṃ vikubbati;
Kotthūva [[kuṭṭhūva \(sī.\)](#), [kutthuva \(syā. pī\)](#)] gajamāsajja, seti bhūmyā anutthunaṃ.
139. Yasassino uttamapuggalassa, sañjātakhandhassa mahabbalassa;
Asamekkhiya thāmabalūpapattiṃ, sa seti nāgena hatoyaṃ jambuko.
140. Yo cīdha kammaṃ kurute pamāya, thāmabbalaṃ attani saṃviditvā;
Jappena mantena subhāsitena, parikkhavā so vipulaṃ jinātīti.

Jambukajātakam pañcamaṃ.

336. Brahāchattajātakam (4-4-6)

141. Tiṇaṃ tiṇanti lapasi, ko nu te tiṇamāhari;
Kiṃ nu te tiṇakiccatti, tiṇameva pabhāsasi.
142. Idhāgamā brahmacārī, brahā chatto bahussuto;
So me [[so ve \(ka.\)](#)] sabbam samādāya, tiṇaṃ nikkhippa gacchati.
143. Evetaṃ hoti kattabbaṃ, appena bahumicchata;
Sabbam sakassa ādānaṃ, anādānaṃ tiṇassa ca. () [([tiṇassa cāṭisu gato, tattha kā paridevanā](#))]

(sī. syā.) (cāṭīsu pakkhipitvāna, tattha kā paridevanā) (ka.)]

144. Sīlavanto na kubbanti, bālo sīlāni kubbati;
Aniccasīlaṃ dussīlyaṃ [dussīlaṃ (pī.)], kiṃ paṇḍiccaṃ karissatīti.

Brahāchattajātakaṃ chaṭṭhaṃ.

337. Pīṭhajātakaṃ (4-4-7)

145. Na te pīṭhamadāyimhā [madāsīmha (pī. ka.)], na pānaṃ napi bhojanaṃ;
Brahmacāri khamassu me, etaṃ passāmi accayaṃ.
146. Nevābhisajjāmi na cāpi kuppe, na cāpi me appiyamāsi kiñci;
Athopi me āsi manovitaṃ, etādiso nūna kulassa dhammo.
147. Esasmākaṃ kule dhammo, pitupitāmaho sadā;
Āsanaṃ udakaṃ pajjaṃ, sabbetaṃ nipadāmase.
148. Esasmākaṃ kule dhammo, pitupitāmaho sadā;
Sakkaccaṃ upatiṭṭhāma, uttamaṃ viya nītakanti.

Pīṭhajātakaṃ sattamaṃ.

338. Thusajātakaṃ (4-4-8)

149. Viditaṃ thusaṃ undurānaṃ [undūrānaṃ (ka.)], viditaṃ pana taṇḍulaṃ;
Thusaṃ thusaṃ [thusaṃ thūlaṃ (sī.)] vivajjetvā, taṇḍulaṃ pana khādare.
150. Yā mantanā araññasmiṃ, yā ca gāme nikaṇṇikā;
Yañcetaṃ iti cīti ca, etaṃpi viditaṃ mayā.
151. Dhammena kira jātassa, pitā puttassa makkaṭo;
Daharasseva santassa, dantehi phalamacchidā.
152. Yametaṃ parisappasi [parisabbesi (ka.)], ajakāṇova sāsape;
Yopāyaṃ heṭṭhato seti [sesi (sī.)], etaṃpi viditaṃ mayāti.

Thusajātakaṃ aṭṭhamaṃ.

339. Bāverujātakaṃ (4-4-9)

153. Adassanena morassa, sikhino mañjubhāṇino;
Kākaṃ tattha apūjesuṃ, maṃsena ca phalena ca.
154. Yadā ca sarasampanno, moro bāverumāgamā;
Atha lābho ca sakkāro, vāyasassa ahāyatha.
155. Yāva nuppajjatī buddho, dhammarājā pabhaṅkaro;
Tāva aññe apūjesuṃ, puthū samaṇabrāhmaṇe.
156. Yadā ca sarasampanno, buddho dhammaṃ adesayi;

Atha lābho ca sakkāro, titthiyānaṃ ahāyathāti.

Bāverujātaṃ navamaṃ.

340. Visayahajātaṃ (4-4-10)

157. Adāsi dānāni pure visayha, dadato ca te khayadhammo ahosi;
Ito paraṃ ce na dadeyya dānaṃ, tiṭṭheyyaṃ te saṃyamantassa bhogā.
158. Anariyamariyena sahasanetta, suduggatenāpi akiccamāhu;
Mā vo dhanam taṃ ahu devarāja [ahuvā janinda (ka. sī. syā. pī.)], yaṃ bhogahetu vijahemu
saddham.
159. Yena eko ratho yāti, yāti tenāparo ratho;
Porāṇaṃ nihitaṃ vattaṃ, vattataññeva [vaddham, vaddhataññeva (ka. sī. pī.)] vāsava.
160. Yadi hessati dassāma, asante kiṃ dadāmase;
Evambhūtāpi dassāma, mā dānaṃ pamadamhaseti.

Visayahajātaṃ dasamaṃ.

Kokilavaggo [kokālikavaggo (ka.)] catuttho.

Tassuddānaṃ –

Ativelapabhāsati jītavaro, vanamajjha rathesabha jimhagamo;
Atha jambu tiṇāsanapīṭhavaraṃ, atha taṇḍula mora visayha dasāti.

5. Cūḷakuṇālavaggo

341. Kaṇḍarījātaṃ (4-5-1)

161. Narānamārāmakarāsu nārisu, anekacittāsu aniggahāsu ca;
Sabbattha nāpītikarāpi [sabba'ttanā'pītikarāpi (sī. syā.)] ce siyā [siyūṃ (syā.)], na vissase
tiṭṭhasamā hi nāriyo.
162. Yaṃ ve [yañca (syā. ka.)] disvā kaṇḍarīkinnarānaṃ [kinnarakinnarīnaṃ (syā.),
kinnarīkinnarānaṃ (ka.)], sabbitthiyo na ramanti agāre;
Taṃ tādisaṃ maccaṃ cajitvā bhariyā, aññaṃ disvā purisaṃ pīṭhasappiṃ.
163. Bakassa ca bāvarikassa [pāvārikassa (sī.)] rañño, accantakāmānugatassa bhariyā;
Avācarī [accācari (syā.), anācari (ka.)] paṭṭhavasānugassa [baddhavasānugassa (sī. syā.),
pattavasānugatassa (ka.)], kaṃ vāpi itthī nāticare tadaññaṃ.
164. Piṅgiyānī sabbalokissarassa, rañño piyā brahmadattassa bhariyā;
Avācarī paṭṭhavasānugassa, taṃ vāpi sā nājjhagā kāmakāminīti.

Kaṇḍarījātaṃ [kinnarījātaṃ (ka. sī. ka.), kuṇḍalikajātaṃ (syā.)] paṭṭhamamaṃ.

342. Vānarajātaṃ (4-5-2)

165. Asakkhiṃ vata attānaṃ, uddhātuṃ udakā thalaṃ;
Na dānāhaṃ puna tuyhaṃ, vasaṃ gacchāmi vārija.
166. Alametehi ambehi, jambūhi panasehi ca;
Yāni pāraṃ samuddassa, varaṃ mayhaṃ udumbaro.
167. Yo ca uppatitaṃ atthaṃ, na khippamanubujjhati;
Amitavasamanveti, pacchā ca anutappati.
168. Yo ca uppatitaṃ atthaṃ, khippameva nibodhati;
Muccate sattusambādhā, na ca pacchānutappaṭṭi.

Vānarajātaṃ dutiyaṃ.

343. Kuntinījātaṃ (4-5-3)

169. Avasimha tavāgāre, niccaṃ sakkatapūjitaṃ;
Tvameva dānimakari, handa rāja vajāmahaṃ.
170. Yo ve kate paṭikate, kibbise paṭikibbise;
Evaṃ taṃ sammatī veraṃ, vasa kuntini māgamā.
171. Na katassa ca kattā ca, metti [mettī (pī.), mittī (ka.)] sandhīyate puna;
Hadayaṃ nānujānāti, gacchaññeva rathesabha.
172. Katassa ceva kattā ca, metti sandhīyate puna;
Dhīrānaṃ no ca bālānaṃ, vasa kuntini māgamāti.

Kuntinījātaṃ tatiyaṃ.

344. Ambajātaṃ (4-5-4)

173. Yo nīliyaṃ maṇḍayati, saṇḍāsena vihaññati;
Tassa sā vasamanvetu, yā te ambe avāhari.
174. Vīsaṃ vā pañcavīsaṃ [pañṇuvīsaṃ (ka. sī. pī.)] vā, ūnatimsaṃ va jātiyā;
Tādisā pati mā laddhā [patiṃ mā laddhā (pī.), pati mā'lattha (?)], yā te ambe avāhari.
175. Dīghaṃ gacchatu addhānaṃ, ekikā abhisārikā;
Saṅkete pati mā adda [mā addasa (sī. pī.)], yā te ambe avāhari.
176. Alaṅkatā suvasanā, mālinī candanussadā;
Ekikā sayane setu, yā te ambe avāharīti.

Ambajātaṃ [ambacorajātaṃ (ka. sī. pī.)] catutthaṃ.

345. Gajakumbhajātaṃ (4-5-5)

177. Vanaṃ yadaggi dahati, pāvako kaṇhavattanī;
Kathaṃ karosi pacalaka, evaṃ dandhaparakkamo.

178. Bahūni rukkhachiddāni, pathabyā vivarāni ca;
Tāni ce nābhisambhoma, hoti no kālapariyāyo.

179. Yo dandhakāle tarati, taraṇīye ca dandhati;
Sukkhapaṇṇamaṃva akkamma, atthaṃ bhaṇjati attano.

180. Yo dandhakāle dandheti, taraṇīye ca tārayi;
Sasīva rattim vibhajaṃ, tassattho paripūrātīti.

Gajakumbhajātakaṃ pañcamaṃ.

346. Kesavajātakaṃ (4-5-6)

181. Manussindaṃ jahitvāna, sabbakāmasamiddhinaṃ;
Kathaṃ nu bhagavā kesī, kappassa ramati assame [ramatassame (ka.)].

182. Sādūnī [sādhūni (ka. sī. syā. ka.)] ramaṇīyāni, santi vakkhā manoramā;
Subhāsītāni kappassa, nārada ramayanti maṃ.

183. Sālīnaṃ odanaṃ bhuñje, suciṃ maṃsūpasecanaṃ;
Kathaṃ sāmākanīvāraṃ, aloṇaṃ chādayanti taṃ.

184. Sādumaṃ vā [asādumaṃ (pī.)] yadi vāsādumaṃ, appaṃ vā yadi vā bahumaṃ;
Vissattho yattha bhuñjeyya, vissāsaparamā rasāti.

Kesavajātakaṃ [kesījātakaṃ (ka.)] chaṭṭhaṃ.

347. Ayakūṭajātakaṃ (4-5-7)

185. Sabbāyasaṃ kūṭamatippamaṇaṃ, paggayha yo [so (pī.)] tiṭṭhasi antalikkhe;
Rakkhāya me [maṃ (sī.)] tvaṃ vihito nusajja, udāhu me cetayase [vāyamase (sī. syā.)]
vadhāya.

186. Dūto ahaṃ rājidha rakkhasānaṃ, vadhāya tuyhaṃ pahitohamasmi;
Indo ca taṃ rakkhati devarājā, tenuttamaṅgaṃ na te [na hi (ka. sī. pī.), te na (ka.)] phālayāmi.

187. Sace ca maṃ rakkhati devarājā, devānamindo maghavā sujampati;
Kāmaṃ pisācā vinadantu sabbe, na santase rakkhasiyā pajāya.

188. Kāmaṃ kandantu [kantantu (ka.), kaṇḍantu (syā.)] kumbhaṇḍā, sabbe paṃsupisācakā;
Nālaṃ pisācā yuddhāya, mahatī sā vibhimsikāti [vibhesikāti (syā.), vihesikāti (pī.)].

Ayakūṭajātakaṃ sattamaṃ.

348. Araññajātakaṃ (4-5-8)

189. Araññā gāmaṃāgamma, kiṃsīlaṃ kiṃvataṃ ahaṃ;
Purisaṃ tāta seveyyaṃ, taṃ me akkhāhi pucchito.

190. Yo taṃ vissāsaya tāta, vissāsaṅca khameyya te;
Sussūsī ca titikkhī ca, taṃ bhajehi ito [taṃ bhajeyyāsito (ka.)] gato.

191. Yassa kāyena vācāya, manasā natthi dukkaṭaṃ;
Urasīva patiṭṭhāya, taṃ bhajehi ito gato.

192. Haliddirāgaṃ kapiccitaṃ, purisaṃ rāgavirāgīnaṃ;
Tādisaṃ tāta mā sevi, nimmanussampi ce siyāti.

Araññajātakaṃ aṭṭhamaṃ.

349. Sandhibhedajātakaṃ (4-5-9)

193. Neva itthīsu sāmaññaṃ, nāpi bhakkhesu sārathi;
Athassa sandhibhedassa, passa yāva sucintitaṃ.

194. Asi tikkhova maṃsamhi, pesuññaṃ parivattati;
Yatthūsabhañca sīhañca, bhakkhayanti miḡādhamā.

195. Imaṃ so sayanaṃ seti, yamimaṃ [yayimaṃ (sī. pī.), yimaṃ (ka.)] passasi sārathi;
Yo vācaṃ sandhibhedassa, piṣuṇassa nibodhati.

196. Te janā sukhamedhanti, narā saggagatāriva;
Ye vācaṃ sandhibhedassa, nāvabodhanti sārathīti.

Sandhibhedajātakaṃ navamaṃ.

350. Devatāpañhajātakaṃ (4-5-10)

197. Hanti hatthehi pādehi, mukhañca parisumbhati;
Sa ve rāja piyo hoti, kaṃ tena tvābhipassasi [mabhipassasi (sī.)].

198. Akkosati yathākāmaṃ, āgamañcassa icchati;
Sa ve rāja piyo hoti, kaṃ tena tvābhipassasi.

199. Abbhakkhāti abhūtena, alikenābhisāraye;
Sa ve rāja piyo hoti, kaṃ tena tvābhipassasi.

200. Haraṃ annañca pānañca, vatthasenāsanāni ca;
Aññadatthuharā santā, te ve rāja piyā honti;
Kaṃ tena tvābhipassasīti.

Devatāpañhajātakaṃ dasamaṃ.

Cūḷakuṇḍalavaggo pañcamaṃ.

Tassuddānaṃ –

Narānaṃ asakkhivasimhavarō, nīliyamaggivarañca puna;
Puna rasāyasakūṭavarō, tathārañña sārathi hanti dasāti.

Atha vagguddānaṃ –

Kāliṅgaṃ [vivaraṃ (bahūsu)] pucimandañca, kuṭidūsaka kokilā [kuṭidūsamaṃ bahubhāṇakaṃ

(bahūsu)];

Cūḷakuṇḍalavaggo so, pañcama suppakāsītōti.

Catukkanipātaṃ niṭṭhitāṃ.

5. Pañcakanipāto

1. Mañikuṇḍalavaggo

351. Mañikuṇḍalajātakaṃ (5-1-1)

1. Jīno rathassaṃ mañikuṇḍale ca, putte ca dāre ca tatheva jīno;
Sabbesu bhogesu asesakesu [asesitesu (sī. pī.), asesikesu (ka.)], kasmā na santappasi sokakāle.
2. Pubbeva maccaṃ vijahanti bhogā, macco vā te [ca ne (pī.), dhane (ka.)] pubbataraṃ jahāti;
Asassatā bhogino kāmakāmi, tasmā na socāmahaṃ sokakāle.
3. Udeti āpūrati veti [pūreti khīyati (syā.)] cando, atthaṃ tapetvāna [andhaṃ tapetvāna (ka.),
atthaṅgametvāna (syā.), ettha “tapetvāna atthaṃ paleti”’ti sambandho] paleti sūriyo;
Viditā [vijitā (syā.)] mayā sattuka lokadhammā, tasmā na socāmahaṃ sokakāle.
4. Alaso gihī kāmabhogī na sādhu, asaññato pabbajito na sādhu;
Rājā na sādhu anisammakārī, yo paṇḍito kodhano taṃ na sādhu.
5. Nisamma khattiyo kayirā, nānisamma disampati;
Nisammakārino rāja [rañño (sī. syā.)], yaso kitti ca vaḍḍhatīti.

Mañikuṇḍalajātakaṃ paṭhamāṃ.

352. Sujātajātakaṃ (5-1-2)

6. Kiṃ nu santaramānova, lāyitvā haritaṃ tiṇaṃ;
Khāda khādāti lapasi, gatasattaṃ jaraggavaṃ.
7. Na hi annena pānena, mato goṇo samuṭṭhahe;
Tvañca tucchaṃ vilapasi, yathā taṃ dummatī tathā.
8. Tatheva tiṭṭhati sīsaṃ, hatthapādā ca vāladhi;
Sotā tatheva tiṭṭhanti [so tāta tatheva tiṭṭhati (ka.)], maññe goṇo samuṭṭhahe.
9. Nevayyakassa sīsañca [sīsaṃ vā (sī. syā. pī.)], hatthapādā ca dissare;
Rudaṃ mattikathūpasmim, nanu tvaññeva dummati.
10. Ādittaṃ vata maṃ santaṃ, ghatasittaṃva pāvakaṃ;
Vārinā viya osiñcaṃ [osiñci (ka.)], sabbāṃ nibbāpaye daraṃ.
11. Abbaḥi [abbūḷhaṃ (sī. syā.), abbhūḷhaṃ (ka.)] vata me sallaṃ, yamāsi hadayassitaṃ [sokaṃ
hadayanissitaṃ (sī. syā.)];
Yo me sokaparetassa, pitu sokaṃ apānudi.
12. Sohaṃ abbūḷhasallosmi, vītasoko anāvilo;

Na socāmi na rodāmi, tava sutvāna māṇava.

13. Evaṃ karonti sappaññā, ye honti anukampakā;
Vinivattenti sokamhā, sujāto pitaraṃ yathāti.

Sujātajātakam dutiyam.

353. Venasākhajātakam (5-1-3)

14. Nayidaṃ niccam bhavitabbaṃ brahmadatta, khemaṃ subhikkham sukhatā ca kāye;
Atthaccaye mā ahu sampamūlho, bhinnaplavo sāgarasseva majjhe.
15. Yāni karoti puriso, tāni attani passati;
Kalyāṇakārī kalyāṇam, pāpakārī ca pāpakam;
Yādisaṃ vapate bījam, tādisaṃ harate phalam.
16. Idaṃ tadācariyavaco, pārāsariyo yadabravi;
Mā su [mā ssu (sī. syā. pī.)] tvaṃ akari pāpaṃ, yaṃ tvaṃ pacchā kataṃ tape.
17. Ayameva so piṅgiya [so piṅgiyo (syā.), sopi bhiyyo (ka.)] venasākho, [dhonasākho (ka. sī. pī.)] yamhi ghātayim khattiyānam sahasam;
Alānkate candanasārānulle, tameva dukkham paccāgataṃ mamaṃ.
18. Sāmā ca [sāmāpi (sī. syā.)] kho candanalittagattā [gattī (ka. sī. syā. pī.)], laṭṭhiva
sobhañjanakassa uggatā;
Adisvā [adisvāva (sī.)] kālam karissāmi ubbarim, taṃ me ito dukkhataraṃ bhavissatīti.

Venasākhajātakam [dhonasākhajātakam (ka. sī. pī.)] tatiyam.

354. Uragejātakam (5-1-4)

19. Urageva tacam jinṇam, hitvā gacchati saṃ tanuṃ;
Evaṃ sarīre nibbhoge, pete kālānkate satī.
20. Ḍayhamāno na jānāti, ñātīnam paridevitaṃ;
Tasmā etaṃ na socāmi, gato so tassa yā gati.
21. Anavhito tato āgā, ananuññāto [nānuññāto (ka.)] ito gato;
Yathāgato tathā gato, tattha kā paridevanā.
22. Ḍayhamāno na jānāti, ñātīnam paridevitaṃ;
Tasmā etaṃ na socāmi, gato so tassa yā gati.
23. Sace rode kisā [kisī (pī.)] assam, tassā me kim phalam siyā;
Ñātimittasuhajjānam, bhiyyo no aratī siyā.
24. Ḍayhamāno na jānāti, ñātīnam paridevitaṃ;
Tasmā etaṃ na socāmi, gato so tassa yā gati.
25. Yathāpi dārako candaṃ, gacchantamanurodati;
Evaṃ sampadamevetam, yo petamanusocati.

26. Ḍayhamāno na jānāti, ñātīnaṃ paridevitaṃ;
Tasmā etaṃ na socāmi, gato so tassa yā gati.
27. Yathāpi udakakumbho, bhinno appaṭisandhiyo;
Evaṃ sampadamevetāṃ, yo petamanusocati.
28. Ḍayhamāno na jānāti, ñātīnaṃ paridevitaṃ;
Tasmā etaṃ na socāmi, gato so tassa yā gatīti.

Uragajātakāṃ catutthaṃ.

355. Ghaṭajātakāṃ (5-1-5)

29. Aññe socanti rodanti, aññe assumukhā janā;
Pasannamukhavaṇṇosi, kasmā ghaṭa [ghata (sī. pī.)] na socasi.
30. Nābhatītaḥaro soko, nānāgatasukhāvaho;
Tasmā dhaṅka [vaṃka (pī.)] na socāmi, natthi soke dutīyatā [soko dutīyakā (ka.)].
31. Socāṃ paṇḍu kiso hoti, bhattañcassa na rucati;
Amittā sumanā honti, sallavidhassa ruppato.
32. Gāme vā yadi vāraññe, ninne vā yadi vā thale;
Ṭhitaṃ maṃ nāgamissati, evaṃ diṭṭhapado ahaṃ.
33. Yassattā nālamekova, sabbakāmarasāharo;
Sabbāpi pathavī tassa, na sukhaṃ āvahissatīti.

Ghaṭajātakāṃ pañcamaṃ.

356. Koraṇḍiyajātakāṃ (5-1-6)

34. Eko araññe girikandarāyaṃ, paggayha paggayha silaṃ pavecchasi [pavejjhasi (syā. sī. aṭṭha.)];
Punappunaṃ santaramānarūpo, koraṇḍiya [kāraṇḍiya (sī. syā. pī.)] ko nu tava yidhattho.
35. Ahañhimaṃ sāgara sevitaṃ, samaṃ karissāmi yathāpi pāṇi;
Vikiriya sānūni ca pabbatāni ca, tasmā silaṃ dariyā pakkhipāmi.
36. Nayimaṃ mahiṃ arahati pāṇikappaṃ, samaṃ manusso karaṇāya meko;
Maññāmimaññeva dariṃ jigīsaṃ [jigīmsaṃ (sī. syā. pī.)], koraṇḍiya hāhasi [hāyasi (syā. ka.)]
jīvalokaṃ.
37. Sace ahaṃ [ayaṃ (sī. syā. pī.)] bhūtadharaṃ na sakkā [sakko (syā. ka.)], samaṃ manusso
karaṇāya meko;
Evameva tvaṃ brahme ime manusse, nānādiṭṭhike nānayissasi te [ne (ka.)].
38. Saṅkhittarūpena bhavaṃ mamatthaṃ, akkhāsi koraṇḍiya evametaṃ;
Yathā na sakkā pathavī samāyaṃ, kattuṃ manussena tathā manussatīti.

Koraṇḍiyajātakāṃ chaṭṭhaṃ.

357. Laṭukikajātakam (5-1-7)

39. Vandāmi taṃ kuñjara saṭṭhihāyanaṃ, āraññakam yūthapatim yasassim;
Pakkhehi taṃ pañjalikam karomi, mā me vadhī puttake dubbalāya.
40. Vandāmi taṃ kuñjara ekacārim, āraññakam pabbatasānugocaram;
Pakkhehi taṃ pañjalikam karomi, mā me vadhī puttake dubbalāya;
41. Vamissāmi te laṭukike puttakāni, kiṃ me tuvaṃ kāhasi dubbalāsi;
Sataṃ sahasānipi tādisīnaṃ, vāmena pādena papothayeyyaṃ.
42. Na heva sabbattha balena kiccaṃ, balañhi bālassa vadhāya hoti;
Karissāmi te nāgarājā anatthaṃ, yo me vadhī puttake dubbalāya.
43. Kākañca passa laṭukikam, maṇḍūkam nīlamakkhikam;
Ete nāgaṃ aghātesuṃ, passa verassa verinaṃ;
Tasmā hi veraṃ na kayirātha, appiyenapi kenacīti.

Laṭukikajātakam sattamaṃ.

358. Cūladhammapālajātakam (5-1-8)

44. Ahameva dūsiyā bhūnahatā, rañño mahāpatāpassa;
Etaṃ muñcatu dhammapālaṃ, hatthe me deva chedehi.
45. Ahameva dūsiyā bhūnahatā, rañño mahāpatāpassa;
Etaṃ muñcatu dhammapālaṃ, pāde me deva chedehi.
46. Ahameva dūsiyā bhūnahatā, rañño mahāpatāpassa;
Etaṃ muñcatu dhammapālaṃ, sīsaṃ me deva chedehi.
47. Na hi [naha (sī. syā. pī.) ettha ha-kāro khede] nūnimassa rañño, mittāmaccā ca vijjare suhadā;
Ye na vadanti rājānaṃ, mā ghātayi orasaṃ puttaṃ.
48. Na hi [naha (sī. syā. pī.) ettha ha-kāro khede] nūnimassa rañño, ñātī mittā ca vijjare suhadā;
Ye na vadanti rājānaṃ, mā ghātayi atrajaṃ puttaṃ.
49. Candanasārānulittā, bāhā chijjanti dhammapālassa;
Dāyādassa pathabyā, pāṇā me deva rujjhantīti.

Cūladhammapālajātakam aṭṭhamaṃ.

359. Suvaṇṇamigajātakam (5-1-9)

50. Vikkama re haripāda [mahāmiga (sī. syā. pī.)], vikkama re mahāmiga [haripāda (sī. syā. pī.)];
Chinda vārattikam pāsaṃ, nāhaṃ ekā vane rame.
51. Vikkamāmi na pāremi, bhūmiṃ sumbhāmi vegasā;
Daḷho vārattiko pāso, pādaṃ me parikantati.
52. Attharassu palāsāni, asiṃ nibbāha luddaka;

Paṭhamamaṃ maṃ vadhitvāna, hana pacchā mahāmigaṃ.

53. Na me sutamaṃ vā diṭṭhamaṃ vā, bhāsantiṃ mānusiṃ migiṃ [na me sutā vā diṭṭhā vā, bhāsanti mānusiṃ migi (ṭīkā)];
Tvaṅca bhadde sukhī hohi, eso cāpi mahāmigo.
54. Evaṃ luddaka nandassu, saha sabbehi ñātibhi;
Yathāhamajja nandāmi, muttamaṃ disvā mahāmiganti.

Suvaṇṇamigajātakamaṃ navamaṃ.

360. Suyonandījātakamaṃ (5-1-10)

55. Vāti gandho timirānaṃ, kusamuddo ca [va (syā. pī.)] ghosavā;
Dūre ito suyonandī [ito hi susandī (sī. syā.), itopi sussondī (pī.)], tambakāmā tudanti maṃ.
56. Kathamaṃ samuddamatari, katham addakkhi sedumaṃ [serumaṃ (sī. syā. pī.)];
Katham tassā ca tuyhaṅca, ahu sagga [agga (sī. syā.)] samāgamo.
57. Kurukacchā [bharukacchā (sī. syā. pī.)] payātānaṃ, vāṇijānaṃ dhanesinaṃ;
Makarehi abhidā [makarehibbidā (sī.), makarehi'bhidā (syā.), makarehi bhinnā (pī.)] nāvā,
phalakenāhamaplaviṃ.
58. Sā maṃ saṅghena mudunā, niccaṃ candanagandhinī;
Aṅgena [aṅkena (pī. ka.)] uddharī bhaddā, mātā puttaṃva orasaṃ.
59. Sā maṃ annena pānena, vatthena sayanena ca;
Attanāpi ca mandakkhī, evaṃ tamba vijānāhīti.

Suyonandījātakamaṃ dasamaṃ.

Maṇikuṇḍalavaggo paṭhamo.

Tassuddānaṃ –

Atha jinavaro haritaṃ tiṅako, atha bhinnaplavo uragova ghaṭo;
Dariyā puna kuṅjara bhūnahatā, migamuttamasaggavarena dasāti.

2. Vaṇṇārohavaggo

361. Vaṇṇārohajātakamaṃ (5-2-1)

60. Vaṇṇārohena jātiyā, balanikkamanena ca;
Subāhu na mayā seyyo, sudāṭha iti bhāsasi.
61. Vaṇṇārohena jātiyā, balanikkamanena ca;
Sudāṭho na mayā seyyo, subāhu iti bhāsasi.
62. Evaṃ ce maṃ viharantaṃ, subāhu samma dubbhasi;
Na dānāhaṃ tayā saddhiṃ, saṃvāsamaḥhirocaye.

63. Yo paresaṃ vacanāni, saddaheyya [saddahetha (sī. syā. pī.)] yathātathaṃ;
Khippaṃ bhijjetha mittasmiṃ, verañca pasave bahuṃ.
64. Na so mitto yo sadā appamatto, bhedāsaṅkī randhamevānupassī;
Yasmiñca setī urasīva putto, sa ve mitto yo abhejjo parehīti.

Vaṇṇārohajātakaṃ paṭhamamaṃ.

362. Sīlavīmaṃsajātakaṃ (5-2-2)

65. Sīlaṃ seyyo sutamaṃ seyyo, iti me saṃsayo ahu;
Sīlameva sutā seyyo, iti me natthi saṃsayo.
66. Moghā jāti ca vaṇṇo ca, sīlameva kiruttamaṃ;
Sīlena anupetassa, sutenattho na vijjati.
67. Khattiyo ca adhammaṭṭho, vesso cādhammanissito;
Te pariccajjubho loke, upapajjanti duggatiṃ.
68. Khattiyā brāhmaṇā vessā, suddā caṇḍālapukkusā;
Idha dhammaṃ caritvāna, bhavanti tidive samā.
69. Na vedā samparāyāya, na jāti nāpi [nopi (pī.)] bandhavā;
Sakañca sīlaṃ saṃsuddhaṃ, samparāyāya sukhāya cāti [sukhāvahanti (sī. syā.)].

Sīlavīmaṃsajātakaṃ dutiyamaṃ.

363. Hirijātakaṃ (5-2-3)

70. Hirimaṃ tarantaṃ vijigucchamaṇaṃ, tavāhamasmī iti bhāsamānaṃ;
Seyyāni kammaṇi anādiyantaṃ, neso mamanti iti naṃ vijaññā.
71. Yañhi kayirā tañhi vade, yaṃ na kayirā na taṃ vade;
Akarantaṃ bhāsamānaṃ, pariñānanti paṇḍitā.
72. Na so mitto yo sadā appamatto, bhedāsaṅkī randhamevānupassī;
Yasmiñca setī urasīva putto, sa ve mitto yo abhejjo parehi.
73. Pāmojjakaraṇaṃ ṭhānaṃ, pasamsāvahanaṃ sukhaṃ;
Phalānisamaṃso bhāveti, vahanto porisaṃ dhuraṃ.
74. Pavivekaraṃsaṃ pitvā, rasaṃ upasamassa ca;
Niddaro hoti nippāpo, dhammappītiraṃsaṃ pivanti.

Hirijātakaṃ tatiyamaṃ.

364. Khajjopanakajātakaṃ (5-2-4)

75. Ko nu santamhi pajjote, aggipariyesanaṃ caraṃ;
Addakkhi ratti [rattim (syā.)] khajjotaṃ, jātavedaṃ amaññatha.

76. Svassa gomayacuṇṇāni, abhimatthaṃ tiṇāni ca;
Viparītāya saññāya, nāsakkhi pajjaletave.
77. Evampi anupāyena, atthaṃ na labhate migo [mūgo (syā.)];
Visānato gavaṃ dohaṃ, yattha khīraṃ na vindati.
78. Vividhehi upāyehi, atthaṃ papponti māṇavā;
Niggahena amittānaṃ, mittānaṃ paggahena ca.
79. Senāmokkhalābhena [senī mokkhūpalābhena (syā.)], vallabhānaṃ nayena ca;
Jagatiṃ jagatipālā, āvasanti vasundharanti.

Khajjopanakajātakam catuttham.

365. Ahituṇḍikajātakam (5-2-5)

80. Dhuttomhi samma sumukha, jūte akkhararājito;
Harehi [sevehi (pī.)] ambapakkāni, vīriyaṃ te bhakkhayāmase.
81. Alikam vata maṃ samma, abhūtena pasamsasi;
Ko te suto vā diṭṭho vā, sumukho nāma makkaṭo.
82. Ajjāpi me taṃ manasi [te maṃ sarasi (ka.)], yaṃ maṃ tvaṃ ahituṇḍika;
Dhaññāpaṇaṃ pavisitvā, matto [mutto (ka.)] chātaṃ hanāsi maṃ.
83. Tāhaṃ saraṃ dukkhaseyyaṃ, api rajjampi kāraye;
Nevāhaṃ yācito dajjaṃ, tathā hi bhayatajjito.
84. Yañca jaññā kule jātaṃ, gabbhe tittaṃ amacchariṃ;
Tena sakhiñca mittañca, dhīro sandhātumarahatīti.

Ahituṇḍikajātakam pañcamam.

366. Gumbiyajātakam (5-2-6)

85. Madhuvaṇṇaṃ madhurasam, madhugandham visam ahu;
Gumbiyo ghāsamesāno, araññe odahī visam.
86. Madhu iti maññamānā [madhūti maññamānāya (ka.)], ye taṃ visamakhādisuṃ
[visamasāyisuṃ (sī. syā.)];
Tesaṃ taṃ kaṭukaṃ āsi, maraṇaṃ tenupāgamuṃ.
87. Ye ca kho paṭisaṅkhāya, visam taṃ parivajjayuṃ;
Te āturesu sukhitā, ḍayhamānesu nibbutā.
88. Evameva manussesu, visam kāmā samohitā;
Āmisam bandhanañcetam, maccuveso [paccuvaso (sī. syā.)] guhāsayo.
89. Evameva ime kāme, āturā paricārike [paricārike (ka.)];
Ye sadā parivajjenti, saṅgaṃ loke upaccaguntī.

Gumbiyajātakam chaṭṭham.

367. Sāliyajātakam (5-2-7)

90. Yvāyaṃ sāliya [sāliya (sī. syā. pī.), sālika (?)] chāpoti, kaṇhasappam agāhayi;
Tena sappenayam daṭṭho, hato pāpānusāsako.
91. Ahantāra [ahananta (pī.), aharanta (?)] mahantāram, yo naro hantumicchati;
Evaṃ so nihato seti, yathāyaṃ puriso hato.
92. Ahantāra [ahananta (sī. syā. pī.), aharanta (?)] maghātentaṃ, yo naro hantumicchati;
Evaṃ so nihato seti, yathāyaṃ puriso hato.
93. Yathā paṃsumuṭṭhiṃ puriso, paṭivātaṃ paṭikkhipe;
Tameva so rajo hanti, tathāyaṃ puriso hato.
94. Yo appaduṭṭhassa narassa dussati, suddhassa posassa anaṅgaṇassa;
Tameva bālam pacceṭi pāpam, sukhumo rajo paṭivātaṃva khittoti.

Sāliyajātakam sattamaṃ.

368. Tacasārajātakam (5-2-8)

95. Amittahatthagatā [hatthagatā (katthaci, sī. niyya)], tacasārasamappitā;
Pasannamukhavaṇṇāṭṭha, kasmā tumhe na socatha.
96. Na socanāya paridevanāya, atthova labbho [attho ca labbhā (sī. syā.), atthodha labbhā (a. ni. 5.48)] apī appakopi;
Socantameṇaṃ dukhitaṃ viditvā, paccatthikā attamanā bhavanti.
97. Yato ca kho paṇḍito āpadāsu, na vedhatī atthavinicchayaññū;
Paccatthikāssa [paccatthikā te (ka.)] dukhitā bhavanti, disvā mukhaṃ avikāraṃ purāṇam.
98. Jappena mantena subhāsitenā, anuppadānena paveniyā vā;
Yathā yathā yattha labhetha attham, tathā tathā tattha parakkameyya.
99. Yato ca jāneyya alabbhaneyyo, mayā vā [mayā vā (syā. ka.)] aññena vā esa attho;
Asocamāno adhivāsāyeyya, kammaṃ daḷhaṃ kinti karomi dānīti.

Tacasārajātakam aṭṭhamam.

369. Mittavindakajātakam (5-2-9)

100. Kyāham devānamakaram, kiṃ pāpam pakatam mayā;
Yaṃ me sirasmiṃ ohacca [uhacca (ka.), uhacca (pī.)], cakkam bhamati matthake.
101. Atikkamma ramaṇakam, sadāmatthañca dūbhakam;
Brahmattarañca pāsādam, kenatthena idhāgato.
102. Ito bahutarā bhogā, atra maññe bhavissare;
Iti etāya saññāya, passa maṃ byasaṇam gatam.

103. Catubbhi aṭṭhājḥagamā, aṭṭhāhipi ca [aṭṭhāhi cāpi (sī. syā.), aṭṭhābhi cāpi (ka.)] soḷasa;
Soḷasāhi ca bāttimsa, atricchaṃ cakkamāsado;

Ichhāhatassa posassa, cakkam bhamati matthake.

104. Uparivīsālā duppūrā, icchā visaṭṭagāminī [upari visālaṃ duppūraṃ, icchāvisadagāminī (sī.)];
Ye ca taṃ anugijjhanti, te honti cakkadhārinoti.

Mittavindakajātakaṃ navamaṃ.

370. Palāsajātakaṃ (5-2-10)

105. Haṃso palāsamavaca, nigrodho samma jāyati;
Aṅkasmim [aṅgasmim (ka.)] te nisinnova, so te mammāni checchati [chijjati (ka.)].

106. Vaḍḍhatāmeva [vaddhitameva (ka.)] nigrodho, patiṭṭhassa bhavāmahaṃ;
Yathā pitā ca mātā ca [pitā vā mātā vā (pī.), mātā vā pitā vā (ka.)], evaṃ me so bhavissati.

107. Yaṃ tvaṃ aṅkasmim vaḍḍhesi, khīrarukkhaṃ bhayānakaṃ;
Āmanta kho taṃ gacchāma, vuḍḍhi massa na rucati.

108. Idāni kho maṃ bhāyeti, mahānerunidassanaṃ;
Haṃsassa anabhiññāya, mahā me bhayamāgataṃ.

109. Na tassa vuḍḍhi kusalappasatthā, yo vaḍḍhamāno ghasate patiṭṭhaṃ;
Tassūparodhaṃ parisankamāno, patārayī mūlavadhāya dhīroti.

Palāsajātakaṃ dasamaṃ.

Vañṇārohavaggo dutiyo [imassuddānaṃ tatiyavaggapariyosāne bhavissati].

3. Aḍḍhavaggo

371. Dīghītikosalajātakaṃ (5-3-1)

110. Evaṃbhūtassa te rāja, āgatassa vase [vaso (pī. ka.)] mama;
Atthi nu koci pariyāyo, yo taṃ dukkhā pamocaye.

111. Evaṃbhūtassa me tāta, āgatassa vase tava;
Natthi no koci pariyāyo, yo maṃ dukkhā pamocaye.

112. Nāññaṃ sucaritaṃ rāja, nāññaṃ rāja subhāsitaṃ;
Tāyate maraṇakāle, evamevitaraṃ dhanaṃ.

113. Akkocchi maṃ avadhi maṃ, ajini maṃ ahāsi me;
Ye ca taṃ upanayhanti, veraṃ tesam na sammati.

114. Akkocchi maṃ avadhi maṃ, ajini maṃ ahāsi me;
Ye ca taṃ nupanayhanti, veraṃ tesūpasammati.

115. Na hi verena verāni, sammantīdha kudācanaṃ;

Averena ca sammanti, esa dhammo sanantanoti.

Dīghītikosalajātakam paṭhamam.

372. Migapotakajātakam (5-3-2)

116. Agārā paccupetassa, anagārassa te sato;
Samaṇassa na taṃ sādhu, yaṃ petamanusocasi.
117. Saṃvāsena have sakka, manussassa migassa vā;
Hadaye jāyate pemam, na taṃ sakkā asocitum.
118. Mataṃ marissaṃ rodanti, ye rudanti lapanti ca;
Tasmā tvaṃ isi mā rodi, roditaṃ moghamāhu santo.
119. Roditena have brahme, mato peto samuṭṭhahe;
Sabbe saṅgamma rodāma, aññamaññassa ñātake.
120. Ādittaṃ vata maṃ santaṃ, ghatasittaṃva pāvakaṃ;
Vāriṇā viya osiñcaṃ, sabbam nibbāpaye daram.
121. Abbahi vata me sallaṃ, yamāsi hadayassitaṃ;
Yo me sokaparetassa, puttasokam apānudi.
122. Soham abbūḷhasallosmi, vītasoko anāvilo;
Na socāmi na rodāmi, tava sutvāna vāsavāti.

Migapotakajātakam dutiyaṃ.

373. Mūsikajātakam (5-3-3)

123. Kuhiṃ gatā kattha gatā, iti lālappatī jano;
Ahameveko jānāmi, udapāne mūsikā hatā.
124. Yañcetaṃ [yathetaṃ (pī.), yavetaṃ (ka.), yametaṃ (katthaci)] iti cīti ca, gadrabhova nivattasi;
Udapāne mūsikaṃ hantvā, yavaṃ bhakkhetumicchasi.
125. Daharo cāsi dummedha, paṭhamuppattiko [paṭhamuppattito (sī. pī.)] susu;
Dīghañcetaṃ [dīghametaṃ (pī.)] samāsajja [samāpajja (syā. ka.)], na te dassāmi jīvitaṃ.
126. Nāntalikkhabhavanena, nāṅgaputtapīnena [nāṅgaputtasirena (sī. syā. pī.)] vā;
Puttena hi patthayito, silokehi pamocito.
127. Sabbam sutamadhiyetha, hīnamukkaṭṭhamajjhimam;
Sabbassa attham jāneyya, na ca sabbam payojaye;
Hoti tādisako kālo, yattha atthāvahaṃ sutanti.

Mūsikajātakam tatiyaṃ.

374. Cūḷadhanuggahajātakam (5-3-4)

128. Sabbaṃ bhaṇḍaṃ samādāya, pāraṃ tiṇṇosi brāhmaṇa;
Paccāgaccha lahuṃ khippaṃ, mampi tārehi dānito [dānibho (syā.)].
129. Asanthutaṃ maṃ ciraśanthutena, nimīni bhotī addhavaṃ dhuvena;
Mayāpi bhotī nimineyya aññaṃ, ito ahaṃ dūrataṃ gamissaṃ.
130. Kāyaṃ eḷagalāgumbe [eḷagaṇagumbe (ka.)], karoti ahuhāsiyaṃ;
Nayīdha naccagītaṃ vā [nayidha naccam vā gītaṃ vā (sī. syā. pī.)], tāḷaṃ vā susamāhitam;
Anamhikāle [anamhakāle (pī.)] susoṇi [sussoṇi (sī. syā. pī.)], kiṃ nu jagghasi sobhane
[sobhaṇe (pī. ka.)].
131. Siṅgāla bāla dummedha, appapaññosi jambuka;
Jīno macchañca pesiñca, kapaṇo viya jhāyasi.
132. Sudassaṃ vajjamaññesaṃ, attano pana duddasaṃ;
Jinā patiñca jārañca, maññe tvaññeva [mampi tvaññeva (sī. syā.), tvampi maññeva (pī.)]
jhāyasi.
133. Evametaṃ migarāja, yathā bhāsasi jambuka;
Sā nūnāhaṃ ito gantvā, bhattu hessaṃ vasānugā.
134. Yo hare mattikaṃ thālaṃ, kaṃsathālampi so hare;
Katañceva [katamyeva (sī. syā. pī.)] tayā pāpaṃ, punapevaṃ karissasīti.

Cūḷadhanuggahajātakam catuttham.

375. Kapotajātakaṃ (5-3-5)

135. Idāni khomhi sukhito arogo, nikkaṇṭako nippatito kapoto;
Kāhāmi dānī hadayassa tuṭṭhiṃ, tathāhimaṃ maṃsasākaṃ baleti.
136. Kāyaṃ balākā sikhino, corī laṅhipitāmahā;
Oraṃ balāke āgaccha, caṇḍo me vāyaso sakhā.
137. Alañhi te jagghitāye, mamaṃ disvāna edisaṃ;
Vilūnaṃ sūdaputtana, piṭṭhamaṇḍena [piṭṭhamaddena (sī. syā. pī.)] makkhitam.
138. Sunhāto suvilittosi, annapānena tappito;
Kaṇṭhe ca te veḷuriyo, agamā nu kajaṅgalaṃ.
139. Mā te mitto amitto vā, agamāsi kajaṅgalaṃ;
Piñchāni tattha lāyitvā, kaṇṭhe bandhanti vaṭṭanaṃ.
140. Punapāpajjasī samma, sīlañhi tava tādisaṃ;
Na hi mānusakā bhogā, subhuñjā honti pakkhināti.

Kapotajātakaṃ pañcamaṃ.

Aḍḍhavaggo tatiyo.

Tassuddānaṃ –

Atha vaṇṇa sasīla hiri labhate, sumukhā visa sāḷiyamittavaro;
Atha cakka palāsa sarāja sato, yava bāla kapotaka pannarasāti.

Atha vagguddānaṃ –

Jīnañca vaṇṇaṃ asamaṃvaguppari, sudesitā jātakanti santi vīsati [jātaka pañcavīsati (?)];
Mahesino brahmacarittamutta-mavoca gāthā atthavaṭṭi subyañjanāti.

Pañcakanipātaṃ niṭṭhitaṃ.

6. Chakkanipāto

1. Avāriyavaggo

376. Avāriyajātakaṃ (6-1-1)

1. Māsu kujjha bhūmipati, māsu kujjha rathesabha;
Kuddhaṃ appaṭikujjhanto, rājā raṭṭhassa pūjito.
2. Gāme vā yadi vāraññe, ninne vā yadi vā thale;
Sabbattha anusāsāmi, māsu kujjha [māssu kujjhi (sī. pī.)] rathesabha.
3. Avāriyapitā nāma, ahu gaṅgāya nāviko;
Pubbe janaṃ tāretvāna, pacchā yācati vetanaṃ;
Tenassa bhaṇḍanaṃ hoti, na ca bhogehi vaḍḍhati.
4. Atiṇṇaṃyeva yācassu, apāraṃ tāta nāvika;
Añño hi tiṇṇassa mano, añño hoti pāresino [taresino (sī. pī.), tiresino (syā.)].
5. Gāme vā yadi vāraññe, ninne vā yadi vā thale;
Sabbattha anusāsāmi, māsu kujjhittha nāvika.
6. Yāyevānusāsaniyā, rājā gāmaṃvaram adā;
Tāyevānusāsaniyā, nāviko paharī mukhaṃ.
7. Bhattaṃ bhinnaṃ hatā bhariyā, gabbho ca patito chamā;
Migova jātarūpena, na tenatthaṃ abandhi sūti [avaḍḍhitunti (sī. syā.), avaḍḍhi sūti (?)].

Avāriyajātakaṃ paṭhamam.

377. Setaketujātakaṃ (6-1-2)

8. Mā tāta kujjhi na hi sādhu kodho, bahumpi te adiṭṭhamassutañca;
Mātā pitā disatā [disā tāta (syā.), disā tā (pī.)] setaketu, ācariyamāhu disataṃ pasatthā.
9. Agārino annadapānavatthadā [annapānavatthadā (syā. ka.)], avhāyikā tampi disaṃ vadanti;
Esā disā paramā setaketu, yaṃ patvā dukkhī sukhino bhavanti.
10. Kharājīnā jaṭilā paṅkadantā, dummakkharūpā [dumukkharūpā (sī. syā.), dummukkharūpā (pī. ka.)] yeme jappanti mante;

Kacci nu te mānusake payoge, idaṃ vidū parimuttā apāyā.

11. Pāpāni kammāni katvāna rāja, bahussuto ce na [bahussuto neva (sī. syā.)] careyya dhammaṃ; Sahassavedopi na taṃ paṭicca, dukkhā pamuñce caraṇaṃ apatvā.
12. Sahassavedopi na taṃ paṭicca, dukkhā pamuñce caraṇaṃ apatvā; Maññāmi vedā aphaḷā bhavanti, saṃyamaṃ caraṇameva [caraṇaññeva (sī. syā. pī.)] saccaṃ.
13. Na heva vedā aphaḷā bhavanti, saṃyamaṃ caraṇameva saccaṃ; Kittiñhi pappoti adhicca vede, santiṃ puñeti [santaṃ pune'ti (sī. pī.)] caraṇena dantoti.

Setaketujātaṃ dutiyaṃ.

378. Darīmukhajātaṃ (6-1-3)

14. Paṅko ca kāmā palipo ca kāmā, bhayañca metaṃ timūlaṃ pavuttaṃ; Rajo ca dhūmo ca mayā pakāsītā, hitvā tuvaṃ pabbaja brahmadatta.
15. Gadhito [gathito (sī.)] ca ratto ca adhimucchito ca, kāmesvahaṃ brāhmaṇa bhiṃsarūpaṃ; Taṃ nussahe jīvikattho pahātuṃ, kāhāmi puññāni anappakāni.
16. Yo atthakāmassa hitānukampino, ovajjamāno na karoti sāsanaṃ; Idameva seyyo iti maññamāno, punappunaṃ gabbhamupeti mando.
17. So ghorarūpaṃ nirayaṃ upeti, subhāsubhaṃ muttakarīsapūraṃ; Sattā sakāye na jahanti gidhā, ye honti kāmesu avītarāgā.
18. Mīlhena littā ruhirena makkhitā, semhena littā upanikkhamanti; Yaṃ yañhi kāyena phusanti tāvade, sabbaṃ asātaṃ dukhameva kevalaṃ.
19. Disvā vadāmi na hi aññato savaṃ, pubbenivāsaṃ bahukaṃ sarāmi; Citrāhi gāthāhi subhāsītāhi, darīmukho nijjhāpayi sumedhanti.

Darīmukhajātaṃ tatiyaṃ.

379. Nerujātaṃ (6-1-4)

20. Kākolā kākasaṅghā ca, mayañca patataṃ varā [vara (ka.) mayantipadassa hi visesanaṃ]; Sabbeva sadisā homa, imaṃ āgamma pabbataṃ.
21. Idha sīhā ca byagghā ca, siṅgālā ca migādhamā; Sabbeva sadisā honti, ayaṃ ko nāma pabbato.
22. Imaṃ nerūti [nerunti (sī. syā.)] jānanti, manussā pabbatuttamaṃ; Idha vaṇṇena sampannā, vasanti sabbapāṇino.
23. Amānanā yattha siyā, santānaṃ vā vimānanā; Hīnasammānanā vāpi, na tattha vasatiṃ vase [vasatī vase (syā.), vasa divase (pī.)].
24. Yatthālaso ca dakkho ca, sūro bhīru ca pūjijyā; Na tattha santo vasanti, avisesakare nare [nage (sī. syā. pī.)].

25. Nāyaṃ neru vibhajati, hīnaukkaṭṭhamajjhime;
Avisesakaro neru, handa neruṃ jahāmaseti.

Nerujātakam catuttham.

380. Āsaṅkajātakam (6-1-5)

26. Āsāvati nāma latā, jātā cittalatāvane;
Tassā vassasahassena, ekaṃ nibbattate phalaṃ.
27. Taṃ devā payirupāsanti, tāva dūrāphalaṃ satim;
Āsīseva [āsiṃseva (sī. syā. pī.)] tuvaṃ rāja, āsā phalavati sukhā.
28. Āsīsateva [āsiṃsetheva (sī. syā. pī.)] so pakkhī, āsīsateva [āsiṃsetheva (sī. syā. pī.)] so dijo;
Tassa cāsā [tassevāsā (syā.)] samijjhati, tāva dūragatā satī;
Āsīseva tuvaṃ rāja, āsā phalavati sukhā.
29. Sampesi kho maṃ vācāya, na ca sampesi [saṃsesi (ka.)] kammunā;
Mālā sereyyakasseva, vaṇṇavantā agandhikā.
30. Aphalaṃ madhuraṃ vācaṃ, yo mittesu pakubbati;
Adadaṃ avissajaṃ bhogaṃ, sandhi tenassa jīrati.
31. Yañhi kayirā tañhi vade, yaṃ na kayirā na taṃ vade;
Akarontaṃ bhāsamānaṃ, pariṇanti paṇḍitā.
32. Balañca vata me khīṇaṃ, pātheyyañca na vijjati;
Saṅke pāṇūparodhāya, handa dāni vajāmahaṃ.
33. Etadeva hi me nāmaṃ, yaṃ nāmasmi rathesabha;
Āgamehi mahārāja, pitaraṃ āmantayāmahanti.

Āsaṅkajātakam pañcamaṃ.

381. Migālopajātakam (6-1-6)

34. Na me rucci migālopa, yassa te tādisī gatī;
Atuccaṃ tāta patasi, abhūmiṃ tāta sevasi.
35. Catukkaṇṇaṃva kedāraṃ, yadā te pathavī siyā;
Tato tāta nivattassu, māssu etto paraṃ gami.
36. Santi aññepi sakuṇā, pattayānā vihaṅgamā;
Akkhittā vātavegena, naṭṭhā te sassatīsamā.
37. Akatvā apanandassa [aparaṇṇassa (sī. syā. pī.)], pitu vuddhassa sāsaṇaṃ;
Kālavāte atikkamma, verambhānaṃ vasaṃ agā [gato (sī.)].
38. Tassa puttā ca dārā ca, ye caññe anujīvino;
Sabbe byasaṇamāpāduṃ, anovādakare dije.

39. Evampi idha vuddhānaṃ, yo vākyam nāvabujjhati;
Atisīmacaro [atisīmaṃ caro (sī. syā. ka.)] ditto, gijjhovātītasāsano;
Sabbe byasanaṃ papponti, akatvā buddhasāsanaṃti.

Migālopajātakaṃ chaṭṭhaṃ.

382. Sirikāḷakaṇṇijātakaṃ (6-1-7)

40. Kā nu kāḷena vaṇṇena, na cāpi [na cāsi (sī.)] piyadassanā;
Kā vā tvaṃ kassa vā dhītā, kathaṃ jānemu taṃ mayaṃ.
41. Mahārājassahaṃ dhītā, virūpakkhassa caṇḍiyā;
Ahaṃ kālī alakkhikā, kāḷakaṇṇīti maṃ vidū;
Okāsaṃ yācito dehi, vasemu tava santike.
42. Kiṃsīle kiṃsamācāre, purise nivisase tuvaṃ;
Puṭṭhā me kāḷi akkhāhi, kathaṃ [yathā (sī. pī.)] jānemu taṃ mayaṃ.
43. Makkhī paḷāsī sārāmbhī, issukī maccharī saṭṭho;
So mayhaṃ puriso kanto, laddhaṃ yassa vinassati.
44. Kodhano upanāhī ca, piṣuṇo ca vibhedako;
Kaṇḍakavāco [aṇḍakavāco (ka. sī. pī.)] pharusso, so me kantataro tato.
45. Ajja suveti puriso, sadatthaṃ nāvabujjhati;
Ovajjamāno kuppati, seyyaṃ so atimaññati.
46. Davappaluddho [devappaluddho (ka.), davappaladdho (pī.)] puriso, sabbamittehi dhaṃsati;
So mayhaṃ puriso kanto, tasmim̐ homi anāmayā.
47. Apehi etto tvaṃ kāḷi, netam̐ amhesu vijjati;
Aññaṃ janapadaṃ gaccha, nigame rājadhāniyo.
48. Ahampi kho taṃ [cetam̐ (sī.)] jānāmi, netam̐ tumhesu vijjati;
Santi loke alakkhikā, saṅgharanti bahuṃ dhaṇaṃ;
Ahaṃ devo ca me bhātā, ubho naṃ vidhamāmaṃse.
49. Kā nu dibbena vaṇṇena, pathabyā supatiṭṭhitā;
Kā vā tvaṃ kassa vā dhītā, kathaṃ jānemu taṃ mayaṃ.
50. Mahārājassahaṃ dhītā, dhataratṭhassa sirīmato [dhataratṭhasirīmato (syā. ka.)];
Ahaṃ sirī ca lakkhī ca, bhūripaññāti maṃ vidū;
Okāsaṃ yācito dehi, vasemu tava santike.
51. Kiṃsīle kiṃsamācāre, purise nivisase tuvaṃ;
Puṭṭhā me lakkhī akkhāhi, kathaṃ [yathā (sī. pī.)] jānemu taṃ mayaṃ.
52. Yo cāpi sīte athavāpi uṇhe, vātātape ḍaṃsasarīsape ca;
Khudhaṃ [khuddam̐ (syā. ka.), khudam̐ (pī.)] pipāsaṃ abhibhuyya sabbam̐, rattintivaṃ yo
satataṃ niyutto;
Kālāgatañca na hāpeti atthaṃ, so me manāpo nivise ca tamhi.

53. Akkodhano mittavā cāgavā ca, sīlūpapanno asaṭhojubhūto [asaṭho ujjubhūto (pī.)];
Saṅgāhako sakhilo saṅhavāco, mahattapattopi nivātavutti;
Tasmimhaṃ [tasmāhaṃ (sī. pī.)] pose vipulā bhavāmi, ūmi samuddassa yathāpi vaṇṇaṃ.
54. Yo cāpi mitte athavā amitte, seṭṭhe sarikkhe atha vāpi hīne;
Atthaṃ carantaṃ athavā anattaṃ, āvī raho saṅgahameva vatte [vatto (syā. ka.)].
Vācaṃ na vajjā pharusāṃ kadāci, matassa jīvassa ca tassa homi.
55. Etesaṃ yo aññataraṃ labhitvā, kantā sirī [kantasirim (katthaci), kantaṃ sirim (syā.)
aṭṭhakathāyaṃ dutiyatatiyapāṭhantarāni] majjati appapañño;
Taṃ dittarūpaṃ visamaṃ carantaṃ, karisaṭhānaṃva [karisaṭaṃ va (sī. syā.)] vivajjayāmi.
56. Attanā kurute lakkhiṃ, alakkhiṃ kurutattanā;
Na hi lakkhiṃ alakkhiṃ vā, añño aññassa kārakoti.

Sirikāḷakaṇṇijātaṃ sattamaṃ.

383. Kukkuṭajātaṃ (6-1-8)

57. Sucittapattachadana, tambacūḷa vihaṅgama;
Oroha dumasākhāya, mudhā bhariyā bhavāmi te.
58. Catuppadī tvam kalyāṇi, dvipadāhaṃ manorame;
Migī pakkhī asaṅṅuttā, aññaṃ pariyesa sāmikaṃ.
59. Komārikā te hessāmi, mañjukā piyabhāṇinī;
Vinda maṃ ariyena vedena, sāvaya maṃ yadicchasi.
60. Kuṇapādini lohitape, cori kukkuṭapothini;
Na tvam ariyena vedena, mamaṃ bhattāramicchasi.
61. Evampi caturā [cāturā (syā. ka.)] nārī, disvāna sadhanaṃ [pavaraṃ (sī. syā. pī.)] naraṃ;
Nenti saṅhāhi vācāhi, biḷārī viya kukkuṭaṃ.
62. Yo ca uppatitaṃ atthaṃ, na khippamanubujjhati;
Amittavasamanveti, pacchā ca anutappati.
63. Yo ca uppatitaṃ atthaṃ, khippameva nibodhati;
Muccate sattusambādā, kukkuṭova biḷāriyāti.

Kukkuṭajātaṃ aṭṭhamaṃ.

384. Dhammadhajātaṃ (6-1-9)

64. Dhammaṃ caratha ñātayo, dhammaṃ caratha bhaddaṃ vo [bhadda vo (ka.)];
Dhammacārī sukhaṃ seti, asmim loke paramhi ca.
65. Bhaddako vatayaṃ pakkhī, dijo paramadhammiko;
Ekapādena tiṭṭhanto, dhammamevānusāsati.
66. Nāssa sīlaṃ vijānātha, anaññāya pasamsatha;

Bhuvā aṇḍaṇca potaṇca [chāpe ca (sī. pī.)], dhammo dhammoti bhāsati.

67. Aññaṃ bhaṇati vācāya, aññaṃ kāyena kubbati;
Vācāya no ca kāyena, na taṃ dhammaṃ adhiṭṭhito.
68. Vācāya sakhilo manoviduggo, channo kūpasayova kaṇhasappo;
Dhammadhajo gāmanigamāsusādhu [gāmanigamāsu sādhusammato (sī.), gāmanigamasādhu (pī.)], dujjāno purisena bālisena.
69. Imaṃ tuṇḍehi pakkhehi, pādā cimaṃ viheṭṭhatha [vipothatha (pī.)];
Chavañhimaṃ vināsetha, nāyaṃ saṃvāsanārahoti.

Dhammadhajātakaṃ navamaṃ.

385. Nandiyamigarājajātakaṃ (6-1-10)

70. Sace brāhmaṇa gacchesi, sākete [sāketam (sī. syā.)] ajjunam [añjhanam (sī. syā. pī.)] vanam;
Vajjāsī nandiyam nāma, puttaṃ asmākamorasam;
Mātā pitā ca te vuddhā, te taṃ icchanti passitum.
71. Bhuttā mayā nivāpāni, rājino pānabhojanam;
Taṃ rājapiṇḍam avabhottum [avabhottam (ka.)], nāham brāhmaṇa mussahe.
72. Odahissāmahaṃ passam, khurappānissa [khurappānissa (sī.), khurapānissa (pī.),
khurappapānissa (?)] rājino;
Tadāham sukhito mutto, api passeyya mātaram.
73. Migarājā pure āsiṃ, kosalassa nicketane [nicketave (sī. syā. pī.)];
Nandiyō nāma nāmena, abhirūpo catuppado.
74. Taṃ maṃ vadhitumāgacchi, dāyasmim ajjune vane;
Dhanuṃ ārajjam [ārajjum (niyya), adejjham (sī. pī.)] advedhābhāvaṃ ekībhāvanti attho
katvāna, usuṃ sannayha [sandhāya (sī. pī.)] kosalo.
75. Tassāham odahim passam, khurappānissa rājino;
Tadāham sukhito mutto, mātaram daṭṭhumāgatoti.

Nandiyamigarājajātakaṃ dasamaṃ.

Avāriyavaggo paṭhamo.

Tassuddānam –

Atha kujjharathesabha ketuvaro, sadarimukha neru latā ca puna;
Apananda sirī ca sucittavaro, atha dhammika nandimigena dasāti.

2. Kharaputtavaggo

386. Kharaputtajātakaṃ (6-2-1)

76. Saccaṃ kirevamāhaṃsu, vastam [bhastam (sī. pī.), kalakam (syā.), garam (ka.)] bālōti paṇḍitā;

Passa bālo rahokammaṃ, āvikubbaṃ na bujjhati.

77. Tvaṃ khopi [tvaṃ nu kho (sī. syā.), tvañca kho (pī.)] samma bālosi, kharaputta vijānahi; Rajjuyā hi [rajjuyāsi (pī.)] parikkhitto, vaṅkoṭṭho ohitomukho.
78. Aparampi samma te bālyam [ayampi samma te bālo (ka.)], yo mutto na palāyasi; So ca bālataro samma, yaṃ tvaṃ vahasi senakaṃ.
79. Yaṃ nu samma ahaṃ bālo, ajarāja vijānahi; Atha kena senako bālo, taṃ me akkhāhi pucchito.
80. Uttamatthaṃ labhitvāna, bhariyāya yo padassati [bhayiyā yo padassati (pī.), bhayiyā na bhavissati (ka.)]; Tena jahissatattānaṃ, sā cevassa na hessati.
81. Na ve piyammeti [na piyameṭi (ka.), na piyamedanti (katthaci)] janinda tādiso, attam niraṃkatvā piyāni sevati [sevaye (?)]; Attāva seyyo paramā ca seyyo, labbhā piyā ocitatthena pacchāti.

Kharaputtajātakaṃ paṭhamam.

387. Sūcijātakaṃ (6-2-2)

82. Akakkasaṃ aphaṛusaṃ, kharadhotam supāsiyam; Sukhumaṃ tikhiṇaggañca, ko sūciṃ ketumicchati.
83. Sumajjañca supāsañca, anupubbaṃ [anupubba (sī. syā.)] suvaṭṭitam; Ghanaghātimaṃ paṭithaddhaṃ, ko sūciṃ ketumicchati.
84. Ito dāni patāyanti, sūciyo baḷisāni ca; Koyam kammāragāmasmiṃ, sūciṃ vikketumicchati.
85. Ito sathāni gacchanti, kammantā vividhā puthū; Koyam kammāragāmasmiṃ, sūciṃ vikketumicchati [marahati (sī. syā. pī.).]
86. Sūciṃ kammāragāmasmiṃ, vikketabbā pajānatā; Ācariyāva jānanti [ācariyā sañjānanti (ka.), ācariyā pajānanti (syā.), ācariyāva sañjānanti (pī.)], kammaṃ sukatadukkaṭam [dukkataṃ (sī. pī.).]
87. Imaṃ ce [imañca (sī. syā. pī.)] te pitā bhadde, sūciṃ jaññā mayā kataṃ; Tayā ca maṃ nimanteyya, yañcatthaññaṃ ghare dhananti.

Sūcijātakaṃ dutiyam.

388. Tuṇḍilajātakaṃ (6-2-3)

88. Navachannake [navachandake (sī. pī.), navacchadake (syā.)] dāni [doṇi (ka.), dānam, dāne (katthaci)] diyyati, puñṇāyam doṇi suvāminī ṭhitā; Bahuke jane pāsapañike, no ca kho me paṭibhāti bhuñjituṃ.
89. Tasasi bhamasi leṇamicchasi, attāṇosi kuhiṃ gamissasi;

Appossukko bhuñja tuṇḍila, maṃsatthāya hi positāmhase [posiyāmase (sī. syā. pī.)].

90. Ogaha rahadaṃ akaddamaṃ, sabbaṃ sedamalaṃ pavāhaya;
Gaṇhāhi navaṃ vilepanaṃ, yassa gandho na kadāci chijjati.
91. Katamo rahado akaddamo, kiṃsu sedamalanti vuccati;
Katamañca navaṃ vilepanaṃ, yassa gandho na kadāci chijjati.
92. Dhammo rahado akaddamo, pāpaṃ sedamalanti vuccati;
Sīlañca navaṃ vilepanaṃ, tassa gandho na kadāci chijjati.
93. Nandanti sarīraghātino, na ca nandanti sarīradhārino;
Puṇṇāya ca puṇṇamāsiyā, ramamānāva jahanti jīvitanti.

Tuṇḍilajātakaṃ tatiyaṃ.

389. Suvaṇṇakakkaṭajātakaṃ (6-2-4)

94. Siṅgīmigo āyatacakkhunetto, aṭṭhittaco vārisayo alomo;
Tenābhībhūto kapaṇaṃ rudāmi, hare sakhā kissa nu maṃ jahāsi.
95. So passasanto mahatā phaṇena, bhujāṅgamo kakkaṭamajjhapatto;
Sakhā sakhāraṃ paritāyamāno, bhujāṅgamaṃ kakkaṭako gahesi.
96. Na vāyasaṃ no pana kaṇhasappaṃ, ghāsattthiko kakkaṭako adeyya;
Pucchāmi taṃ āyatacakkhunetta, atha kissa hetumha ubho gahītā.
97. Ayaṃ puriso mama atthakāmo, yo maṃ gahetvāna dakāya neti;
Tasmiṃ mate dukkhamanappaṃ me, ahañca eso ca ubho na homa.
98. Mamañca disvāna pavaddhakāyaṃ, sabbo jano hiṃsitumeva micche;
Sāduñca thūlañca muduñca maṃsaṃ, kākāpi maṃ disvāna [disva (sī. pī.)] viheṭṭhayeyyūṃ.
99. Sacetassa hetumha ubho gahītā, uṭṭhātu poso visamāvamāmi [visamācamāmi (sī. pī. ka.)];
Mamañca kākāñca pamañca khippaṃ, pure visaṃ gāḷhamupeti maccamaṃ.
100. Sappaṃ pamokkhāmi na tāva kākamaṃ, paṭibandhako [paṭibaddhako (sī. pī.)] hohiti [hoti hi (syā.)] tāva kāko;
Purisañca disvāna sukhiṃ arogaṃ, kākamaṃ pamokkhāmi yatheva sappaṃ.
101. Kāko tadā devadatto ahoṣi, māro pana kaṇhasappo ahoṣi;
Ānandabhaddo kakkaṭako ahoṣi, ahaṃ tadā brāhmaṇo homi satthāti [tatthāti (sī. pī.)].

Suvaṇṇakakkaṭajātakaṃ catutthaṃ.

390. Mayhakajātakaṃ (6-2-5)

102. Sakuṇo mayhako nāma, girisānudarīcaro;
Pakkaṃ pipphalimāruya, mayhaṃ mayhanti kandati.
103. Tassevaṃ vilapantassa, dijasaṅghā samāgatā;

Bhutvāna pippalim̐ yanti, vilapatveva so dijo.

104. Evameva idhekacco, saṅgharivā bahum̐ dhanam̐;
Nevattano na ñātīnam̐, yathodhim̐ paṭipajjati.
105. Na so acchādanam̐ bhattam̐, na mālam̐ na vilepanam̐;
Anubhoti [nānubhoti (syā. ka.)] sakim̐ kiñci, na saṅgaṇhāti ñātake.
106. Tassevam̐ vilapantassa, mayham̐ mayhanti rakkhato;
Rājāno atha vā corā, dāyadā ye va [ye ca (syā. ka.)] appiyā;
Dhanamādāya gacchanti, vilapatveva so naro.
107. Dhīro [dhīro ca (sī.)] bhoge adhigamma, saṅgaṇhāti ca ñātake;
Tena so kittim̐ pappoti, pecca sagge pamodatīti [sagge ca modatīti (sī. pī.).]

Mayhakajātakam̐ pañcamam̐.

391. Vijjādhara-jātakam̐ (6-2-6)

108. Dubbaṅṅarūpaṃ tuvamariyavaṇṇī, purakkhatvā [purakkhitvā (syā. ka.)] pañjaliko namassasi;
Seyyo nu te so udavā [udāhu (syā. ka.)] sarikkho, nāmam̐ parassattano cāpi brūhi.
109. Na nāmagottam̐ gaṇhanti rāja, sammaggaṭānujjugāṭāna [samaggaṭānujjugāṭāna (syā.),
samuggaṭānujjugāṭāna (ka.)] devā;
Ahañca te nāmadheyyam̐ vadāmi, sakkohamasmī tidasānamindo.
110. Yo disvā bhikkhum̐ caraṇūpapannam̐, purakkhatvā pañjaliko namassati;
Pucchāmi taṃ devarājetamattham̐, ito cuto kim̐ labhate sukham̐ so.
111. Yo disvā bhikkhum̐ caraṇūpapannam̐, purakkhatvā pañjaliko namassati;
Diṭṭheva dhamme labhate pasamsam̐, saggañca so yāti sarīrabhedā.
112. Lakkhī vata me udapādi ajja, yaṃ vāsavam̐ bhūtapatiddasāma;
Bhikkhuñca disvāna tuvañca sakka, kāhāmi puññāni anappakāni.
113. Addhā have sevitabbā sapaññā, bahussutā ye bahuṭhānacintino;
Bhikkhuñca disvāna mamañca rāja, karohi puññāni anappakāni.
114. Akkodhano nīccapasannacitto, sabbāthīyācayogo bhavitvā;
Nīhacca mānam̐ abhivādayissam̐, sutvāna devīnda subhāsītānīti.

Vijjādhara [dhajaviheṭṭhaka (sī. pī.), pabbajitaviheṭṭhaka (syā.)] jātakam̐ chaṭṭham̐.

392. Siṅhapupphajātakam̐ (6-2-7)

115. Yametaṃ [yamekam̐ (pī.)] vārijaṃ puppham̐, adinnam̐ upasiṅghasi;
Ekaṅgametaṃ theyyānam̐, gandhathenosi mārisa.
116. Na harāmi na bhañjāmi, ārā siṅghāmi vārijaṃ;
Atha kena nu vaṇṇena, gandhathenoti vuccati.

117. Yoyaṃ bhisāni khaṇati, puṇḍarīkāni bhañjati;
Evaṃ ākiṇṇakammanto, kasmā eso na vuccati.
118. Ākiṇṇaluddo puriso, dhāticelaṃva makkhito;
Tasmīṃ me vacanaṃ natthi, tañcārahāmi vattave.
119. Anaṅgaṇassa posassa, niccaṃ sucigavesino;
Vālaggamattaṃ pāpassa, abbhāmatthaṃva khāyati.
120. Addhā maṃ yakkha jānāsi, atho maṃ anukampasi;
Punapi yakkha vajjāsi, yadā passasi edisaṃ.
121. Neva taṃ upajīvāmi, napi te bhatakāmhase [bhatakamhase (sī. pī.), bhatikamhase (syā.)];
Tvameva bhikkhu jāneyya, yena gaccheyya suggatinti.
- Siṅghapuppha [bhisapuppha (sī. pī.), upasiṅghapuppha (syā.)] jātakaṃ sattamaṃ.

393. Vighāsādajātakaṃ (6-2-8)

122. Susukhaṃ vata jīvanti, ye janā vighāsādino;
Diṭṭheva dhamme pāsaṃsā, samparāye ca suggatī.
123. Sukassa [suvassa (sī. syā. pī.)] bhāsamānassa, na nisāmetha paṇḍitā;
Idaṃ suṇātha sodariyā, amhevāyaṃ pasaṃsati.
124. Nāhaṃ tumhe pasaṃsāmi, kuṇapādā suṇātha me;
Ucchiṭṭhabhojino [bhojanā (ka.)] tumhe, na tumhe vighāsādino.
125. Sattavassā pabbajitā, mejjhāraññe [majjharaññe (ka.)] sikhaṇḍino;
Vighāseneva yāpentā, mayaṃ ce bhoto gārayhā;
Ke nu bhoto pasaṃsiyā.
126. Tumhe sīhānaṃ byagghānaṃ, vālānañcāvasiṭṭhakaṃ;
Ucchiṭṭheneva yāpentā, maññivho vighāsādino.
127. Ye brāhmaṇassa samaṇassa, aññassa vā [aññassa ca (sī. syā.), aññasseva (pī.)] vanibbino
[vaṇibbino (sī. syā.)];
Datvāva [datvāna (pī. ka.)] sesaṃ bhuñjanti, te janā vighāsādinoti.

Vighāsādajātakaṃ aṭṭhamaṃ.

394. Vaṭṭakajātakaṃ (6-2-9)

128. Paṇītaṃ bhuñjase bhattaṃ, sappitelañca mātula;
Atha kena nu vaṇṇena, kiso tvamasi vāyasa.
129. Amittamajjhe vasato, tesu āmisamesato;
Niccaṃ ubbiggahadayassa, kuto kākassa dalhiyaṃ.
130. Niccaṃ ubbegino [ubbiggino (syā. ka.), ubbedhino (sī.)] kākā, dhañkā pāpena kammaṇā;
Laddho piṇḍo na pīṇeti, kiso tenasmi vaṭṭaka.

131. Lūkhāni tiṇabījāni, appasnehāni bhuñjasi;
Atha kena nu vaṇṇena, thūlo tvamasi vaṭṭaka.
132. Appicchā appacintāya, adūragamanena ca;
Laddhāladdhena yāpento, thūlo tenasmī vāyasa.
133. Appicchassa hi posassa, appacintasukhassa [appacintisukhassa (sī. syā. pī.)] ca;
Susaṅgahitamānassa [susaṅgahitapamāṇassa (sī. syā. pī.)], vuttī susamudānāyāti.

Vaṭṭakajātakam navamaṃ.

395. Pārāvatajātakam (6-2-10)

134. Cirassaṃ vata passāmi, sahāyaṃ maṇidhāriṇaṃ;
Sukatā [sukatāya (sī. pī.)] massukuttiyā, sobhate vata me sakhā.
135. Parūlhakacchanakhalomo, ahaṃ kammesu byāvaṭo;
Cirassaṃ nhāpitaṃ laddhā, lomaṃ taṃ ajjam hārayiṃ [apahārayiṃ (sī. pī.)].
136. Yaṃ nu lomaṃ ahāresi, dullabhaṃ laddha kappakaṃ;
Atha kiñcarahi te samma, kaṇṭhe kiṇikiṇāyati [idaṃ kaṇṭhe kiṇāyati (ka.), kaṇṭhe kiṇnikilāyati (syā.)].
137. Manussasukhumālānaṃ, maṇi kaṇṭhesu lambati;
Tesāhaṃ anusikkhāmi, mā tvaṃ maññi davā kataṃ.
138. Sacepimaṃ pihayasi, massukuttiṃ sukāritaṃ;
Kārayissāmi te samma, maṇiñcāpi dadāmi te.
139. Tvaññeva maṇinā channo, sukatāya ca massuyā;
Āmanta kho taṃ gacchāmi, piyaṃ me tava dassananti.

Pārāvatajātakam [kākajātakam (sī. pī.), maṇijātakam (syā.)] dasamaṃ.

Kharaputtavaggo [senakavaggo (sī. pī.), khuraputtavaggo (syā.), sūcivaggo (ka.)] dutiyo.

Tassuddānaṃ –

Atha passa sasūci ca tuṇḍilako, miga mayhakapañcamapakkhivaro;
Atha pañjali vārija mejjha puna, atha vaṭṭa kapotavarena dasāti.

Atha vagguddānaṃ –

Atha vagmaṃ pakittissaṃ, chanipātaṃ varuttame;
Avāriyā ca kharo ca [senaka (sī.), sūci ca (syā. ka.)], dve ca vuttā subyañjanāti.

Chakkanipātaṃ niṭṭhitaṃ.

7. Sattakanipāto

1. Kukkuvaggo

396. Kukkujātakam (7-1-1)

1. Diyadḍhakukkū udayena kaṇṇikā, vidatthiyo aṭṭha parikkhipanti naṃ;
Sā siṃsapā [sasimsapā (sī. pī.), sā sīsapā (syā.), yā siṃsapā (ka. sī. niyya)] sāramayā
apheggukā, kuhiṃ ṭhitā upparito [uparito (sī. syā. pī.)] na dhaṃsati.
2. Yā tiṃsati sāramayā anujjukā, parikiriya [pakiriya (ka.)] gopāṇasiyo samaṃ ṭhitā [samaṭṭhitā
(sī. syā.)];
Tāhi susaṅgahitā balasā pīḷitā [tā saṅgahitā balasā ca pīḷitā (sī.), tāhi susaṅgahitā balasā ca
pīḷitā (syā.), tāhi saṅgahitā balasā ca pīḷitā (pī.)], samaṃ ṭhitā upparito na dhaṃsati.
3. Evampi mittehi daḷhehi paṇḍito, abhejjarūpehi sucīhi mantibhi;
Susaṅgahīto siriyā na dhaṃsati, gopāṇasī bhāravahāva kaṇṇikā.
4. Kharattacamaṃ bellaṃ yathāpi satthavā, anāmasantopi karoti tittakam;
Samāharamaṃ sādumaṃ karoti patthiva, asādumaṃ kayirā tanubandhamuddharamaṃ
[tanuvaṭṭamuddharamaṃ (sī. pī.)].
5. Evampi gāmanigamesu paṇḍito, asāhasamaṃ rājadhanāni saṅgharamaṃ;
Dhammānūvattī paṭipajjamāno, sa phāti kayirā aviheṭṭhayaṃ paramaṃ.
6. Odātamūlaṃ sucivārisambhavaṃ, jātaṃ yathā pokkharāṇīsu ambujaṃ;
Padumaṃ yathā agginikāsiphālimaṃ, na kaddamo na rajo na vāri limpāti.
7. Evampi vohārasuciṃ asāhasamaṃ, visuddhakammantamapetaṭapāpakamaṃ;
Na limpāti kammakilesa tādiso, jātaṃ yathā pokkharāṇīsu ambujanti.

Kukkujātakamaṃ paṭhamamaṃ.

397. Manojajātakam (7-1-2)

8. Yathā cāpo ninnamati, jiyā cāpi nikūjati;
Haññate nūna manojo, migarājā sakhā mama.
9. Handa dāni vanantāni, pakkamāmi yathāsukhamaṃ;
Netādisā sakhā honti, labbhā me jīvato sakhā.
10. Na pāpajanasamaṃsevī, accantaṃ sukhamedhati;
Manojaṃ passa semānaṃ, giriyaṃsānusāsānī [ariyaṃsānusāsānī (sī. syā. pī.)].
11. Na pāpasampavaṅkena, mātā puttana nandati;
Manojaṃ passa semānaṃ, acchannaṃ [sacchannaṃ (ka.)] samhi lohite.
12. Evamāpajate poso, pāpiyo ca nigacchati;
Yo ve hitānaṃ vacanaṃ, na karoti atthadassinaṃ.
13. Evañca so hoti tato ca pāpiyo, yo uttamo adhamajanūpasevī;
Passuttamaṃ adhamajanūpasevitaṃ [seviṃ (syā.)], migādhipamaṃ saravaraveganiddhutaṃ.

14. Nihīyati puriso nihīnasevī, na ca hāyetha kadāci tulyasevī;
 Setṭhamupagamaṃ [mupanamam (sī. pī. a. ni. 3.26)] udeti khippaṃ, tasmāttanā uttaritaram
 [tasmā attano uttarim (sī. pī.), tasmā attano uttaram (syā.)] bhajethāti.

Manojajātakam dutiyam.

398. Sutanujātakam (7-1-3)

15. Rājā te bhattam pāhesi, suciṃ maṃsūpasecanam;
 Maghadevasmiṃ [makhādevasmiṃ (sī. pī.), māghadevasmiṃ (ka.)] adhivatthe, ehi
 nikkhamma bhuñjassu.
16. Ehi māṇava orena, bhikkhamādāya sūpitaṃ;
 Tvañca māṇava bhikkhā ca [bhakkhosi (syā.), bhakkhāva (ka.)], ubho bhakkhā bhavissatha.
17. Appakena tuvaṃ yakkha, thullamattham jahissasi;
 Bhikkham te nāharissanti, janā maraṇasaññino.
18. Laddhāya yakkhā [laddhāyam yakkha (sī. syā. pī.)] tava niccabhikkham, suciṃ paṇītam rasasā
 upetaṃ;
 Bhikkhañca te āhariyo naro idha, sudullabho hehiti bhakkhite [khādite (sī. syā. pī.)] mayi.
19. Mameva [mamesa (sī. pī.)] sutano attho, yathā bhāsasi māṇava;
 Mayā tvaṃ samanūññāto, sotthiṃ passāhi mātaram.
20. Khaggaṃ chattañca pātiñca, gacchamādāya [gacchevādāya (sī. syā. pī.)] māṇava;
 Sotthiṃ passatu te mātā, tvañca passāhi mātaram.
21. Evaṃ yakkha sukhī hohi, saha sabbehi ñātibhi;
 Dhanañca me adhigataṃ, rañño ca vacanam katanti.

Sutanujātakam tatiyam.

399. Mātuposakagijjhajātakam (7-1-4)

22. Te katham nu karissanti, vuddhā giridarīsaya;
 Aham baddhosmi pāsena, nilīyassa vasaṃ gato.
23. Kiṃ gijjha paridevasi, kā nu te paridevanā;
 Na me suto vā diṭṭho vā, bhāsanto mānusiṃ dijo.
24. Bharāmi mātāpitaro, vuddhe giridarīsaye;
 Te katham nu karissanti, aham vasaṃ gato tava.
25. Yam nu gijjho yojanasataṃ, kuṇapāni avekkhati;
 Kasmā jālañca pāsañca, āsajjāpi na bujjhasi.
26. Yadā parābhavo hoti, poso jīvitasāṅkhaye;
 Atha jālañca pāsañca, āsajjāpi na bujjhati.
27. Bharassu mātāpitaro, vuddhe giridarīsaye;

Mayā tvam samanūññāto, sotthim passāhi ñātake.

28. Evaṃ luddaka nandassu, saha sabbehi ñātibhi;
Bharissaṃ māṭāpitaro, vuddhe giridarīsayeti.

Mātuposakagijjhajātakaṃ catuttham.

400. Dabbhapupphajātakaṃ (7-1-5)

29. Anutīracārī bhaddante, sahāyamanudhāva maṃ;
Mahā me gahito [rohito (ka.)] maccho, so maṃ harati vegasā.
30. Gambhīracārī bhaddante, daḷhaṃ gaṇhāhi thāmasā;
Ahaṃ taṃ uddharissāmi, supaṇṇo uragāmiva [uragammiva (sī. syā. pī.)].
31. Vivādo no samuppanno, dabbhapuppha suṇohi me;
Samehi medhagaṃ [medhakaṃ (pī.)] samma, vivādo vūpasammatam.
32. Dhammaṭṭhoḥaṃ pure āsiṃ, bahū aḍḍā me tīritā [bahuaṭṭam me tīritam (sī.), bahuaṭṭamva tīritam (syā.), bahu attham me tīritam (pī.)];
Samemi medhagaṃ samma, vivādo vūpasammatam.
33. Anutīracārī naṅguṭṭham, sīsaṃ gambhīracārino;
Accāyaṃ [athāyaṃ (sī. pī.)] majjhimo khaṇḍo, dhammaṭṭhassa bhavissati.
34. Cirampi bhakkho abhavissa, sace na vivademase;
Asīsakaṃ anaṅguṭṭham, siṅgālo harati rohitam.
35. Yathāpi rājā nandeyya, rajjaṃ laddhāna khattiyo;
Evāhamajja nandāmi, disvā puṇṇamukhaṃ patim.
36. Kathaṃ nu thalajo santo, uduke macchaṃ parāmasi;
Puṭṭho me samma akkhāhi, kathaṃ adhigataṃ tayā.
37. Vivādena kisā honti, vivādena dhanakkhayā;
Jīnā uddā vivādena, bhuñja māyāvi rohitam.
38. Evameva manussesu, vivādo yattha jāyati;
Dhammaṭṭham paṭidhāvanti, so hi nesam vināyako;
Dhanāpi tattha jīyanti, rājakoso pavaḍḍhatī [ca vaḍḍhati (pī.)].

Dabbhapupphajātakaṃ pañcamam.

401. Paṇṇakajātakaṃ (7-1-6)

39. Paṇṇakaṃ [dasannaṃ (sī. syā. pī.)] tikhiṇadhāraṃ, asim sampannaṃpāyinaṃ;
Parisāyaṃ puriso gilati, kiṃ dukkarataraṃ tato;
Yadaññaṃ dukkaraṃ ṭhānaṃ, taṃ me akkhāhi pucchito.
40. Gileyya puriso lobhā, asim sampannaṃpāyinaṃ;
Yo ca vajjā dadāmīti, taṃ dukkarataraṃ tato;

Sabbaññaṃ sukaraṃ ṭhānaṃ, evaṃ jānāhi maddava [māgadha (sī. syā. pī.)].

41. Byākāsi āyuro pañhaṃ, atthaṃ [attha (pī. sī. niyya)] dhammassa kovido;
Pukkusaṃ dāni pucchāmi, kiṃ dukkarataraṃ tato;
Yadaññaṃ dukkaraṃ ṭhānaṃ, taṃ me akkhāhi pucchito.
42. Na vācamupajīvanti, aphalaṃ giramudīritaṃ;
Yo ca datvā avākayirā, taṃ dukkarataraṃ tato;
Sabbaññaṃ sukaraṃ ṭhānaṃ, evaṃ jānāhi maddava.
43. Byākāsi pukkuso pañhaṃ, atthaṃ dhammassa kovido;
Senakaṃ dāni pucchāmi, kiṃ dukkarataraṃ tato;
Yadaññaṃ dukkaraṃ ṭhānaṃ, taṃ me akkhāhi pucchito.
44. Dadeyya puriso dānaṃ, appaṃ vā yadi vā bahuṃ;
Yo ca datvā nānutappe [tape (sī. pī.)], taṃ dukkarataraṃ tato;
Sabbaññaṃ sukaraṃ ṭhānaṃ, evaṃ jānāhi maddava.
45. Byākāsi āyuro pañhaṃ, atho pukkusaporiso;
Sabbe pañhe atibhoti, yathā bhāsati senakoti.

Paṇṇaka [dasannaṃ (sī. syā. pī.)] jātakaṃ chaṭṭhaṃ.

402. Sattubhastajātakaṃ (7-1-7)

46. Vibbhantacitto kupitindriyosi, nettehi te vāriganā savanti;
Kiṃ te naṭṭhaṃ kiṃ pana patthayāno, idhāgamā brahme tadingha [brāhmaṇa ingha (sī. syā.)]
brūhi.
47. Miyyetha bhariyā vajato mamajja, agacchato maraṇamāha yakkho;
Etena dukkhena pavedhitoṃ, akkhāhi me senaka etamatthaṃ.
48. Bahūni ṭhānāni vicintayitvā, yamettha vakkhāmi tadeva saccaṃ;
Maññāmi te brāhmaṇa sattubhastam, ajānato kaṇhasappo pavitṭho.
49. Ādāya daṇḍaṃ parisumbha bhastam, passeḷamūgaṃ uragaṃ dujivhaṃ [dijivhaṃ (sī. pī.)];
Chindajja kaṅkhaṃ vicikicchitāni, bhujāṅgamaṃ passa pamañca bhastam.
50. Saṃviggarrūpo parisāya majjhe, so brāhmaṇo sattubhastam pamañci;
Atha nikkhami urago uggatejo, āsīviso sappo phaṇaṃ karitvā.
51. Suladdhalābhā janakassa rañño, yo passatī senakaṃ sādhuṇaṃ;
Vivattachaddo [vivattachaddo (sī.), vivattachaddo (syā.), vivattachaddā (pī.)] nusi
sabbadassī, ñāṇaṃ nu te brāhmaṇa bhimsarūpaṃ.
52. Imāni me sattasatāni atthi, gaṇhāhi sabbāni dadāmi tuyhaṃ;
Tayā hi me jīvitamajja laddhaṃ, athopi bhariyāya makāsi sotthiṃ.
53. Na paṇḍitā vetanamādiyanti, citrāhi gāthāhi subhāsītāhi;
Itopi te brahme dadantu vittaṃ, ādāya tvaṃ gaccha sakaṃ nīketanti.

Sattubhastajātakam [senakajātakam (syā.)] sattamaṃ.

403. Aṭṭhisenakajātakam (7-1-8)

54. Yeme ahaṃ na jānāmi, aṭṭhisena vanibbake;
Te maṃ saṅgama yācanti, kasmā maṃ tvaṃ na yācasi.
55. Yācako appiyo hoti, yācaṃ adadamappiyo;
Tasmāhaṃ taṃ na yācāmi, mā me videssanā [viddesanā (sī. pī.)] ahu.
56. Yo ve yācana jīvāno, kāle yācaṃ na yācati;
Parañca puñña [puññaṃ (syā. ka.)] dhamseti, attanāpi na jīvati.
57. Yo ca [yo ve (ka.)] yācana jīvāno, kāle yācañhi yācati [yācāpi yācati (syā.), yācāni yācati (pī.), yācati yācanaṃ (sī. niyya), yācanaṃ yācati (ka.)];
Parañca puññaṃ labbheti, attanāpi ca jīvati.
58. Na ve dessanti [na ve dussanti (syā.), na ve dissanti (pī.), na videssanti (ka. aṭṭha.)] sappañña,
disvā yācakamāgate;
Brahmacāri piyo mesī, vada tvaṃ [vara taṃ (sī.), vara tvaṃ (pī.)] bhañña micchasi [yañña micchasi (?)].
59. Na ve yācanti sappañña, dhīro ca veditumarahati;
Udissa ariyā tiṭṭhanti, esā ariyāna yācanā.
60. Dadāmi te brāhmaṇa rohiṇīnaṃ, gavaṃ sahaṃ saha puṅgavena;
Ariyo hi ariyassa kathaṃ na dajjā, sutvāna gāthā tava dhammayuttatī.

Aṭṭhisenakajātakam aṭṭhamaṃ.

404. Kapijātakam (7-1-9)

61. Yattha verī nivasati, na vase tattha paṇḍito;
Ekarattaṃ dirattaṃ vā, dukkhaṃ vasatī verisu.
62. Diso ve lahucittassa, posassānuvidhīyato;
Ekassa kapino hetu, yūthassa anayo kato.
63. Bālova [ca (sī. syā. pī.)] paṇḍitamānī, yūthassa parihārako;
Sacittassa vasaṃ gantvā, sayethāyaṃ [passethāyaṃ (ka.)] yathā kapi.
64. Na sādhu balavā bālo, yūthassa parihārako;
Ahito bhavati ñātīnaṃ, sakuṇānaṃva cetako [ceṭako (ka.)].
65. Dhīrova balavā sādhu, yūthassa parihārako;
Hito bhavati ñātīnaṃ, tidasānaṃva vāsavo.
66. Yo ca silāṇca paññaṇca, sutañcattani passati;
Ubhinna matthaṃ carati, attano ca parassa ca.
67. Tasmā tuleyya mattānaṃ, silapañña sutāpiva [sīlaṃ paññaṃ sutāpiva (syā.)];

Gaṇaṃ vā parihare dhīro, eko vāpi paribbajeti.

Kapijātakam navamaṃ.

405. Bakajātakam (7-1-10)

68. Dvāsattati gotama [bho gotama (ka.)] puññakammā, vasavattino jātijaram atītā;
Ayamantimā vedagū brahmapatti [brahmupapatti (syā. ka.)], asmābhijappanti janā [pajā (ka.)]
anekā.
69. Appaṇhi etaṃ [appaṇca hetam (syā.), appaṃsi etaṃ (ka.)] na hi dīghamāyu, yaṃ tvam baka
maññasi dīghamāyuṃ;
Sataṃ sahasāni [sahasānam (sī. pī. sam. ni. 1.175), sahasāna (syā. kam.)] nirabbudānam,
āyuṃ pajānāmi tavāha brahme.
70. Anantadassī bhagavāhamasmi, jātijaram sokamupātivatto;
Kiṃ me purāṇam vatasīlavattam [sīlavattam (pī. ka.)], ācikkha me tam yamaṃ vijāñam.
71. Yaṃ tvam apāyesi bahū manusse, pipāsīte ghammani samparete;
Tam te purāṇam vatasīlavattam, suttappabuddhova anussarāmi.
72. Yaṃ eṇikūlasmi janam gahītam, amocayī gayhaka niyyamānam;
Tam te purāṇam vatasīlavattam, suttappabuddhova anussarāmi.
73. Gaṅgāya sotasmim gahītanāvam, luddena nāgena manussakappā;
Amocayi tvam balasā pasayha, tam te purāṇam vatasīlavattam;
Suttappabuddhova anussarāmi.
74. Kappo ca te baddhacaro [pathacaro (syā.), paṭṭhacaro (ka.)] ahoṣi, sambuddhimantaṃ
[sambuddhivantaṃ (syā. pī.), sambuddhavantam (ka.)] vatinaṃ [vatitam (syā.), vatidam (ka.)]
amaññam;
Tam te purāṇam vatasīlavattam, suttappabuddhova anussarāmi.
75. Addhā pajānāsi mametamāyuṃ, aññampi jānāsi tathā hi buddho;
Tathā hi tāyam [tyāyam (sam. ni. 1.175)] jalitānubhāvo, obhāsayaṃ tiṭṭhati brahmalokanti.

Bakajātakam dasamaṃ.

Kukkuvaggo paṭhamo.

Tassuddānam –

Varakaṇṇika cāpavaro sutano, atha gijjha sarohitamacchavaro;
Puna paṇṇaka [dasaṇṇaka (sī. syā. pī.)] senaka yācanako, atha veri sabrahmabakena dasāti.

2. Gandhāravaggo

406. Gandhārajātakam (7-2-1)

76. Hitvā gāmasahassāni, paripuṇṇāni soḷasa;
Koṭṭhāgārāni phītāni, sannidhim dāni kubbasi.

77. Hītvā gandhāravisaṃyaṃ, pahūṭadhaṇadhāriyaṃ [dhāniyaṃ (sī. pī.), dhaññanti attho];
Pasāsanato [pasāsanito (sī. syā.), pasāsanāto (pī.)] nikkhanto, idha dāni pasāsasi.
78. Dhammaṃ bhaṇāmi vedeha, adhammo me na ruccati;
Dhammaṃ me bhaṇamānassa, na pāpamupalimpati.
79. Yena kenaci vaṇṇena, paro labhati ruppanaṃ;
Mahatthiyampi ce vācaṃ, na taṃ bhāseyya paṇḍito.
80. Kāmaṃ ruppata vā mā vā, bhusaṃva vikiriyatu;
Dhammaṃ me bhaṇamānassa, na pāpamupalimpati.
81. No ce assa sakā buddhi, vinayo vā susikkhito;
Vane andhamahiṃsova [andhamahisova (sī. pī.)] careyya bahuko jano.
82. Yasmā ca panidhekacce, āceramhi [ācāramhi (sī. pī.)] susikkhitā;
Tasmā vinītavinayā, caranti susamāhitāti.

Gandhārajātakaṃ paṭhamam.

407. Mahākapijātakaṃ (7-2-2)

83. Attānaṃ saṅkamaṃ katvā, yo sotthiṃ samatārayi;
Kiṃ tvaṃ tesam kime [kimo (sī. pī.), kiṃ me (syā.)] tuyhaṃ, honti ete [hete (syā.), so te (ka.)]
mahākapi.
84. Rājāhaṃ issaro tesam, yūthassa parihārako;
Tesam sokaparetānaṃ, bhītānaṃ te arindama.
85. Ullaṅghayitvā [sa laṅghayitvā (pī.), sulaṅghayitvā (ka.)] attānaṃ, vissaṭṭhadhanuno satam;
Tato aparapādesu, daḷhaṃ bandhaṃ latāguṇam.
86. Chinnabbhamiva vātena, nuṇṇo [nunno (sī.)] rukkaṃ upāgamiṃ;
Sohaṃ appabhavaṃ tattha, sākhaṃ hatthehi aggahiṃ.
87. Taṃ maṃ viyāyataṃ santaṃ, sākāya ca latāya ca;
Samanukkamantā pādehi, sotthiṃ sākāhāmi gata.
88. Taṃ maṃ na tapate bandho, mato [vadho (sī. syā. pī.)] me na tapessati;
Sukhamāharitaṃ tesam, yesam rajjamakārayiṃ.
89. Esā te upamā rāja, taṃ suṇohi arindama [atthasandassanī katā (pī.)];
Raññā raṭṭhassa yoggassa, balassa nigamassa ca;
Sabbesaṃ sukhametṭhabbaṃ, khattiyena pajānatāti.

Mahākapijātakaṃ dutiyam.

408. Kumbhakārajātakaṃ (7-2-3)

90. Ambāhamaddaṃ vanamantarasmim, nīlobhāsaṃ phalitaṃ [phalinaṃ (pī.)] saṃvirūḷhaṃ;
Tamaddasaṃ phalāhetu vibhaggaṃ, taṃ disvā bhikkhācariyaṃ carāmi.

91. Selam sumattham naravīranitthitam [naraviddunitthitam (ka.)], nārī yugam dhārayi appasaddam;
Dutiyañca āgamma ahosi saddo, tam disvā bhikkhācariyam carāmi.
92. Dijā dijam kuṇapamāharantam, ekaṃ samānam bahukā samecca;
Āhārahētū paripātayimṣu, tam disvā bhikkhācariyam carāmi.
93. Usabhāhamaddam yūthassa majjhe, calakkakum vaṇṇabalūpapannam;
Tamaddasam kāmahetu vitunnam, tam disvā bhikkhācariyam carāmi.
94. Karaṇḍako [karaṇḍunāma (sī. pī.)] kaliṅgānam, gandhārānañca naggaji;
Nimirājā videhānam, pañcālānañca dummukho;
- Ete raṭṭhāni hitvāna, pabbajimṣu akiñcanā.
95. Sabbepime devasamā samāgatā, aggī yathā pajjalito tathevime;
Ahampi eko carissāmi bhaggavi, hitvāna kāmāni yathodhikāni.
96. Ayameva kālo na hi añño atthi, anusāsītā me na bhavēyya pacchā;
Ahampi ekā carissāmi bhaggava, sakuṇīva muttā purisassa hatthā.
97. Āmam pakkañca jānanti, atho loṇam aloṇakam;
Tamaham disvāna pabbajim, careva tvam carāmahanti.

Kumbhakārajātakam tatiyam.

409. Daḷhadhammajātakam (7-2-4)

98. Aham ce daḷhadhammassa [daḷhadhammāya (pī.)], vahanti nābhirādhayim;
Dharantī urasi sallam, yuddhe vikkantacārīnī.
99. Nūna rājā na jānāti [na ha nūna rājā jānāti (sī. pī.)], mama vikkamaporisam;
Saṅgāme sukantāni, dūtavippahitāni ca.
100. Sā nūnāham marissāmi, abandhu aparāyini [aparāyini (sī.), aparāyaṇī (?)];
Tadā hi [tathā hi (pī.)] kumbhakārassa, dinnā chakaṇahārikā.
101. Yāvatāsīsati poso, tāvadeva pavīṇati;
Atthāpāye jahanti nam, oṭṭhibyādhimva khattiyo.
102. Yo pubbe katakalyāṇo, katattho nāvabujjhati;
Atthā tassa palujjanti, ye honti abhipatthitā.
103. Yo pubbe katakalyāṇo, katattho manubujjhati;
Atthā tassa pavaḍḍhanti, ye honti abhipatthitā.
104. Tam vo vadāmi bhaddante [bhaddam vo (sī. syā. pī.)], yāvantettha samāgatā;
Sabbe katañño hotha, ciram saggamhi ṭhassathāti.

Daḷhadhammajātakam catuttham.

410. Somadattajātakam (7-2-5)

105. Yo maṃ pure paccuḍḍeti [paccudeti (sī. syā. pī.), paccuḥḥeti (ka.)], araṇṇe dūramāyato;
So na dīssati mātaṅgo, somadatto kuhiṃ gato.
106. Ayaṃ vā so mato seti, allasiṅgaṃva vacchito [allapīṅkava chijjito (sī. pī.), allapītaṃva vicchito (syā.)];
Bhūmyā nipatito seti, amarā vata kuñjaro.
107. Anagāriyupetassa, vip̐pamuttassa te sato;
Samaṇassa na taṃ sādhu, yaṃ petamanusocasi.
108. Saṃvāseṇa have sakka, manussassa migassa vā;
Hadaye jāyate pemaṃ, taṃ na sakkā asocituṃ.
109. Mataṃ marissaṃ rodanti, ye rudanti lapanti ca;
Tasmā tvaṃ isi mā rodi, roditaṃ moghamāhu santo.
110. Kanditena have brahme, mato peto samuḥḥahe;
Sabbe saṅgama rodāma, aññaṃaññaṃssa ñātake.
111. Ādittaṃ vata maṃ santaṃ, ghatasittaṃva pāvakaṃ;
Vāriṇā viya osiṅcaṃ, sabbam nibbāpaye daraṃ.
112. Abbaḥī vata me sallaṃ, yaṃasi hadayassitaṃ;
Yo me sokaparetassa, puttasokaṃ apānudi.
113. Sohaṃ abbūḥhasallosmi, vītasoko anāvilo;
Na socāmi na rodāmi, tava sutvāna vāsavāti.

Somadattajātakam pañcamaṃ.

411. Susīmajātakam (7-2-6)

114. Kāḷāni keṣāni pure ahesuṃ, jātāni sīsamhi yathāpadese;
Tānaja setāni susīma [susīma (ka.)] disvā, dhammaṃ cara brahmacariyassa kālo.
115. Mameva deva palitaṃ na tuyhaṃ, mameva sīsaṃ mama uttamaṅgaṃ;
“Atthaṃ karissa”nti musā abhāṇiṃ [abhāsiṃ (ka.)], ekāparādhaṃ khama rājasetṭha.
116. Daharo tuvaṃ dassaniyosi rāja, paṭhamuggato hosi [hohi (sī.), hoti (ka.)] yathā kaḷīro;
Rajjaṅca kārehi mamaṅca passa, mā kālikaṃ anudhāvī janinda.
117. Passāmi vohaṃ dahariṃ kumāriṃ, sāmattḥpassaṃ sutanuṃ sumajjhaṃ;
Kāḷappavāḷava pavellamānā, palobhayantīva [sā lobhayantīva (pī.)] naresu gacchati.
118. Tamena passāniparena nāriṃ, āsītikaṃ nāvutikaṃ va jaccā;
Daṇḍaṃ gahetvāna pavedhamānaṃ, gopānasībhoggasamaṃ carantiṃ.
119. Sohaṃ tamevānuvicintayanto, eko sayāmi [passāmi (ka.)] sayanassa majjhe;
“Ahampi evaṃ” iti pekkhamāno, na gahe rame [na gehe rame (sī.), gehe na rame (syā. ka.)]
brahmacariyassa kālo.

120. Rajjuvāmbanī cesā, yā gehe vasato rati;
Evampi chetvāna vajanti dhīrā, anapekkhino kāmasukhaṃ pahāyāti.

Susīmajātakaṃ chaṭṭhaṃ.

412. Koṭasimbaliḷātakaṃ (7-2-7)

121. Ahaṃ dasasataṃbyāmaṃ, uragamādāya āgato;
Tañca mañca mahākāyaṃ, dhārayaṃ nappavedhasi [na pavedhayi (ka.)].
122. Athimaṃ khuddakaṃ pakkhiṃ, appamaṃsataṃ mayā;
Dhārayaṃ byathasi [byādhase (sī.), byadhase (pī.), byādhasi (ka.)] bhītā [bhīto (sī. syā. pī.)],
kamatthaṃ koṭasimbali [koṭisimbali (sī. pī.)].
123. Maṃsabhakkho tuvaṃ rāja, phalabhakkho ayaṃ dijo;
Ayaṃ nigrodhabhījāni, pilakkhudumbarāni ca;
Assatthāni ca bhakkhitvā, khandhe me ohadissati.
124. Te rukkhā saṃvirūhanti, mama passe nivātajā;
Te maṃ pariyonandhissanti, arukkhaṃ maṃ karissare.
125. Santi aññepi rukkhā se, mūlino khandhino dumā;
Iminā sakuṇajātena, bījamāharitā hatā.
126. Ajjhārūhābhivaḍḍhanti [ajjhārūhābhivaḍḍhanti (sī. pī.)], brahantampi vanappatiṃ;
Tasmā rāja pavedhāmi, sampassaṃnāgataṃ bhayaṃ.
127. Saṅkeyya saṅkitabbāni, rakkheyyānāgataṃ bhayaṃ;
Anāgatabhayā dhīro, ubho loke avekkhatīti.

Koṭasimbaliḷātakaṃ sattamaṃ.

413. Dhūmakārijātakaṃ (7-2-8)

128. Rājā apucchi vidhuraṃ, dhammakāmo yudhiṭṭhilo;
Api brāhmaṇa jānāsi, ko eko bahu socati.
129. Brāhmaṇo ajayūthena, pahūtedho [bahūtejo (pī. ka.), bahutendo (syā.)] vane vasaṃ;
Dhūmaṃ akāsi vāsetṭho, rattindivamatandito.
130. Tassa taṃ dhūmagandhena, sarabhā makasaḍḍitā [makasadditā (sī. syā.), makasattitā (pī. ka.)];
Vassāvāsaṃ upāgacchuṃ, dhūmakārissa santike.
131. Sarabhesu manam katvā, ajā so nāvabujjhatha;
Āgacchantī vajantī vā [āgacchantī vajantī vā (syā. pī.), āgacchantiṃ vajantiṃ vā (ka.)], tassa tā
vinaṣuṃ [vinassuṃ (sī.)] ajā.
132. Sarabhā sarade kāle, pahīnamakase vane;
Pāvisuṃ giriduggāni, nadīnaṃ pabhavāni ca.
133. Sarabhe ca gate disvā, ajā ca vibhavaṃ gatā [aje ca vibhavaṃ gate (ka.)];

Kiso ca vivaṇṇo cāsi, paṇḍurogī ca brāhmaṇo.

134. Evaṃ yo saṃ niraṃkatvā, āgantum kurute piyaṃ;
So eko bahu socati, dhūmakārīva brāhmaṇoti.

Dhūmakārijātakam aṭṭhamam.

414. Jāgarajātakam (7-2-9)

135. Kodha jāgarataṃ sutto, kodha suttesu jāgaro;
Ko mametaṃ vijānāti, ko taṃ paṭibhaṇāti me.
136. Ahaṃ jāgarataṃ sutto, ahaṃ suttesu jāgaro;
Ahametaṃ vijānāmi, ahaṃ paṭibhaṇāmi te.
137. Kathaṃ jāgarataṃ sutto, kathaṃ suttesu jāgaro;
Kathaṃ etaṃ vijānāsi, kathaṃ paṭibhaṇāsi me.
138. Ye dhammaṃ nappajānanti, saṃyamoti damoti ca;
Tesu suppaṃānesu, ahaṃ jaggāmi devate.
139. Yesaṃ rāgo ca doso ca, avijjā ca virājitā;
Tesu jāgaramānesu, ahaṃ suttosmi devate.
140. Evaṃ jāgarataṃ sutto, evaṃ suttesu jāgaro;
Evametaṃ vijānāmi, evaṃ paṭibhaṇāmi te.
141. Sādhu jāgarataṃ sutto, sādhu suttesu jāgaro;
Sādhumetaṃ vijānāsi, sādhu paṭibhaṇāsi meti.

Jāgarajātakam navamam.

415. Kummāsapiṇḍijātakam (7-2-10)

142. Na kiratthi anomadassisu, pāricariyā buddhesu appikā [appakā (ka.)];
Sukkhāya aloṇikāya ca, passaphalaṃ kummāsapiṇḍiyā.
143. Hatthigavassā cime bahū [hatthigavāssā ca me bahū (sī.), hatthī gavāssā cime bahū (syā.),
hatthī gavāssā ca me bahū (pī.)], dhanadhaññaṃ pathavī ca kevalā;
Nāriyo cimā accharūpamā, passaphalaṃ kummāsapiṇḍiyā.
144. Abhikkhaṇaṃ rājakuñjara, gāthā bhāsasi kosalādhipa;
Pucchāmi taṃ raṭṭhavaḍḍhana, bālhaṃ pītimano pabhāsasi.
145. Imasmiññeva nagare, kule aññatare ahuṃ;
Parakammakaro āsiṃ, bhatako sīlasaṃvuto.
146. Kammāya nikkhamantohaṃ, caturo samaṇeddasam;
Ācārasīlasampanne, sītibhūte anāsava.
147. Tesu cittaṃ pasādetvā, nisīdetvā [nisādetvā (?)] paṇṇasanthate;

Adaṃ buddhāna kummāsaṃ, pasanno sehi pāṇibhi.

148. Tassa kammaṃ kusalassa, idaṃ me edisaṃ phalaṃ;
Anubhomi idaṃ rajjaṃ, phītaṃ dharaṇimuttamaṃ.
149. Dadaṃ bhuñja mā ca pamādo [dada bhuñja ca mā ca pamādo (sī. pī.)], cakkamaṃ vattaya
kosalādhipa;
Mā rāja adhammiko ahu, dhammaṃ pālaya kosalādhipa.
150. Sohaṃ tadeva punappaṇaṃ, vaṭumaṃ ācarissāmi sobhane;
Ariyācaritaṃ sukosale, arahanto me manāpāva passituṃ.
151. Devī viya accharūpamā, majjhe nārigaṇassa sobhasi;
Kiṃ kammamakāsi bhaddakaṃ, kenāsi vaṇṇavatī sukosale.
152. Ambaṭṭhakulassa khattiya, dāsyāhaṃ parapesiyā ahuṃ;
Saññatā ca [saññatā (sī. pī.)] dhammajīvinī, sīlavatī ca apāpadassanā.
153. Uddhaṭabhataṃ ahaṃ tadā, caramānassa adāsi bhikkhuno;
Vittā sumanā sayamaṃ ahaṃ, tassa kammaṃ phalaṃ mamedisanti.

Kummāsapīṇḍijātaṃ dasamaṃ.

416. Parantapajātaṃ (7-2-11)

154. Āgamissati me pāpaṃ, āgamissati me bhayaṃ;
Tadā hi calitā sākhā, manussena migena vā.
155. Bhīruyā nūna me kāmo, avidūre vasantiyā;
Karissati kisaṃ paṇḍuṃ, sāva sākhā parantapaṃ.
156. Socayissati maṃ kantā, gāme vasamaninditā;
Karissati kisaṃ paṇḍuṃ, sāva sākhā parantapaṃ.
157. Tayā maṃ asitāpaṅgi [hasitāpaṅgi (sī. syā. pī.)], sitāni [mihitāni (sī. syā. pī.)] bhaṇitāni ca;
Kisaṃ paṇḍuṃ karissanti, sāva sākhā parantapaṃ.
158. Agamā nūna so saddo, asaṃsi nūna so tava;
Akkhātaṃ nūna taṃ tena, yo taṃ sākhamakampayī.
159. Idaṃ kho taṃ samāgamma, mama bālassa cintitaṃ;
Tadā hi calitā sākhā, manussena migena vā.
160. Tatheva tvaṃ avedesī, avañci [avajjhi (ka.)] pitaraṃ mama;
Hantvā sākhāhi chādentō, āgamissati me [te (syā. ka.)] bhayanti.

Parantapajātaṃ ekādasamaṃ.

Gandhāravaggo dutiyo.

Tassuddānaṃ –

Varagāma mahākapi bhaggava ca, daḷhadhamma sakuñjara kesavaro;
Urāgo vidhuro puna jāgarataṃ, atha kosalādhipa parantapa cāti.

Atha vagguddānaṃ –

Atha sattanipātamhi, vagmaṃ me bhaṇato suṇa;
Kukku ca puna gandhāro, dveva guttā mahesināti.

Sattakanipātaṃ niṭṭhitaṃ.

8. Aṭṭhakanipāto

417. Kaccānijātakam (1)

1. Odātavatthā suci allakesā, kaccāni kiṃ kumbhimadhissayitvā [kumbhimapassayitvā (pī.)];
Piṭṭhā tilā dhovasi taṇḍulāni, tilodano hehiti kissa hetu.
2. Na kho ayaṃ brāhmaṇa bhojanatthā [bhojanattham (syā.)], tilodano hehiti sādḥupakko;
Dhammo mato tassa pahuttamajja [pahūnamajja (syā.), pahūtamajja (sī.), bahūtamajjā (pī.)],
ahaṃ karissāmi susānamajjhe.
3. Anuvicca kaccāni karohi kiccaṃ, dhammo mato ko nu taveva [taveta (sī. syā. pī.)] saṃsi;
Sahassanetto atulānubhāvo, na miyyatī dhammavaro kadāci.
4. Daḷhappamāṇaṃ mama ettha brahme, dhammo mato natthi mamettha kaṅkhā;
Ye yeva dāni pāpā bhavanti, te teva dāni sukhitā bhavanti.
5. Suṇisā hi mayhaṃ vañjhā ahosi, sā maṃ vadhitvāna vijāyi puttaṃ;
Sā dāni sabbassa kulassa issarā, ahaṃ panamhi [vasāmi (syā.)] apaviddhā ekikā.
6. Jīvāmi vohaṃ na matohamasmi [nāhaṃ matosmi (sī. pī.)], taveva atthāya idhāgatosmi;
Yā taṃ vadhitvāna vijāyi puttaṃ, sahāva puttena karomi bhasmaṃ.
7. Evañca [etañca (sī. pī.)] te rucati devarāja, mameva atthāya idhāgatosi;
Ahañca putto suṇisā ca nattā, sammodamānā gharamāvasema.
8. Evañca te rucati kātiyāni, hatāpi santā na jahāsi dhammaṃ;
Tuvañca [tvañca (pī. ka.)] putto suṇisā ca nattā, sammodamānā gharamāvasetha.
9. Sā kātiyānī suṇisāya saddhiṃ, sammodamānā gharamāvasittha;
Putto ca nattā ca upaṭṭhahiṃsu, devānamindena adhiggahītāti.

Kaccānijātakam paṭṭhamam.

418. Aṭṭhasaddajātakam (2)

10. Idaṃ pure ninnamāhu, bahumacchaṃ mahodakam;
Āvāso bakarājassa, pettikaṃ bhavanaṃ mama;
Tyajja bhena [bhīṅgena (ka.)] yāpema, okaṃ na vajahāmase [okantaṃ na jahāmase (ka.)].

11. Ko dutiyaṃ asīlissa, bandharassakkhi bhecchati [bhejjati (sī. syā. pī.), bhindati (ka.)];
Ko me putte kulāvakaṃ, mañca sotthiṃ karissati.
12. Sabbā parikkhayā pheggu, yāva tassā gatī ahu;
Khīṇabhakkho mahārāja, sāre na ramatī ghuṇo.
13. Sā nūnāhaṃ ito gantvā, rañño muttā nivesanā;
Attānaṃ ramayissāmi, dumasākhaniketinī.
14. So nūnāhaṃ ito gantvā, rañño mutto nivesanā;
Aggodakāni pissāmi, yūthassa purato vajaṃ.
15. Taṃ maṃ kāmehi sammattaṃ, rattaṃ kāmesu mucchitaṃ;
Ānayī bhārato [vanato (ka.)] luddo, bāhiko bhaddamatthu te.
16. Andhakāratimisāyaṃ, tuṅge uparipabbate;
Sā maṃ saṅghena mudunā, mā pādaṃ khali [khaṇi (sī. syā. pī.)] yasmani.
17. Asamsayaṃ jātikhayantadassī, na gabbhaseyyaṃ punarāvajissaṃ;
Ayamantimā pacchimā gabbhaseyyā [ayaṃ hi me antimā gabbhaseyyā (sī. pī.)], khīṇo me
saṃsāro punabbhavāyāti.

Atthasaddajātakaṃ dutiyaṃ.

419. Sulasājātakaṃ (3)

18. Idaṃ suvaṇṇakāyūraṃ, muttā veḷuriyā bahū;
Sabbāṃ harassu bhaddante, mañca dāsīti sāvaya.
19. Oropayassu kalyāṇi, mā bālhaṃ [bahuṃ (sī. syā. pī.)] paridevasi;
Na cāhaṃ abhijānāmi, ahantvā dhanamābhattaṃ.
20. Yato sarāmi attānaṃ, yato pattāsmi viññutaṃ;
Na cāhaṃ abhijānāmi, aññaṃ piyataraṃ tayā.
21. Ehi taṃ upagūhissaṃ [upaguyhissaṃ (ka.)], karissañca padakkhiṇaṃ;
Na hi dāni puna atthi, mama tuyhañca saṅgamo.
22. Na hi sabbesu thānesu, puriso hoti paṇḍito;
Itthīpi paṇḍitā hoti, tattha tattha vicakkhaṇā.
23. Na hi sabbesu thānesu, puriso hoti paṇḍito;
Itthīpi paṇḍitā hoti, lahuṃ atthaṃ vicintikā [lahumatthavicintikā (sī. pī.)].
24. Lahuñca vata khippañca, nikaṭṭhe samacetayi;
Migaṃ puṇṇāyataneva [puṇṇāyataneva (syā.)], sulasā sattukaṃ vadhi.
25. Yodha uppatitaṃ atthaṃ, na khippamanubujjhati;
So haññati mandamati, corova girigabbhare.
26. Yo ca uppatitaṃ atthaṃ, khippameva nibodhati;
Muccate sattusambādā, sulasā sattukāmivāti.

Sulasājātakam tatiyaṃ.

420. Sumaṅgalajātakam (4)

27. Bhusamhi [bhusampi (ka.), bhusaṃ hi (sī. niyya)] kuddhoti avekkhiyāna, na tāva daṇḍaṃ paṇayeyya issaro;
Aṭṭhānaso appatirūpamattano, parassa dukkhāni bhusaṃ udīraye.
28. Yato ca jāneyya pasādamattano, atthaṃ niyuñjeyya parassa dukkaṭaṃ;
Tadāyamatthoti sayam avekkhiya, athassa daṇḍaṃ sadisaṃ nivesaye.
29. Na cāpi jhāpeti paraṃ na attanaṃ, amucchito yo nayate nayānayaṃ;
Yo daṇḍadhāro bhavatīdha issaro, sa vaṇṇagutto siriyā na dhamṣati.
30. Ye khattiyā se anisammakārino, paṇenti daṇḍaṃ sahasā pamucchitā;
Avaṇṇasaṃyutā [yuttāva (ka.)] jahanti jīvitam, ito vimuttāpi ca yanti duggatiṃ.
31. Dhamme ca ye ariyappavedite ratā, anuttarā te vacasā manasā kammunā ca;
Te santisoraccasamādhisaṅghitā, vajanti lokaṃ dubhayaṃ tathāvidhā.
32. Rājāhamasmi narapamadānamissaro, sacepi kujjhāmi ṭhapemi attanaṃ;
Nisedhayanto janataṃ tathāvidhaṃ, paṇemi daṇḍaṃ anukampa yoniso.
33. Sirī ca lakkhī ca taveva khattiya, janādhipa mā vijahi kudācanaṃ;
Akkodhano niccapasannacitto, anīgho tuvaṃ vassasatāni pālaya.
34. Guṇehi etehi upeta khattiya, ṭhitamariyavattī [vatti (sī.), vutti (ka.)] suvaco akodhano;
Sukhī anuppīla pasāsamediniṃ [anuppīlaṃ sahasamedaniṃ (ka.)], ito vimuttopi ca yāhi suggatiṃ.
35. Evaṃ sunītena [suvinītena (pī.)] subhāsitena, dhammena ñāyena upāyaso nayaṃ;
Nībbāpaye saṅkhubhitaṃ mahājanaṃ, mahāva megho salilena medininti [medaninti (syā. ka.)].

Sumaṅgalajātakam catutthaṃ.

421. Gaṅgamālajātakam (5)

36. Aṅgārajātā pathavī, kukkuḷānugatā mahī;
Atha gāyasi vattāni [vatthāni (ka.)], na taṃ tapati ātapo.
37. Uddhaṃ tapati ādicco, adho tapati vālukā;
Atha gāyasi vattāni [vatthāni (ka.)], na taṃ tapati ātapo.
38. Na maṃ tapati ātapo, ātapā [ātappā (sī. syā. pī.)] tapayanti maṃ;
Atthā hi vividhā rāja, te tapanti na ātapo.
39. Addasaṃ kāma te mūlaṃ, saṅkappā kāma jāyasi;
Na taṃ saṅkappayissāmi, evaṃ kāma na hehisi.
40. Appāpi kāmā na alaṃ, bahūhipi na tappati;

Ahahā bālalapanā, parivajjetha [paṭivijjetha (pī. sī. aṭṭha.)] jaggato.

41. Appassa kammaṣṣa phalaṃ mamedam, udayo ajjhāgamā mahattapattam;
Suladdhalābho vata māṇavassa, yo pabbajī kāmarāgam pahāya.
42. Tapasā pajahanti pāpakammaṃ, tapasā nhāpitakumbhakārahāvam;
Tapasā abhibhuyya gaṅgamāla, nāmenālapasajja brahmadattam.
43. Sandiṭṭhikameva “amma” passatha, khantīsoraccassa ayam [yo (syā. pī. ka.)] vipāko;
Yo [so (syā. ka.)] sabbajanassa vanditohu, taṃ vandāma sarājīkā samaccā.
44. Mā kiñci avacuttha gaṅgamālam, muninaṃ monapathesu sikkhamānam;
Eso hi atari aṇṇavam, yaṃ taritvā caranti vītasokāti.

Gaṅgamālaajātakam pañcamam.

422. Cetiyaajātakam (6)

45. Dhammo have hatō hanti, nāhatō hanti kiñcanaṃ [kañcinaṃ (pī.)];
Tasmā hi dhammam na hane, mā tvam [tam (syā. pī.)] dhammo hatō hani.
46. Alikam bhāsamānassa, apakkamanti devatā;
Pūtikañca mukham vāti, sakaṭṭhānā ca dhamsati;
Yo jānam pucchito pañham, aññathā naṃ viyākare.
47. Sace hi saccam bhaṇasi, hohi rāja yathā pure;
Musā ce bhāsase rāja, bhūmiyam tiṭṭha cetiya.
48. Akāle vassatī tassa, kāle tassa na vassati;
Yo jānam pucchito pañham, aññathā naṃ viyākare.
49. Sace hi saccam bhaṇasi, hohi rāja yathā pure;
Musā ce bhāsase rāja, bhūmim pavisa cetiya.
50. Jivhā tassa dvidhā hoti, uragasseva disampati;
Yo jānam pucchito pañham, aññathā naṃ viyākare.
51. Sace hi saccam bhaṇasi, hohi rāja yathā pure;
Musā ce bhāsase rāja, bhiiyo pavisa cetiya.
52. Jivhā tassa na bhavati, macchasseva disampati;
Yo jānam pucchito pañham, aññathā naṃ viyākare.
53. Sace hi saccam bhaṇasi, hohi rāja yathā pure;
Musā ce bhāsase rāja, bhiiyo pavisa cetiya.
54. Thiyova tassa jāyanti [thiyo tassa pajāyanti (ka.)], na pumā jāyare kule;
Yo jānam pucchito pañham, aññathā naṃ viyākare.
55. Sace hi saccam bhaṇasi, hohi rāja yathā pure;
Musā ce bhāsase rāja, bhiiyo pavisa cetiya.

56. Puttā tassa na bhavanti, pakkamanti disodisaṃ;
Yo jānaṃ pucchito pañhaṃ, aññathā naṃ viyākare.
57. Sace hi saccaṃ bhaṇasi, hohi rāja yathā pure;
Musā ce bhāsase rāja, bhiiyo pavisa cetiya.
58. Sa rājā isinā satto, antalikkhacaro pure;
Pāvekkhi pathaviṃ cecco, hīnatto patva pariyāyaṃ [attapariyāyaṃ (sī. syā.), pattapariyāyaṃ (ka. sī. niyya)].
59. Tasmā hi chandāgamaṇaṃ, nappasaṃsanti paṇḍitā;
Aduṭṭhacitto bhāseyya, giraṃ saccūpasamhitanti.

Cetiyajātakaṃ chaṭṭhaṃ.

423. Indriyajātakaṃ (7)

60. Yo indriyānaṃ kāmēna, vasaṃ nārada gacchati;
So pariccajjubho loke, jīvantova visussati [jīvantopivissati (syā.), jīvanto vāpi sussati (ka.)].
61. Sukhassānantaraṃ dukkhaṃ, dukkhassānantaraṃ sukhaṃ;
Sosi [sopi (syā. pī. ka.)] patto sukhā [sukha (syā.), sukhaṃ (ka.)] dukkhaṃ, pāṭikañkha varaṃ sukhaṃ.
62. Kicchakāle kicchasaḥo, yo kiccaṃ nātivattati;
Sa kicchantaṃ sukhaṃ dhīro, yogaṃ samadhigacchati.
63. Na heva kāmāna kāmā, nānatthā nātthakāraṇā;
Na katañca nirañkatvā, dhammā cavitumarahasi.
64. Dakkhaṃ gahapatī [gahapataṃ (sī. syā. pī.), gahavataṃ (?)] sādhu, saṃvibhajjañca bhojanaṃ;
Ahāso atthalābhesu, atthabyāpatti abyatho.
65. Ettāvatetaṃ paṇḍiccaṃ, api so [asito (sī. syā. pī.)] davilo [devalo (sī. pī.)] bravi;
Na yito kiñci pāpiyo, yo indriyānaṃ vasaṃ vaje.
66. Amittānaṃva hatthattaṃ, sivi pappoti māmiva;
Kammaṃ vijjañca dakkheyyaṃ, vivāhaṃ sīlamaddavaṃ;
Ete ca yase hāpetvā, nibbatto sehi kammehi.
67. Sohaṃ sahasajīnova abandhu aparāyaṇo;
Ariyadhammā apakkanto, yathā peto tathevahaṃ.
68. Sukhakāme dukkhāpetvā, āpannosmi padaṃ imaṃ;
So sukhaṃ nādhigacchāmi, ṭhito [cito (pī. sī. aṭṭha.)] bhāṇumatāmivāti.

Indriyajātakaṃ sattamaṃ.

424. Ādittajātakaṃ (8)

69. Ādittasmiṃ agārasmiṃ, yaṃ nīharati bhājanaṃ;

Taṃ tassa hoti atthāya, no ca yaṃ tattha ḍayhati.

70. Evāmādīpito loko, jarāya maraṇena ca;
Nīharetheva dānena, dinnam hoti sunīhatam [sunībhatam (sī. syā. pī.), sunibbhatam (ka.)].
71. Yo dhammaladdhassa dadāti dānam, uṭṭhānavīriyādhigatassa jantu;
Atikkamma so vetaraṇim [vettaraṇim (ka.)] yamassa, dibbāni ṭhānāni upeti macco.
72. Dānañca yuddhañca samānamāhu, appāpi santā bahuke jinanti;
Appampi ce saddahāno dadāti, teneva so hoti sukhī parattha.
73. Viceyya dānam sugatappasattham, ye dakkhiṇeyyā idha jīvaloke;
Etesu dinnāni mahapphalāni, bijāni vuttāni yathā sukhetta.
74. Yo pāṇabhūtāni aheṭṭhayam caram, parūpavādā na karoti pāpam;
Bhīrum pasamsanti na tattha sūram, bhayā hi santo na karonti pāpam.
75. Hīnena brahmacariyena, khattiye upapajjati;
Majjhimena ca devattam, uttamena visujjhati.
76. Addhā hi dānam bahudhā pasattham, dānā ca kho dhammapadamva seyyo;
Pubbeva hi pubbatareva santo [pubbe ca hi pubbatate ca santo (sam. ni. 1.33)],
nibbānamevajjhagamum sapaññāti.

Ādittajātakam aṭṭhamam.

425. Aṭṭhānajātakam (9)

77. Gaṅgā kumudinī santā, saṅkhavaṇṇā ca kokilā;
Jambu tālaphalam dajjā, atha nūna tadā siyā.
78. Yadā kacchapalomānam, pāvāro tividho siyā;
Hemantikam pāvuraṇam [pāpuraṇam (sī. syā. pī.)], atha nūna tadā siyā.
79. Yadā makasapādānam [dāṭṭhānam (sī. pī.)], aṭṭālo sukato siyā;
Daḷho ca avikampī ca [appakampī ca (sī. pī.)], atha nūna tadā siyā.
80. Yadā sasavisāṇānam, nisseṇī sukātā siyā;
Saggassārohaṇatthāya, atha nūna tadā siyā.
81. Yadā nisseṇimāruyha, candaṃ khādeyyu mūsikā;
Rāhuñca paripāteyyum [paribāheyyum (syā.)], atha nūna tadā siyā.
82. Yadā surāghaṭam pitvā, makkhikā gaṇacāriṇī;
Aṅgāre vāsam kappeyyum, atha nūna tadā siyā.
83. Yadā bimboṭṭhasampanno, gadrabho sumukho siyā;
Kusalo naccagītassa, atha nūna tadā siyā.
84. Yadā kākā ulūkā ca, mantayeyyum rahogatā;
Aññamaññam pihayeyyum, atha nūna tadā siyā.

85. Yadā muḷāla [pulasa (sī. pī.), pulāsa (syā.)] pattānaṃ, chattaṃ thirataṃ siyā;
Vassassa paṭighātāya, atha nūna tadā siyā.
86. Yadā kulako [kuluṅko (sī. pī.), kuluko (syā.)] sakuṇo, pabbataṃ gandhamādanaṃ;
Tuṇḍenādāya gaccheyya, atha nūna tadā siyā.
87. Yadā sāmuddikaṃ nāvaṃ, sa-yantaṃ sa-vaṭākaraṃ [sapaṭākāraṃ (ka.)];
Ceṭo ādāya gaccheyya, atha nūna tadā siyāti.

Aṭṭhānajātakaṃ navamaṃ.

426. Dīpijātakaṃ (10)

88. Khamanīyaṃ yāpanīyaṃ, kacci mātula te sukhaṃ;
Sukhaṃ te amma avaca, sukhakāmāva [sukhakāmā hi (sī. syā. pī.)] te mayamaṃ.
89. Naṅguṭṭhaṃ me avakkamma [apakkamma (ka.)], heṭhayitvāna [pothayitvāna (ka.)] eḷike [eḷiki (syā.), eḷiki (pī.)];
Sājja mātulavādena, muñcitabbā nu maññasi.
90. Puratthāmukho nisinnosi, ahaṃ te mukhamāgatā;
Pacchato tuyhaṃ naṅguṭṭhaṃ, kathaṃ khvāhaṃ avakkamiṃ [apakkamiṃ (ka.)].
91. Yāvatā caturo dīpā, sasamuddā sapabbatā;
Tāvatā mayhaṃ naṅguṭṭhaṃ, kathaṃ kho tvaṃ vivajjayi.
92. Pubbeva metamakkhimsu [metaṃ akkhaṃsu (sī. pī.)], mātā pitā ca bhātaro;
Dīghaṃ duṭṭhassa naṅguṭṭhaṃ, sāmhi vehāyasāgatā.
93. Tañca disvāna āyantiṃ, antalikkhasmi eḷike;
Migasaṅgho palāyittha, bhakkho me nāsito tayā.
94. Icevaṃ vilapantiyā, eḷakiyā ruhagghaso;
Galakaṃ anvāvamaddi, natthi duṭṭhe subhāsitaṃ.
95. Neva duṭṭhe nayo atthi, na dhammo na subhāsitaṃ;
Nikkamaṃ duṭṭhe yuñjetha, so ca sabbhiṃ na rañjatīti.

Dīpijātakaṃ dasamaṃ.

Aṭṭhakanipātaṃ niṭṭhitaṃ.

Tassuddānaṃ –

Parisuddhā manāvīlā vatthadharā, bakarājassa kāyuraṃ daṇḍavaro;
Atha aṅgāra cetiya devilinā, atha āditta gaṅgā daseḷakināti.

9. Navakanipāto

427. Gijjhajātakaṃ (1)

1. Parisāṅkupatho nāma, gijjhapantho sanantano;
Tatrāsi mātāpitaro, gijjho posesi jiṅṅake;
Tesaṃ ajagamedaṃ, accahāsi bahuttaso [pahuttato (ka. sī.), pahūtaso (syā. pī.), bahudhaso (ka.)].
2. Pitā ca puttāṃ avaca, jānaṃ uccaṃ papātināṃ;
Supattāṃ thāmasampannaṃ [pakkhasampannaṃ (sī. syā. pī.)], tejaṣṣiṃ dūragāmiṇaṃ.
3. Pariplavantaṃ pathaviṃ, yadā tāta vijānāhi;
Sāgarena parikkhittaṃ, cakkaṃva parimaṇḍalaṃ;
Tato tāta nivattassu, māssu etto paraṃ gami.
4. Udapattosi [uddhaṃ pattosi (ka. sī.)] vegena, balī pakkhī dijuttamo;
Olokayanto vakkaṅgo, pabbatāni vanāni ca.
5. Addassa pathaviṃ gijjho, yathāsāsi [yathāssāsi (syā. aṭṭha. pāṭhantaram)] pitussutaṃ;
Sāgarena parikkhittaṃ, cakkaṃva parimaṇḍalaṃ.
6. Tañca so samatikkamma, paramevaccavattatha [parameva pavattatha (sī. syā.)];
Tañca vātasikhā tikkhā, accahāsi baliṃ dijaṃ.
7. Nāsakkhātigato poso, punadeva nivattitūṃ;
Dijo byasanamāpādi, verambhānaṃ [verambānaṃ (sī. pī.)] vasaṃ gato.
8. Tassa puttā ca dārā ca, ye caññe anujīvino;
Sabbe byasanamāpāduṃ, anovādakare dije.
9. Evampi idha vuḍḍhānaṃ, yo vākyāṃ nāvabujjhati;
Atisīmacaro ditto, gijjhovātītasāsano;
Sa ve byasanaṃ pappoti, akatvā vuḍḍhasāsananti.

Gijjhajātakaṃ paṭhamāṃ.

428. Kosambiyājātakaṃ (2)

10. Puthusaddo samajano, na bālo koci maññatha;
Saṅghasmiṃ bhijjamānasmiṃ, nāññaṃ bhiyyo amaññaṃ.
11. Parimuṭṭhā paṇḍitābhāsā, vācāgocarabhāṇino;
Yāvicchanti mukhāyāmaṃ, yena nītā na taṃ vidū.
12. Akkocchi maṃ avadhi maṃ, ajini maṃ ahāsi me;
Ye ca taṃ upanayhanti, veraṃ tesaṃ na sammāti.
13. Akkocchi maṃ avadhi maṃ, ajini maṃ ahāsi me;
Ye ca taṃ nupanayhanti, veraṃ tesūpasammāti.
14. Na hi verena verāni, sammantīdha kudācanaṃ;
Averena ca sammanti, esa dhammo sanantano.
15. Pare ca na vijānanti, mayamettha yamāmase;
Ye ca tattha vijānanti, tato sammanti medhagā.

16. Aṭṭhicchinnā pāṇaharā, gavassa [gavāssa (sī. syā. pī.)] dhanahārino;
Raṭṭhaṃ vilumpamānānaṃ, tesampi hoti saṅgati;

Kasmā tumhāka no siyā.
17. Sace labhetha nipakaṃ sahāyaṃ, saddhiṃcaraṃ sādhuvihāridhīraṃ;
Abhibhuyya sabbāni parissayāni, careyya tenattamano satīmā.
18. No ce labhetha nipakaṃ sahāyaṃ, saddhiṃcaraṃ sādhuvihāridhīraṃ;
Rājāva raṭṭhaṃ vijītaṃ pahāya, eko care mātaṅgaraññeva nāgo.
19. Ekassa caritaṃ seyyo, natthi bāle sahāyatā;
Eko care na pāpāni kayirā, appossukko mātaṅgaraññeva nāgoti.

Kosambiyajātakaṃ dutiyaṃ.

429. Mahāsuvaṅgatakaṃ (3)

20. Dumo yadā hoti phalūpapanno, bhuñjanti naṃ vihaṅgamā [vihagā (sī. pī.)] sampatantā;
Khīṇanti ñatvāna dumāṃ phalaccaye [ñatvā dumapphalaccayena (ka.)], disodisaṃ yanti tato
vihaṅgamā.
21. Cara cārikaṃ lohitaṅḍa māmari, kiṃ tvaṃ suva sukkhadumamhi jhāyasi;
Tadiṅgha maṃ brūhi vasantasannibha, kasmā suva sukkhadumaṃ na riñcasi.
22. Ye ve sakhīnaṃ sakhāro bhavanti, pāṇaccaye [pāṇaṃ caje (ka.), pāṇaccaye maraṇakāle ca
sukhadukkhesu ca na jahantīti sambandho] dukkhasukhesu haṃsa;
Khīṇaṃ akhīṇanti na taṃ jahanti, santo sataṃ dhammamanussarantā.
23. Sohaṃ sataṃ aññatarosmi haṃsa, ñātī ca me hoti sakhā ca rukkho;
Taṃ nussahe jīvikattho pahātum, khīṇanti ñatvāna na hesa dhammo [na sosa (ka.), na esa
(syā.)].
24. Sādhu sakkhi kataṃ hoti, metti saṃsati santhavo [mittaṃ saṅgati sandhavo (ka.)];
Sacetaṃ dhammaṃ rocesi, pāsaṃsosi vijānataṃ.
25. So te suva varaṃ dammi, pattayāna vihaṅgama;
Varaṃ varassu vakkāṅga, yaṃ kiñci manasicchasi.
26. Varañca me haṃsa bhavaṃ dadeyya, ayañca rukkho punarāyumaṃ labhetha;
So sākhavā phalimā saṃvirūlho, madhutthiko tiṭṭhatu sobhamāno.
27. Taṃ passa samma phalimaṃ uḷāraṃ, sahāva te hotu udumbarena;
So sākhavā phalimā saṃvirūlho, madhutthiko tiṭṭhatu sobhamāno.
28. Evaṃ sakka sukhī hohi, saha sabbehi ñātībhi;
Yathāhamajja sukhito, disvāna saphalaṃ dumāṃ.
29. Suvassa ca varaṃ datvā, katvāna saphalaṃ dumāṃ;
Pakkāmi saha bhariyāya, devānaṃ nandanaṃ vananti.

Mahāsuvaḷātakam tatiyaṃ.

430. Cūlasuvaḷātakam (4)

30. Santi rukkhā haripattā [haritapattā (sī. syā. pī.)], dumā nekaphalā bahū;
Kasmā nu sukkhe [sukkhā (ka.)] koḷāpe, suvassa nirato mano.
31. Phalassa upabhuñjimhā, nekavassagaṇe bahū;
Aphalampi viditvāna, sāva metti yathā pure.
32. Sukhañca rukkham koḷāpaṃ, opattamaphalaṃ dumam;
Ohāya sakuṇā yanti, kiṃ dosaṃ passase dija.
33. Ye phalathā sambhajanti, aphaloti jahanti naṃ;
Attatthapaññā dummedhā, te honti pakkhapātino.
34. Sādhu sakkhi kataṃ hoti, metti saṃsati santhavo;
Sacetaṃ dhammaṃ rocesi, pāsamsosi vijānataṃ.
35. So te suva varaṃ dammi, pattayāna vihaṅgama;
Varaṃ varassu vakkaṅga, yaṃ kiñci manasicchasi.
36. Api nāma naṃ passeyyaṃ [api nāma naṃ puna passe (sī. syā.)], sapattaṃ saphalaṃ dumam;
Daliddova nidhi laddhā, nandeyyāhaṃ punappunaṃ.
37. Tato amatamādāya, abhisiñci mahīruhaṃ;
Tassa sākhā virūhiṃsu [virūḷhassa (ka.)], sītacchāyā manoramā.
38. Evaṃ sakka sukhī hohi, saha sabbehi ñātibhi;
Yathāhamajja sukhito, disvāna saphalaṃ dumam.
39. Suvassa ca varaṃ datvā, katvāna saphalaṃ dumam;
Pakkāmi saha bhariyāya, devānaṃ nandanaṃ vananti.

Cūlasuvaḷātakam catutthaṃ.

431. Haritacajātakaṃ (5)

40. Sutaṃ metaṃ mahābrahme, kāme bhujjati hārito;
Kaccetaṃ vacanaṃ tucchaṃ, kacci suddho iriyyasi.
41. Evametaṃ mahārāja, yathā te vacanaṃ sutam;
Kummaggaṃ paṭipannosmi, mohaneyyesu mucchito.
42. Adu [ādu (sī. pī.)] paññā kimatthiyā, nipuṇā sādhu cintinī [cintanī (sī. pī.)];
Yāya uppatitaṃ rāgaṃ, kiṃ mano na vinodaye.
43. Cattārome mahārāja, loke atibalā bhusā;
Rāgo doso mado moho, yattha paññā na gādhati.
44. Arahā sīlasampanno, suddho carati hārito;

Medhāvī paṇḍito ceva, iti no sammato bhavaṃ.

45. Medhāvīnampi hiṃsanti, isiṃ dhammaguṇe rataṃ;
Vitakkā pāpakā rāja, subhā rāgūpasamhitā.
46. Uppannāyaṃ sarīrajo, rāgo vaṇṇavidūso tava;
Taṃ pajaha bhaddamatthu te, bahunnāsi medhāvisammato.
47. Te andhakārake [karaṇe (sī. syā. pī.)] kāme, bahudukkhe mahāvise;
Tesaṃ mūlaṃ gavesissaṃ, checchaṃ rāgaṃ sabandhanaṃ.
48. Idaṃ vatvāna hārito, isi saccaparakkamo;
Kāmarāgaṃ virājetvā, brahmalokūpago ahūti.

Haritacajātaṃ [hāritajātaṃ (sī. pī.)] pañcamaṃ.

432. Padakusalamāṇavajātaṃ (6)

49. Bahussutaṃ cittakathim [cittakathaṃ (syā. ka.)], gaṅgā vahati pāṭalim [pāṭalaṃ (sī. pī.)];
Vuyhamānaka bhaddante, ekaṃ me dehi gāthakaṃ [gītaṃ (ka. aṭṭha.)].
50. Yena siñcanti dukkhiṭaṃ, yena siñcanti āturaṃ;
Tassa majjhe marissāmi, jātaṃ saraṇato bhayaṃ.
51. Yattha bījāni rūhanti, sattā yattha patiṭṭhitā;
Sā me sīsaṃ nipīleti, jātaṃ saraṇato bhayaṃ.
52. Yena bhattāni paccanti, sītaṃ yena vihaññati;
So maṃ ḍahati [dayhati (ka.)] gattāni, jātaṃ saraṇato bhayaṃ.
53. Yena bhuttena [bhuttēna (syā. ka.)] yāpenti, puthū brāhmaṇakhattiyā;
So maṃ bhutto byāpādeti, jātaṃ saraṇato bhayaṃ.
54. Gimhānaṃ pacchime māse, vātamicchanti paṇḍitā;
So maṃ [so me (sī. pī.)] bhañjati gattāni, jātaṃ saraṇato bhayaṃ.
55. Yaṃ nissitā jagatiruhaṃ, svāyaṃ aggim pamuñcati;
Disā bhajatha vakkaṅgā, jātaṃ saraṇato bhayaṃ.
56. Yamānayaṃ somanassaṃ, māliniṃ candanussadaṃ;
Sā maṃ gharā nicchubhati [nīharati (sī. syā.)], jātaṃ saraṇato bhayaṃ.
57. Yena jātena nandissaṃ, yassa ca bhavamicchisaṃ;
So maṃ gharā nicchubhati [nīharati (sī. syā.)], jātaṃ saraṇato bhayaṃ.
58. Suṇantu me jānapadā, negamā ca samāgatā;
Yatodakaṃ tadādittaṃ, yato khemaṃ tato bhayaṃ.
59. Rājā vilumpate raṭṭhaṃ, brāhmaṇo ca purohito;
Attaguttā viharatha, jātaṃ saraṇato bhayanti.

Padakusalamāṇavajātakam chaṭṭham.

433. Lomasakassapajātakam (7)

60. Assa indasamo rāja, accantaṃ ajarāmaro;
Sace tvaṃ yaññaṃ yājeyya, isiṃ lomasakassapaṃ.
61. Sasamuddapariyāyaṃ, mahiṃ sāgarakuṇḍalaṃ;
Na icche saha nindāya, evaṃ seyya [sayha (sī. syā. pī.)] vijānahi.
62. Dhiratthu taṃ yasalābham, dhanalābhañca brāhmaṇa;
Yā vutti vinipātena, adhammacaraṇena vā.
63. Api ce pattamādāya, anagāro paribbaje;
Sāyeva jīvikā seyyo, yā cādhammena esanā.
64. Api ce pattamādāya, anagāro paribbaje;
Aññaṃ ahiṃsayam loke, api rajjena taṃ varam.
65. Balaṃ cando balaṃ suriyo, balaṃ samaṇabrāhmaṇā;
Balaṃ velā samuddassa, balātibalamitthiyo.
66. Yathā uggatapaṃ santaṃ, isiṃ lomasakassapaṃ;
Pitu atthā candavatī, vājapeyyaṃ [vācapeyyaṃ (pī. ka.)] ayājayi.
67. Taṃ lobhapakataṃ kammaṃ, kaṭukaṃ kāmahetukaṃ;
Tassa mūlaṃ gavesissaṃ, checchaṃ rāgaṃ sabandhanaṃ.
68. Dhiratthu kāme subahūpi loke, tapova seyyo kāmaguṇehi rāja;
Tapo karissāmi pahāya kāme, taveva raṭṭhaṃ candavatī ca hotūti.

Lomasakassapajātakam sattamaṃ.

434. Cakkavākajātakam (8)

69. Kāsāyavatthe sakuṇe vadāmi, duve duve nandamane [nandimane (sī. pī.)] carante;
Kaṃ aṇḍajaṃ aṇḍajā mānusesu, jātiṃ pasamsanti tadingha brūtha.
70. Amhe manussesu manussahiṃsa, anubbate [anupubbake (ka.)] cakkavāke vadanti;
Kalyāṇabhāvamhe [bhāva'mha (sī. pī.)] dijesu sammatā, abhirūpā [abhitarūpā (sī. syā. pī.)]
vicarāma aṇṇave. () [(na ghāsahetūpi karoma pāpaṃ) (ka.)]
71. Kiṃ aṇṇave kāni phalāni bhuñje, maṃsaṃ kuto khādatha cakkavākā;
Kiṃ bhojanaṃ bhuñjatha vo anomā [abhiṇhaṃ (ka.)], balañca vaṇṇo ca anapparūpā
[anapparūpo (sī. syā. pī.)].
72. Na aṇṇave santi phalāni dhañka, maṃsaṃ kuto khādituṃ cakkavāke;
Sevālabhakkhamha [bhakkhimha (ka.)] apāṇabhojanā [avākabhojanā (sī. pī.)], na ghāsahetūpi
karoma pāpaṃ.
73. Na me idaṃ ruccati cakkavāka, asmiṃ bhava bhojanasannikāso;

Ahosi pubbe tato me aññathā, icceva me vimati ettha jātā.

74. Ahampi maṃsāni phalāni bhuñje, annāni ca loṇiyateliyāni;
Rasaṃ manussesu labhāmi bhottuṃ, sūrova saṅgāmamukhaṃ vijetvā;
Na ca me tādiso vaṇṇo, cakkavāka yathā tava.
75. Asuddhabhakkhosi khaṇānupātī, kicchena te labbhati annapānaṃ;
Na tussasī rukkhaphalehi dhaṅka, maṃsāni vā yāni susānamajjhe.
76. Yo sāhasena adhigamma bhoge, paribhuñjati dhaṅka khaṇānupātī;
Tato upakkosati naṃ sabhāvo, upakkuṭṭho vaṇṇabalaṃ jahāti.
77. Appampi ce nibbutiṃ bhuñjati yadi, asāhasena aparūpaghātī [[asāhasenānupaghātino \(ka.\)](#)];
Balañca vaṇṇo ca tadassa hoti, na hi sabbo āhāramayena vaṇṇoti.

Cakkavākajātakaṃ aṭṭhamam.

435. Haliddirāgajātakaṃ (9)

78. Sutipikkhaṃ araññamhi, pantamhi sayanāsane;
Ye ca gāme titikkhanti, te uḷaratarā tayā.
79. Araññā gāmamāgama, kiṃsīlaṃ kiṃvataṃ ahaṃ;
Purisaṃ tāta seveyyaṃ, taṃ me akkhāhi pucchito.
80. Yo te [[yo taṃ \(syā. jā. 1.4.190 araññajātakepi\)](#)] vissāsaya tāta, vissāsañca khameyya te;
Sussūsī ca titikkhī ca, taṃ bhajehi ito gato.
81. Yassa kāyena vācāya, manasā natthi dukkaṭaṃ;
Urasīva patiṭṭhāya, taṃ bhajehi ito gato.
82. Yo ca dhammena carati, carantopi na maññati;
Visuddhakāriṃ sappaññaṃ, taṃ bhajehi ito gato.
83. Haliddirāgaṃ kapiccitaṃ, purisaṃ rāgavirāgīnaṃ;
Tādisaṃ tāta mā sevi, nimmanussampi ce siyā.
84. Āsīvisaṃva kupitaṃ, mīlhalittaṃ mahāpathaṃ;
Ārakā parivajjehi, yānīva visamaṃ pathaṃ.
85. Anathā tāta vaḍḍhanti, bālaṃ accupasevato;
Māssu bālena saṃgacchi, amitteneva sabbadā.
86. Taṃ tāhaṃ tāta yācāmi, karassu vacanaṃ mama;
Māssu bālena saṃgacchi [[saṃgañchi \(sī. pī.\)](#)], dukkho bālehi saṅgamoti.

Haliddirāgajātakaṃ navamaṃ.

436. Samuggajātakaṃ (10)

87. Kuto nu āgacchatha bho tayo janā, svāgatā etha [[svāgataṃ ettha \(sī. pī.\)](#)] nisīdathāsane;

Kaccittha bhonto kusalaṃ anāmayam, cirassamabbhāgamanam hi vo idha.

88. Ahameva eko idha majja patto, na cāpi me dutiyo koci vijjati;
Kimeva sandhāya te bhāsitaṃ ise, “kuto nu āgacchatha bho tayo janā”.
89. Tuvañca eko bhariyā ca te piyā, samuggapakkhittanikinṇamantare;
Sā rakkhitā kucchigatāva [kucchigatā ca (ka.)] te sadā, vāyussa [harissa (ka.)] puttena sahā
tahiṃ ratā.
90. Saṃviggārūpo isinā viyākato [pabyākato (ka.), byākato (syā. pī.)], so dānavo tattha
samuggamuggili;
Addakki bhariyam suci māladhārinim, vāyussa puttena sahā tahiṃ ratam.
91. Sudiṭṭharūpamuggatapānuvattinā [sudiṭṭharūpuggatapānuvattinā (sī. syā. pī.)], hīnā narā ye
pamadāvasaṃ gatā;
Yathā have pānarivettha rakkhitā, duṭṭhā mayī aññamabhippamodayi.
92. Divā ca ratto ca mayā upaṭṭhitā, tapassinā jotirivā vane vasaṃ;
Sā dhammamukkamma adhammamācari, akiriyarūpo pamadāhi santhavo.
93. Sarīramajjhamhi ṭhitātimaññaṃ, mayhaṃ ayanti asatiṃ asaññaṃ;
Sā dhammamukkamma adhammamācari, akiriyarūpo pamadāhi santhavo.
94. Surakkhitaṃ meti kathaṃ nu vissase, anekacittāsu na hatthi [anekacittā puna hettha (ka.)]
rakkhaṇā;
Etā hi pātālapapātasannibhā, etthappamatto byasanaṃ nigacchati.
95. Tasmā hi te sukhino vītasokā, ye mātugāmehi caranti nissaṭā;
Etaṃ sivaṃ uttamamābhipatthayaṃ, na mātugāmehi kareyya santhavanti.

Samuggajātakam dasamaṃ.

437. Pūtimaṃsajātakam (11)

96. Na kho me rucati āḷi, pūtimaṃsassa pekkhanā;
Etādisā sakhārasmā, ārakā parivajjaye.
97. Ummattikā ayam veṇī, vaṇṇeti patino sakhim;
Pajjhāyi [pajjhāti (sī. pī.), pajjhāyati (sī. niyya)] paṭigacchantim, āgataṃ meṇḍa [meḷa (sī. pī.)]
mātaram.
98. Tvaṃ khosi samma ummatto, dummedho avicakkhaṇo;
Yo tvaṃ [so tvaṃ (syā.)] matālayaṃ katvā, akālena vipekkhasi.
99. Na akāle vipekkheyya, kāle pekkheyya paṇḍito;
Pūtimaṃsova pajjhāyi [pajjhāti (sī. pī.), pajjhāyati (sī. niyya)], yo akāle vipekkhati.
100. Piyam kho āḷi me hotu, puṇṇapattaṃ dadāhi me;
Pati sañjīvito mayhaṃ, eyyāsi piyapucchikā [pucchitā (syā. ka.)].
101. Piyam kho āḷi te hotu, puṇṇapattaṃ dadāmi te;
Mahatā parivārena [parihārena (syā.)], essaṃ [essaṃ (sī. pī.)] kayirāhi [kayirāsi (pī.)]

bhojanam.

102. Kīdiso tuyham parivāro, yesam kāhāmi bhojanam;
Kiṃnāmakā ca te sabbe, tam [te (sī. syā. pī.)] me akkhāhi pucchitā.
103. Māliyo caturakkho ca, piṅgiyo atha jambuko;
Ediso mayham parivāro, tesam kayirāhi [kayirāsi (pī.)] bhojanam.
104. Nikkhanṭāya agārasmā, bhaṇḍakampi vinassati;
Ārogyam ālino vajjam [vaccham (?)], idheva vasa māgamāti.

Pūtimamsajātakaṃ ekādasamaṃ.

438. Daddarajātakaṃ (12)

105. Yo te puttake akhādi, dinnabhatto adūsake;
Tasmiṃ dāṭham nipātehi, mā te muccittha jīvato.
106. Ākiṇṇaluddo puriso, dhāticelaṃva makkhito;
Padesam tam na passāmi, yattha dāṭham nipātaye.
107. Akatañṇussa posassa, niccam vivaradassino;
Sabbam ce pathaviṃ dajjā, neva nam abhirādhaye.
108. Kinu subāhu taramānarūpo, paccāgatosi saha māṇavena;
Kiṃ kiccamattham idhamatthi tuyham, akkhāhi me pucchito etamattham.
109. Yo te sakhā daddaro sādhurūpo, tassa vadham parisankāmi ajja;
Purisassa kammāyatanāni sutvā, nāham sukhiṃ daddaram ajja maññe.
110. Kānissa kammāyatanāni assu, purisassa vuttisamodhānatāya;
Kaṃ vā paṭiñṇam purisassa sutvā, parisankasi daddaram māṇavena.
111. Ciṇṇā kaliṅgā caritā vaṇijjā, vettācaro sankupathopi ciṇṇo;
Naṭehi ciṇṇam saha vākurehi [vākurehi (pī. sī. niyya), vāgurehi (?)], daṇḍena yuddhampi samajjamajjhe.
112. Baddhā kulikā [kuliṅkā (sī. pī.)] mitamāḷhakena, akkhā jitā [akkhācitā (sī. aṭṭha.)] saṃyamo abbatto;
Abbāhitam [appahitam (sī. syā.), abbūhitam (pī. sī. niyya)] pubbakam [pupphakam (sī. syā.)] adḍharattam, hatthā daḍḍhā piṇḍapaṭiggahena.
113. Tānissa kammāyatanāni assu, purisassa vuttisamodhānatāya;
Yathā ayam dissati lomapiṇḍo, gāvo hatā kiṃ pana daddarassāti.

Daddarajātakaṃ dvādasamaṃ.

Navakanipātam niṭṭhitam.

Tassuddānam –

Varagijjha samajjana hamsavaro, nidhisavhaya hārita pāṭaliko;
Ajarāmara dhanka titikkha kuto, atha dvādasa pekkhana daddaribhīti.

10. Dasakanipāto

439. Catudvārajātakam (1)

1. Catudvāramidaṃ nagaraṃ, āyasaṃ daḷhapākāraṃ;
Oruddhapaṭiruddhosmi, kiṃ pāpaṃ pakataṃ mayā.
2. Sabbe apihitā dvārā, oruddhosmi yathā dijo;
Kimādhikaraṇaṃ yakkha, cakkābhinihato ahaṃ.
3. Laddhā satasahassāni, atirekāni vīsati;
Anukampakānaṃ ñātīnaṃ, vacanaṃ samma nākari.
4. Laṅghim samuddaṃ pakkhandi, sāgaraṃ appasiddhikaṃ;
Catubbi aṭṭhajjhagamā, aṭṭhāhipi ca soḷasa.
5. Soḷasāhi ca bāttiṃsa, atricchaṃ cakkamāsado;
Icchāhatassa posassa, cakkam bhamati matthake.
6. Uparivisālā duppūrā, icchā viṣaṭagāminī [[viṣaṭagāminim \(pī. ka.\)](#)];
Ye ca taṃ anugijjhanti, te honti cakkadhārino.
7. Bahubhaṇḍaṃ [[bahum bhaṇḍam \(sī. pī.\)](#)] avahāya, maggaṃ appaṭivekkhiya;
Yesañcetam asaṅkhātāṃ, te honti cakkadhārino.
8. Kammaṃ samekkhe vipulañca bhogaṃ, icchaṃ na seveyya anattasamhitāṃ;
Kareyya vākyam anukampakānaṃ, taṃ tādisaṃ nātivatteyya cakkam.
9. Kīvaciraṃ nu me yakkha, cakkam sirasi ṭhassati;
Kati vassasahassāni, taṃ me akkhāhi pucchito.
10. Atisaro paccasaro [[accasaro \(sī. syā. pī.\)](#)], mittavinda suṇohi me;
Cakkam te sirasi [[sirasmī \(syā.\)](#)] māviddham, na taṃ jīvaṃ pamokkhasīti.

Catudvārajātakam paṭhamaṃ.

440. Kaṇhajātakam (2)

11. Kaṇho vatāyaṃ puriso, kaṇhaṃ bhuñjati bhojanaṃ;
Kaṇhe bhūmipadesasmim, na mayhaṃ manaso piyo.
12. Na kaṇho tacasā hoti, antosāro hi brāhmaṇo;
Yasmim pāpāni kammāni, sa ve kaṇho sujampati.
13. Etasmim te sulapite, patirūpe subhāsate;
Varaṃ brāhmaṇa te dammi, yaṃ kiñci manasicchasi.
14. Varañce me ado sakka, sabbabhūtānamissara;

Sunikkodhaṃ suniddosaṃ, nillobhaṃ vuttimattano;
Nisnehamabhikaṅkhāmi, ete me caturo vare.

15. Kiṃ nu kodhe vā [kodheva (sī. pī.)] dose vā, lobhe snehe ca brāhmaṇa;
Ādīnavaṃ tvaṃ passasi [sampaṃpassasi (sī. pī.)], taṃ me akkhāhi pucchito.
16. Appo hutvā bahu hoti, vaḍḍhate so akhantijo;
Āsaṅgī bahupāyāso, tasmā kodhaṃ na rocaye.
17. Duṭṭhassa pharusā [paṭṭhamā (pī. sī. niyya)] vācā, parāmāso anantarā;
Tato pāṇi tato daṇḍo, satthassa paramā gati [parāmasati (ka.)];
Doso kodhasamuṭṭhāno, tasmā dosaṃ na rocaye.
18. Ālopaśāhasākārā [sahasākārā (sī. syā. pī.)], nikatī vañcanāni ca;
Dissanti lobhadhammesu, tasmā lobhaṃ na rocaye.
19. Snehasaṅgathitā [saṅgadhītā (ka.), saṅgantitā (syā.)] ganthā, senti manomayā puthū;
Te bhusaṃ upatāpentī, tasmā snehaṃ na rocaye.
20. Etasmiṃ te sulapite, patirūpe subhāsīte;
Varaṃ brāhmaṇa te dammi, yaṃ kiñci manasicchasi.
21. Varañce me ado sakka, sabbabhūtānamissara;
Araññe me viharato, niccaṃ ekavihārino;
Ābādhā mā [na (syā. pī.)] uppajjeyyūṃ, antarāyakarā bhūsā.
22. Etasmiṃ te sulapite, patirūpe subhāsīte;
Varaṃ brāhmaṇa te dammi, yaṃ kiñci manasicchasi.
23. Varañce me ado sakka, sabbabhūtānamissara;
Na mano vā sarīraṃ vā, maṃ-kate sakka kassaci;
Kadāci upahaññetha, etaṃ sakka varaṃ vareti.

Kaṇhajātakaṃ dutiyaṃ.

441. Catuposathiyajātakaṃ (3)

24. Yo kopaneyye na karoti kopam, na kujjhati sappuriso kadāci;
Kuddhopi so nāvīkaroti kopam, taṃ ve naram samaṇamāhu [samaṇam āhu (sī.)] loke.
25. Ūnūdarō yo sahate jighacchaṃ, danto tapassī mitapānabhojano;
Āhārahetu na karoti pāpaṃ, taṃ ve naram samaṇamāhu loke.
26. Khiddaṃ ratim vippajahitvāna sabbam, na cālikam bhāsasi kiñci loke;
Vibhūsaṭṭhānā virato methunasmā, taṃ ve naram samaṇamāhu loke.
27. Pariggahaṃ lobhadhammañca sabbam, yo ve pariññāya pariccajēti;
Dantaṃ ṭhitattaṃ amamaṃ nirāsam, taṃ ve naram samaṇamāhu loke.
28. Pucchāma kattāramanomapaññaṃ [manomapañña (syā. ka.)], kathāsu no viggaho atthi jāto;
Chindajja kaṅkham vicikicchitāni, tadajja [tayājja (sī.)] kaṅkham vitaremu sabbe.

29. Ye paṇḍitā atthadasā bhavanti, bhāsanti te yoniso tattha kāle;
Kathaṃ nu kathānaṃ abhāsītānaṃ, atthaṃ nayeyyuṃ kusalā janindā.
30. Kathaṃ have bhāsati nāgarājā, garuḷo pana venateyyo kimāha;
Gandhabbarājā pana kiṃ vadesi, kathaṃ pana kurūnaṃ rājaseṭṭho.
31. Khantiṃ have bhāsati nāgarājā, appāhāraṃ garuḷo venateyyo;
Gandhabbarājā rativippahānaṃ, akiñcanaṃ kurūnaṃ rājaseṭṭho.
32. Sabbāni etāni subhāsītāni, na hettha dubbhāsītamatti kiñci;
Yasmiñca etāni patiṭṭhitāni, arāva nābhyā susamohitāni;
Catubbhi dhammehi samaṅgibhūtaṃ, taṃ ve naraṃ samaṇamāhu loke.
33. Tuvañhi [tuvam nu (sī. pī.)] seṭṭho tvamanuttarosi, tvam dhammagū dhammavidū sumedho;
Paññāya pañhaṃ samadhiggahetvā, acchecchi dhīro vicikicchitāni;
Acchecchi kaṅkhaṃ vicikicchitāni, cundo yathā nāgadantaṃ kharena.
34. Nīluppalābhaṃ vimalaṃ anagghaṃ, vatthaṃ idaṃ dhūmasamānavañṇaṃ;
Pañhassa veyyākaraṇena tuṭṭho, dadāmi te dhammapūjāya dhīra.
35. Suvaṇṇamālaṃ satapattaphullitaṃ, sakesaraṃ ratnasahassamaṇḍitaṃ;
Pañhassa veyyākaraṇena tuṭṭho, dadāmi te dhammapūjāya dhīra.
36. Maṇiṃ anagghaṃ ruciraṃ pabhassaraṃ, kaṅṭhāvasattaṃ [vasitaṃ (ka.)] maṇibhūsitam me;
Pañhassa veyyākaraṇena tuṭṭho, dadāmi te dhammapūjāya dhīra.
37. Gavaṃ sahassaṃ usabhañca nāgaṃ, ājaññayutte ca rathe dasa ime;
Pañhassa veyyākaraṇena tuṭṭho, dadāmi te gāmavarāni soḷasa.
38. Sāriputto tadā nāgo, supaṇṇo pana kolito;
Gandhabbarājā anuruddho, rājā ānanda paṇḍito;
Vidhuro bodhisatto ca, evaṃ dhāretha jātakanti.

Catuposathiyajātakaṃ tatiyaṃ.

442. Saṅkhajātakaṃ (4)

39. Bahussuto sutadhammosi saṅkha, diṭṭhā tayā samaṇabrāhmaṇā ca;
Athakkaṇe dassayase vilāpaṃ, añño nu ko te paṭimantako mayā.
40. Subbhū [subbhā (syā.), subbhā, subhmā (ka.)] subhā suppaṭimukkakambu, paggayha
sovaṇṇamayāya pātiyā;
“Bhuñjassu bhattaṃ” iti maṃ vadeti, saddhāvittā [saddhācittā (sī. pī. ka.)], tamaḥaṃ noti
brūmi.
41. Etādisaṃ brāhmaṇa disvāna [disva (sī. pī.)] yakkhaṃ, puccheyya poso sukhamāsīsāno
[sukhamāsāsāno (syā.), sukhamāsīsamāno (ka.)];
Uṭṭhehi naṃ pañjalikābhīpuccha, devī nusi tvam uda mānusī nu.
42. Yaṃ tvam sukhenābhisamekkhase maṃ, bhuñjassu bhattaṃ iti maṃ vadesi;
Pucchāmi taṃ nāri mahānubhāve, devī nusi tvam uda mānusī nu.

43. Devī ahaṃ saṅkha mahānubhāvā, idhāgatā sāgaravārimajjhe;
Anukampikā no ca paduṭṭhacittā, taveva atthāya idhāgatāsmi.
44. Idhannapānaṃ sayanāsanañca, yānāni nānāvividhāni saṅkha;
Sabbassa tyāhaṃ paṭipādayāmi, yaṃ kiñci tuyhaṃ manasābhipatthitaṃ.
45. Yaṃ kiñci yiṭṭhañca hutañca [yiṭṭhaṃva hutaṃva (sī. pī.)] mayhaṃ, sabbassa no issarā tvaṃ sugatte;
Susoṇi subbhamu [subbhu (sī.), subbhā (syā.)] suvilaggamajjhe [suvilākamajjhe (syā. pī. sī. aṭṭha.), suvilātamajjhe (ka.)], kissa me kammaṃ ayaṃ vipāko.
46. Ghamme pathe brāhmaṇa ekabhikkhuṃ, ugghaṭṭapādaṃ tasitaṃ kilantaṃ;
Paṭipādayī saṅkha upāhanāni [upāhanāhi (sī. pī.)], sā dakkhiṇā kāmduhā tavajja.
47. Sā hotu nāvā phalakūpapannā, anavassutā erakavātayuttā;
Aññassa yānassa na hettha [na hatthi (pī.)] bhūmi, ajjeva maṃ moḷiniṃ pāpayassu.
48. Sā tattha vittā sumanā patītā, nāvaṃ sucittaṃ abhinimminivā;
Ādāya saṅkhaṃ purisena saddhiṃ, upānayī nagaraṃ sādhurammanti.

Saṅkhajātakam catutthaṃ.

443. Cūḷabodhi-jātakam (5)

49. Yo te imaṃ visālakkhiṃ, piyaṃ samhitabhāsiniṃ [sammillabhāsiniṃ (sī. pī.), sammillabhāsiniṃ (syā.)];
Ādāya balā gaccheyya, kiṃ nu kayirāsi brāhmaṇa.
50. Uppajje [uppajja (sī. pī.)] me na mucceyya, na me mucceyya jīvato;
Rajaṃva vipulā vuṭṭhi, khippameva nivāraye [nivārayiṃ (ka.)].
51. Yaṃ nu pubbe vikatthittho [vikatthito (ka. sī. syā. ka.)], balamhiva apassito;
Svajja tuṇhikato [tuṇhikato (sī.), tuṇhikkhako (pī.)] dāni, saṅghāṭiṃ sibbamacchasi.
52. Uppajji me na muccittha, na me muccittha jīvato;
Rajaṃva vipulā vuṭṭhi, khippameva nivārayiṃ.
53. Kiṃ te uppajji no mucci, kiṃ te na mucci jīvato;
Rajaṃva vipulā vuṭṭhi, katamaṃ tvaṃ nivārayi.
54. Yamhi jāte na passati, ajāte sādhu passati;
So me uppajji no mucci, kodho dummedhagocaro.
55. Yena jātena nandanti, amittā dukkhamesino;
So me uppajji no mucci, kodho dummedhagocaro.
56. Yasmiñca jāyamānamhi, sadatthaṃ nāvabujjhati;
So me uppajji no mucci, kodho dummedhagocaro.
57. Yenābhikhūto kusalaṃ jahāti, parakkare vipulañcāpi atthaṃ;
Sa bhīmaseno balavā pamaddī, kodho mahārāja na me amuccatha.

58. Kaṭṭhasmiṃ matthamānasmim̐ [manthamānasmim̐ (pī.), maddamānasmim̐ (ka.)], pāvako nāma jāyati;
Tameva kaṭṭhaṃ ḍahati, yasmā so jāyate gini.
59. Evaṃ mandassa posassa, bālassa avijānato;
Sārambhā [sārabbhā (ka.)] jāyate kodho, sopi teneva ḍayhati.
60. Aggīva tiṇakaṭṭhasmiṃ, kodho yassa pavaḍḍhati;
Nihīyati tassa yaso, kāḷapakkheva candimā.
61. Anedho [anindho (sī. ka.), anindo (syā.)] dhūmaketūva, kodho yassūpasammati;
Āpūrati tassa yaso, sukkaḷapakkheva candimāti.

Cūḷabodhijātakam̐ pañcamam̐.

444. Kaṇhadīpāyanajātakam̐ (6)

62. Sattāhamevāhaṃ pasannacitto, puññatthiko ācarim̐ [acarim̐ (sī. syā. pī.)] brahmacariyam̐;
Athāparaṃ yaṃ caritaṃ mamedam̐ [mama yidaṃ (syā.), mamāyidaṃ (pī.)], vassāni paññāsa samādhikāni;
Akāmako vāpi [vāhi (pī. ka.)] ahaṃ carāmi, etena saccena suvatthi hotu;
Hataṃ visaṃ jīvatu yaññadatto.
63. Yasmā dānaṃ nābhinaṃ kadāci, disvānaṃ atithim̐ vāsakāle;
Na cāpi me appiyataṃ avedum̐, bahussutā samaṇabrāhmaṇā ca.

Akāmako vāpi ahaṃ dadāmi, etena saccena suvatthi hotu;
Hataṃ visaṃ jīvatu yaññadatto.
64. Āsīviso tāta pahūtatejo, yo taṃ adamsī [aḍamsī (syā.)] sacarā [bilarā (sī.), piḷārā (syā.), patarā (pī.)] udicca;
Tasmiṃca me appiyatāya ajja, pitari ca te natthi koci viseso;
Etena saccena suvatthi hotu, hataṃ visaṃ jīvatu yaññadatto.
65. Santā dantāyeva [dantā santā ye ca (syā. ka.)] paribbajanti, aññatra kaṇhā natthākāmarūpā [anakāmarūpā (sī. syā. pī.)];
Dīpāyana kissa jigucchamāno, akāmako carasi brahmacariyam̐.
66. Saddhāya nikkhamma punaṃ nivatto, so eḷamūgo vaḷo [eḷamūgo capalo (syā. ka.)] vatāyam̐;
Etassa vādassa jigucchamāno, akāmako carāmi brahmacariyam̐;
Viññūpasatthaṃca sataṃca ṭhānaṃ [viññūpasatthaṃ vasitaṃ ca ṭhānaṃ (ka.)], evampahaṃ puññakaro bhavāmi.
67. Samaṇe tuvaṃ brāhmaṇe addhike ca, santappayāsi annapānena bhikkhaṃ;
Opānabhūtaṃva gharaṃ tava yidaṃ, annena pānena upetarūpaṃ;
Atha kissa vādassa jigucchamāno, akāmako dānamimaṃ dadāsi.
68. Pitaro ca me āsum̐ pitāmahā ca, saddhā ahuṃ dānapatī vadaññū;
Taṃ kullavattaṃ anuvattamāno, māhaṃ kule antimagandhano [gandhino (syā. pī. ka.), gandhinī (sī.)] ahuṃ;
Etassa vādassa jigucchamāno, akāmako dānamimaṃ dadāmi.

69. Dahariṃ kumāriṃ asamatthapaññaṃ, yaṃ tānayaṃ ñātikulā sugatte;
Na cāpi me appiyataṃ avedi, aññatra kāmā paricārayantā [paricārayantī (sī. pī.)];
Atha kena vaṇṇena mayā te bhoti, saṃvāsadhammo ahu evarūpo.
70. Ārā dūre nayidha kadāci atthi, paramparā nāma kule imasmiṃ;
Taṃ kullavattaṃ anuvattamānā, māhaṃ kule antimagandhinī ahuṃ;
Etassa vādassa jigucchamānā, akāmikā paddhacarāmihi [paṭṭhacarāmihi (syā. ka.)] tuyhaṃ.
71. Maṇḍabya bhāsiṃ yamabhāsaneyyaṃ [bhāsissaṃ abhāsaneyyaṃ (sī. syā. pī.),
bhāsissaṃ mabhāsaneyyaṃ (?)], taṃ khamyataṃ puttakahetu majja;
Puttapemā na idha paratthi kiñci, so no ayaṃ jīvati yaññadattoti.

Kaṇhadīpāyanajātakaṃ [maṇḍabyajātakaṃ (syā. ka.)] chaṭṭhaṃ.

445. Nigrodhajātakaṃ (7)

72. Na vāhametaṃ [na cāhametaṃ (sī.)] jānāmi, ko vāyaṃ kassa vāti vā [cāti vā (sī.)];
Yathā sākho cari [vadī (sī. syā. pī.)] evaṃ, nigrodha kinti maññasi.
73. Tato galavinītena, purisā nīhariṃsu maṃ;
Datvā mukhapahārāni, sākhasa vacanaṃkarā.
74. Etādisaṃ dummatinā, akataññaṃ dubbhinā;
Kataṃ anariyaṃ sākkena, sakhinā te janādhipa.
75. Na vāhametaṃ jānāmi, napi me koci saṃsati;
Yaṃ me tvaṃ samma akkhāsi, sākkena kāraṇaṃ [kaḍḍhanaṃ (sī. syā.)] kataṃ.
76. Sakhīnaṃ sājīvakaro, mama sākhasa cūbhayaṃ;
Tvaṃ nosissariyaṃ dātā, manussesu mahantataṃ;
Tayāmā labbhita iddhī, ettha me natthi saṃsayo.
77. Yathāpi bījamaggimhi, ḍayhati na virūhati;
Evaṃ kataṃ asappurise, nassati na virūhati.
78. Kataññaṃhi ca posamhi, sīlavante ariyavuttine;
Sukhette viya bījāni, kataṃ tamhi na nassati.
79. Imaṃ jammaṃ nekatikaṃ, asappurisacintakaṃ;
Hanantu sākhaṃ sattīhi, nāssa icchāmi jīvitaṃ.
80. Khamatassa mahārāja, pānā na paṭiānaya [duppaṭiānaya (sī. syā. pī.)];
Khama deva asappurisassa, nāssa icchāmahaṃ vadhaṃ.
81. Nigrodhameva seveyya, na sākhamupasaṃvase;
Nigrodhasmiṃ mataṃ seyyo, yañce sākhasmi jīvitanti.

Nigrodhajātakaṃ sattamaṃ.

446. Takkalajātakaṃ (8)

82. Na takkalā santi na āluvāni [āluvāni (sī. syā. pī.)], na biḷāliyo na kaḷambāni tāta;
Eko araṇṇamhi susānamajjhe, kimatthiko tāta khaṇāsi kāsūṃ.
83. Pitāmaho tāta sudubbalo te, anekabyādhīhi dukhena phuṭṭho;
Tamajjaham nikhaṇissāmi sobbhe, na hissa taṃ jīvitam rocaयāmi.
84. Saṅkappametam paṭiladdha pāpakam, accāhitam kamma karosi luddam;
Mayāpi tāta paṭilacchase tuvam, etādisam kamma jarūpanīto;
Tam kullavattam anuvattamāno, ahampi tam nikhaṇissāmi sobbhe.
85. Pharusāhi vācāhi pakubbamāno, āsajja maṃ tvam vadase kumāra;
Putto mamaṃ orasako samāno, ahitānukampī mama tvam si putta.
86. Na tāham [tyāham (syā.)] tāta ahitānukampī, hitānukampī te ahampi [ahañhi (syā.)] tāta;
Pāpañca tam kamma pakubbamānam, arahāmi no vārayitum tato.
87. Yo mātaram vā pitaram saviṭṭha [mātaram pitaram vā vasiṭṭha (sī. pī.)], adūsake hiṃsati
pāpadhammo;
Kāyassa bheda abhisamparāyam, asaṃsayam so nirayam upeti [pareti (sī. pī.)].
88. Yo mātaram vā pitaram saviṭṭha, annena pānena upaṭṭhahāti;
Kāyassa bheda abhisamparāyam, asaṃsayam so sugatiṃ upeti.
89. Na me tvam putta ahitānukampī, hitānukampī me [mama (?)] tvam si putta;
Ahañca tam mātarā vuccamāno, etādisam kamma karomi luddam.
90. Yā te sā bhariyā anariyarūpā, mātā mamesā sakiyā janetti;
Niddhāpaye [niddhāmase (pī.)] tañca sakā agārā, añṇampi te sā dukhamāvaheyya.
91. Yā te sā bhariyā anariyarūpā, mātā mamesā sakiyā janetti;
Dantā kareṇūva vasūpanitā, sā pāpadhammā punarāvajātūti.

Takkalajātakaṃ aṭṭhamam.

447. Mahādharmapālajātakaṃ (9)

92. Kiṃ te vataṃ kiṃ pana brahmacariyam, kissa suciṇṇassa ayam vipāko;
Akkhāhi me brāhmaṇa etamattham, kasmā nu tumham daharā na miyyare [mīyare (sī. pī.)].
93. Dhammam carāma na musā bhaṇāma, pāpāni kammāni parivajjayāma [vivajjayāma (sī. syā. pī.)];
Anariyam parivajjemo sabbam, tasmā hi amham daharā na miyyare.
94. Suṇoma dhammam asatam satañca, na cāpi dhammam asatam rocaयāma;
Hitvā asante na jahāma sante, tasmā hi amham daharā na miyyare.
95. Pubbeva dānā sumanā bhavāma, dadampi ve attamanā bhavāma;
Datvāpi ve nānutappāma pacchā, tasmā hi amham daharā na miyyare.
96. Samaṇe mayam brāhmaṇe addhike ca, vanibbake yācanake dalidde;
Annena pānena abhitappayāma, tasmā hi amham daharā na miyyare.

97. Mayañca bhariyaṃ nātikkamāma, amhe ca bhariyā nātikkamanti;
Aññatra tāhi brahmacariyaṃ carāma, tasmā hi amhaṃ daharā na miyyare.
98. Pāṇātipātā viramāma sabbe, loke adinnaṃ parivajjayāma;
Amajjapā nopi musā bhaṇāma, tasmā hi amhaṃ daharā na miyyare.
99. Etāsu ve jāyare suttamāsu, medhāvino honti pahūtapaññā;
Bahussutā vedaguno [vedaguṇā (syā. ka.)] ca honti, tasmā hi amhaṃ daharā na miyyare.
100. Mātā pitā ca [mātā ca pitā (ka.), mātāpitarā (syā.)] bhaginī bhātaro ca, puttā ca dārā ca
mayañca sabbe;
Dhammaṃ carāma paralokahetu, tasmā hi amhaṃ daharā na miyyare.
101. Dāsā ca dāsyo [dāso (sī. pī.), dāsī (syā.)] anujīvino ca, paricārakā kammakarā ca sabbe;
Dhammaṃ caranti paralokahetu, tasmā hi amhaṃ daharā na miyyare.
102. Dhammo have rakkhati dhammacāriṃ, dhammo suciṇṇo sukhamāvahāti;
Esānisamso dhamme suciṇṇe, na duggatiṃ gacchati dhammacārī.
103. Dhammo have rakkhati dhammacāriṃ, chattaṃ mahantaṃ viya vassakāle;
Dhammena gutto mama dhammapālo, aññassa aṭṭhīni sukhī kumāroti.

Mahādhammapālaṅgataṃ navamaṃ.

448. Kukkuṭajātakaṃ (10)

104. Nāsmase katapāpamhi, nāsmase alikavādine;
Nāsmase attatthapaññamhi, atisantepi nāsmase.
105. Bhavanti heke purisā, gopipāsikajātikā [gopipāsakajātikā (sī. syā. pī.)];
Ghasanti maññe mittāni, vācāya na ca kammunā.
106. Sukkhañjalipaggahitā, vācāya paliguṇṭhitā;
Manussapheggū nāsīde, yasmiṃ natthi kataññutā.
107. Na hi aññaññacittānaṃ, itthīnaṃ purisāna vā;
Nānāvikatvā [nānāva katvā (sī. pī.)] saṃsaggam, tādisampi ca nāsmase [tādisampi na vissase (syā.)].
108. Anariyakammamokkantaṃ, athetaṃ [atthetaṃ (sī. syā. pī.)] sabbaghātinam;
Nisitaṃva paṭicchannaṃ, tādisampi ca nāsmase.
109. Mitterūpenidhekacce, sākalyena acetasā;
Vividhehi upāyanti, tādisampi ca nāsmase.
110. Āmisaṃ vā dhanam vāpi, yattha passati tādiso;
Dubbhiṃ karoti dummedho, tañca hantvāna [jhātvāna (sī. pī.), hitvāna (syā.)] gacchati.
111. Mitterūpena bahavo, channā sevanti sattavo;
Jahe kāpurise hete, kukkuṭo viya senakaṃ.
112. Yo ca [yodha (jā. 1.8.25 sulasājātake)] uppatitaṃ atthaṃ, na khippamanubujjhati;

Amittavasamanveti, pacchā ca anutappati.

113. Yo ca uppatitaṃ atthaṃ, khippameva nibodhati;
Muccate sattusambādhā, kukkuṭo viya senakā;
114. Taṃ tādisaṃ kūtamivoḍḍitaṃ vane, adhammikaṃ niccavidhamsakārinaṃ;
Ārā vivajjeyya naro vicakkhaṇo, senaṃ yathā kukkuṭo vaṃsakānaneti.

Kukkuṭajātaṃ dasamaṃ.

449. Maṭṭhakuṇḍalijātaṃ (11)

115. Alaṅkato maṭṭhakuṇḍalī [maṭṭakuṇḍalī (sī. pī.)], māladhārī [mālabhārī (sī. pī.)]
haricandanussado;
Bāhā paggayha kandasi, vanamajjhe kiṃ dukkhito tuvaṃ.
116. Sovaṇṇamayo pabhassaro, uppanno rathapañjaro mama;
Tassa cakkayugaṃ na vindāmi, tena dukkhena jahāmi jīvitaṃ.
117. Sovaṇṇamayaṃ mañīmayaṃ, lohamayaṃ atha rūpiyāmayaṃ;
[ācikkha me bhaddamāṇava (vi. va. 1209)] Pāvada rathaṃ karissāmi [kārāyāmi (sī. pī.)] te
[ācikkha me bhaddamāṇava (vi. va. 1209)], cakkayugaṃ paṭipādayāmi taṃ.
118. So [atha (syā.)] māṇavo tassa pāvadi, candimasūriyā [candimasūriyā (syā.)] ubhayettha
bhātaro [dissare (vi. va. 1210)];
Sovaṇṇamayo ratho mama, tena cakkayugena sobhati.
119. Bālo kho tvamsi māṇava, yo tvam patthayase apatthiyaṃ;
Maññāmi tuvaṃ marissasi, na hi tvam lacchasi candasūriye.
120. Gamanāgamanampi dissati, vaṇṇadhātu ubhayettha vīthiyo;
Peto pana neva dissati, ko nu kho [ko nidha (vi. va. 1212)] kandaṃ bālyataro.
121. Saccaṃ kho vadesi māṇava, ahameva kandaṃ bālyataro;
Candaṃ viya dārako rudaṃ, petaṃ kālakatābhīpatthaye.
122. Ādittaṃ vata maṃ santaṃ, ghatasittaṃva pāvakaṃ;
Vārinā viya osiñcaṃ, sabbam nibbāpaye daraṃ.
123. Abbahī [abbuhi (syā.), abbhuḷhaṃ (ka.)] vata me sallaṃ, yamāsi hadayassitaṃ [sokaṃ
hadayanissitaṃ (vi. va. 1215)];
Yo me sokaparetassa, puttasaṃ apānudi.
124. Sohaṃ abbūḷhasallosmi, vītasoko anāvilo;
Na socāmi na rodāmi, tava sutvāna māṇavāti.

Maṭṭhakuṇḍalijātaṃ ekādasamaṃ.

450. Bilārakosiyajātaṃ (12)

125. Apacantāpi dicchanti, santo laddhāna bhojanaṃ;

Kimeva tvaṃ pacamāno, yaṃ na dajjā na taṃ samaṃ.

126. Maccherā ca pamādā ca, evaṃ dānaṃ na diyyati;
Puññaṃ ākaṅkhamānena, deyyaṃ hoti vijānatā.
127. Yasseva bhīto na dadāti maccharī, tadevādadato bhayaṃ;
Jighacchā ca pipāsā ca, yassa bhāyati maccharī;
Tameva bālaṃ phusati, asmiṃ loke paramhi ca.
128. Tasmā vineyya maccheraṃ, dajjā dānaṃ malābhibhū;
Puññāni paralokasmiṃ, patiṭṭhā honti pāṇinaṃ.
129. Duddadaṃ dadamānānaṃ, dukkaraṃ kamma kubbatāṃ;
Asanto nānukubbanti, sataṃ dhammo durannayo.
130. Tasmā satañca asataṃ [asatañca (sī. syā. pī.)], nānā hoti ito gati;
Asanto nirayaṃ yanti, santo saggaparāyanā.
131. Appasmeke [appampeke (syā.)] pavecchanti, bahuneke na dicchare;
Appasmā dakkhiṇā dinnā, sahasena samaṃ mitā.
132. Dhammaṃ care yopi samuñchakaṃ care, dārañca posaṃ dadamappakasmiṃ [dadam
appakasmiṃ (pī.)];
Sataṃ sahasānaṃ sahasayāginaṃ, kalampi nāgghanti tathāvidhassa te.
133. Kenesa yañño vipulo mahagghato [mahaggato (saṃ. ni. 1.32)], samena dinnassa na
agghameti;
Kathaṃ sataṃ sahasānaṃ [kathaṃ sahasānaṃ (sī. syā. pī.)] sahasayāginaṃ, kalampi
nāgghanti tathāvidhassa te.
134. Dadanti heke visame niviṭṭhā, chetvā [jhatvā (sī. pī.), ghatvā (syā.)] vadhitvā atha socayitvā;
Sā dakkhiṇā assumukhā sadaṇḍā, samena dinnassa na agghameti;
Evaṃ sataṃ sahasānaṃ [evaṃ sahasānaṃ (sī. syā. pī.)] sahasayāginaṃ, kalampi nāgghanti
tathāvidhassa teti.

Bilārakosiyajātakāṃ dvādasamaṃ.

451. Cakkavākajātakaṃ (13)

135. Vaṇṇavā abhirūposi, ghano sañjātarohito;
Cakkavāka surūposi, vipasannamukhindriyo.
136. Pāṭhīnaṃ pāvusaṃ macchaṃ, balajaṃ [vālajaṃ (sī. pī.), balajjaṃ (syā.)] muñjarohitaṃ;
Gaṅgāya tīre nisinno [gaṅgātīre nisinnosi (syā. ka.)], evaṃ bhuñjasi bhojanaṃ.
137. Na vāhametaṃ [sabbatthapi samānaṃ] bhuñjāmi, jaṅgalānodakāni vā;
Aññatra sevālapaṇakā, etaṃ [aññaṃ (syā.)] me samma bhojanaṃ.
138. Na vāhametaṃ saddahāmi, cakkavākassa bhojanaṃ;
Ahampi samma bhuñjāmi, gāme loṇiyateliyaṃ.

139. Manussesu kataṃ bhattaṃ, suciṃ maṃsūpasecanaṃ;
Na ca me tādiso vaṇṇo, cakkavāka yathā tuvaṃ.
140. Sampassaṃ attani veraṃ, hiṃsayāṃ [hiṃsāya (syā. pī. ka.)] mānuṣiṃ pajāṃ;
Utrasto ghasasī bhīto, tena vaṇṇo tavediso.
141. Sabbalokaviruddhosi, dhaṅka pāpena kammunā;
Laddho piṇḍo na pīṇeti, tena vaṇṇo tavediso.
142. Ahampi [ahañca (?)] samma bhuñjāmi, ahiṃsaṃ sabbapāṇinaṃ;
Apposukko nirāsaṅkī, asoko akutobhaya.
143. So karassu ānubhāvaṃ, vītivattassu sīliyaṃ;
Ahiṃsāya cara loke, piyo hohisi maṃmiva.
144. Yo na hanti na ghātetī, na jināti na jāpaye;
Mettaṃso sabbabhūtesu, veraṃ tassa na kenacīti.

Cakkavākajātakaṃ terasamaṃ.

452. Bhūripaññajātakaṃ (14)

145. Saccāṃ kira tvaṃ api [tvampi (sī.), tuvampi (syā.), tvaṃ asi (ka.)] bhūripañña, yā tādisī sīri
dhitī matī ca;
Na tāyatebhāvavasūpanitaṃ, yo yavakaṃ bhuñjasi appasūpaṃ.
146. Sukhaṃ dukkhena paripācayanto, kālā kālaṃ vicinaṃ chandachanno;
Atthassa dvārāni avāpuranto, tenāhaṃ tussāmi yavodanena.
147. Kālañca ñatvā abhijñānāya, mantehi atthaṃ paripācayitvā;
Vijambhissaṃ sihavijambhitāni, tāyiddhiyā dakkhasi maṃ punāpi.
148. Sukhīpi heke [sukhī hi eke (sī.), sukhīti heke (?)] na karonti pāpaṃ, avaṇṇasaṃsaggabhayā
puneke;
Pahū samāno vipulathacintī, kiṃkāraṇā me na karosi dukkhaṃ.
149. Na paṇḍitā attasukhassa hetu, pāpāni kammāni samācaranti;
Dukkhena phuṭṭhā khalitāpi santā, chandā ca dosā na jahanti dhammaṃ.
150. Yena kenaci vaṇṇena, mudunā dāruṇena vā;
Uddhare dīnamattānaṃ, pacchā dhammaṃ samācare.
151. Yassa rukkhassa chāyāya, nisīdeyya sayeyya vā;
Na tassa sākhaṃ bhañjeyya, mittadubbho hi pāpako.
152. Yassāpi [yassa hi (sī. ka.)] dhammaṃ puriso [manujo (sī.)] vijañña, ye cassa kaṅkhaṃ
vinayanti santo;
Taṃ hissa dīpañca parāyanañca, na tena mettīṃ jarayetha pañño.
153. Alaso gihī kāmabhogī na sādhu, asaññato pabbajito na sādhu;
Rājā na sādhu anisammakārī, yo paṇḍito kodhano taṃ na sādhu.

154. Nisamma khattiyo kayirā, nānisamma disampati;
Nisammakārino rāja, yaso kitti ca vaḍḍhatīti.

Bhūripaññajātakam cuddasamaṃ.

453. Mahāmaṅgalajātakam (15)

155. Kiṃsu naro jappamadhiccakāle, kam vā vijjam katamaṃ vā sutānaṃ;
So macco asmiñca [asmimva (pī.)] paramhi loke, katham karo sotthānena gutto.
156. Yassa devā pitaro ca sabbe, sarīsapā [sirimsapā (sī. syā. pī.)] sabbabhūtāni cāpi;
Mettāya niccam apacitāni honti, bhūtesu ve sotthānaṃ tadāhu.
157. Yo sabbalokassa nivātavutti, itthīpumānaṃ sahadārakānaṃ;
Khantā duruttānamappaṭikūlavādī, adhi vāsanaṃ sotthānaṃ tadāhu.
158. Yo nāvajānāti sahāyamitte [sahāyamatte (sī. pī.)], sippena kulyāhi dhanena jaccā;
Rucipañño atthakāle matimā [mutimā (sī. pī.)], sahāyesu ve sotthānaṃ tadāhu.
159. Mittāni ve yassa bhavanti santo, saṃvissatthā avisaṃvādakassa;
Na mittadubbhī saṃvibhāgī dhanena, mittesu ve sotthānaṃ tadāhu.
160. Yassa bhariyā tulyavayā samaggā, anubbatā dhammakāmā pajātā [sajātā (ka.)];
Koliniyā sīlavatī patibbatā, dāresu ve sotthānaṃ tadāhu.
161. Yassa rājā bhūtapati [bhūtapati (sī. syā. pī.)] yasassī, jānāti soceyyaṃ parakkamañca;
Advejjhatā suhadayaṃ mamanti, rājūsu ve sotthānaṃ tadāhu.
162. Annañca pānañca dadāti saddho, mālañca gandhañca vilepanañca;
Pasannacitto anumodamāno, saggesu ve sotthānaṃ tadāhu.
163. Yamariyadhammena punanti vuddhā, ārādhitā samacariyāya santo;
Bahussutā isayo sīlavanto, arahantamajjhe sotthānaṃ tadāhu.
164. Etāni kho sotthānāni loke, viññuppasatthāni sukhudrayāni [sukhindriyāni (pī.)];
Tānīdha sevetha naro sapañño, na hi maṅgale kiñcanamatthi saccanti.

Mahāmaṅgalajātakam pannarasamaṃ.

454. Ghaṭapaṇḍitajātakam (16)

165. Uṭṭhehi kaṇha kiṃ sesi, ko attho supanena te;
Yopi tuyhaṃ [tāyaṃ (pī.)] sako bhātā, hadayaṃ cakkhu ca [cakkhumva (pī.)] dakkhiṇaṃ;
Tassa vātā balīyanti, ghaṭo jappati [sasam jappati (?)] kesava.
166. Tassa taṃ vacanaṃ sutvā, rohiṇeyyassa kesavo;
Taramānarūpo vuṭṭhāsī, bhātusokena aṭṭito.
167. Kiṃ nu ummattarūpova, kevalaṃ dvārakaṃ imaṃ;
Saso sasoti lapasi, ko nu te sasamāhari.

168. Sovaṇṇamayam maṇīmayam, lohamayam atha rūpiyāmayam;
Sāṅkhasilāpavāḷamayam, kārayissāmi te sasam.
169. Santi aññēpi sasakā, araññe vanagocarā;
Tēpi te ānayissāmi, kīdisam sasamicchasi.
170. Na cāhamete [na cāhametaṃ (sī.), na vāhamete (syā.), na vāhametaṃ (pī.)] icchāmi, ye sasā
pathavissitā [paṭhavimsitā (sī. syā. pī.)];
Candato sasamicchāmi, taṃ me ohara kesava.
171. So nūna madhuram ñāti, jīvitam vijahissasi;
Apatthiyam yo patthayasi, candato sasamicchasi.
172. Evaṃ ce kaṇha jānāsi, yadaññamanusāsasi;
Kasmā pure mataṃ puttam, ajjāpi manusocasi.
173. Yam na labbhā manussena, amanussena vā puna [pana (pe. va. 215)];
Jāto me mā marī putto, kuto labbhā alabhiyam.
174. Na mantā mūlabhesajjā, osadhehi dhanena vā;
Sakkā ānayitum kaṇha, yam petamanusocasi.
175. Yassa etādisā assu, amaccā purisapaṇḍitā;
Yathā nijjhāpaye ajja, ghaṭo purisapaṇḍito.
176. Ādittam vata maṃ santam, ghatasittamva pāvakaṃ;
Vārinā viya osiñcam, sabbam nibbāpaye daram.
177. Abbahī vata me sallam, yamāsi hadayassitam;
Yo me sokaparetassa, puttasokaṃ apānudi.
178. Soham abbūḷhasallosmi, vītasoko anāvilo;
Na socāmi na rodāmi, tava sutvāna māṇava [bhātika (pe. va. 224)].
179. Evaṃ karonti sappaññā, ye honti anukampakā;
Nivattayanti sokamhā, ghaṭo jeṭṭhamva bhātaranti.

Ghaṭapaṇḍitajātakam soḷasamam.

Dasakanipātam niṭṭhitam.

Tassuddānam –

Daḷha kaṇha dhanañjaya saṅkhavaro, raja sattaha kassa ca [sattāhasasākha (syā.)] takkalinā;
Dhammam kukkuṭa kuṇḍali bhojanadā, cakkavāka subhūrisa sotthi ghaṭoti.

11. Ekādasakanipāto

455. Mātuposakajātakam (1)

1. Tassa nāgassa vippavāsena, virūḷhā sallakī ca kuṭajā ca;

Kuruvindakaravīrā [karavarā (sī. syā.)] tisasāmā ca, nivāte pupphitā ca kaṇikārā.

2. Kocideva suvaṇṇakāyurā, nāgarājaṃ bharanti piṇḍena;
Yattha rājā rājakumāro vā, kavacamabhihessati achambhito [asambhīto (sī. syā. pī.)].
3. Gaṇhāhi nāga kabaḷaṃ, mā nāga kisako bhava;
Bahūni rājakiccāni, tāni [yāni (sī. pī.)] nāga karissasi.
4. Sā nūnasā kapaṇikā, andhā aparīṇāyikā;
Khāṇuṃ pādena ghaṭṭeti, giriṃ caṇḍoraṇaṃ pati.
5. Kā nu te sā mahānāga, andhā aparīṇāyikā;
Khāṇuṃ pādena ghaṭṭeti, giriṃ caṇḍoraṇaṃ pati.
6. Mātā me sā mahārāja, andhā aparīṇāyikā;
Khāṇuṃ pādena ghaṭṭeti, giriṃ caṇḍoraṇaṃ pati.
7. Muñcathetaṃ mahānāgaṃ, yoyaṃ bharati mātaraṃ;
Sametu mātārā nāgo, saha sabbehi ñātibhi.
8. Mutto ca bandhanā nāgo, muttamādāya kuṅjaro [kāsīrājena pesito (sī. syā.), mutto dāmāto kuṅjaro (pī. sī. niyya)];
Muhuttaṃ assāsavitvā [vissamitvāna (sī.)], agamā yena pabbato.
9. Tato so naḷiniṃ [nilinaṃ (syā.)] gantvā, sītaṃ kuṅjarasevitaṃ;
Soṇḍāyūdakamāhatvā [māhitvā (syā. ka.)], mātaraṃ abhisiñcatha.
10. Koya anariyo devo, akālenapi vassati [akālena pavassati (sī. syā.), akālena'tivassati (pī.)];
Gato me atrajo putto, yo mayhaṃ paricārako.
11. Uṭṭhehi amma kiṃ sesi, āgato tyāhamatrajo;
Muttomhi kāsīrājena, vedehena yasassinā.
12. Ciraṃ jīvatu so rājā, kāsīnaṃ raṭṭhavaḍḍhano;
Yo me puttaṃ pamocesi, sadā vuddhāpacāyikanti.

Mātuposakajātakaṃ paṭhamaṃ.

456. Juṇhajātakam (2)

13. Suṇohi mayhaṃ vacanaṃ janinda, atthena juṇhamhi idhānupatto;
Na brāhmaṇe addhike tiṭṭhamāne, gantabba [gantabya (ka.)] māhu dvipadinda [dīpadāna (sī. pī.), dvipadāna (syā.)] seṭṭha.
14. Suṇomi tiṭṭhāmi vadehi brahme, yenāsi [yenāpi (syā. ka.)] atthena idhānupatto;
Kaṃ vā tvamatthaṃ mayi patthayāno, idhāgamā brahme tadinṅha brūhi.
15. Dadāhi me gāmarāni pañca, dāsīsaṭṭa satta gavaṃsatāni;
Parosahassaṅca suvaṇṇanikkhe, bhariyā ca me sādīsī dve dadāhi.
16. Tapo nu te brāhmaṇa bhimsarūpo, mantā nu te brāhmaṇa cīttarūpā;
Yakkhā nu [yakkhā va (sī. pī.)] te assavā santi keci, atthaṃ vā me abhijānāsi kattaṃ.

17. Na me tapo atthi na cāpi mantā, yakkhāpi me assavā natthi keci;
Atthampi te nābhijānāmi kattam, pubbe ca kho [pubbeva kho (syā. ka.)] saṅgattimattamāsi.
18. Paṭhamam idaṃ dassanam jānato me, na tābhijānāmi ito puratthā;
Akkhāhi me pucchito etamattham, kadā kuhiṃ vā ahu saṅgamo no.
19. Gandhārarājassa puramhi ramme, avasimhase takkasīlāyam deva;
Tatthandhakāramhi timīsikāyam [timissikāyam (sī. aṭṭha.), timissakāyam (syā.)], aṃsena
aṃsam samaghaṭṭayimha.
20. Te tatha tthatvāna ubho janinda, sārāṇiyam [sāraṇīyam (ka.)] vītisārayimha [vītisārimha (sī.
syā. pī.)] tatha;
Sāyeva no saṅgattimattamāsi, tato na pacchā na pure ahosi.
21. Yadā kadāci manujesu brahme, samāgamo sappurisena hoti;
Na paṇḍitā saṅgatisanthavāni, pubbe katham vāpi vināsayanti.
22. Bālāva [bālā ca (sī. syā. pī.)] kho saṅgatisanthavāni, pubbe katham vāpi vināsayanti;
Bahumpi bālesu katham vinassati, tathā hi bālā akataññurūpā.
23. Dhīrā ca kho saṅgatisanthavāni, pubbe katham vāpi na nāsayanti;
Appampi dhīresu katham na nassati, tathā hi dhīrā sukataññurūpā.
24. Dadāmi te gāmarāni pañca, dāsīsatam satta gavaṃsatāni;
Parosahassañca suvaṇṇanikkhe, bhariyā ca te sādīsī dve dadāmi.
25. Evaṃ satam hoti samecca rāja, nakkhattarājāriva tārakānam;
Āpūrati kāsipati tathāham, tayāpi me saṅgamo ajja laddhoti.

Juṇhajātakam dutiyam.

457. Dhammadevaputtajātakam (3)

26. Yasokaro puññakarohamasmi, sadāthuto samaṇabrāhmaṇānam;
Maggāraho devamanussapūjito, dhammo aham dehi adhamma maggam.
27. Adhammayānam daḷhamāruhivā, asantasanto balavāhamasmi;
Sa kissa hetumhi tavajja dajjam, maggam aham dhamma adinnapubbam.
28. Dhammo have pāturahosi pubbe, pacchā adhammo udapādi loke;
Jeṭṭho ca seṭṭho ca sanantano ca, uyyāhi jeṭṭhassa kaniṭṭha maggā.
29. Na yācanāya napi pātirūpā, na arahatā [na arahati (sī. pī.), arahati (ka.)] teham dadeyyam
maggam;
Yuddhañca no hotu ubhinnamajja, yuddhamhi yo jessati tassa maggo.
30. Sabbā disā anuvisaṭohamasmi, mahabbalo amitayaso atulyo;
Guṇehi sabbehi upetarūpo, dhammo adhamma tvam katham vijessasi.
31. Lohena ve haññati jatarūpam, na jatarūpena hananti loham;
Sace adhammo haññati [haññati (sī. syā.), haññiti (katthaci)] dhammamajja, ayo suvaṇṇam
viya dassaneyyam.

32. Sace tuvaṃ yuddhabalo adhamma [yuddhabalo'si'dhamma (ka. sī.), yuddhabalo'sa'dhamma (pī.)], na tuyha vuḍḍhā [vaddhā (sī. pī.)] ca garū ca atthi;
Maggāñca te dammi piyāppiyena, vācāduruttānipi te khamāmi.
33. Idañca sutvā vacanaṃ adhammo, avaṃsiro patito uddhapādo;
“Yuddhatthiko ce na labhāmi yuddhaṃ”, ettāvatā hoti hato adhammo.
34. Khantībalo yuddhabalaṃ vijetvā, hantvā adhammaṃ nihanitva [vihanitvā (ka.)] bhūmyā;
Pāyāsi vitto [citto (syā.)] abhiruyha sandanaṃ, maggeneva atibalo saccanikkamo.
35. Mātā pitā samaṇabrāhmaṇā ca, asammanitā yassa sake agāre;
Idheva nikkhippa sarīradehaṃ, kāyassa bhedaṃ nirayaṃ vajanti te [vajanti (sī. pī.)];
Yathā adhammo patito avaṃsiro.
36. Mātā pitā samaṇabrāhmaṇā ca, susammānitā yassa sake agāre;
Idheva nikkhippa sarīradehaṃ, kāyassa bhedaṃ sugatiṃ vajanti te;
Yathāpi dhammo abhiruyha sandananti.

Dhammadevaputtajātakaṃ [dhammajātakaṃ (sī. pī.)] tatiyaṃ.

458. Udayajātakaṃ (4)

37. Ekā nisinnā suci saññatūrū, pāsādamāruyha aninditaṅgī;
Yācāmi taṃ kinnaranettacakkhu, imekaratiṃ ubhayo vasema.
38. Okiṇṇantaraparikhaṃ, daḷhamattālakoṭṭhakaṃ;
Rakkhitaṃ khaggahatthehi, duppavesamidaṃ puraṃ.
39. Daharassa yuvino cāpi, āgamo ca na vijjati;
Atha kena nu vaṇṇena, saṅgamaṃ icchase mayā.
40. Yakkhohamasmi kalyāṇi, āgatosmi tavantike [tavantikaṃ (sī. pī.)];
Tvam maṃ nandaya [nandassu (syā. ka.)] bhaddante, puṇṇakaṃsaṃ dadāmi te.
41. Devaṃ va yakkhaṃ atha vā manussaṃ, na patthaye udayamaticca aññaṃ;
Gaccheva tvam yakkha mahānubhāva, mā cassu gantvā punarāvajittha.
42. Yā sā rati uttamā kāmabhoginaṃ, yaṃ hetu sattā visamaṃ caranti;
Mā taṃ ratiṃ jīyi tuvaṃ sucimhi te, dadāmi te rūpiyaṃ kaṃsapūraṃ.
43. Nāriṃ naro nijjhapayaṃ dhanena, ukkaṃsatī yattha karoti chandaṃ;
Vipaccanīko tava devadhammo, paccakkhato thokatarena esi.
44. Āyu ca vaṇṇo ca [āyuraṃ ca vaṇṇaṃ ca (ka. sī. pī.)] manussaloke, nihīyati manujānaṃ sugatte;
Teneva vaṇṇena dhanampi tuyhaṃ, nihīyati jinṇatarāsi ajja.
45. Evaṃ me pekkhamānassa, rājaputti yasassini;
Hāyateva tava [hāyate vata te (sī. syā. ka.), hāyateva tato (pī.)] vaṇṇo, ahorattānamaccaye.
46. Imināva tvam vayasā, rājaputti sumedhase;
Brahmacariyaṃ careyyāsi, bhiyyo vaṇṇavatī siyā.

47. Devā na jīranti yathā manussā, gattesu tesam valiyo na honti;
Pucchāmi taṃ yakkha mahānubhāva, katham nu devāna [katham na devānam (pī.)] sarīradeho.
48. Devā na jīranti yathā manussā, gattesu tesam valiyo na honti;
Suve suve bhiyyatarova [bhiyyataro ca (ka.)] tesam, dibbo ca vaṇṇo vipulā ca bhogā.
49. Kiṃsūdhā bhītā janatā anekā, maggo ca nekāyatanam pavutto;
Pucchāmi taṃ yakkha mahānubhāva, katthaṭṭhito paralokam na bhāye.
50. Vācam manañca paṇidhāya sammā, kāyena pāpāni akubbamāno;
Bahunnapānam gharamāvasanto, saddho mudū saṃvibhāgī vadaññū;
Saṅgāhako sakhilo saṅhavāco, etthaṭṭhito paralokam na bhāye.
51. Anusāsasi maṃ yakkha, yathā mātā yathā pitā;
Uḷāravaṇṇam pucchāmi, ko nu tvamasi subrahā.
52. Udayohamasmi kalyāṇi, saṅkarattā idhāgato [saṅgaratthā idhāgato (sī. pī.),
saṅgaratthāyidhāgato (syā.)];
Āmanta kho taṃ gacchāmi, muttosmi tava saṅkarā [saṅgarā (sī. syā. pī.).]
53. Sace kho tvam udayosi, saṅkarattā idhāgato;
Anusāsa maṃ rājaputta, yathāssa puna saṅgamo.
54. Atipatati [adhipatatī (sī. pī.)] vayo khaṇo tatheva, ṭhānam natthi dhuvam cavanti sattā;
Parijīyati addhuvam sarīram, udaye mā pamāda [mā pamādam (sī.)] carassu dhammam.
55. Kasiṇā pathavī dhanassa pūrā, ekasseva siyā anaññadheyā;
Tañcāpi jahati [jahātī (sī. syā. pī.), jahātī (?)] avītarāgo, udaye mā pamāda carassu dhammam.
56. Mātā ca pitā ca bhātaro ca, bhariyā yāpi dhanena hoti kītā [bhariyāpi dhanena honti atittā
(ka.)];
Te cāpi jahanti aññamaññam, udaye mā pamāda carassu dhammam.
57. Kāyo parabhojananti ñatvā [kāyo ca parabhojanam veditvā (ka.)], saṃsāre sugatiñca
duggatiñca [sugatī ca duggatī ca (sī. syā. pī.), sugatim duggatiñca (ka.)];
Ittaravāsoti jāniyāna, udaye mā pamāda carassu dhammam.
58. Sādhu bhāsatiyam [bhāsatayam (sī. pī.)] yakkho, appam maccāna jīvitam;
Kasirañca parittañca, tañca dukkhena saṃyutam;
Sāham ekā pabbajissāmi, hitvā kāsīm surundhananti.

Udayajātakam catuttham.

459. Pānīyajātakam (5)

59. Mitto mittassa pānīyam, adinnam paribhuñjisam;
Tena pacchā vijigucchim, taṃ pāpam pakatam mayā;
Mā puna akaram pāpam, tasmā pabbajito aham.
60. Paradārañca disvāna, chando me udapajjatha [upapajjatha (syā. ka.)];
Tena pacchā vijigucchim, taṃ pāpam pakatam mayā;
Mā puna akaram pāpam, tasmā pabbajito aham.

61. Pitaraṃ me mahārāja, corā agaṇhu [agaṇhuṃ (sī. pī.), agaṇhi (ka.)] kānane;
Tesāhaṃ pucchito jānaṃ, aññathā naṃ viyākarim.
62. Tena pacchā vijigucchim, taṃ pāpaṃ pakataṃ mayā;
Mā puna akaraṃ pāpaṃ, tasmā pabbajito ahaṃ.
63. Pāṇātipātamakaraṃ, somayāge upaṭṭhite;
Tesāhaṃ samanunñāsīm, tena pacchā vijigucchim.
64. Taṃ pāpaṃ pakataṃ mayā, mā puna akaraṃ pāpaṃ;
Tasmā pabbajito ahaṃ.
65. Surāmerayamādhukā [madhukā (sī. syā. pī.)], ye janā paṭhamāsu no;
Bahūnaṃ te anattāya, majjapānamakappayūṃ.
66. Tesāhaṃ samanunñāsīm, tena pacchā vijigucchim;
Taṃ pāpaṃ pakataṃ mayā, mā puna akaraṃ pāpaṃ;
Tasmā pabbajito ahaṃ.
67. Dhiratthu subahū kāme, duggandhe bahukaṇṭake;
Ye ahaṃ paṭisevanto, nālabhim tādisaṃ sukhaṃ.
68. Mahassādā sukhā kāmā, natthi kāmā paraṃ [kāmaparaṃ (sī. pī.)] sukhaṃ;
Ye kāme paṭisevanti, saggāṃ te upapajjare.
69. Appassādā dukhā kāmā, natthi kāmā paraṃ dukhaṃ;
Ye kāme paṭisevanti, nirayaṃ te upapajjare.
70. Asī yathā sunisito, nettiṃsova supāyiko [supāsito (ka. sī. niyya), supāyito (ka. aṭṭha.)];
Sattīva urasi khittā, kāmā dukkhatarā tato.
71. Aṅgārānaṃva jalitaṃ, kāsūṃ sādhipaporisaṃ;
Phālaṃva divasaṃtattaṃ, kāmā dukkhatarā tato.
72. Viṣaṃ yathā halāhalaṃ, telaṃ pakkuthitaṃ [ukkaṭṭhitaṃ (sī. pī.), pakkuṭṭhitaṃ (syā.)] yathā;
Tambaloḥa [tampaloḥaṃ (syā.)] vilīnaṃva, kāmā dukkhatarā tatoti.

Pānīyajātakaṃ pañcamaṃ.

460. Yudhañcayajātakaṃ (6)

73. Mittāmaccapariyūḷhaṃ [paribbūḷhaṃ (sī. pī.)], ahaṃ vande rathesabhaṃ;
Pabbajissāmaḥ rāja [pabbajissaṃ mahārāja (sī. pī.)], taṃ devo anumaññatu.
74. Sace te ūnaṃ kāmehi, ahaṃ paripūrayāmi [ahaṃva pūrayāmi (ka.)] te;
Yo taṃ hiṃsati vāremi, mā pabbaja [pabbaji (pī.)] yudhañcaya [yudhañjaya (sī. syā.),
yuvañjaya (pī.)].
75. Na matthi ūnaṃ kāmehi, hiṃsitā me na vijjati;
Dīpañca kātumicchāmi, yaṃ jarā nābhikīrati.
76. Putto vā pitaraṃ yāce, pitā vā puttamorasāṃ;

Negamo taṃ yāce [negamo yācate (sī. syā. pī.)] tāta, mā pabbaja yudhañcaya.

77. Mā maṃ deva nivārehi, pabbajantaṃ rathesabha;
Māhaṃ kāmehi sammatto, jarāya vasamanvagū.
78. Ahaṃ taṃ tāta yācāmi, ahaṃ putta nivāraye;
Ciraṃ taṃ datṭhumicchāmi, mā pabbaja yudhañcaya.
79. Ussāvova tiṇaggamhi, sūriyuggamaṃ pati;
Evamāyu manussānaṃ, mā maṃ amma nivāraya.
80. Taramāno imaṃ yānaṃ, āropetu [taramānā imaṃ yānaṃ, āropentu (sī. pī.)] rathesabha;
Mā me mātā tarantassa, antarāyakarā ahu.
81. Abhidhāvatha bhaddante, suññaṃ hessati rammakam;
Yudhañcayo anuññāto, sabbadattena rājinā.
82. Yohu seṭṭho sahasassa [manussānaṃ (syā.), sahasānaṃ (ka.)], yuvā kañcanasannibho;
Soyaṃ kumāro pabbajito, kāsāyavasano balī.
83. Ubho kumārā pabbajitā, yudhañcayo yudhiṭṭhilo;
Pahāya mātāpitaro, saṅgaṃ chetvāna maccunoti.

Yudhañcayajātakaṃ chaṭṭhaṃ.

461. Dasarathajātakaṃ (7)

84. Etha lakkhaṇa sītā ca, ubho otarathodakaṃ;
Evāyaṃ bharato āha, “rājā dasaratho mato”.
85. Kena rāmappabhāvena, socitabbaṃ na socasi;
Pitaraṃ kālakaṃ [kālakaṃ (ka.)] sutvā, na taṃ pasahate dukhaṃ.
86. Yaṃ na sakkā nipāletuṃ, posena lapataṃ bahuṃ;
Sa kissa viññū medhāvī, attānamupatāpaye.
87. Daharā ca hi vuddhā ca [ye vuddhā (sī. aṭṭha.), ye vuḍḍhā (syā.)], ye bālā ye ca paṇḍitā;
Aḍḍhā ceva daliddā ca, sabbe maccuparāyaṇā.
88. Phalānamiva pakkānaṃ, niccaṃ patanato bhayaṃ;
Evaṃ jātāna maccānaṃ, nicca maraṇato bhayaṃ.
89. Sāyameke na dissanti, pāto diṭṭhā bahujjanā;
Pāto eke na dissanti, sāyaṃ diṭṭhā bahujjanā.
90. Paridevayamāno ce, kiñcidatthaṃ udabbahe;
Sammūḷho hiṃsamattānaṃ, kayirā taṃ vicakkhaṇo.
91. Kiso vivaṇṇo bhavati, hiṃsamattānamattano [mattanā (sī. aṭṭha. su. ni. 590)];
Na tena petā pāleni, niratthā paridevanā.

92. Yathā saraṇamādittam, vārinā parinibbaye [vārināvanibbāpaye (syā. ka.)];
Evampi dhīro sutavā, medhāvī paṇḍito naro;
Khippamuppatitam sokam, vāto tūlamva dhamṣaye.
93. Macco ekova [ekova macco (sī. syā. pī.)] acceti, ekova jāyate kule;
Saṃyogaparamātveva, sambhogā sabbapāṇinam.
94. Tasmā hi dhīrassa bahussutassa, sampassato lokamimaṃ parañca;
Aññāya dhammaṃ hadayaṃ manañca, sokā mahantāpi na tāpayanti.
95. Soham dassañca bhokkhañca, bharissāmi ca [soham yasañca bhogañca, bhariyāpi ca (syā. ka.)] ñātaka;
Sesañca pālayissāmi, kiccametam [kiccamevam (pī.)] vijānato.
96. Dasa vassasahassāni, saṭṭhi vassasatāni ca;
Kambugīvo mahābāhu, rāmo rajjamakārayīti.

Dasarathajātakam sattamam.

462. Saṃvarajātakam (8)

97. Jānanto no mahārāja, tava sīlam janādhipo;
Ime kumāre pūjento, na tam kenaci maññatha.
98. Tiṭṭhante no mahārāje, adu [ādu (sī. pī.), ādū (syā.)] deve divaṅgate;
Ñātī tam samanūññimsu, sampassam atthamattano.
99. Kena saṃvaravattena, sañjāte abhitiṭṭhasi;
Kena tam nātivattanti, ñātisaṅghā samāgatā.
100. Na rājaputta usūyāmi [rājaputta nussuyyāmi (ka.)], samañānam mahesinam;
Sakkaccam te namassāmi, pāde vandāmi tādinaṃ.
101. Te mam dhammaguṇe yuttam, sussūsamanusūyakam;
Samañā manusāsanti [samanusāsanti (sī. syā. pī.)], isi dhammaguṇe ratā.
102. Tesāham vacanam sutvā, samañānam mahesinam;
Na kiñci atimaññāmi, dhamme me nirato mano.
103. Hatthārohā anīkaṭṭhā, rathikā pattikārakā;
Tesaṃ [tesu (pī.)] nappaṭibandhāmi, nivīṭṭham [nibaddham (sī. pī.)] bhattavetanam.
104. Mahāmatā ca me atthi, mantino paricārakā;
Bārāṇasiṃ voharanti, bahumaṃsasurodakam.
105. Athopi vāñijā phītā, nānāraṭṭhehi āgatā;
Tesu me vihitā rakkhā, evam jānāhuposatha.
106. Dhammena kira ñātīnam, rajjam kārehi saṃvara;
Medhāvī paṇḍito cāsi [cāpi (sī. pī.)], athopi ñātīnam hito.
107. Tam tam ñātiparibyūḷham, nānāratanamocitam;

Amittā nappasahanti, indaṃva asurādhipoti.

Samvarajātakam aṭṭhamam.

463. Suppāarakajātakam (9)

108. Ummujjanti nimujjanti, manussā khuranāsikā;
Suppāarakam taṃ pucchāma, samuddo katamo ayam.
109. Kurukacchā [bharukacchā (sī. syā. pī. aṭṭha.)] payātānaṃ, vāṇijānaṃ dhanesinaṃ;
Nāvāya vippanaṭṭhāya, khuramālīti vuccati.
110. Yathā aggīva suriyova [aggi suriyo ca (syā.), aggīva sūriyo (ka.)], samuddo paṭidissati;
Suppāarakam taṃ pucchāma, samuddo katamo ayam.
111. Kurukacchā payātānaṃ, vāṇijānaṃ dhanesinaṃ;
Nāvāya vippanaṭṭhāya, aggimālīti vuccati.
112. Yathā dadhīva khīraṃva [dadhi ca khīraṃ ca (syā.), evamuparipi], samuddo paṭidissati;
Suppāarakam taṃ pucchāma, samuddo katamo ayam.
113. Kurukacchā payātānaṃ, vāṇijānaṃ dhanesinaṃ;
Nāvāya vippanaṭṭhāya, dadhimālīti [khīramālīti (ka.)] vuccati.
114. Yathā kusova sassova, samuddo paṭidissati;
Suppāarakam taṃ pucchāma, samuddo katamo ayam.
115. Kurukacchā payātānaṃ, vāṇijānaṃ dhanesinaṃ;
Nāvāya vippanaṭṭhāya, kusamālīti vuccati.
116. Yathā naḷova veḷūva, samuddo paṭidissati;
Suppāarakam taṃ pucchāma, samuddo katamo ayam.
117. Kurukacchā payātānaṃ, vāṇijānaṃ dhanesinaṃ;
Nāvāya vippanaṭṭhāya, naḷamālīti vuccati.
118. Mahabbhayo bhimsanako, saddo suyvatimānuso [samuddo suyvata'mānuso (sī. pī. aṭṭha.)];
Yathā sobbho papātova, samuddo paṭidissati;
Suppāarakam taṃ pucchāma, samuddo katamo ayam.
119. Kurukacchā payātānaṃ, vāṇijānaṃ dhanesinaṃ;
Nāvāya vippanaṭṭhāya, baḷavāmukhīti [vaḷabhāmukhīti (sī. syā.), balavāmukhīti (syā. ka.)]
vuccati.
120. Yato sarāmi attānaṃ, yato pattosmi viññutaṃ;
Nābhijānāmi sañcicca, ekapāṇampi hiṃsitaṃ;
Etena saccavajjena, sotthiṃ nāvā nivattatūti.

Suppāarakajātakam navamaṃ.

Ekādasakanipātam niṭṭhitaṃ.

Tassuddānaṃ –

Sirimātusuposakanāgavaro, puna juṅhaka dhammamudayavaro;
Atha pāni yudhañcayako ca, dasaratha saṃvara pāragatena navāti.

12. Dvādasakanipāto

464. Cūḷakuṇāḷajātakaṃ (1)

1. Luddhānaṃ [khuddānaṃ (sī. syā. pī.)] lahucittānaṃ, akataññūna dubbhinaṃ;
Nādevasatto puriso, thīnaṃ saddhātumarahati.
2. Na tā pajānanti kataṃ na kiccaṃ, na mātaraṃ pitaraṃ bhātaraṃ vā;
Anariyā samatikkantadhammā, sasseva cittaṃ vasaṃ vajanti.
3. Cirānuvuṭṭhampi [cirānuvuṭṭhampi (sī. pī.)] piyaṃ manāpaṃ, anukampakaṃ pāṇasamampi
bhattum [santaṃ (sī. syā. pī.)];
Āvāsu kicesu ca naṃ jahanti, tasmāhamitthīnaṃ na vissasāmi.
4. Thīnañhi cittaṃ yathā vānarassa, kannappakannaṃ yathā rukkhachāyā;
Calācalaṃ hadayamitthiyānaṃ, cakkassa nemi viya parivattati.
5. Yadā tā passanti samekkhamānā, ādeyyarūpaṃ purisassa vittaṃ;
Saṅhāhi vācāhi nayanti menaṃ, kambojakā jalajeneva assaṃ.
6. Yadā na passanti samekkhamānā, ādeyyarūpaṃ purisassa vittaṃ;
Samantato naṃ parivajjayanti, tiṅṅo nadīpāragatova kullaṃ.
7. Silesūpamā sikhiriva sabbabhakkhā, tikkhamāyā nadīriva sīghasotā;
Sevanti hetā piyamappiyañca, nāvā yathā orakūlaṃ parañca.
8. Na tā ekassa na dvinnaṃ, āpaṇova pasārito;
Yo tā mayhanti maññeyya, vātaṃ jālena bādhaye [bandhaye (syā. ka.)].
9. Yathā nadī ca pantho ca, pānāgāraṃ sabhā papā;
Evaṃ lokitthiyo nāma, velā tāsāṃ na vijjati [imissā gāthāya pubbaddhāparaddhaṃ
vipariyāyena dissati (ka.)].
10. Ghatāsanasaṃmā etā, kaṅhasappasirūpamā;
Gāvo bahitiṅgasseva, omasanti varaṃ varaṃ.
11. Ghatāsaṃmā kuṅjaraṃ kaṅhasappaṃ, muddhābhisittaṃ pamadā ca sabbā;
Ete nāro niccayato [niccayatto (sī. pī.)] bhajetha, tesāṃ have dubbidu sabbabhāvo [saccabhāvo
(syā.)].
12. Naccantavaṇṇā na bahūnaṃ kantā, na dakkhiṇā pamadā sevitaḅbā;
Na parassa bhariyā na dhanassa hetu, etitthiyo pañca na sevitaḅbāti.

Cūḷakuṇāḷajātakaṃ paṭhamaṃ.

465. Bhaddasāḷajātakaṃ (2)

13. Kā tvam suddhehi vatthehi, aghe vehāyasam [vehāsayam (sī. pī.)] t̥hitā;
Kena tyāssūni vattanti, kuto taṃ bhayamāgataṃ.
14. Taveva deva vijite, bhaddasālota maṃ vidū;
Saṭṭhi [saṭṭhim (sī. pī.)] vassasahassāni, tiṭṭhato pūjitassa me.
15. Kārayantā nagarāni, agāre ca disampati;
Vividhe cāpi pāsāde, na maṃ te accamaññisum;
Yatheva maṃ te pūjesum, tatheva tvampi pūjaya.
16. Taṃ ivāhaṃ [tañca ahaṃ (sī. syā. pī.)] na passāmi, thūlaṃ kāyena te dumaṃ;
Ārohapariñāhena, abhirūposi jātiyā.
17. Pāsādaṃ kārayissāmi, ekatthambaṃ manoramaṃ;
Tattha taṃ upanessāmi, ciraṃ te yakkha jīvitaṃ.
18. Evaṃ cittaṃ udapādi, sarīrena vinābhāvo;
Puthuso maṃ vikantivā, khaṇḍaso avakantatha.
19. Agge ca chetvā majjhe ca, pacchā mūlamhi chindatha [mūlañca chindatha (sī.), mūlaṃ
vichindatha (pī.)];
Evaṃ me chijjamānassa, na dukkhaṃ maraṇaṃ siyā.
20. Hatthapādaṃ [hatthapāde (ka.)] yathā chinde [chinne (ka.)], kaṇṇanāsañca jīvato;
Tato pacchā siro chinde, taṃ dukkhaṃ maraṇaṃ siyā.
21. Sukhaṃ nu khaṇḍaso chinnaṃ, bhaddasālavanappati;
Kiṃ hetu kiṃ upādāya, khaṇḍaso chinmicchasi.
22. Yañca hetumupādāya, hetuṃ dhammūpasamhitam;
Khaṇḍaso chinmicchāmi, mahārāja suṇohi me.
23. Ñātī me sukhasamvaddhā, mama passe nivātajā;
Tepihaṃ upahimseyyaṃ, paresaṃ asukhocitaṃ.
24. Ceteyyarūpaṃ [cetabbarūpaṃ (sī. pī.)] cetesi, bhaddasālavanappati;
Hitakāmosi ñātīnaṃ, abhayaṃ samma dammi teti.

Bhaddasālajātakaṃ dutiyaṃ.

466. Samuddavāṇijātakaṃ (3)

25. Kasanti vapanti te janā, manujā kammaphalūpajīvino;
Nayimassa dīpakassa bhāgino, jambudīpā idameva no varam.
26. Tipañcarattūpagatamhi cande, vego mahā hehiti sāgarassa;
Uplavissaṃ dīpamimaṃ uḷāraṃ, mā vo vadhī gacchatha leṇamaññaṃ.
27. Na jātuyam sāgaravārivego, uplavissaṃ dīpamimaṃ uḷāraṃ;
Taṃ me nimittehi bahūhi diṭṭhaṃ, mā bhetha kiṃ socatha modathavho [modatha vo (ka.) 6.38
moggallānasuttaṃ passitabbaṃ].

28. Pahūtabhakkhaṃ bahuannaṇāṇaṃ, pattattha āvāsamimaṃ uḷāraṃ;
Na vo bhayaṃ paṭipassāmi kiñci, āputtaputtehi pamodathavho.
29. Yo devoyaṃ dakkhiṇāyaṃ [dakkhiṇassaṃ (sī.)] disāyaṃ, khemanti pakkosati tassa saccaṃ;
Na uttaro vedi bhayābhayassa, mā bhetha kiṃ socatha modathavho.
30. Yathā ime vippavadanti yakkhā, eko bhayaṃ saṃsati khemameko;
Tadiṅgha mayhaṃ vacanaṃ suṇātha, khippaṃ lahuṃ mā vinassimha sabbe.
31. Sabbe samāgamma karoma nāvaṃ, doṇiṃ daḷhaṃ sabbayantūpapannaṃ;
Sace ayaṃ dakkhiṇo saccamāha, moghaṃ paṭikkosati uttaroyaṃ;
- Sā ceva no hehiti āpadatthā, imañca dīpaṃ na pariccajema.
32. Sace ca kho uttaro saccamāha, moghaṃ paṭikkosati dakkhiṇoyaṃ;
Tameva nāvaṃ abhiruyha sabbe, evaṃ mayaṃ sotthi taremu pāraṃ.
33. Na ve sugaṇhaṃ paṭhamena seṭṭhaṃ, kaniṭṭhamāpāthagataṃ gahetvā;
Yo cīdha tacchaṃ [majjhaṃ (sī. syā. pī.)] paviceyya gaṇhati [gaṇhi (ka.)], sa ve naro
seṭṭhamupeti ṭhānaṃ.
34. Yathāpi te sāgaravārimajjhe, sakammunā sotthi vahiṃsu vāṇijā;
Anāgatatthaṃ paṭivijjhiyāna, appampi nācceti sa bhūripañño.
35. Bālā ca mohena rasānugiddhā, anāgataṃ appaṭivijjhiyatthaṃ;
Paccuppanne sīdanti atthajāte, samuddamajjhe yathā te manussā.
36. Anāgataṃ paṭikayirātha kiccaṃ, “mā maṃ kiccaṃ kiccakāle byadhesi”;
Taṃ tādisaṃ paṭikata [paṭikatam (ka.), paṭigata (sī. aṭṭha.), paṭikacca (?)] kiccakāriṃ, na taṃ
kiccaṃ kiccakāle byadhetīti.

Samuddavāṇijātakam tatiyaṃ.

467. Kāmajātakaṃ (4)

37. Kāmaṃ kāmayamānassa, tassa ce taṃ samijjhati;
Addhā pītimano hoti, laddhā macco yadicchati.
38. Kāmaṃ kāmayamānassa, tassa ce taṃ samijjhati;
Tato naṃ aparaṃ kāme, dhamme taṇhaṃva vindati.
39. Gavaṃva siṅgino siṅgaṃ, vaḍḍhamānassa vaḍḍhati;
Evaṃ mandassa posassa, bālassa avijānato;
Bhiyyo taṇhā pipāsā ca, vaḍḍhamānassa vaḍḍhati.
40. Pathabyā sāliyavakaṃ, gavassaṃ [gavāsaṃ (sī. syā. pī.)] dāsaṇḍisaṃ;
Datvā ca [datvāpi (sī. syā.), datvā vā (pī.)] nālamekassa, iti vidvā [viddhā (syā.)] samaṃ care.
41. Rājā pasayha pathaviṃ vijitvā, sasāgarantaṃ mahimāvasanto;
Oraṃ samuddassa atittarūpo [atittirūpo (ka.)], pāraṃ samuddassapi patthayetha.

42. Yāva anussaraṃ kāme, manasā titti nājjhagā;
Tato nivattā paṭīkamma disvā, te ve sutittā ye [tittā (sī. syā. pī.)] paññāya tittā.
43. Paññāya tittinaṃ [tittīnaṃ (sī. syā.)] seṭṭhaṃ, na so kāmehi tappati;
Paññāya tittaṃ purisaṃ, taṅhā na kurute vasaṃ.
44. Apacinetheva kāmānaṃ [kāmāni (sī. syā. pī.)], appicchassa alolupo;
Samuddamatto puriso, na so kāmehi tappati.
45. Rathakārova cammassa, parikantaṃ upāhanaṃ;
Yaṃ yaṃ cajati [jahati (syā. ka.)] kāmānaṃ, taṃ taṃ sampajjate sukhaṃ;
Sabbhaṃ ce sukhamiccheyya, sabbe kāme pariccaje.
46. Aṭṭha te bhāsītā gāthā, sabbā honti sahassiyō [sahassiyā (?) upari sutasomajātake tathā dissati];
Paṭigaṇha mahābrahme, sādhetā tava bhāsitaṃ.
47. Na me attho sahasehi, satehi nahutehi vā;
Pacchimaṃ bhāsato gāthaṃ, kāme me na rato mano.
48. Bhadrako [saddo (sī.)] vatāyaṃ māṇavako, sabbalokavidū muni;
Yo imaṃ taṅhaṃ [yo taṅhaṃ (sī. syā.)] dukkhajanaṃ, pariṇānāti paṇḍitoti.

Kāmajātakaṃ catutthaṃ.

468. Janasandhajātakaṃ (5)

49. Dasa khalu imāni [khalumāni (syā.)] thānāni, yāni pubbe akaritvā;
Sa pacchā manutappati, iccevāha [iccāha rājā (sī. syā. pī.)] janasandho.
50. Aladdhā vittaṃ tappati, pubbe asamudānitaṃ;
Na pubbe dhanamesissaṃ, iti pacchānutappati.
51. Sakyarūpaṃ pure santaṃ, mayā sippaṃ na sikkhitaṃ;
Kicchā vutti asippassa, iti pacchānutappati.
52. Kūṭavedī pure āsiṃ, piṣuṇo piṭṭhimaṃsiko;
Caṇḍo ca pharusō cāpi [cāsiṃ (sī. syā. pī.)], iti pacchānutappati.
53. Pāṇātipātī pure āsiṃ, luddo cāpi [cāsiṃ (sī. pī.)] anāriyo;
Bhūtānaṃ nāpacāyissaṃ, iti pacchānutappati.
54. Bahūsu vata santīsu, anāpādāsu itthisu;
Paradāraṃ asevisaṃ, iti pacchānutappati.
55. Bahumhi vata santamhi, annapāne upaṭṭhite;
Na pubbe adadaṃ [adadiṃ (sī.)] dānaṃ, iti pacchānutappati.
56. Mātaraṃ pitarañcāpi, jiṇṇakaṃ gatayobbanāṃ [jiṇṇake gatayobbane (sī. syā. pī.)];
Pahu santo na posissaṃ, iti pacchānutappati.
57. Ācariyamanusattāraṃ, sabbakāmarasāharaṃ;
Pitaraṃ atimaññissaṃ, iti pacchānutappati.

58. Samaṇe brāhmaṇe cāpi, sīlavante bahussute;
Na pubbe payirupāsissaṃ, iti pacchānutappati.
59. Sādhu hoti tapo ciṅṅo, santo ca payirupāsito;
Na ca pubbe tapo ciṅṅo, iti pacchānutappati.
60. Yo ca etāni thānāni, yoniso paṭipajjati;
Karaṃ purisakiccāni, sa pacchā nānutappatīti.

Janasandhajātakam pañcamaṃ.

469. Mahākaṇhajātakam (6)

61. Kaṇho kaṇho ca ghero ca, sukkadāṭho pabhāsavā [patāpavā (sī. syā. pī.)];
Baddho pañcahi rajjūhi, kiṃ ravi [dhīra (sī. pī.), vīra (syā.)] sunakho tava.
62. Nāyaṃ migānamatthāya, usīnaka [usīnara (sī. pī.), usīnnara (syā.)] bhavissati;
Manussānaṃ anayo hutvā, tadā kaṇho pamokkhati.
63. Pattahatthā samaṇakā, muṇḍā saṅghāṭipārutā;
Naṅgalehi kasissanti, tadā kaṇho pamokkhati.
64. Tapassiniyo [tapanīyā (ka.) dutiyantapadāni hetāni] pabbajitā, muṇḍā saṅghāṭipārutā;
Yadā loke gamissanti, tadā kaṇho pamokkhati.
65. Dīghottaroṭṭhā jaṭilā, paṅkadantā rajassirā;
Iṇaṃ codāya [vodāya (sī. pī.), codaya (syā.)] gacchanti, tadā kaṇho pamokkhati.
66. Adhicca vede [vedaṃ (ka.)] sāvittiṃ, yaññatantañca [tantrañca (sī. syā. pī.)] brāhmaṇā;
Bhatikāya yajissanti, tadā kaṇho pamokkhati.
67. Mātaraṃ pitarañcāpi, jiṇṇakaṃ gatayobbanam;
Pahū santo [santā (sī.)] na bharanti, tadā kaṇho pamokkhati.
68. Mātaraṃ pitarañcāpi, jiṇṇakaṃ gatayobbanam;
Bālā tumheti vakkhanti, tadā kaṇho pamokkhati.
69. Ācariyabhariyaṃ sakhim [ācariyabhariyaṃ sakhābhariyaṃ (sī. pī.)], mātulāniṃ pitucchakim
[pitucchayaṃ (sī.), pitucchasaṃ (pī.)];
Yadā loke gamissanti, tadā kaṇho pamokkhati.
70. Asicammaṃ gahetvāna, khaggaṃ paggayha brāhmaṇā;
Panthaghātaṃ karissanti, tadā kaṇho pamokkhati.
71. Sukkacchavī vedhaverā, thūlabāhū apātubhā;
Mittabhedam karissanti, tadā kaṇho pamokkhati.
72. Māyāvino nekatikā, asappurisacintakā;
Yadā loke bhavissanti, tadā kaṇho pamokkhatīti.

Mahākaṇhajātakam chaṭṭham.

470. Kosiyajātakam (7)

73. Neva kiṇāmi napi vikkiṇāmi, na cāpi me sannicayo ca atthi [idhatthi (syā.)];
Sukiccharūpaṃ vatidaṃ parittaṃ, patthodano nālamayaṃ duvinnaṃ.
74. Appamahā appakam dajjā, anumajjhato majjhakam;
Bahumhā bahukam dajjā, adānaṃ nupapajjati [na upapajjati (sī. pī.), nūpapajjati (syā.)].
75. Taṃ taṃ vadāmi kosiya, dehi dānāni bhuñja ca.
Ariyamaggaṃ samārūha [ariyaṃ maggaṃ samārūha (sī. pī.)], nekāsī labhate sukhaṃ.
76. Moghañcassa hutaṃ hoti, moghañcāpi samīhitaṃ;
Atithismiṃ yo nisinnasmiṃ, eko bhuñjati bhojanaṃ.
77. Taṃ taṃ vadāmi kosiya, dehi dānāni bhuñja ca;
Ariyamaggaṃ samārūha, nekāsī labhate sukhaṃ.
78. Saccañcassa hutaṃ hoti, saccañcāpi samīhitaṃ;
Atithismiṃ yo nisinnasmiṃ, neko bhuñjati bhojanaṃ.
79. Taṃ taṃ vadāmi kosiya, dehi dānāni bhuñja ca;
Ariyamaggaṃ samārūha, nekāsī labhate sukhaṃ.
80. Sarañca juhatai poso, bahukāya gayāya ca;
Doṇe timbarutitthasmiṃ, sīghasote mahāvahe.
81. Atra cassa hutaṃ hoti, atra cassa samīhitaṃ;
Atithismiṃ yo nisinnasmiṃ, neko bhuñjati bhojanaṃ.
82. Taṃ taṃ vadāmi kosiya, dehi dānāni bhuñja ca;
Ariyamaggaṃ samārūha, nekāsī labhate sukhaṃ.
83. Baḷisañhi so nigilati [niggilati (sī. pī.)], dīghasuttaṃ sabandhanaṃ;
Atithismiṃ yo nisinnasmiṃ, eko bhuñjati bhojanaṃ.
84. Taṃ taṃ vadāmi kosiya, dehi dānāni bhuñja ca;
Ariyamaggaṃ samārūha, nekāsī labhate sukhaṃ.
85. Uḷāravaṇṇā vata brāhmaṇā ime, ayañca vo sunakho kissa hetu;
Uccāvacaṃ vaṇṇanibhaṃ vikubbati, akkhātha no brāhmaṇā ke nu tumhe.
86. Cando ca suriyo ca [sūriyo ca (ka.)] ubho idhāgatā, ayaṃ pana mātaḷi devasārathi;
Sakkohamasmi tidasānamindo, eso ca kho pañcasikhoti vuccati.
87. Pāṇissarā mudingā ca [mutingā ca (sī. syā. pī.)], murajālambarāni ca;
Suttamenam pabodhenti, paṭibuddho ca nandati.
88. Ye kecime maccharino kadariyā, paribhāsakā samaṇabrāhmaṇānaṃ;
Idheva nikkhippa sarīradehaṃ, kāyassa bhedaṃ nirayaṃ vajanti.
89. Ye kecime suggatimāsamānā [suggatimāsasānā (sī. pī.), suggatāsisamānā (ka.)], dhamme ṭhitā
saṃyame saṃvibhāge;

Idheva nikkhippa sarīradehaṃ, kāyassa bhedaṃ sugatīṃ vajanti.

90. Tvaṃ nosi ñāti purimāsu jātisu, so maccharī rosako [kosiyo (syā. ka.)] pāpadhammo;
Taveva atthāya idhāgatamhā, mā pāpadhammo nirayaṃ gamittha [appattha (ka. sī. syā. pī.)].
91. Addhā hi maṃ vo hitakāmā, yaṃ maṃ samanūsāsatha;
Sohaṃ tathā karissāmi, sabbaṃ vuttaṃ hitesibhi.
92. Esāhamajjeva upāramāmi, na cāpihaṃ [na cāpahaṃ (sī. pī.)] kiñci kareyya pāpaṃ;
Na cāpi me kiñci adeyyamatthi, na cāpidatvā udakaṃ pivāmi [udakampahaṃ pībe (sī.)].
93. Evañca me dadato sabbakālaṃ [kāle (ka.)], bhogā ime vāsava khīyissanti;
Tato ahaṃ pabbajissāmi sakka, hitvāna kāmāni yathodhikānīti.

Kosiyajātaṃ sattamaṃ.

471. Meṇḍakapañhajātakaṃ (8)

94. Yesaṃ na kadāci bhūtapubbaṃ, sakhyaṃ [sakkhiṃ (sī. pī.), sakhi (syā.)] sattapadampimasmi
loke;
Jātā amittā duve sahāyā, paṭisandhāya caranti kissa hetu.
95. Yadi me ajja pātarāsakāle, pañhaṃ na sakkuṇeyyātha vattumetaṃ;
Raṭṭhā pabbājayissāmi vo sabbe, na hi mattho duppaññajātikehi.
96. Mahājanasamāgamamhi ghore, janakolāhalasaṅgamamhi jāte;
Vikkhittamanā anekacittā, pañhaṃ na sakkuṇoma vattumetaṃ.
97. Ekaggacittāva ekamekā, rahasi gatā atthaṃ nicintayitvā [atthāni cintayitvā (syā. ka.)];
Paviveke sammasitvāna dhīrā, atha vakkhanti janinda etamatthaṃ.
98. Uggaputta-rājaputtiyānaṃ, urabbhassa maṃsaṃ piyaṃ manāpaṃ;
Na sunakhassa te adenti maṃsaṃ, atha meṇḍassa suṇena sakhyamassa.
99. Cammaṃ vihananti eḷakassa, assapiṭṭhattharassukhassa [assapiṭṭhattharaṇasukhassa (sī.)] hetu;
Na ca te sunakhassa attharanti, atha meṇḍassa suṇena sakhyamassa.
100. Āvellitasīṅgiko hi meṇḍo, na ca sunakhassa visāṇakāni atthi;
Tiṇabhakkho maṃsabhojano ca, atha meṇḍassa suṇena sakhyamassa.
101. Tiṇamāsi palāsamāsi meṇḍo, na ca sunakho tiṇamāsi no palāsaṃ;
Gaṇheyya suṇo sasaṃ bilāraṃ, atha meṇḍassa suṇena sakhyamassa.
102. Aṭṭhaḍḍhapado catuppadassa, meṇḍo aṭṭhanakho adissamāno;
Chādiyamāharatī ayaṃ imassa, maṃsaṃ āharatī ayaṃ amussa.
103. Pāsādaragato videhasettṭho, vitihāraṃ aññamaññabhojanānaṃ;
Addakkhi [addasa (syā. ka.)] kira sakkhikaṃ janindo, bubhukkassa puṇṇaṃ mukhassa
[bhobhukkassa ca puṇṇamukhassa (sī.)] cetam.
104. Lābhā vata me anapparūpā, yassa medisā paṇḍitā kulamhi;
Pañhassa gambhīragataṃ nipuṇamatthaṃ, paṭivijjhanti subhāsitenā dhīrā.

105. Assatarirathañca ekamekaṃ, phītaṃ gāmaparañca ekamekaṃ;
Sabbesaṃ vo dammi paṇḍitānaṃ, paramappaṭītamano subhāsitenāti.

Meṇḍakapañhajātakaṃ aṭṭhamaṃ.

472. Mahāpadumajātakaṃ (9)

106. Nādaṭṭhā [nādiṭṭhā (ka. sī. syā. ka.)] parato dosaṃ, aṇuṃ thūlāni sabbaso;
Issaro paṇaye daṇḍaṃ, sāmaṃ appaṭivekkhiya.
107. Yo ca appaṭivekkhitvā, daṇḍaṃ kubbaṭi khattiyo;
Sakaṇṭakaṃ so gilati, jaccandhova samakkhikaṃ.
108. Adaṇḍiyaṃ daṇḍayati [daṇḍiyati (syā. pī.)], daṇḍiyañca adaṇḍiyaṃ [adaṇḍiya (niyya), na daṇḍaye (?)];
Andhova visamaṃ maggaṃ, na jānāti samāsamaṃ.
109. Yo ca etāni ṭhānāni, aṇuṃ thūlāni sabbaso;
Sudiṭṭhamanusāseyya, sa ve voharitu [vohātu (pī.)] marahati.
110. Nekantamudunā sakkā, ekantatikhiṇena vā;
Attaṃ mahante [mahatte (syā. ka.)] ṭhapetuṃ [ṭhāpetuṃ (sī. syā. pī.)], tasmā ubhayamācare.
111. Paribhūto mudu hoti, atitikkho ca veravā;
Etañca ubhayaṃ ñatvā, anumajjhaṃ samācare.
112. Bahumpi ratto bhāseyya, duṭṭhopi bahu bhāsati;
Na itthikāraṇā rāja, puttaṃ ghātetumarahasi.
113. Sabbova [sabbo ca (ka. sī. pī.)] loko ekato [ekanto (sī. pī.)], itthi ca ayamekikā;
Tenāhaṃ paṭipajjissaṃ, gacchatha pakkhipatheva [pakkhipetha (syā. aṭṭha.)] taṃ.
114. Anekatāle narake, gambhīre ca suduttare [gambhīre suduruttare (pī. ka.)];
Pātito giriduggasmiṃ, kena tvamaṃ tattha nāmari.
115. Nāgo jātaphaṇo tattha, thāmavā girisānujo;
Paccaggahi maṃ bhogehi, tenāhaṃ tattha nāmariṃ.
116. Ehi taṃ paṭinessāmi, rājaputta sakaṃ gharaṃ;
Rajjaṃ kārehi [kāresi (sī.)] bhaddante, kiṃ araññe karissasi.
117. Yathā gilitvā baḷisaṃ, uddhareyya salohitaṃ;
Uddharitvā sukhī assa, evaṃ [sukhaṃ (pī. ka.)] passāmi attanaṃ [attani (pī. ka.), attanā (syā.), evaṃ ahampi puna sotthibhāvappattaṃ gilitabaḷisaṃ purisamiva attānaṃ passāmīti (aṭṭha. samvaṇṇanā)].
118. Kiṃ nu tvamaṃ baḷisaṃ brūsi, kiṃ tvamaṃ brūsi salohitaṃ;
Kiṃ nu tvamaṃ ubbhatāṃ brūsi, taṃ me akkhāhi pucchito.
119. Kāmāhaṃ baḷisaṃ brūmi, hatthiassaṃ salohitaṃ;
Cattāhaṃ ubbhatāṃ brūmi, evaṃ jānāhi khattiya.

120. Ciñcāmāṇavikā mātā, devadatto ca me pitā;
 Ānando paṇḍito nāgo, sārīputto ca devatā;
 Rājaputto ahaṃ āsiṃ [ahaṃ tadā rājaputto (sī. syā. pī.)], evaṃ dhāretha jātakanti.

Mahāpadumajātakam navamaṃ.

473. Mittāmittajātakaṃ (10)

121. Kāni kammāni kubbānaṃ, kathaṃ viññū parakkame;
 Amittaṃ jāneyya medhāvī, disvā sutvā ca paṇḍito.
122. Na naṃ umhayate disvā, na ca naṃ paṭinandati;
 Cakkhūni cassa [cakkhūniṣṣa (syā. ka.)] na dadāti, paṭilomañca vattati.
123. Amitte tassa bhajati, mitte tassa na sevati;
 Vaṇṇakāme nivāreti, akkosante pasamsati.
124. Guyhañca tassa nakkhāti, tassa guyhaṃ na gūhati;
 Kammaṃ tassa na vaṇṇeti, paññaṃ nappasamsati.
125. Abhave nandati tassa, bhava tassa na nandati;
 Accheraṃ [acchariyaṃ (sī. syā. pī.)] bhojanaṃ laddhā, tassa nuppajjate sati;
 Tato naṃ nānukampati, aho sopi [ahāsopi (ka. sī. syā. ka.)] labheyyito.
126. Iccete soḷasākārā, amittasmiṃ patiṭṭhitā;
 Yehi amittaṃ jāneyya, disvā sutvā ca paṇḍito.
127. Kāni kammāni kubbānaṃ, kathaṃ viññū parakkame;
 Mittaṃ jāneyya medhāvī, disvā sutvā ca paṇḍito.
128. Pavutthaṃ tassa sarati, āgataṃ abhinandati;
 Tato kelāyito hoti, vācāya paṭinandati.
129. Mitte tasseva bhajati, amitte tassa na sevati;
 Akkosante nivāreti, vaṇṇakāme pasamsati.
130. Guyhañca tassa akkhāti, tassa guyhañca gūhati;
 Kammañca tassa vaṇṇeti, paññaṃ tassa [paññaṃmassa (syā. ka.)] pasamsati.
131. Bhava ca nandati tassa [bhava nandati tassa ca (ka.)], abhave tassa na nandati;
 Accheraṃ [acchariyaṃ (sī. syā. pī.)] bhojanaṃ laddhā, tassa uppajjate sati;
 Tato naṃ anukampati, aho sopi [pahāsopi (ka. sī. syā. ka.)] labheyyito.
132. Iccete soḷasākārā, mittasmiṃ suppatiṭṭhitā;
 Yehi mittañca jāneyya [mittaṃ sujāneyya (pī. ka.)], disvā sutvā ca paṇḍitoti.

Mittāmittajātakaṃ dasamaṃ.

Dvādasakanipātaṃ niṭṭhitaṃ.

Tassuddānaṃ –

Lahucitta sasāla kasanti puna, atha kāma dasakhaluṭṭhānavaro;
Atha kaṇha sukosiya meṇḍavaro, padumo puna mittavarena dasāti.

13. Terasakanipāto

474. Ambajātakam (1)

1. Ahāsi [āhāsi (?)] me ambaphalāni pubbe, aṇūni thūlāni ca brahmacāri;
Teheva mantehi na dāni tuyhaṃ, dumapphalā pātubhavanti brahme.
2. Nakkhattayogaṃ paṭimānāyāmi, khaṇaṃ muhuttaṇca mante na passaṃ [khaṇaṃ muhuttaṃ na maṃ tosayanti (sī. pī.)];
Nakkhattayogaṇca khaṇaṇca laddhā, addhāharissambaphalaṃ [athāharissambaphalaṃ (sī. pī.)] pahūtaṃ.
3. Nakkhattayogaṃ na pure abhāṇi, khaṇaṃ muhuttaṃ na pure asaṃsi;
Sayaṃ harī [athāharī (sī. syā. pī.)] ambaphalaṃ pahūtaṃ, vaṇṇena gandhena rasenupeṭaṃ.
4. Mantābhijappena pure hi [pura'ssa (sī. pī.), purepi (syā.)] tuyhaṃ, dumapphalā pātubhavanti brahme;
Svājja na pāresi jappampi mantāṃ [jappampi mante (sī. pī.)], ayaṃ so ko nāma tavajja dhammo.
5. Caṇḍālaputto mama sampadāsi, dhammena mante pakatiṇca saṃsi;
Mā cassu me pucchito nāmagottaṃ, guyhittho atthaṃ [mā taṃ (sī. syā. pī.)] vijaheyya manto [vijaheyyumantā (syā.)].
6. Sohaṃ janindena janamhi puṭṭho, makkhābhībhūto alikaṃ abhāṇiṃ;
“Mantā ime brāhmaṇassā”ti micchā, pahīnamanto kapaṇo rudāmi.
7. Eraṇḍā pucimandā vā, atha vā pālibhaddakā;
Madhuṃ madhutthiko vinde, so hi tassa dumuttamo.
8. Khattiyā brāhmaṇā vessā, suddā caṇḍālapukkusā;
Yamhā dhammaṃ vijāneyya, so hi tassa naruttamo.
9. Imassa daṇḍaṇca vadhaṇca datvā, gale gahetvā khalayātha [balayātha (syā.), galayātha (ka.)] jammaṃ;
Yo uttamattaṃ kasirena laddhaṃ, mānātimānena vināsayittha.
10. Yathā samaṃ maññamāno pateyya, sobbhaṃ guhaṃ narakam pūtipādaṃ;
Rajjūti vā akkame kaṇhasappaṃ, andho yathā jotimadhiṭṭhaheyya;
Evampi maṃ tvaṃ khalitaṃ sapañña [sapañña (pī.)], pahīnamantassa punappadāhi [puna sampadāhi (syā.), punappasīda (sī. pī.)].
11. Dhammena mantāṃ [mante (sī. syā. pī.)] tava sampadāsiṃ, tuvampi dhammena [tvampi dhammeneva (ka.)] pariggahesi;
Pakatimpi te attamano asaṃsiṃ, dhamme ṭhitaṃ taṃ [patiṭṭhaṃ (ka.)] na jaheyya manto.
12. Yo bāla mantāṃ [balamantaṃ (ka.)] kasirena laddhaṃ, yaṃ dullabhaṃ ajja manussaloke;
Kiñcāpi laddhā jīvitum appapañño [kicchā laddhaṃ jīvikam appapañño (sī. syā.), kacchāpi

[laddhā jīvikam appañña \(pī.\)](#)], vināsayī alikam bhāsamāno.

13. Bālassa mūlhasa akatañño ca, musā bhañantassa asaññatassa;
Mante mayam tādisake na dema, kuto mantā gaccha na mayha ruccasīti.

Ambajātakam paṭhamam.

475. Phandanajātakam (2)

14. Kuṭṭhārihattho [[kudhārihattho \(ka.\)](#)] puriso, vanamogayha tiṭṭhasi;
Puṭṭho me samma akkhāhi, kiṃ dāruṃ chetumicchasi.
15. Isso [[iso \(sī.\)](#)], [[iso \(syā. pī.\)](#)] vanāni carasi, samāni visamāni ca;
Puṭṭho me samma akkhāhi, kiṃ dāruṃ nemiyā daḷham.
16. Neva sālo na khadiro, nāssakaṇṇo kuto dhavo;
Rukkho ca [[rukkhova \(sī. pī.\)](#)] phandano nāma, taṃ dāruṃ nemiyā daḷham.
17. Kīdisānissa pattāni, khandho vā pana kīdiso;
Puṭṭho me samma akkhāhi, yathā jānemu phandanam.
18. Yassa sākhā palambanti, namanti na ca bhañjare;
So rukkho phandano nāma, yassa mūle aham ṭhito.
19. Arānam cakkanābhīnam, isānemirathassa ca;
Sabbassa te kammaniyo, ayam hessati phandano.
20. Iti phandanarukkhopi, tāvade ajjhabhāsatha;
Mayhampi vacanam atthi, bhāradvāja suṇohi me.
21. Issassa [[imassa \(ka. sī. ka.\)](#)] upakkhandhamhā [[upakkhandhamhā \(ka. sī. pī. ka.\)](#)], ukkacca
caturāṅgulaṃ;
Tena nemim pasāresi [[pariharesi \(sī. pī.\)](#)], evam daḷhataram siyā.
22. Iti phandanarukkhopi, veram appesi tāvade;
Jātānañca ajātānam, issānam dukkhamāvahi.
23. Icevam [[icceva \(sī. pī.\)](#)] phandano issam, isso ca pana phandanam;
Aññamaññam vivādena, aññamaññamaghātayum.
24. Evameva manussānam, vivādo yattha jāyati;
Mayūranaccam naccanti, yathā te issaphandanā.
25. Tam vo vadāmi bhaddam vo [[bhaddante \(ka.\)](#)], yāvantettha samāgatā;
Sammodatha mā vivadatha [[māvivadittha \(sī. syā. pī.\)](#)], mā hotha issaphandanā.
26. Sāmaggimeva [[sāmagyameva \(syā. ka.\)](#)] sikkhetha, buddhetam pasamsitam;
Sāmaggirato dhammaṭṭho, yogakkhemā na dhammatīti.

Phandanajātakam dutiyam.

476. Javanahaṃsajātakaṃ (3)

27. Idheva haṃsa nipata, piyaṃ me tava dassanaṃ;
Issarosi anuppatto, yamidhatthi pavedaya.
28. Savanena ekassa piyā bhavanti, disvā panekassa viyeti [vineti (syā.), viheti (pī.), vigeti (ka. aṭṭha.)] chando;
Disvā ca sutvā ca piyā bhavanti, kaccinnu me pīyasi [piyyasi (sī. pī.)] dassanena.
29. Savanena piyo mesi, bhiyyo cāgama dassanaṃ;
Evaṃ piyadassano me [evaṃ piyadassano samāno (sī. syā. pī.)], vasa haṃsa mamantike [mama santike (sī. syā. pī.)].
30. Vaseyyāma tavāgāre, niccaṃ sakkatapūjitā;
Matto ca ekadā vajje [vajjā (sī. pī.)], “haṃsarājaṃ pacantu me”.
31. Dhiratthu taṃ majjapānaṃ, yaṃ me piyataraṃ tayā;
Na cāpi majjaṃ pissāmi [pivissāmi (syā.), pāyāmi (sī. pī.)], yāva me vacchasī ghare.
32. Suvijānaṃ siṅgālānaṃ, sakuṇānañca [sakuntānañca (sī. syā. pī.)] vassitaṃ;
Manussavassitaṃ rāja, dubbijānataraṃ tato.
33. Api ce maññatī poso, ñāti mitto sakhāti vā;
Yo pubbe sumano hutvā, pacchā sampajjate diso.
34. Yasmiṃ mano nivisati, avidūre sahāpi so;
Santikepi hi so dūre, yasmiṃ nāvisate [yasmā vivasate (sī. syā. pī.)] mano.
35. Antopi so hoti pasannacitto, pāraṃ samuddassa pasannacitto;
Antopi so hoti paduṭṭhacitto, pāraṃ samuddassa paduṭṭhacitto.
36. Saṃvasantā vivasanti, ye disā te rathesabha;
Ārā santo saṃvasanti, manasā raṭṭhavaḍḍhana.
37. Aticiraṃ nivāseṇa, piyo bhavati appiyo;
Āmanta kho taṃ gacchāma [gacchāmi (syā.)], purā te homa appiyā [homi appiyo (syā.)].
38. Evaṃ ce yācamānānaṃ, añjaliṃ nāvabujjhasi;
Paricārakānaṃ sataṃ [santānaṃ (sī. syā.), sattānaṃ (pī.)], vacanaṃ na karosi no;
Evaṃ taṃ abhiyācāma, puna kayirāsi pariyāyaṃ.
39. Evaṃ ce no viharataṃ, antarāyo na hessati;
Tuyhañcāpi [vāpi (syā. pī. ka.)] mahārāja, mayhañca [vā (bahūsu)] raṭṭhavaḍḍhana;
Appeva nāma passemu [passema (sī. syā. pī.)], ahoratānamaccayeti.

Javanahaṃsajātakaṃ tatiyaṃ.

477. Cūlanāradajātakaṃ (4)

40. Na te kaṭṭhāni bhinnāni, na te udakamābhataṃ;
Aggīpi te na hāpito [hāsīto (sī. syā.)], kiṃ nu mandova jhāyasi.

41. Na ussahe vane vatthum, kassapāmantayāmi taṃ;
Dukkho vāso araṅṅasmim, raṭṭhaṃ icchāmi gantave.
42. Yathā ahaṃ ito gantvā, yasmim janapade vasaṃ;
Ācāraṃ brahme [brahmaṃ (ka.)] sikkheyyaṃ, taṃ dhammaṃ anusāsa maṃ.
43. Sace araṅṅaṃ hitvāna, vanamūlaphalāni ca;
Raṭṭhe rocayase vasaṃ, taṃ dhammaṃ nisāmehi me.
44. Visaṃ mā paṭisevittho [paṭisevittha (syā. ka.)], papātaṃ parivajjaya;
Paṅke ca mā visīdittho [paṅko ca mā visiyittho (ka.)], yatto cāsīvise care.
45. Kiṃ nu visaṃ papāto vā, paṅko vā brahmacāriṇaṃ;
Kaṃ tvaṃ āsīvisaṃ brūsi, taṃ me akkhāhi pucchito;
46. Āsavo tāta lokasmim, surā nāma pavuccati;
Manuṅṅo [manuṅṅā (sī. syā. pī.)] surabhī vaggu, sādu [madhu (sī. syā.)] khuddarasūpamo
[rasūpamā (sī. syā. pī.)];
Visaṃ tadāhu ariyā se, brahmacariyassa nārada.
47. Itthiyo tāta lokasmim, pamattaṃ pamathenti tā;
Haranti yuvino cittaṃ, tūlaṃ bhaṭṭhaṃva māluto;
Papāto eso akkhāto, brahmacariyassa nārada.
48. Lābho siloko sakkāro, pūjā parakulesu ca;
Paṅko eso ca [esova (sī. syā. pī.)] akkhāto, brahmacariyassa nārada.
49. Sasatthā [mahantā (syā. ka.)] tāta rājāno, āvasanti mahim imāṃ;
Te tādise manussinde, mahante tāta nārada.
50. Issarānaṃ adhipatīnaṃ, na tesāṃ pādato care;
Āsīvisoti [āsīviso so (sī. pī.)] akkhāto, brahmacariyassa nārada.
51. Bhattattho bhattakāle ca [yaṃ (sī. pī.)], yaṃ gehamupasaṅkame;
Yadettha kusalaṃ jaṅṅā, tattha ghāsesanaṃ care.
52. Pavisitvā parakulaṃ, pānatthaṃ [pānattho (syā. pī.)] bhojanāya vā;
Mitaṃ khāde mitaṃ bhūṅje, na ca rūpe manaṃ kare.
53. Goṭṭhaṃ majjaṃ kirāṭaṅca [kirāsaṅca (sī. syā.), kirāsaṃ vā (pī.)], sabhā nikiraṅāni ca;
Ārakā parivajjehi, yānīva visamaṃ pathanti.

Cūḷanāradajātakaṃ catutthaṃ.

478. Dūtajātakaṃ (5)

54. Dūte te brahme [dūte brāhmaṇa (ka.)] pāhesim, gaṅgātīrasmi jhāyato;
Tesaṃ puṭṭho na byākāsi, dukkhaṃ guyhamataṃ [guyhaṃ mataṃ (sī.), tuyhaṃ mataṃ (syā. ka.)] nu te.
55. Sace te dukkhamuppajje, kāsīnaṃ raṭṭhavaḍḍhana;
Mā kho naṃ tassa akkhāhi, yo taṃ dukkhā na mocaye.

56. Yo tassa [yo ca tathā (pī.)] dukkhajātassa, ekaṅgamapi bhāgaso [ekantamapi bhāsato (sī. pī.)];
Vippamoceyya dhammena, kāmaṃ tassa pavedaya [pavedaye (sī.)].
57. Suvijānaṃ siṅgālānaṃ, sakuṇānañca vassitaṃ;
Manussavassitaṃ rāja, dubbijānataraṃ tato.
58. Api ce maññatī poso, ñāti mitto sakhāti vā;
Yo pubbe sumano hutvā, pacchā sampajjate diso.
59. Yo attano dukkhamānūpuṭṭho, pavedaye jantu akālarūpe;
Ānandino tassa bhavantimittā [bhavanta'mittā (sī. pī.)], hitesino tassa dukhī bhavanti.
60. Kālañca ñatvāna tathāvidhassa, medhāvīnaṃ ekamanaṃ viditvā;
Akkheyya tībāni [tippāni (sī. syā. pī.)] parassa dhīro, saṅhaṃ giraṃ atthavatiṃ pamañce.
61. Sace ca jaññā avisayhamattano, na te hi mayhaṃ [nāyaṃ nīti mayha (sī. pī.)] sukhāgamāya;
Ekova tībāni saheyya dhīro, saccaṃ hirottappamapekkhamāno.
62. Ahaṃ raṭṭhāni vicaranto, nigame rājadhāniyo;
Bhikkhamāno mahārāja, ācariyassa dhanatthiko.
63. Gahapatī rājapurise, mahāsāle ca brāhmaṇe;
Alatthaṃ satta nikkhāni, suvaṇṇassa janādhīpa;
Te me naṭṭhā mahārāja, tasmā socāmahaṃ bhusaṃ.
64. Purisā te mahārāja, manasānuvicintitā;
Nālaṃ dukkhā pamocetuṃ, tasmā tesāṃ na byāharim.
65. Tvañca kho me mahārāja, manasānuvicintito;
Alaṃ dukkhā pamocetuṃ, tasmā tuyhaṃ pavedayiṃ.
66. Tassādāsi pasannatto, kāsīnaṃ raṭṭhavaḍḍhano;
Jātarūpamaye nikkhe, suvaṇṇassa catuddasāti.

Dūtajātakaṃ pañcamaṃ.

479. Kālīṅgabodhijātakaṃ (6)

67. Rājā kālīṅgo cakkavatti, dhammena pathavīmanusāsāṃ [manusāsi (syā. ka.)];
Agamā [agamāsi (syā. ka.)] bodhisamīpaṃ, nāgena mahānubhāvena.
68. Kālīṅgo bhāradvājo ca, rājānaṃ kālīṅgaṃ samaṇakolaññaṃ;
Cakkaṃ vattayato pariggahetvā [pariṇetvā (pī.)], pañjalī idamavoca.
69. Paccoroha mahārāja, bhūmibhāgo yathā samaṇuggato [samanugīto (sī. syā. pī.)];
Idha anadhivarā buddhā, abhisambuddhā virocanti.
70. Padakkhiṇato āvaṭṭā, tiṇalatā asmim bhūmibhāgasmim;
Pathaviyā nābhiyaṃ [puthuviyā ayaṃ (sī.), pathaviyā ayaṃ (syā.), puthaviyā'yaṃ (pī.)]
maṇḍo, iti no sutāṃ mante mahārāja [sutāṃ mahārāja (sī. syā. pī.)].
71. Sāgarapariyantāya, mediniyā sabbabhūtadharāṇiyā;

Pathaviyā ayaṃ maṇḍo, orohitvā namo karohi.

72. Ye te bhavanti nāgā ca, abhijātā ca kuñjarā;
Ettāvatā padesaṃ te, nāgā neva mupayanti.
73. Abhijāto nāgo [abhijāto te nāgo (sī. pī. aṭṭha.)] kāmaṃ, pesehi kuñjaraṃ dantiṃ;
Ettāvatā padeso [padeso ca (syā. ka.)], sakkā [na sakkā (syā.)] nāgena mupagantum.
74. Taṃ sutvā rājā kāliṅgo, veyyañjanikavaco nisāmetvā;
Sampesesi nāgaṃ ñassāma, mayaṃ yathimassidaṃ [yathā idam (sī. syā. pī.)] vacanaṃ.
75. Sampesito ca raññā, nāgo koñcova abhinadivāna;
Paṭisakkitvā [paṭiosakkitvā (ka.)] nisīdi, garuṃva bhāraṃ asahamāno.
76. Kāliṅgabhāradvājo, nāgaṃ khīṇāyukaṃ viditvāna;
Rājānaṃ kāliṅgaṃ, taramāno ajjhabhāsitha;
Aññaṃ saṅkama nāgaṃ, nāgo khīṇāyuko mahārāja.
77. Taṃ sutvā kāliṅgo, taramāno saṅkamī nāgaṃ;
Saṅkanteva raññe, nāgo tattheva pati [patito (ka.)] bhummyā;
Veyyañjanikavaco, yathā tathā ahu nāgo.
78. Kāliṅgo rājā kāliṅgaṃ, brāhmaṇaṃ etadavoca;
Tvameva asi sambuddho, sabbaññū sabbadassāvī.
79. Taṃ anadhivāsento kāliṅgaṃ [kāliṅgo (sī. syā. pī.)], brāhmaṇo idamavoca;
Veyyañjanikā hi mayaṃ, buddhā sabbaññuno mahārāja.
80. Sabbaññū sabbavidū ca, buddhā na lakkhaṇena jānanti;
Āgamabalaṃ [āgamapurisā (pī.)] hi mayaṃ, buddhā sabbam pajānanti.
81. Mahayitvā sambodhiṃ [mahāyitvāna sambodhiṃ (sī. pī.), pahaṃsitvāna sambodhiṃ (syā.),
mamāyitvāna taṃ bodhiṃ (ka.)], nānāturīyehi vajjamānehi;
Mālāvilepanaṃ abhiharitvā [mālāgandhavilepanaṃ āharitvā (sī. pī.); pākāraparikkhepaṃ
kāresi; atha rājā pāyāsi (sī. syā. pī.)] atha rājā manupāyāsi [pākāraparikkhepaṃ kāresi; atha
rājā pāyāsi (sī. syā. pī.)].
82. Saṭṭhi vāhasahassāni, pupphānaṃ sannipātayi;
Pūjesi rājā kāliṅgo, bodhimaṇḍamanuttaranti [varuttameti (sī.)].

Kāliṅgabodhijātakaṃ chaṭṭhaṃ.

480. Akittijātakaṃ (7)

83. Akittiṃ [akattiṃ (ka.)] disvā sammantaṃ, sakko bhūtapatī bravi;
Kiṃ patthayaṃ mahābrahme, eko sammāsī ghammani.
84. Dukkho punabbhavo sakka, sarīrassa ca bhedanaṃ;
Sammohamaṇaṃ dukkhaṃ, tasmā sammāmi vāsava.
85. Etasmim te sulapite, patirūpe subhāsīte;
Varam kassapa te dammi, yaṃ kiñci manasicchasi.

86. Varam ce me ado sakka, sabbabhūtānamissara;
Yena putte ca dāre ca, dhanadhaññaṃ piyāni ca;
Laddhā narā na [laddhā naññāni (ka.)] tappanti, so lobho na mayī vase.
87. Etasmiṃ te sulapite, patirūpe subhāsate;
Varam kassapa te dammi, yaṃ kiñci manasicchasi.
88. Varam ce me ado sakka, sabbabhūtānamissara;
Khettaṃ vatthum hiraññañca, gavassaṃ dāsaporisaṃ;
Yena jātena jīyanti, so doso na mayī vase.
89. Etasmiṃ te sulapite, patirūpe subhāsate;
Varam kassapa te dammi, yaṃ kiñci manasicchasi.
90. Varam ce me ado sakka, sabbabhūtānamissara;
Bālaṃ na passe na suṇe, na ca bālena saṃvase;
Bālenallāpa [bālenā'lāpa (?)] sallāpaṃ, na kare na ca rocaḃe.
91. Kiṃ nu te akaraṃ bālo, vada kassapa kāraṇaṃ;
Kena kassapa bālassa, dassanaṃ nābhikaṅkhasi.
92. Anayaṃ nayati dummedho, adhurāyaṃ niyuñjati;
Dunnayo seyyaso hoti, sammā vutto pakuppati;
Vinayaṃ so na jānāti, sādhu tassa adassanaṃ.
93. Etasmiṃ te sulapite, patirūpe subhāsate;
Varam kassapa te dammi, yaṃ kiñci manasicchasi.
94. Varam ce me ado sakka, sabbabhūtānamissara;
Dhīraṃ passe suṇe dhīraṃ, dhīrena saha saṃvase;
Dhīrenallāpasallāpaṃ, taṃ kare tañca rocaḃe.
95. Kiṃ nu te akaraṃ dhīro, vada kassapa kāraṇaṃ;
Kena kassapa dhīrassa, dassanaṃ abhikaṅkhasi.
96. Nayam nayati medhāvī, adhurāyaṃ na yuñjati;
Sunayo seyyaso hoti, sammā vutto na kuppatti;
Vinayaṃ so pajānāti, sādhu tena samāgamo.
97. Etasmiṃ te sulapite, patirūpe subhāsate;
Varam kassapa te dammi, yaṃ kiñci manasicchasi.
98. Varam ce me ado sakka, sabbabhūtānamissara;
Tato ratyā vivasāne [vivasane (sī. syā. pī.)], sūriyuggamaṃ [suriyassuggamaṃ (sī. syā. pī.)] pati;

Dibbā bhakkhā pātubhaveyyuṃ, sīlavanto ca yācakā.
99. Dadato me [dadato ca me (pī.)] na khīyetha, datvā nānutapeyyaṃ;
Dadaṃ cittaṃ pasādeyyaṃ, etaṃ sakka varam vare.
100. Etasmiṃ te sulapite, patirūpe subhāsate;

Varam kassapa te dammi, yam kiñci manasicchasi.

101. Varam ce me ado sakka, sabbabhūtanamissara;
Na maṃ puna upeyyāsi, etaṃ sakka varam vare.
102. Bahūhi vatacariyāhi [vattacariyāhi (sī. syā. ka.)], narā ca atha nāriyo;
Dassanaṃ abhikaṅkhanti, kiṃ nu me dassane bhayaṃ.
103. Taṃ tādisaṃ devavaṇṇaṃ [devavaṇṇiṃ (pī.)], sabbakāmasamiddhinaṃ;
Disvā tapo pamajjeyya [disvā tapo pamajjeyyaṃ (sī. syā. pī.), disvānaṃ pamajjeyyaṃ
(cariyāpiṭakaṭṭhakathā)], etaṃ te dassane bhayanti.

Akittijātaṃ sattamaṃ.

481. Takkāriyajātaṃ (8)

104. Ahameva dubbhāsitaṃ bhāsi bālo, bhekovaraññe ahimavhāyamāno [mavhayāno (sī. pī.)];
Takkāriye sobbhamimaṃ [sobbhamhi ahaṃ (ka.)] patāmi, na kireva sādhu ativelabhāṇī
[sādhūtyativelabhāṇī (ka.)].
105. Pappoti macco ativelabhāṇī, bandhaṃ vadhaṃ sokapariddavañca;
Attānameva garahāsi ettha, ācera yaṃ taṃ nikhaṇanti sobbhe.
106. Kimevahaṃ tuṇḍilamanupucchiṃ, kareyya saṃ [kareyyāsaṃ (syā.), kareyya sa (ka.), bhareyya
saṃ (?)] bhātaraṃ kālikāyaṃ [kālikāya (syā. ka.)];
Naggovahaṃ [naggoca'haṃ (?)] vatthayugañca jīno, ayampi attho bahutādisova.
107. Yo yujjhamānānamayujjhamāno [yujjhamānena ayujjhamāno (ka.)], meṇḍantaraṃ accupatī
kuliṅgo;
So piṃsito meṇḍasirehi tattha, ayampi attho bahutādisova.
108. Caturō janā potthakamaggahesum, ekañca posam anurakkhamānā;
Sabbeva te bhinnasirā sayiṃsu, ayampi attho bahutādisova.
109. Ajā yathā veḷugumbasmiṃ baddhā [bandhaṃ (syā. ka.)], avakkhipantī asimajjhagacchi;
Teneva tassā galakāvakantaṃ [galayā vikantaṃ (ka.), galakaṃ vikantā (syā.)], ayampi attho
bahutādisova.
110. Ime na devā na gandhabbaputtā, migā ime atthavasam gatā me [atthavasābhatā ime (sī. syā.
pī.)];
Ekañca naṃ sāyamāse pacantu, ekaṃ punappātarāse [ekañca naṃ pātarāse (ka. sī. pī.)]
pacantu.
111. Sataṃ sahasāni dubbhāsītāni, kalampi nāgghanti subhāsītassa;
Dubbhāsitaṃ saṅkamāno kilesō [kilissati (?)], tasmā tuṇhī kimpurisā [kimpuriso (sī. syā.)] na
bālyā.
112. Yā mesā byāhāsi [byākāsi (sī. syā. pī.)] pamañcathetaṃ, giriñca naṃ [giriṃ varam (ka.)]
himavantaṃ nayantu;
Imaṃ kho dentu mahānasāya, pātova naṃ pātarāse pacantu.

113. Pajjunanāthā pasavo, pasunāthā ayaṃ pajā;
Tvam nāthosi [tvam-nātho'smi (sī. syā. pī.)] mahārāja, nāthoḥam bhariyāya me [amha-nāthā mama bhariyā (ka. sī. syā.)];
- Dvinnamaññataraṃ ñatvā, mutto gaccheyya pabbataṃ.
114. Na ve nindā suparivajjayetha [suparivajjayātha (syā.)], nānā janā sevitabbā janinda;
Yeneva eko labhate pasamsaṃ, teneva añño labhate ninditāraṃ.
115. Sabbo loko paricitto aticitto [paracittena aticitto (sī. syā.), paracittena acitto (sī. aṭṭha.)], sabbo loko cittavā samhi citte;
Paccekkacittā puthu sabbasattā, kassīdha cittassa vase na vatte.
116. Tuṅhī ahū kimpuriso sabhariyo [abhāṇī (ka.)], yo dāni byāhāsi bhayassa bhīto;
So dāni mutto sukhito arogo, vācākirevattavatī narānantī.

Takkāriyajātakaṃ aṭṭhamaṃ.

482. Rurumigarājajātakaṃ (9)

117. Tassa [kassa (sī. pī.)] gāmvaramaṃ dammi, nāriyo ca alaṅkatā;
Yo [ko (sī. syā. pī.)] metaṃ migamakkhāti [makkhāsi (syā. ka.)], migānaṃ migamuttamaṃ.
118. Mayhaṃ gāmvaramaṃ dehi, nāriyo ca alaṅkatā;
Ahaṃ te migamakkhissaṃ, migānaṃ migamuttamaṃ.
119. Etasmiṃ vanasaṅdasmiṃ, ambā sālā ca pupphitā;
Indagopakasañchannā, ettheso tiṭṭhate migo.
120. Dhanuṃ advejjhaṃ [adejjhaṃ (sī. pī.), sarajjaṃ (ka.)] katvāna, usuṃ sannayhupāgami [sandhāyupāgami (sī. pī.)];
Migo ca disvā rājānaṃ, dūrato ajjhabhāsatha.
121. Āgamehi mahārāja, mā maṃ vijjhi rathesabha;
Ko nu te idamakkhāsi, ettheso tiṭṭhate migo.
122. Esa pāpacaro poso, samma tiṭṭhati ārakā;
Soyaṃ [so hi (sī. syā. pī.)] me idamakkhāsi, ettheso tiṭṭhate migo.
123. Saccaṃ kireva māhaṃsu, narā ekacciyā idha;
Kaṭṭhaṃ niplavitaṃ seyyo, na tvevekacci yo naro.
124. Kiṃ nu ruru garahasi migānaṃ, kiṃ pakkhīnaṃ kiṃ pana mānusānaṃ;
Bhayañhi maṃ vindatinapparūpaṃ, sutvāna taṃ mānusiṃ bhāsamānaṃ.
125. Yamuddharim vāhane vuyhamānaṃ, mahodake salile sīghasote;
Tatonidānaṃ bhayamāgataṃ mama, dukkho have rāja asabbhi saṅgamo.
126. Sohaṃ catuppattamaṃ vihaṅgamaṃ, tanucchidaṃ hadaye ossajāmi;
Hanāmi taṃ mittadubbhiṃ akiccakāriṃ [hanāmi mittaddu'makiccakāriṃ (sī. pī.)], yo tādisaṃ kammakataṃ na jāne.

127. Dhīrassa bālassa have janinda, santo vadhaṃ nappasaṃsanti jātu;
Kāmaṃ gharaṃ gacchatu pāpadhammo, yañcassa bhaṭṭhaṃ tadetassa dehi;
Ahañca te kāmakaro bhavāmi.
128. Addhā ruru aññataro sataṃ so [satam'se (sī.)], yo dubbhato [dubbhino (syā.), dūbhato (pī.)]
mānusassa na dubbhi;
Kāmaṃ gharaṃ gacchatu pāpadhammo, yañcassa bhaṭṭhaṃ tadetassa dammi;
Ahañca te kāmacāraṃ dadāmi.
129. Suvijānaṃ siṅgālānaṃ, sakuṇānañcavassitaṃ;
Manussavassitaṃ rāja, dubbijānataṃ tato.
130. Api ce maññatī poso, ñāti mitto sakhāti vā;
Yo pubbe sumano hutvā, pacchā sampajjate diso.
131. Samāgatā jānapadā, negamā ca samāgatā;
Migā sassāni khādanti, taṃ devo paṭisedhatu.
132. Kāmaṃ janapado māsi, raṭṭhañcāpi vinassatu;
Na tvevāhaṃ ruruṃ dubbhe, datvā abhayadakkhiṇaṃ.
133. Mā me janapado āsi [mā maṃ janapado ahu (syā.)], raṭṭhañcāpi vinassatu;
Na tvevāhaṃ [na tveva (ka. sī. ka.)] migarājassa, vamaṃ datvā musā bhaṇeti.

Rurumigarājajātakaṃ navamaṃ.

483. Sarabhamigajātakaṃ (10)

134. Āsīsetheva [āsīsetheva (sī. syā. pī.)] puriso, na nibbindeyya paṇḍito;
Passāmi vohaṃ attānaṃ, yathā icchiṃ tathā ahu.
135. Āsīsetheva puriso, na nibbindeyya paṇḍito;
Passāmi vohaṃ attānaṃ, udakā thalamubbhataṃ.
136. Vāyametheva puriso, na nibbindeyya paṇḍito;
Passāmi vohaṃ attānaṃ, yathā icchiṃ tathā ahu.
137. Vāyametheva puriso, na nibbindeyya paṇḍito;
Passāmi vohaṃ attānaṃ, udakā thalamubbhataṃ.
138. Dukkūpanītopi naro sapañño, āsaṃ na chindeyya sukhāgamāya;
Bahū hi phassā ahitā hitā ca, avitakkitā maccamupabbajanti [maccumupabbajanti (ka. sī. pī.),
maccumupapajjanti (syā. ka.) ettha “avitakkitāpi phasso maccam janam upagacchanti” ti
attho].
139. Acintitampi bhavati, cintitampi vinassati;
Na hi cintāmayā bhogā, itthiyā purisassa vā.
140. Sarabhaṃ giriduggasmiṃ, yaṃ tvaṃ anusaṃ pure;
Alīnacittassa tuvaṃ, vikkantamanujīvasi [tava, vikkantaṃ jīvitaṃ labhi (ka.)].
141. Yo taṃ viduggā narakā samuddhari, silāya yoggaṃ sarabho karitvā;

- Dukkhūpanītaṃ maccumukhā pamocayi, alīnacittaṃ taṃ migam [tameva (syā. ka.)] vadesi.
142. Kiṃ tvaṃ nu [tuvannu (sī. pī.)] tattheva tadā ahosi, udāhu te koci naṃ [taṃ (ka.)] etadakkhā; Vivaṭṭacchaddo nusi sabbadassī, ñāṇaṃ nu te brāhmaṇa bhimsarūpaṃ.
143. Na cevahaṃ tattha tadā ahosiṃ, na cāpi me koci naṃ [taṃ (ka.)] etadakkhā; Gāthāpadānañca subhāsītānaṃ, atthaṃ tadānenti janinda dhīrā.
144. Ādāya pattim [pattaṃ (syā.), paṭṭim (ka.)] paraviriyaghātim, cāpe saraṃ kiṃ vicikicchase tvaṃ; Nunno [nunno (ka. sī. syā.), tunno (ka.)] saro sarabhaṃ hantu khippaṃ, annaṃhi etaṃ varapañña rañño.
145. Addhā pajānāmi ahampi etaṃ, annaṃ migo brāhmaṇa khattiyassa; Pubbe katañca [pubbe ca kataṃ (ka.)] apacāyamāno, tasmā migam sarabhaṃ no hanāmi.
146. Neso migo mahārāja, asureso disampati; Etaṃ hantvā manussinda, bhavassu amarādhipo.
147. Sace ca rājā [rājā (sī. syā. pī.)] vicikicchase tvaṃ, hantuṃ migam sarabhaṃ sahāyakaṃ [sahāyakaṃ me (sī. pī.)]; Saputtadāro naravīraseṭṭha [naravīraseṭṭha (sī. pī.)], gantvā [gantā (sī. pī. aṭṭha.)] tvaṃ vetaraṇim yamassa.
148. Kāmaṃ ahaṃ jānapadā ca sabbe, puttā ca dārā ca sahāyasaṅghā; Gacchemu taṃ vetaraṇim yamassa, na tveva hañño mama paṇado yo [pāṇada'ssa (sī. syā. pī.)].
149. Ayaṃ migo kicchagatassa mayhaṃ, ekassa kattā vivanasmi ghore; Taṃ tādīsaṃ pubbakiccaṃ saranto, jānaṃ mahābrahme kathaṃ haneyyaṃ.
150. Mittābhirādhi cirameva jīva, rajjaṃ imaṃ dhammaguṇe [rajjampimaṃ cassa gaṇe (ka.)] pasāsa; Nārīgaṇehi paricāriyāto, modassu raṭṭhe tidiveva vāsavo.
151. Akkodhano nīccapasannacitto, sabbāthī yācayogo bhavitvā [pāhunake karitvā (syā.), yācayogo vīditvā (ka.)]; Datvā ca bhutvā ca yathānubhāvaṃ, anindito saggamupehi ṭhānanti.

Sarabhamigajātakaṃ dasamaṃ.

Terasakanipātaṃ niṭṭhitaṃ.

Tassuddānaṃ –

Varaamba kuṭhāri sahaṃsavaro, atharaññasmiṃ dūtakapañcamako;
Atha bodhi akitti sutakkarinā, atha ruruṃgenaparo sarabhoti.

14. Pakiṇṇakanipāto

484. Sālikedārajātakaṃ (1)

1. Sampannaṃ sālīkedāraṃ, suvā bhuñjanti kosiya;
Paṭivedemi te brahme, na ne [te (sī. syā.), naṃ (sī. syā. pī. aṭṭha.), taṃ (ka. aṭṭha.)]
vāretumussahe.
2. Eko ca tattha sakuṇo, yo nesam [tesam (sī. aṭṭha.)] sabbasundaro;
Bhutvā sāliṃ yathākāmaṃ, tuṇḍenādāya gacchati.
3. Oḍḍentu [ujjhuntu (syā. ka.) aṅguttaranikāye passitabbam] vāḷapāsāni, yathā vajjhetha so dijo;
Jīvañca naṃ gahetvāna, ānāyehi [ānāyetha (sī. pī.)] mamantike.
4. Ete bhutvā pivivā ca [bhutvā ca pivā ca (pī.)], pakkamanti vihaṅgamā;
Eko baddhosmi pāsena, kiṃ pāpaṃ pakataṃ mayā.
5. Udaraṃ nūna aññesaṃ, suva accodaraṃ tava;
Bhutvā sāliṃ yathākāmaṃ, tuṇḍenādāya gacchasi.
6. Koṭṭhaṃ nu tattha pūresi, suva veraṃ nu te mayā;
Puṭṭho me samma akkhāhi, kuhiṃ sāliṃ nidāhasi [nidhīyasi (pī.)].
7. Na me veraṃ tayā saddhiṃ, koṭṭho mayhaṃ na vijjati;
Iṇaṃ muñcāmiṇaṃ dammi, sampatto koṭasimbalīṃ;
Nidhimpī tattha nidāhāmi, evaṃ jānāhi kosiya.
8. Kīdisaṃ te iṇadānaṃ, iṇamokkho ca kīdiso;
Nidhinidhānamakkhāhi, atha pāsā pamokkhasi.
9. Ajātapakkhā taruṇā, puttakā mayha kosiya;
Te maṃ bhatā bharissanti, tasmā tesam iṇaṃ dade.
10. Mātā pitā ca me vuddhā, jiṇṇakā gatayobbanā;
Tesaṃ tuṇḍena hātūna, muñce pubbakataṃ [pubbe kataṃ (sī.)] iṇaṃ.
11. Aññepi tattha sakuṇā, khīṇapakkhā sudubbalā;
Tesaṃ puññatthiko dammi, taṃ nidhiṃ āhu paṇḍitā.
12. Īdisaṃ [edisam (sī. pī.)] me iṇadānaṃ, iṇamokkho ca īdiso;
Nidhinidhānamakkhāmi [nidhiṃ nidhānaṃ akkhātaṃ (sī. pī.)], evaṃ jānāhi kosiya.
13. Bhaddako vatayaṃ pakkhī, dijo paramadhammiko;
Ekaccesu manussesu, ayaṃ dhammo na vijjati.
14. Bhuñja sāliṃ yathākāmaṃ, saha sabbehi nātibhi;
Punāpi suva passemu, piyaṃ me tava dassanaṃ.
15. Bhuttañca pītañca tavassamamhi [tavassabyamhi (ka.)], rattiñca [ratī ca (sī. pī.)] no kosiya te
sakāse;
Nikkhittadaṇḍesu dadāhi dānaṃ, jiṇṇe ca mātāpitaro bharassu.
16. Lakkhī vata me udapādi ajja, yo addasāsiṃ pavaraṃ [yohaṃ adassaṃ paramaṃ (syā. ka.)]
dijānaṃ;
Suvassa sutvāna subhāsītāni, kāhāmi puññāni anappakāni.

17. So kosiyo attamano udaggo, annañca pānañcabhisankharitvā [annañca pānaṃ abhisamharitvā (ka.)];
Annena pānena pasannacitto, santappayi samaṇabrāhmaṇe cāti.

Sālikedārajātakam [kedārajātakam (ka.)] paṭhamam.

485. Candakinnarījātakam (2)

18. Upanīyatidaṃ maññe, cande [lohitamadena majjāmi; vijahāmi jīvitam pāṇā, (sī. pī. aṭṭha.)] lohitamaddane;
Ajja jahāmi jīvitam, pāṇā [lohitamadena majjāmi; vijahāmi jīvitam pāṇā, (sī. pī. aṭṭha.)] me cande nirujjhanti.
19. Osīdi [osadhi (sī. syā. pī.), osaṭṭhi (ka.), osati (abhinavaṭṭikā), osīdati (?)] me dukkham [dukkham me (sī. pī.)] hadayam, me ḍayhate nitammāmi;
Tava candiyā socantiyā, na naṃ aṅñehi sokehi.
20. Tiṇamiva vanamiva milāyāmi [milayāmi (sī.), miyyāmi (sī. pī. aṭṭha.)], nadī aparipuṇṇāva [aparipuṇṇiyāva (sī. pī.)] sussāmi;
Tava candiyā socantiyā, na naṃ aṅñehi sokehi.
21. Vassamiva sare pāde [vassamva sare pāde (sī.), vassamva sare pabbatapāde (pī.)], imāni assūni vattare mayham;
Tava candiyā socantiyā, na naṃ aṅñehi sokehi.
22. Pāpo khosi [pāposi kho (sī.), pāpo kho (syā. pī.)] rājaputta, yo me icchitam [icchita (sī. syā. pī.)] patim varākiyā;
Vijjhasi vanamūlasmiṃ, soyam viddho chamā seti.
23. Imam mayham hadayasokam, paṭimuñcatu rājaputta tava mātā;
Yo mayham hadayasoko, kimpurisaṃ avekkhamānāya.
24. Imam mayham hadayasokam, paṭimuñcatu rājaputta tava jāyā;
Yo mayham hadayasoko, kimpurisaṃ avekkhamānāya.
25. Mā ca puttam [putte (sī. pī.)] mā ca patim, addakkhi rājaputta tava mātā;
Yo kimpurisaṃ avadhi, adūsakam mayha kāmā hi [mayham kāmā (ka.)].
26. Mā ca puttam mā ca patim, addakkhi rājaputta tava jāyā;
Yo kimpurisaṃ avadhi, adūsakam mayha kāmā hi.
27. Mā tvam cande rodi, mā soci vanatimiramattakkhi;
Mama tvam hehisi bhariyā, rājakule pūjitā nārībhi [nārī (sī. pī.)].
28. Api nūnaḥam marissaṃ, nāham [na ca panāham (sī. pī.)] rājaputta tava hessaṃ;
Yo kimpurisaṃ avadhi, adūsakam mayha kāmā hi.
29. Api bhīruke api jīvitukāmike, kimpurisi gaccha himavantam;
Tālīsatagarabhojanā, aṅñe [tālīsatagarabhojane, araṅñe (sī. pī.)] tam migā ramissanti.
30. Te pabbatā tā ca kandarā, [tā ca giriguhāyo (sī. syā. pī.)] tā ca giriguhāyo tatheva tiṭṭhanti [tā ca giriguhāyo (sī. syā. pī.)];

- Tattheva [tattha (sī. syā. pī.)] taṃ apassantī, kimpurisa kathaṃ ahaṃ kassaṃ.
31. Te paṇṇasanthatā ramaṇīyā, vāḷamigeḥi anuciṇṇā;
Tattheva taṃ apassantī, kimpurisa kathaṃ ahaṃ kassaṃ [kāsaṃ (sī. syā. pī.).]
32. Te pupphasanthatā ramaṇīyā, vāḷamigeḥi anuciṇṇā;
Tattheva taṃ apassantī, kimpurisa kathaṃ ahaṃ kassaṃ.
33. Acchā savanti girivana [girivara (sī. pī.)] nadiyo, kusumābhikiṇṇasotāyo;
Tattheva taṃ apassantī, kimpurisa kathaṃ ahaṃ kassaṃ.
34. Nīlāni himavato pabbatassa, kūṭāni dassanīyāni [dassaneyyāni (sī. pī.)];
Tattheva taṃ apassantī, kimpurisa kathaṃ ahaṃ kassaṃ.
35. Pītāni himavato pabbatassa, kūṭāni dassanīyāni;
Tattheva taṃ apassantī, kimpurisa kathaṃ ahaṃ kassaṃ.
36. Tambāni himavato pabbatassa, kūṭāni dassanīyāni;
Tattheva taṃ apassantī, kimpurisa kathaṃ ahaṃ kassaṃ.
37. Tuṅgāni himavato pabbatassa, kūṭāni dassanīyāni;
Tattheva taṃ apassantī, kimpurisa kathaṃ ahaṃ kassaṃ.
38. Setāni himavato pabbatassa, kūṭāni dassanīyāni;
Tattheva taṃ apassantī, kimpurisa kathaṃ ahaṃ kassaṃ.
39. Citrāni himavato pabbatassa, kūṭāni dassanīyāni;
Tattheva taṃ apassantī, kimpurisa kathaṃ ahaṃ kassaṃ.
40. Yakkhagaṇasevite gandhamādane, osadhebbhi sañchanne;
Tattheva taṃ apassantī, kimpurisa kathaṃ ahaṃ kassaṃ.
41. Kimpurisasevite gandhamādane, osadhebbhi sañchanne;
Tattheva taṃ apassantī, kimpurisa kathaṃ ahaṃ kassaṃ.
42. Vande te ayirabrahme [ayyire brahme (ka.)], yo me icchitaṃ patiṃ varākiyā;
Amatena abhisīñci, samāgatāsmi piyatamena.
43. Vicarāma dāni girivana [girivara (sī. pī.)] nadiyo, kusumābhikiṇṇasotāyo;
Nānādumavasanāyo [sevanāyo (pī.)], piyaṃvadā aññamaññassāti.

Candakinnarījātakam [candakinnarajātakam (sī. syā. pī.)] dutiyaṃ.

486. Mahāukkusajātakam (3)

44. Ukkā cilācā [milācā (sī. syā. pī.)] bandhanti dīpe [bandhanti luddā, dīpe (ka.)], pajā mamaṃ
khādituṃ patthayanti;
Mittam saḥāyaṅca vadehi senaka, ācikkha ñātibyasaṃ dijānaṃ.
45. Dijo dijānaṃ pavarosi pakkhima [pakkhi (sī. pī.), pakkhi ca (syā.)], ukkusarāja saraṇaṃ taṃ
upema [upemi (sī. syā. pī.)];
Pajā mamaṃ khādituṃ patthayanti, luddā cilācā [milācā (sī. syā. pī.)] bhava me sukhāya.

46. Mittaṃ sahāyañca karonti paṇḍitā, kāle akāle sukhamesamānā [māsayaṇā (pī.)];
Karomi te senaka etamatthaṃ, ariyo hi ariyassa karoti kiccaṃ.
47. Yaṃ hoti kiccaṃ anukampakena, ariyassa ariyena kataṃ tayīdaṃ [tava yidaṃ (sī. pī.)];
Attānurakkhī bhava mā adayhi [aḍayaḥa (sī. pī.)], lacchāma putte tayi jīvamāne.
48. Taveva [tameva (syā. ka.)] rakkhāvaraṇaṃ karonto, sarīrabhedāpi na santasāmi;
Karonti heke [hete (ka. sī. syā. pī.)] sakhīnaṃ sakhāro, pāṇaṃ cajantā [cajanti (sī. pī.)]
satamesa [satānesa (pī.)] dhammo.
49. Sudukkaraṃ kammamakāsi [makā (sī. pī.)], aṇḍajāyaṃ vihaṅgamo;
Atthāya kuraro putte, aḍḍharatte anāgate.
50. Cutāpi heke [eke (sī. pī.)] khalitā sakammunā, mittānukampāya patitṭhahanti;
Puttā mamaṭṭā gatimāgatosmi, atthaṃ caretho [caretha (sī. syā. pī.)] mama vāricara
[vārichanna (sī. pī.)].
51. Dhanena dhaññaṇa ca attanā ca, mittāṃ sahāyañca karonti paṇḍitā;
Karomi te senaka etamatthaṃ, ariyo hi ariyassa karoti kiccaṃ.
52. Appossukko tāta tuvaṃ nisīda, putto pitu carati atthacariyaṃ;
Ahaṃ carissāmi tavetamatthaṃ, senassa putte paritāyamāno.
53. Addhā hi tāta satamesa dhammo, putto pitu yaṃ care [pitunaṃ care (ka.), pitu yañcaretha (sī.
pī.)] atthacariyaṃ;
Appeva maṃ disvāna pavaḍḍhakāyaṃ, senassa puttā na viheṭṭhayeyyūṃ.
54. Pasū manussā migavīraseṭṭha [migaviriyasetṭha (sī. pī.)], bhayaṭṭitā [bhayadditā (sī. pī.)]
seṭṭhamupabbajanti;
Puttā mamaṭṭā gatimāgatosmi, tvamṃ nosi rājā bhava me sukhāya.
55. Karomi te senaka etamatthaṃ, āyāmi te taṃ dīsaṃ vadhāya;
Kathañhi viññū pahu sampajāno, na vāyame attajanassa guttiyā.
56. Mittaṇca kayirātha suhadayañca [suhaddayañca (sī.), sakhāgharañca (pī.)], ayirañca kayirātha
sukhāgamāya;
Nivatthakocova [kojova (sī. pī.)] sarebhihantvā, modāma puttehi samaṅgibhūtā.
57. Sakamittassa kammena, sahāyassāpalāyino;
Kūjantamupakūjanti, lomasā hadayaṅgamaṃ.
58. Mittāṃ sahāyaṃ adhigamma paṇḍito, so bhujjati puttā pasuṃ dhanam vā;
Ahañca puttā ca patī ca mayhaṃ, mittānukampāya samaṅgibhūtā.
59. Rājavatā sūravatā ca attho, sampannasakhissa bhavanti hete;
So mittavā yasavā uggatatto, asmimḍhaloke [asmiñca loke (sī. syā. pī.)] modati kāmakāmī.
60. Karaṇīyāni mittāni, daliddenāpi senaka;
Passa mittānukampāya, samaggamhā saññātake [saññātakā (?)].
61. Sūrena balavantena, yo mitte [mette (sī.), mittam (syā.)] kurute dijo;
Evaṃ so sukhito hoti, yathāhaṃ tvañca senakāti.

Mahāukkusajātakam tatiyaṃ.

487. Uddālakajātakam (4)

62. Kharājīnā jaṭilā paṅkadantā, dummakkharūpā [dummudharūpā (sī. pī. ka.)] ye mantam jappanti [yeme jappanti (sī. pī.), ye'me jappanti mante (jā. 1.6.10)];
Kaccinnu te mānusaṅka payoge, idaṃ vidū parimuttā apāyā.
63. Pāpāni kammāni karetha [kareyya (syā.), katvāna (jā. 1.6.11)] rāja, bahussuto ce na careyya dhammaṃ;
Sahassavedopi na taṃ paṭicca, dukkhā pamucce [pamuñce (syā.)] caraṇam apatvā.
64. Sahassavedopi na taṃ paṭicca, dukkhā pamucce caraṇam apatvā;
Maññāmi vedā aṭṭhā bhavanti, saṃyamaṃ caraṇaññeva saccam.
65. Na heva vedā aṭṭhā bhavanti, saṃyamaṃ caraṇaññeva saccam;
Kittiñhi [kittiñca (syā.)] pappoti adhicca vede, santim puṇāti [punoti (sī. aṭṭha.), puṇeti (syā. jā. 1.6.13), puṇeti (pī.)] caraṇena danto.
66. Bhaccā mātā pitā bandhū, yena jāto sayeva so;
Uddāloko aham bho [bhoti (ka.)], sottiyaṅkulavaṃsako [vaṃsato (ka.)].
67. Katham bho brāhmaṇo hoti, katham bhavati kevalī;
Kathaṅca parinibbānam, dhammaṅgaho kinti vuccati.
68. Niraṃkatvā aggimādāya brāhmaṇo, āpo siṅcam yajam usseti yūpam;
Evaṃkaro brāhmaṇo hoti khemī, dhamme ṭhitam tena amāpayimsu.
69. Na suddhi secanenatthi, nāpi kevalī brāhmaṇo;
Na khaṅtī nāpi soraccam, nāpi so parinibbuto.
70. Katham so [bho (syā. ka.)] brāhmaṇo hoti, katham bhavati kevalī;
Kathaṅca parinibbānam, dhammaṅgaho kinti vuccati.
71. Akhettabandhū amamo nirāso, nillobhapāpo bhavalobhakhīṇo;
Evaṃkaro brāhmaṇo hoti khemī, dhamme ṭhitam tena amāpayimsu.
72. Khattiyā brāhmaṇā vessā, suddā caṅḍālapukkusā;
Sabbeva soratā dantā, sabbeva parinibbutā;
Sabbesaṃ sītibhūtānam, atthi seyyoṭha [seyyova (sī. pī.)] pāpiyo.
73. Khattiyā brāhmaṇā vessā, suddā caṅḍālapukkusā;
Sabbeva soratā dantā, sabbeva parinibbutā;
Sabbesaṃ sītibhūtānam, natthi seyyoṭha pāpiyo.
74. Khattiyā brāhmaṇā vessā, suddā caṅḍālapukkusā;
Sabbeva soratā dantā, sabbeva parinibbutā.
75. Sabbesaṃ sītibhūtānam, natthi seyyoṭha pāpiyo;
Panattham [pasattham (syā.), pasatṭham (ka.)] carasi brahmaññaṃ, sottiyaṅkulavaṃsatam.
76. Nānārattehi vatthehi, vimānam bhavati chāditaṃ;

Na tesam chāyā vatthānaṃ, so rāgo anupajjatha.

77. Evameva [evamevaṃ (pī.)] manussesu, yadā sujjhanti māṇavā;
Te sajātiṃ pamuñcantī [na tesam jātiṃ pucchanti (sī. syā. pī.), na tesam jāti sujjhanti (ka.)],
dhammamaññāya subbatāti.

Uddālakajātakaṃ catutthaṃ.

488. Bhisajātakaṃ (5)

78. Assaṃ gavaṃ rajataṃ jatarūpaṃ, bhariyañca so idha labhataṃ manāpaṃ;
Puttehi dārehi samaṅgi hotu, bhisāni te brāhmaṇa yo ahāsi.
79. Mālañca so kāsikacandanañca, dhāretu puttassa bahū bhavantu;
Kāmesu tibbaṃ kurutaṃ apekkhaṃ, bhisāni te brāhmaṇa yo ahāsi.
80. Pahūtadhañño kasimā yasassī, putte gihī dhanimā sabbakāme;
Vayaṃ apassaṃ gharamāvasātu, bhisāni te brāhmaṇa yo ahāsi.
81. So khattiyo hotu pasayhakārī, rājābhirājā [rājābhirājā (syā. ka.)] balavā yasassī;
Sa cāturaṃtaṃ mahimāvasātu, bhisāni te brāhmaṇa yo ahāsi.
82. So brāhmaṇo hotu avītarāgo, muhuttanakkhattapathesu yutto;
Pūjetu naṃ raṭṭhapaṭī yasassī, bhisāni te brāhmaṇa yo ahāsi.
83. Ajjhāyakaṃ sabbasamantavedaṃ [sabbasamantavedaṃ (sī.), sabbasamantavedanaṃ (pī.)],
tapassīnaṃ maññatu sabbaloko;
Pūjentu naṃ jānapadā samecca, bhisāni te brāhmaṇa yo ahāsi.
84. Catussadaṃ gāmavaraṃ samiddhaṃ, dinnañhi so bhuñjatu vāsavena;
Avītarāgo maraṇaṃ upetu, bhisāni te brāhmaṇa yo ahāsi.
85. So gāmañi hotu sahāyamajjhe, naccehi gītehi pamodamāno;
So rājato byasana mālattha [mā rājato vyasana' malattha (sī. syā. pī.)] kiñci, bhisāni te
brāhmaṇa yo ahāsi.
86. Yaṃ ekarājā pathaviṃ vijetvā, itthīsaḥassāna [itthīsaḥassassa (sī. pī.)] ṭhapetu aggaṃ;
Sīmantiṇīnaṃ pavarā bhavātu, bhisāni te brāhmaṇa yā ahāsi.
87. Isīnañhi sā sabbasamāgatānaṃ, bhuñjeyya sāduraṃ avikampamānā;
Carātu lābhena vikatthamānā, bhisāni te brāhmaṇa yā ahāsi.
88. Āvāsiko hotu mahāvihāre, navakammiko hotu gajaṅgalāyaṃ [kajaṅgalāyaṃ (sī. syā. pī.)];
Ālokaṃ sandhiṃ divasaṃ [divasā (sī. syā. pī.)] karotu, bhisāni te brāhmaṇa yo ahāsi.
89. So bajjhatū pāsasatehi chabbhi [chamhi (sī. pī.), chassu (?)], rammā vanā niyyatu rājadhāniṃ
[rājadhāniṃ (ka.)];
Tuttehi so haññatu pācanehi, bhisāni te brāhmaṇa yo ahāsi.
90. Alakkamālī tipukaṇṇavidhho, laṭṭhīhato sappamukhaṃ upetu;
Sakacchabandho [sakkaccabaddho (sī. pī.), saṃkaccabandho (niyya)] visikhaṃ carātu, bhisāni
te brāhmaṇa yo ahāsi.

91. Yo ve anatt̥hamva [anatt̥ham (sī. syā. pī.)] nat̥thanti cāha, kāmeva so labhataṃ bhuñjatañca [labhatu bhuñjatu ca (syā.)];
Agāramajjhe maraṇaṃ upetu, yo vā bhonto saṅkati kañcideva [kiñcideva (ka.)].
92. Yadesamānā vicaranti loke, iṭṭhañca kantañca bahūnametaṃ;
Piyam̐ manuññaṃ cidha jīvaloke, kasmā isayo nappasaṃsanti kāme.
93. Kāmesu ve haññare bajjhare ca, kāmesu dukkhañca bhayañca jātaṃ;
Kāmesu bhūtādhipatī pamattā, pāpāni kammāni karonti mohā.
94. Te pāpadhammā pasavetva pāpaṃ, kāyassa bhedaṃ nirayaṃ vajanti;
Ādīnavaṃ kāmaguṇesu disvā, tasmā isayo nappasaṃsanti kāme.
95. Vīmaṃsamāno isino bhisāni, tīre gahetvāna thale nidhesiṃ;
Suddhā apāpā isayo vasanti, etāni te brahmacārī bhisāni.
96. Na te naṭā no pana kīlaneyyā, na bandhavā no pana te sahāyā;
Kismiṃ vupatthambha sahasanetta, isihi tvaṃ kīlasi devarāja.
97. Ācariyo mesi pitā ca mayhaṃ, esā patit̥thā khalitassa brahme;
Ekāparādhaṃ khama bhūripañña, na paṇḍitā kodhabalā bhavanti.
98. Suvāsitaṃ isinaṃ ekarattaṃ, yaṃ vāsavaṃ bhūtapatiddasāma;
Sabbeva bhonto sumanā bhavantu, yaṃ brāhmaṇo paccupādī bhisāni.
99. Ahañca sārputto ca, moggallāno ca kassapo;
Anuruddho puṇṇo ānando, tadāsuṃ satta bhātaro.
100. Bhaginī uppalavaṇṇā ca, dāsī khujjuttarā tadā;
Citto gahapati dāso, yakkho sātāgiro tadā.
101. Pālīleyyo [pārīleyyo (sī. pī.)] tadā nāgo, madhudo [madhuvā (sī. pī.)] seṭṭhavānaro;
Kāḷudāyī tadā sakko, evaṃ dhāretha jātakanti.

Bhisajātakaṃ pañcamam̐.

489. Surucijātakaṃ (6)

102. Mahesī surucino [rucino (sī. syā. pī.)] bhariyā, ānītā paṭhamam̐ aham̐;
Dasa vassasahassāni, yaṃ maṃ surucimānayaṃ.
103. Sāham̐ brāhmaṇa rājānaṃ, vedeham̐ mithilaggahaṃ;
Nābhijānāmi kāyena, vācāya uda cetasā;
Suruciṃ atimaññittha [atimaññittho (sī. pī.), atimaññitā (?)], āvi [āviṃ (sī. pī.)] vā yadi vā raho.
104. Etena saccavajjena, putto uppajjataṃ ise;
Musā me bhaṇamānāya, muddhā phalatu sattadhā.
105. Bhattu mama sassu mātā, pitā cāpi ca sassuro;
Te maṃ brahme vinetāro, yāva aṭṭhaṃsu jīvitaṃ.

106. Sāhaṃ ahimsāratinī, kāmasā [kāmaso (sī.)] dhammacārinī [dhammacāriṇī (sī.)];
Sakkaccaṃ te upaṭṭhāsiṃ, rattindivamatanditā.
107. Etena saccavajjena, putto uppajjataṃ ise;
Musā me bhaṇamānāya, muddhā phalatu sattadhā.
108. Soḷasitthisahassāni, sahabhariyāni brāhmaṇa;
Tāsu issā vā kodho vā, nāhu mayhaṃ kudācanaṃ.
109. Hitena tāsāṃ nandāmi, na ca me kāci appiyā;
Attānaṃvānukampāmi, sadā sabbā sapattiyo.
110. Etena saccavajjena, putto uppajjataṃ ise;
Musā me bhaṇamānāya, muddhā phalatu sattadhā.
111. Dāse kammakare pesse [pose (syā. ka.)], ye caññe anujīvino;
Pesemi [posemi (sī. syā. pī.)] sahadhammena, sadā pamuditindriyā.
112. Etena saccavajjena, putto uppajjataṃ ise;
Musā me bhaṇamānāya, muddhā phalatu sattadhā.
113. Samaṇe brāhmaṇe cāpi, aññe cāpi vanibbake;
Tappemi annapānena, sadā payatapāṇinī.
114. Etena saccavajjena, putto uppajjataṃ ise;
Musā me bhaṇamānāya, muddhā phalatu sattadhā.
115. Cātuddasiṃ pañcaddasiṃ [pannarasiṃ (sī. pī.)], yā ca pakkhassa aṭṭhamī [aṭṭhamiṃ (sī. pī.)];
Pāṭihāriyapakkhañca, aṭṭhaṅgasusamāgatāṃ [aṭṭhaṅgasusamāhitāṃ (sabbattha) vi. va. 129
pāḷiyā aṭṭhakathā passitabbā];
Uposathaṃ upavasāmi [upavasiṃ (ka.)], sadā sīlesu saṃvutā.
116. Etena saccavajjena, putto uppajjataṃ ise;
Musā me bhaṇamānāya, muddhā phalatu sattadhā.
117. Sabbeva te dhammaguṇā, rājaputti yasassini;
Saṃvijjanti tayi bhadde, ye tvaṃ kittesi attani.
118. Khattiyo jātisampanno, abhijāto yasassimā;
Dhammarājā videhānaṃ, putto uppajjate tava [tavaṃ (sī. pī.)].
119. Dummī [rummī (sī. pī.)] rajojalladharo, aghe vehāyasaṃ ṭhito;
Manuññaṃ bhāsase vācaṃ, yaṃ mayhaṃ hadayaṅgamaṃ.
120. Devatānusi saggamhā, isi vāsi [cāpi (ka.)] mahiddhiko;
Ko vāsi tvaṃ anuppatto, attānaṃ me pavedaya.
121. Yaṃ devasaṅghā vandanti, sudhammāyaṃ samāgatā;
Sohaṃ sakko sahasakkho, āgatosmi tavantike.
122. Itthiyo [itthiyā (pī.)] jīvalokasmiṃ, yā hoti [honti (sī. syā.)] samacārinī [samacāriṇī (sī.)];
Medhāvinī sīlavatī, sassudevā patibbatā.

123. Tādisāya sumedhāya, sucikammāya nāriyā;
Devā dassanamāyanti, mānusiya amānusa.
124. Tvañca bhaddhe suciññena, pubbe sucaritena ca;
Idha rājakule jātā, sabbakāmasamiddhinī.
125. Ayañca te rājaputti, ubhayattha kaṭaggaho;
Devalokūpapattī ca, kittī ca idha jīvite.
126. Ciraṃ sumedhe sukhinī, dhammamattani pālaya;
Esāhaṃ tidivaṃ yāmi, piyaṃ me tava dassananti.

Surucijātakaṃ chaṭṭhaṃ.

490. Pañcuposathikajātakaṃ (7)

127. Apposukko dāni tuvaṃ kapota, vihaṅgama na tava bhojanattho;
Khudaṃ [khuddaṃ (syā. ka.), khudhaṃ (sakkata-pākatānurūpaṃ)] pipāsaṃ adhivāsayaṃto,
kasmā bhavaṃposathiko kapota [kapoto (sī. pī.)].
128. Ahaṃ pure giddhigato kapotiyā, asmiṃ padesasmimubho ramāma;
Athaggahī sākuṅiko kapotiṃ, akāmako tāya vinā ahoṣiṃ.
129. Nānābhavā vippayogena tassā, manomayaṃ vedana vedayāmi [vedanaṃ vediyāmi (sī. pī.)];
Tasmā ahaṃposathaṃ pālayāmi, rāgo mamaṃ mā punarāgamāsi.
130. Anujjugāmī uragā dujivha [uraga dvijivha (sī.)], dāṭhāvudho ghoravisosi sappa;
Khudaṃ pipāsaṃ adhivāsayaṃto, kasmā bhavaṃposathiko nu dīgha [dīgho (sī. pī.)].
131. Usabho ahū balavā gāmikassa, calakkakū vaṇṇabalūpapanno;
So maṃ akkami taṃ kupito aḍaṃsi, dukkhābhituṅṅo maraṇaṃ upāgā [upāgami (sī. pī.)].
132. Tato janā nikkhamitvāna gāmā, kanditvā roditvā [kanditva roditva (sī.)] apakkamiṃsu;
Tasmā ahaṃposathaṃ pālayāmi, kodho mamaṃ mā punarāgamāsi.
133. Matāna maṃsāni bahū susāne, manuññarūpaṃ tava bhojane taṃ;
Khudaṃ pipāsaṃ adhivāsayaṃto, kasmā bhavaṃposathiko siṅgāla [siṅgālo (sī. pī.)].
134. Pavisi [pavissaṃ (sī. pī.), pavissa (syā.)] kucchiṃ mahato gajassa, kuṇape rato hatthimaṃsesu
giddho [hatthimaṃse pagiddho (sī. pī.)];
Uṇho ca vāto tikhiṇā ca rasmiyo, te sosayaṃ tassa karīsamaggaṃ.
135. Kiso ca paṇḍū ca ahaṃ bhadante, na me ahū nikkhamanāya maggo;
Mahā ca meggho sahasā pavassi, so temayī tassa karīsamaggaṃ.
136. Tato ahaṃ nikkhamisaṃ bhadante, cando yathā rāhumukhā pamutto;
Tasmā ahaṃposathaṃ pālayāmi, lobho mamaṃ mā punarāgamāsi.
137. Vammīkathūpasmīṃ kipillikāni, nipphothayaṃto tuvaṃ pure carāsi;
Khudaṃ pipāsaṃ adhivāsayaṃto, kasmā bhavaṃposathiko nu accha [accho (sī. pī.)].
138. Sakaṃ niketaṃ atihīlayāno [atihe|ayāno (syā. ka.)], atricchatā [atricchatāya (sī. syā. pī.)]

mallagāmaṃ [malataṃ (sī. pī.), mallayataṃ (ka.)] agacchim;
Tato janā nikkhamitvāna gāmā, kodaṇḍakena paripothayimsu maṃ.

139. So bhinnasīso ruhiramakkhitaṅgo, paccāgamāsīm sakaṃ [sa sakaṃ (syā. ka.),'tha sakaṃ (?)]
niketaṃ;
Tasmā ahaṃposathaṃ pālayāmi, atricchatā mā punarāgamāsi.
140. Yaṃ no apucchittha tuvaṃ bhadante, sabbeva byākarimha yathā pajānaṃ;
Mayampi pucchāma tuvaṃ bhadante, kasmā bhavaṃposathiko nu brahme.
141. Anūpalitto mama assamamhi, paccekabuddho muhuttaṃ nisīdi;
So maṃ avedī gatimāgatiñca, nāmañca gottaṃ caraṇaṇca sabbaṃ.
142. Evampahaṃ vandi na [evampahaṃ naggahe (sī. pī.)] tassa pāde, na cāpi naṃ mānagatena
pucchim;
Tasmā ahaṃposathaṃ pālayāmi, māno mamaṃ mā punarāgamāsīti.

Pañcuposathikajātakam sattamaṃ.

491. Mahāmorajātakam (8)

143. Sace hi tyāhaṃ dhanahetu gāhito, mā maṃ vadhī jīvagāhaṃ gahetvā;
Rañño ca [rañño va (sī. pī.)] maṃ samma upantikaṃ [upanti (sī. syā. pī.)] nehi, maññe dhanaṃ
lacchasinapparūpaṃ.
144. Na me ayaṃ tuyha vadhāya ajja, samāhito cāpadhure [cāpavare (sī. pī.), cāpavaro (syā.)]
khurappo;
Pāsañca tyāhaṃ adhipātayissaṃ, yathāsukhaṃ gacchatu morarājā.
145. Yaṃ satta vassāni mamānubandhi, rattindivaṃ khuppipāsaṃ sahanto;
Atha kissa maṃ pāsavasūpanītaṃ, pamuttave icchasi bandhanasmā.
146. Pāṇātipātā virato nusajja, abhayaṃ nu te sabbabhūtesu dinnam;
Yaṃ maṃ tuvaṃ pāsavasūpanītaṃ, pamuttave icchasi bandhanasmā.
147. Pāṇātipātā viratassa brūhi, abhayañca yo sabbabhūtesu deti;
Pucchāmi taṃ morarājetamatthaṃ, ito cuto kiṃ labhate sukhaṃ so.
148. Pāṇātipātā viratassa brūmi, abhayañca yo sabbabhūtesu deti;
Diṭṭheva dhamme labhate pasamsaṃ, saggañca so yāti sarīrabhedā.
149. Na santi devā iti āhu [iccāhu (sī. pī.)] eke, idheva jīvo vibhavaṃ upeti;
Tathā phalaṃ sukata dukkaṭānaṃ, dattupaññattañca vadanti dānaṃ;
Tesaṃ vaco arahataṃ saddahāno, tasmā ahaṃ sakuṇe bādhayāmi.
150. Cando ca suriyo ca ubho sudassanā, gacchanti obhāsaya mantalikkhe;
Imassa lokassa parassa vā te, kathaṃ nu te āhu manussaloke.
151. Cando ca suriyo ca ubho sudassanā, gacchanti obhāsaya mantalikkhe;
Parassa lokassa na te imassa, devāti te āhu manussaloke.

152. Ettheva te nīhatā hīnavādā, ahetukā ye na vadanti kammaṃ;
Tathā phalaṃ sukata dukkaṭānaṃ, dattupaññattaṃ ye ca vadanti dānaṃ.
153. Addhā hi saccam vacanaṃ tavedaṃ [tavetaṃ (sī. syā. pī.)], kathañhi dānaṃ aphalaṃ bhaveyya
[vadeyya (sī. pī.)];
Tathā phalaṃ sukata dukkaṭānaṃ, dattupaññattañca kathaṃ bhaveyya.
154. Kathaṃkaro kintikaro kimācaram, kiṃ sevamāno kena tapoguṇena;
Akkhāhi [akkhāhi taṃ dāni (ka.)] me morarājetamatthaṃ, yathā ahaṃ no nirayaṃ pateyyaṃ.
155. Ye keci atthi samaṇā pathabyā, kāsāyavatthā anagāriyā te;
Pātova piṇḍāya caranti kāle, vikālacariyā viratā hi santo.
156. Te tattha kālenupasaṅkamtivā, pucchāhi yaṃ te manaso piyaṃ siyā;
Te te pavakkhanti yathāpajānaṃ, imassa lokassa parassa catthaṃ.
157. Tacaṃva jiṇṇaṃ urago purānaṃ, paṇḍūpalāsaṃ harito dumova;
Esappahīno mama luddabhāvo, jahāmahaṃ luddakabhāvamajja.
158. Ye cāpi me sakuṇā atthi baddhā, satānīnekāni nivesanasmiṃ;
Tesampahaṃ [tesaṃ ahaṃ (syā. ka.)] jīvītamajja dammi, mokkhañca te pattā [patta (sī.), accha (syā.)] sakaṃ nīketaṃ.
159. Luddo carī pāsahattho araññe, bādhetu morādhīpatiṃ yasassiṃ;
Bandhitvā [bandhitva (sī. pī.)] morādhīpatiṃ yasassiṃ, dukkhā sa pamucci [dukkhā pamucci (sī.), dukkhā pamañci (syā. pī.)] yathāhaṃ pamuttoti.

Mahāmorajātakaṃ aṭṭhamaṃ.

492. Tacchasūkarajātakaṃ (9)

160. Yadesamānā vicarimha, pabbatāni vanāni ca;
Anvesaṃ vicariṃ [vipule (syā. ka.)] ñātī, teme adhigatā mayā.
161. Bahuñcidaṃ mūlaphalaṃ, bhakkho cāyaṃ anappako;
Rammā cimā girīnājjo [girīnadiyo (sī. pī.)], phāsuvāso bhavissati.
162. Idhevāhaṃ vasissāmi, saha sabbehi ñātibhi;
Apposukko nirāsānkī, asoko akutobhaya.
163. Aññampi [aññaṃ hi (sī. pī.)] leṇaṃ pariyesa, sattu no idha vijjati;
So taccha sūkare hanti, idhāgantvā varaṃ varaṃ.
164. Ko numhākaṃ [ko namhākaṃ (sī. pī.)] idha sattu, ko ñātī susamāgate;
Duppadaṃse [appaḍaṃse (sī. pī.)] padhaṃseti, taṃ me akkhātha pucchitā.
165. Uddhagarājī migarājā, balī dāṭhāvudho migo;
So taccha sūkare hanti, idhāgantvā varaṃ varaṃ.
166. Na no dāṭhā na vijjanti [nu vijjanti (ka.)], balaṃ kāye samohitaṃ;
Sabbe samaggā hutvāna, vasaṃ kāhāma ekakaṃ.

167. Hadayaṅgamaṃ kaṇṇasukhaṃ, vācaṃ bhāsasi tacchaka;
Yopi yuddhe palāyeyya, tampi pacchā hanāmase.
168. Pāṇātipātā virato nu ajja, abhayaṃ nu te sabbabhūtesu dinnam;
Dāṭhā nu te migavadhāya [miga viriyam (sī. syā. pī.)] na santi, yo saṅghapatto kapaṇova
jhāyasi.
169. Na me dāṭhā na vijjanti, balaṃ kāye samohitaṃ;
Ñātī ca disvāna sāmaggī ekato, tasmā ca jhāyāmi vanamhi ekako.
170. Imassudaṃ yanti disodisaṃ pure, bhayaṭṭitā leṇagavesino puthu;
Te dāni saṅgamma vasanti ekato, yatthaṭṭhitā duppasahajja te mayā.
171. Pariṇāyakasampannā, sahitā ekavādino;
Te maṃ samaggā himseyyūṃ, tasmā nesam na patthaye [apatthave (pī.)].
172. Ekova indo asure jināti, ekova seno hanti dije pasayha;
Ekova byaggho migasaṅghapatto, varam varam hanti balañhi tādisaṃ.
173. Na heva indo na seno, napi byaggho migādhipo;
Samagge sahite ñātī, na byagge [byagge ca (sī. pī.), byaggho na (syā.)] kurute vase.
174. Kumbhīlakā sakuṇakā, saṅghino gaṇacārino;
Sammodamānā ekajjhaṃ, uppatanti ḍayanti ca.
175. Tesaṅca ḍayamānānaṃ, ekettha apasakkati [apavattati (sī. pī.)];
Taṅca seno nitāleti, veyyagghiyeva sā gati.
176. Ussāhito jaṭilena, luddenāmisacakkhunā;
Dāṭhī dāṭhīsu pakkhandi, maññamāno yathā pure.
177. Sādhu sambahulā ñātī, api rukkhā araññajā;
Sūkarehi samaggehi, byaggho ekāyane hatto.
178. Brāhmaṇaṅceva byagghaṅca, ubho hantvāna sūkarā.
Ānandino pamuditā, mahānādaṃ panādisuṃ.
179. Te su udumbaramūlasmiṃ, sūkarā susamāgatā;
Tacchakaṃ abhisiñciṃsu, “tvam no rājāsī issaro”’ti.

Tacchasūkarajātakaṃ navamaṃ.

493. Mahāvāṇijātakam (10)

180. Vāṇijā samitiṃ katvā, nānāraṭṭhato āgatā;
Dhanāharā pakkamiṃsu, ekaṃ katvāna gāmaṇiṃ.
181. Te taṃ kantāramāgamma, appabhakkhaṃ anodakaṃ;
Mahānigrodhamaddakkhuṃ, sītacchāyaṃ manoramam.
182. Te ca tattha nisīditvā, tassa rukkhassa chāyayā [chādiyā (sī. syā. pī.)];
Vāṇijā samacintesuṃ, bālā mohena pārutā.

183. Allāyate [addāyate (sī. pī.)] ayam rukkho, api vārīva [vāri ca (sī. pī.)] sandati;
Inghassa purimaṃ sākhaṃ, mayam chindāma vāṇijā.
184. Sā ca chinnāva pagghari, acchaṃ vāriṃ anāvilaṃ;
Te tattha nhatvā pivitvā, yāvaticchiṃsu vāṇijā.
185. Dutiyaṃ samacintesuṃ, bālā mohena pārutā;
Inghassa dakkhiṇaṃ sākhaṃ, mayam chindāma vāṇijā.
186. Sā ca chinnāva pagghari, sālīmaṃsodanaṃ bahuṃ;
Appodavaṇṇe kummāse, siṅgiṃ vidalasūpiyo [siṅgiṃ bidalasūpiyo (sī. pī.), siṅgīveraṃ
lasūpiyo (ka.) siṅgīnti siṅgīverādikaṃ uttaribhaṅgaṃ; vidalasūpiyoti muggasūpādayo (aṭṭha.)
vidalaṃ kalāyādimhi vattatī sakkatābhidhāne].
187. Te tattha bhutvā khādītva [bhutvā ca pivitvā ca (pī.)], yāvaticchiṃsu vāṇijā;
Tatiyaṃ samacintesuṃ, bālā mohena pārutā;
Inghassa pacchimaṃ sākhaṃ, mayam chindāma vāṇijā.
188. Sā ca chinnāva pagghari, nāriyo samalaṅkatā;
Vicitravatthābharaṇā, āmuttamaṅkūḍalā.
189. Api su vāṇijā ekā, nāriyo paṇṇavīsati;
Samantā parivāriṃsu [parikarīṃsu (sī. syā. pī.)], tassa rukkhassa chāyayā [chādiyā (sī. syā.
pī.)].
190. Te tāhi paricāretvā [parivāretvā (sī. syā. pī.)], yāvaticchiṃsu vāṇijā;
Catutthaṃ samacintesuṃ, bālā mohena pārutā;
Inghassa uttaraṃ sākhaṃ, mayam chindāma vāṇijā.
191. Sā ca chinnāva pagghari, muttā veḷuriyā bahū;
Rajataṃ jātarūpaṅca, kuttiyo paṭiyāni ca.
192. Kāsikāni ca vatthāni, uddiyāni ca kambalā [uddiyāne ca kambale (sī. pī.)];
Te tattha bhāre bandhitvā, yāvaticchiṃsu vāṇijā.
193. Pañcamaṃ samacintesuṃ, bālā mohena pārutā;
Inghassa mūle [mūlaṃ (sī. pī. ka.)] chindāma, api bhiyyo labhāmase.
194. Athuṭṭhahi satthavāho, yācamāno kataṅjalī;
Nigrodho kiṃ parajjhati [aparajjhatha (sī.), aparajjhati (syā. pī.)], vāṇijā bhaddamatthu te.
195. Vāridā purimā sākā, annapānaṅca dakkhiṇā;
Nāridā pacchimā sākā, sabbakāme ca uttarā;
Nigrodho kiṃ parajjhati, vāṇijā bhaddamatthu te.
196. Yassa rukkhassa chāyāya, nisīdeyya sayeyya vā;
Na tassa sākhaṃ bhaṅjeyya, mittadubbho hi pāpako.
197. Te ca tassānādiyitvā [tassa anādītva (sī. syā.)], ekassa vacanaṃ bahū;
Nisitāhi kuṭhārīhi [kudhārīhi (ka.)], mūlato naṃ upakkamuṃ.
198. Tato nāgā nikkhamiṃsu, sannaddhā paṇṇavīsati;

Dhanuggahānaṃ tisaṭā, chasahassā ca vammīno.

199. Ete hanatha bandhatha, mā vo muñcitta [muccittha (pī.)] jīvitam;
Thapetvā sathavāhaṃva, sabbe bhasmaṃ [bhasmī (sī.)] karotha ne.
200. Tasmā hi paṇḍito poso, sampassaṃ atthamattano;
Lobhassa na vasaṃ gacche, haneyyārisakaṃ [haneyya disataṃ (sī.), haneyya disakaṃ (syā.)]
manaṃ.
201. Eva [eta (sī. pī.)] mādīnavaṃ ñatvā, taṇhā dukkhassa sambhavaṃ;
Vītataṇho anādāno, sato bhikkhu paribbajeti.

Mahāvāṇijātakam dasamaṃ.

494. Sādhinajātakam (11)

202. Abbhuto vata lokasmiṃ, uppajji lomahaṃsano;
Dibbo ratho pāturaḥ, vedehassa yasassino.
203. Devaputto mahiddhiko, mātali [mātalī (sī.)] devasārathi;
Nimantayittha rājānaṃ, vedehaṃ mithilaggahaṃ.
204. Ehimam rathamāruya, rājasetṭha disampati;
Devā dassanakāmā te, tāvatimsā saindakā;
Saramānā hi te devā, sudhammāyaṃ samacchare.
205. Tato ca rājā sādhino [sādhīno (sī. pī.)], vedeho mithilaggaho [pamukho rathamāruhi (sī. pī.)];
Sahassayuttamāruya [yuttaṃ abhiruya (sī.)], agā devāna santike;
Taṃ devā paṭinandimsu, disvā rājānamāgataṃ.
206. Svāgataṃ te mahārāja, atho te adurāgataṃ;
Nisīda dāni rājīsī [rājīsī (sī. syā. pī.)], devarājassa santike.
207. Sakkopi paṭinandittha, vedehaṃ mithilaggahaṃ;
Nimantayittha [nimantayī ca (sī. pī.)] kāmehi, āsanena ca vāsavo.
208. Sādhu khosi anupatto, āvāsaṃ vasavattinaṃ;
Vasa devesu rājīsī, sabbakāmasamiddhisu;
Tāvatimsesu devesu, bhuñja kāme amānuse.
209. Ahaṃ pure saggagato ramāmi, naccehi gītehi ca vāditehi;
So dāni ajja na ramāmi sagge, āyuṃ nu khīṇo [khīṇam (syā.)] maraṇam nu santike;
Udāhu mūḷhosmi janindasetṭha.
210. Na tāyu [na cāyu (sī. pī. ka.)] khīṇam maraṇaṇca [maraṇam te (sī. pī.)] dūre, na cāpi mūḷho
naravīraseṭṭha;
Tuyhaṇca [tavaṇca (sī. pī.), tava ca (ka.)] puññāni parittakāni, yesam vipākaṃ idha vedayittho
[vedayato (pī. ka.)].
211. Vasa devānubhāvena, rājasetṭha disampati;
Tāvatimsesu devesu, bhuñja kāme amānuse.

212. Yathā yācitakaṃ yānaṃ, yathā yācitakaṃ dhanāṃ;
Evaṃ sampadamevetāṃ, yaṃ parato dānapaccayā.
213. Na cāhametamicchāmi, yaṃ parato dānapaccayā;
Sayaṃkatāni puññāni, taṃ me āveṇikaṃ [āveṇiyaṃ (sī. syā. pī.), āveṇikaṃ (ka.)] dhanāṃ.
214. Sohaṃ gantvā manussesu, kāhāmi kusalaṃ bahuṃ;
Dānena samacariyāya, saṃyameṇa damena ca;
Yaṃ katvā sukhito hoti, na ca pacchānutappatī.
215. Imāni tāni khettāni, imaṃ nikkhaṃ sukuṇḍalaṃ;
Imā tā haritānūpā, imā najjo savantiyo.
216. Imā tā pokkharāṇi rammā, cakkavākapakūjitā [cakkavākūpakūjitā (sī. pī.)];
Mandālakehi sañchannā, padumuppalakehi ca;
Yassimāni mamāyimsu, kiṃ nu te disataṃ gatā.
217. Tānīdha khettāni so bhūmibhāgo, teyeva ārāmavanupacārā [te ārāmā te vana' me pacārā (sī. pī.), te yeva ārāmavanāni sañcarā (ka.)];
Tameva mayhaṃ janataṃ apassato, suññaṃva me nārada khāyate disā.
218. Diṭṭhā mayā vimānāni, obhāsentā catuddisā;
Sammukhā devarājassa, tidasānañca sammukhā.
219. Vutthaṃ me bhavanaṃ dibyaṃ [dibbaṃ (sī. pī.)], bhuttā kāmā amānūsā;
Tāvatiṃsesu devesu, sabbakāmasamiddhisu.
220. Sohaṃ etādisaṃ hitvā, puññāyamhi idhāgato;
Dhammeva carissāmi, nāhaṃ rajjena atthiko.
221. Adaṇḍāvacaraṃ maggaṃ, sammāsambuddhadesitaṃ;
Taṃ maggaṃ paṭipajjissaṃ, yena gacchanti subbatāti.

Sādhinajātakaṃ [sādhinarājajātakaṃ (syā.)] ekādasamaṃ.

495. Dasabrāhmaṇajātakaṃ (12)

222. Rājā avoca vidhuraṃ, dhammakāmo yudhiṭṭhilo;
Brāhmaṇe vidhura pariyesa, sīlavante bahussute.
223. Virate methunā dhammā, ye me bhuñjeyyu [bhuñjeyyuṃ (sī.)] bhojanaṃ;
Dakkhiṇaṃ samma dassāma, yattha dinnaṃ mahapphalaṃ.
224. Dullabhā brāhmaṇā deva, sīlavanto bahussutā;
Viratā methunā dhammā, ye te bhuñjeyyu bhojanaṃ.
225. Dasa khalu mahārāja, yā tā brāhmaṇajātiyo;
Tesaṃ vibhaṅgaṃ vicayaṃ [viciya (ka.)], vitthārena suṇohi me.
226. Pasibbake gahetvāna, puñṇe mūlassa saṃvute;
Osadhikāyo [osadhikāye (syā. ka.)] ganthenti, nhāpayanti [nahāyanti (sī. pī.)] japanti ca.

227. Tikicchakasamā rāja, tepi vuccanti brāhmaṇā;
Akkhātā te mahārāja, tādise nipatāmase.
228. Apetā te ca [te (sī. pī.)] brahmaññā,
(Iti rājā [rājā ca (syā. ka.)] korabyo)
Na te vuccanti brāhmaṇā;
Aññe vidhura pariyesa, sīlavante bahussute.
229. Virate methunā dhammā, ye me bhuñjeyyu bhojanam;
Dakkhiṇam samma dassāma, yattha dinnam mahapphalam.
230. Kiṅkiṇikāyo [kiṅkiṇikāyo (ka.), kiṅkiṇiyo (syā.)] gahetvā [gahetvāna (sī. syā. pī.)], ghosenti
puratopi te;
Pesānānīpi gacchanti, rathacariyāsu sikkhare.
231. Paricārakasamā rāja, tepi vuccanti brāhmaṇā;
Akkhātā te mahārāja, tādise nipatāmase.
232. Apetā te ca brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
233. Virate methunā dhammā, ye me bhuñjeyyu bhojanam;
Dakkhiṇam samma dassāma, yattha dinnam mahapphalam.
234. Kamaṇḍaluṃ gahetvāna, vaṅkadaṇḍaṅca brāhmaṇā;
Paccupessanti rājāno, gāmesu nigamesu ca;
Nādinne vuṭṭhahissāma, gāmamhi vā vanamhi vā [vāmamhi ca vanamhi ca (sī. pī.), gāmamhi
nigamamhi vā (syā.)].
235. Niggāhakasamā rāja, tepi vuccanti brāhmaṇā;
Akkhātā te mahārāja, tādise nipatāmase.
236. Apetā te ca brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
237. Virate methunā dhammā, ye me bhuñjeyyu bhojanam;
Dakkhiṇam samma dassāma, yattha dinnam mahapphalam.
238. Parūḷhakacchanakhalomā, paṅkadantā rajassirā;
Okīṇṇā rajareṇūhi, yācakā vicaranti te.
239. Khāṇughātasamā rāja, tepi vuccanti brāhmaṇā;
Akkhātā te mahārāja, tādise nipatāmase.
240. Apetā te ca brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.

241. Virate methunā dhammā, ye me bhuñjeyyu bhojanam;
Dakkhiṇam samma dassāma, yattha dinnam mahapphalam.
242. Harītakam [harītakam (bahūsu)] āmalakam, ambaṃ jambuṃ vibhītakam
[ambajambuvibhītakam (sī. pī.)];
Labujam dantapoṇāni, beluvā badarāni ca.
243. Rājāyatanam ucchu-putam, dhūmanettam madhu-añjanam;
Uccāvacaṇi paṇiyāni, vipaṇenti janādhipa.
244. Vāṇijakasamā rāja, tepi vuccanti brāhmaṇā;
Akkhātā te mahārāja, tādise nipatāmase.
245. Apetā te ca brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
246. Virate methunā dhammā, ye me bhuñjeyyu bhojanam;
Dakkhiṇam samma dassāma, yattha dinnam mahapphalam.
247. Kasi-vāṇijam [kasim vāṇijam (sī. pī.)] kārenti, posayanti ajeḷake;
Kumāriyo paveccanti, vivāhantāvahanti ca.
248. Samā ambaṭṭhavessehi, tepi vuccanti brāhmaṇā;
Akkhātā te mahārāja, tādise nipatāmase.
249. Apetā te ca brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
250. Virate methunā dhammā, ye me bhuñjeyyu bhojanam;
Dakkhiṇam samma dassāma, yattha dinnam mahapphalam.
251. Nikkhittabhikkham bhuñjanti, gāmesveke purohitā;
Bahū te [ne (syā. ka.)] paripucchanti, aṇḍacchedā nilañchakā [tilañchakā (pī.)].
252. Pasūpi tattha haññanti, mahimsā sūkarā ajā;
Goghātakasamā rāja, tepi vuccanti brāhmaṇā;
Akkhātā te mahārāja, tādise nipatāmase.
253. Apetā te brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
254. Virate methunā dhammā, ye me bhuñjeyyu bhojanam;
Dakkhiṇam samma dassāma, yattha dinnam mahapphalam.
255. Asicammaṃ gahetvāna, khaggaṃ paggayha brāhmaṇā;
Vessapathesu tiṭṭhanti, sattham abbāhayantipi.

256. Samā gopanisādehi, tepi vuccanti brāhmaṇā;
Akkhātā te mahārāja, tādise nipatāmase.
257. Apetā te brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
258. Virate methunā dhammā, ye me bhuñjeyyu bhojanaṃ;
Dakkhiṇaṃ samma dassāma, yattha dannaṃ mahapphalaṃ.
259. Araññe kuṭikaṃ katvā, kūṭāni kārayanti te;
Sasabhiḷāre bādhenti, āgodhā macchakacchapam.
260. Te luddakasamā rāja [luddakā te mahārāja (sī. pī.)], tepi vuccanti brāhmaṇā;
Akkhātā te mahārāja, tādise nipatāmase.
261. Apetā te brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
262. Virate methunā dhammā, ye me bhuñjeyyu bhojanaṃ;
Dakkhiṇaṃ samma dassāma, yattha dannaṃ mahapphalaṃ.
263. Aññe dhanassa kāmā hi, heṭṭhāmañce pasakkitā [pasakkhitā (sī. syā. pī.)];
Rājāno upari nhāyanti, somayāge upaṭṭhite.
264. Malamajjakasamā rāja, tepi vuccanti brāhmaṇā;
Akkhātā te mahārāja, tādise nipatāmase.
265. Apetā te brahmaññā,
(Iti rājā korabyo)
Na te vuccanti brāhmaṇā;
Aññe vidhura pariyesa, sīlavante bahussute.
266. Virate methunā dhammā, ye me bhuñjeyyu bhojanaṃ;
Dakkhiṇaṃ samma dassāma, yattha dannaṃ mahapphalaṃ.
267. Atthi kho brāhmaṇā deva, sīlavanto bahussutā;
Viratā methunā dhammā, ye te bhuñjeyyu bhojanaṃ.
268. Ekañca bhattaṃ bhuñjanti, na ca majjaṃ pivanti te;
Akkhātā te mahārāja, tādise nipatāmase.
269. Ete kho brāhmaṇā vidhura, sīlavanto bahussutā;
Ete vidhura pariyesa, khippaṇca ne [khippaṃva ne (ka.)] nimantayāti.

Dasabrāhmaṇajātakaṃ dvādasamaṃ.

496. Bhikkhāparamparajātakaṃ (13)

270. Sukhumālarūpaṃ disvā [disvāna (ka. sī. aṭṭha.)], raṭṭhā vivanamāgataṃ;
Kūṭāgaravarūpetam, mahāsayanamupāsitaṃ [mupocitaṃ (bahūsu)].
271. Tassa te pemakenāhaṃ, adāsiṃ vaḍḍhamodanaṃ [baddhamodanaṃ (sī. pī.)];
Sālīnaṃ vicitaṃ bhattaṃ, suciṃ maṃsūpasecanaṃ.
272. Taṃ tvaṃ bhattaṃ paṭiggayha, brāhmaṇassa adāsayi [adāpayi (sī. syā. pī.)];
Attānaṃ [attanā (pī. aṭṭha. pāṭhantaram)] anasitvāna, koyaṃ dhammo namatthu te.
273. Ācariyo brāhmaṇo mayhaṃ, kiccākiccesu byāvaṭo [vāvaṭo (ka.)];
Garu ca āmantaṇīyo [āmantaṇīyo (sī. pī.)] ca, dātumarahāmi bhojanaṃ.
274. Brāhmaṇaṃ dāni pucchāmi, gotamaṃ rājapūjitaṃ;
Rājā te bhattaṃ pādāsi, suciṃ maṃsūpasecanaṃ.
275. Taṃ tvaṃ bhattaṃ paṭiggayha, isissa bhojanaṃ adā;
Akhettaññūsi dānassa, koyaṃ dhammo namatthu te.
276. Bharāmi putta [putte (sī. pī.)] dāre ca, gharesu gadhito [gathito (sī. pī.)] ahaṃ;
Bhuñje mānusaḥ kāme, anusāsāmi rājino.
277. Āraññikassa [āraññakassa (sī. pī.)] isino, cirarattaṃ tapassino;
Vuḍḍhassa bhāvitattassa, dātumarahāmi bhojanaṃ.
278. Isiṅca dāni pucchāmi, kisaṃ dhamanisanthataṃ;
Parūḷhakacchanakhalomaṃ, paṅkadantaṃ rajassiraṃ.
279. Eko araññe viharasi [vihāsi (ka.)], nāvakaṅkhasi jīvitaṃ;
Bhikkhu kena tayā seyyo, yassa tvaṃ bhojanaṃ adā.
280. Khaṇantālulukalambāni [khaṇamālulukalambāni (syā. ka.)], bilālitakkaḷāni ca [biḷālitakkaḷāni ca (sī. pī.)];
Dhunaṃ sāmākanīvāraṃ, saṅghāriyaṃ pasāriyaṃ [saṃghāriyaṃ pahāriyaṃ (syā.), saṃsāriyaṃ pasāriyaṃ (ka.)].
281. Sākaṃ bhisam madhuṃ maṃsaṃ, badarāmalakāni ca;
Tāni āharitvā [āhatva (sī. syā.)] bhuñjāmi, atthi me so pariggaho.
282. Pacanto apacantassa, amamassa sakiṅcano [akiṅcano (ka.)];
Anādānassa sādāno, dātumarahāmi bhojanaṃ.
283. Bhikkhuṅca dāni pucchāmi, tuṅhīmāsīna subbataṃ;
Isi te bhattaṃ pādāsi, suciṃ maṃsūpasecanaṃ.
284. Taṃ tvaṃ bhattaṃ paṭiggayha, tuṅhī bhuñjasi ekako;
Nāññaṃ kañci [kiñci (ka.)] nimantesi, koyaṃ dhammo namatthu te.
285. Na pacāmi na pācemi, na chindāmi na chedaye;
Taṃ maṃ akiṅcanaṃ ñatvā, sabbapāpehi ārataṃ.
286. Vāmena bhikkhamādāya, dakkhiṇena kamaṇḍaluṃ;
Isi me bhattaṃ pādāsi, suciṃ maṃsūpasecanaṃ.

287. Ete hi dātumarahanti, samamā sapariggahā;
Paccanīkamahaṃ maññe, yo dātāraṃ nimantaye.
288. Atthāya vata me ajja, idhāgacchi rathesabho;
Sohaṃ ajja pajānāmi [ito pubbe na jānāmi (sī. pī.)], yattha dinnāṃ mahapphalāṃ.
289. Raṭṭhesu giddhā rājāno, kiccākiccesu brāhmaṇā;
Isī mūlaphale giddhā, vippamuttā ca bhikkhavoti.

Bhikkhāparamparajātakaṃ terasamaṃ.

Tassuddānaṃ –

Suva kinnara mukka kharājinaso, bhisajāta mahesi kapotavaro;
Atha mora satacchaka vāṇijako, atha rāja sabrāhmaṇa bhikkhaparanti.

Pakiṇṇakanipātaṃ niṭṭhitāṃ.

15. Vīsatinipāto

497. Mātaṅgajātakaṃ (1)

1. Kuto nu āgacchasi dummavāsī [rummavāsī (sī. pī.)], otallako paṃsupisācakova;
Sañkāracoḷaṃ paṭimuñca [paṭimucca (sī. pī.)] kaṅṭhe, ko re tuvaṃ hosi [hohisi (sī. pī.)]
adakkhiṇeyyo.
2. Annaṃ tavedaṃ [tava idaṃ (ka. sī. pī.), tavayidaṃ (syā.)] pakataṃ yasassi, taṃ khajjare
bhuñjare piyyare ca;
Jānāsi maṃ tvaṃ paradattūpajīviṃ, uttiṭṭhapiṇḍaṃ labhataṃ sapāko.
3. Annaṃ mamedāṃ [mama idaṃ (ka. sī. pī.), mamayidaṃ (syā.)] pakataṃ brāhmaṇānaṃ,
attatthāya saddahato mamedāṃ [mama idaṃ (ka. sī. pī.), mamayidaṃ (syā.)];
Apehi etto kimidhaṭṭhitosi, na mādisā tuyhaṃ dadanti jamma.
4. Thale ca ninne ca vapanti bījaṃ, anūpakhethe phalamāsamānā [māsasānā (sī. pī.), māsim
samānā (syā.)];
Etāya saddhāya dadāhi dānaṃ, appeva ārādhaye dakkhiṇeyye.
5. Khettāni mayhaṃ viditāni loke, yesāhaṃ bījāni patiṭṭhapemi;
Ye brāhmaṇā jātimantūpapannā, tānīdha khettāni supesalāni.
6. Jātimado ca atimānitā ca, lobho ca doso ca mado ca moho;
Ete aguṇā yesu ca santi [yesu vasanti (sī. pī.)] sabbe, tānīdha khettāni apesalāni.
7. Jātimado ca atimānitā ca, lobho ca doso ca mado ca moho;
Ete aguṇā yesu na santi sabbe, tānīdha khettāni supesalāni.
8. Kvettha gatā [kvattha gatā (syā.), kattheva bhaṭṭhā (pī.)] upajotiyo ca, upajjhāyo ca athavā
gaṇḍakucchi [aṇḍakucchi (sī. syā. pī.)];
Imassa daṇḍaṇca vadhaṇca datvā, gale gahetvā khalayātha [galayātha (ka.)] jammaṃ.

9. Giriṃ nakhena khaṇasi, ayo dantehi [dantena (sī. pī.)] khādasi;
Jāavedaṃ padahasi, yo isiṃ paribhāsasi.
10. Idaṃ vatvāna mātāṅgo, isi saccaparakkamo;
Antalikkhasmiṃ pakkāmi [pakkami (ka.)], brāhmaṇānaṃ udikkhatam.
11. Āvellitaṃ [aveṭhitaṃ (sī. pī.)] piṭṭhito uttamaṅgaṃ, bāhuṃ [bāham (sī. pī.)] pasāreti
akammaneyyaṃ [akampaneyyaṃ (ka.)];
Setāni akkhīni yathā matassa, ko me imaṃ puttamakāsi evaṃ.
12. Idhāgamā samaṇo dummavāsī, otallako paṃsupisācakova;
Saṅkāracoḷaṃ paṭimuñca kaṇṭhe, so te imaṃ puttamakāsi evaṃ.
13. Katamaṃ disaṃ agamā bhūripañño, akkhātha me māṇavā etamattham;
Gantvāna taṃ paṭikaremu accayaṃ, appeva naṃ putta labhemu jīvitam.
14. Vehāyasaṃ agamā bhūripañño, pathaddhuno pannaraseva cando;
Api cāpi so purimadisam agacchi, saccapaṭiñño isi sādthurūpo.
15. Āvellitaṃ piṭṭhito uttamaṅgaṃ, bāhuṃ pasāreti akammaneyyaṃ;
Setāni akkhīni yathā matassa, ko me imaṃ puttamakāsi evaṃ.
16. Yakkhā have santi mahānubhāvā, anvāgatā isayo sādthurūpā;
Te duṭṭhacittaṃ kupitaṃ veditvā, yakkhā hi te puttamakāṃsu evaṃ.
17. Yakkhā ca me puttamakāṃsu evaṃ, tvaññeva me mā kuddho [kuddha (ka.)] brahmacāri;
Tumheva [tuyheva (ka.)] pāde saraṇaṃ gatāsmi, anvāgatā puttasokena bhikkhu.
18. Tadeva hi etarahi ca mayham, manopadoso na mamatthi [mama natthi (pī.)] koci;
Putto ca te vedamadena matto, atthaṃ na jānāti adhicca vede.
19. Addhā have bhikkhu muhuttakena, sammuyhateva purisassa saññā;
Ekāparādham [etāparādham (ka.)] khama bhūripañña, na paṇḍitā kodhabalā bhavanti.
20. Idañca mayham uttiṭṭhapiṇḍam, tava [natthi sī. pī. potthakesu] maṇḍabyo bhuñjatu appapañño;
Yakkhā ca te naṃ [te puttaṃ (syā.)] na viheṭṭhayeyyūṃ, putto ca te hessati [hohiti (sī. pī.)] so arogo.
21. Maṇḍabya bālosi parittapañño, yo puññakhettānamakovidosi;
Mahakkasāvesu dadāsi dānaṃ, kiliṭṭhakammesu asaññatesu.
22. Jaṭā ca kesā ajinā nivatthā, jarūdapānaṃva mukhaṃ parūḷham;
Pajaṃ imaṃ passatha dummarūpaṃ [rummarūpiṃ (sī. pī.)], na jaṭājinaṃ tāyati appapaññaṃ.
23. Yesam rāgo ca doso ca, avijjā ca virājitā;
Khīṇāsavā arahanto, tesu dinnaṃ mahapphalanti.

Mātaṅgajātakaṃ paṭhamam.

498. Cittasambhūtajātakaṃ (2)

24. Sabbaṃ narānaṃ saphalaṃ suciṇṇaṃ, na kammunā kiñcana moghamatthi;

- Passāmi sambhūtaṃ mahānubhāvaṃ, sakammunā puññaphalūpapannaṃ.
25. Sabbaṃ narānaṃ saphalaṃ suciṇṇaṃ, na kammunā kiñcana moghamatthi;
Kaccinnu cittassapi evamevaṃ, iddho mano tassa yathāpi mayhaṃ.
26. Sabbaṃ narānaṃ saphalaṃ suciṇṇaṃ, na kammunā kiñcana moghamatthi;
Cittampi jānāhi [cittaṃ vijānāhi (sī. pī.)] tatheva deva, iddho mano tassa yathāpi tuyhaṃ.
27. Bhavaṃ nu citto sutamaññato te, udāhu te koci naṃ etadakkhā;
Gāthā sugītā na mamatthi kañkhā, dadāmi te gāmvaram satañca.
28. Na cāhaṃ citto sutamaññato me, isī ca me etamatthaṃ asaṃsi;
“Gantvāna rañño paṭigāhi [paṭigāyi (syā. ka.), paṭigāya (?)] gāthaṃ, api te varaṃ attamano dadeyya” [api nu te varaṃ attamano dadeyya (syā.), api nu te attamano varaṃ dade (ka.)].
29. Yojentu ve rājarathe, sukate cittasibbane;
Kaccaṃ nāgānaṃ bandhatha, gīveyyaṃ paṭimuñcatha.
30. Āhaññantu [āhaññare (syā.)] bherimudiṅgasankhe [sankhā (syā.)], sīghāni yānāni ca
yojayantu;
Ajjevahaṃ assamaṃ taṃ gamissaṃ, yattheva dakkhissamiṃ nisinnaṃ.
31. Suladdhalābho vata me ahosi, gāthā sugītā parisāya majjhe;
Svāhaṃ isiṃ silavatūpapannaṃ, disvā patīto sumanohamasmi.
32. Āsanaṃ udakaṃ pajjaṃ, paṭiggaṇhātu no bhavaṃ;
Agghe bhavantaṃ pucchāma, agghaṃ kurutu no bhavaṃ.
33. Rammañca te āvasathaṃ karontu, nārīgaṇehi paricārayassu;
Karo hi okāsamanuggahāya, ubhopi maṃ issariyaṃ karoma.
34. Disvā phalaṃ duccharitassa rāja, atho suciṇṇassa mahāvīpākaṃ;
Attānameva paṭisaṃyamissaṃ, na patthaye putta [puttaṃ (sī. pī.)] pasuṃ dhanam vā.
35. Dasevimā vassadasā, maccānaṃ idha jīvitam;
Apattaññeva taṃ odhiṃ, naḷo chinnova sussati.
36. Tattha kā nandi kā khiḍḍā, kā ratī kā dhanesanā;
Kiṃ me puttehi dārehi, rāja muttosmi bandhanā.
37. Sohaṃ evaṃ pajānāmi [so ahaṃ suppajānāmi (sī. pī.)], maccu me nappamajjati;
Antakenādhīpanassa, kā ratī kā dhanesanā.
38. Jāti narānaṃ adhamā janinda, caṇḍālayoni dvīpadākaniṭṭhā [dīpadākaniṭṭhā (sī. pī.)];
Sakehi kammehi supāpakehi, caṇḍālagabbhe [caṇḍāligabbhe (syā.)] avasimha pubbe.
39. Caṇḍālāhumha avantīsu, migā nerañjaraṃ pati;
Ukkusā nammadātīre [rammadātīre (syā. ka.)], tyajja brāhmaṇakhattiyā.
40. Upanīyati jīvitamappamāyu, jarūpanītassa na santi tāṇā;
Karo hi pañcāla mameta [mameva (syā. ka.)] vākyam, mākāsi kammāni dukkhudrayāni.

41. Upanīyati jīvitamappamāyu, jarūpanītassa na santi tāṇā;
Karoḥi pañcāla mameta vākyam, mākāsi kammāni dukkhapphalāni.
42. Upanīyati jīvitamappamāyu, jarūpanītassa na santi tāṇā;
Karoḥi pañcāla mameta vākyam, mākāsi kammāni rajassirāni.
43. Upanīyati jīvitamappamāyu, vaṇṇam jarā hanti narassa jīyyato;
Karoḥi pañcāla mameta vākyam, mākāsi kammaṃ nirayūpapattiyā.
44. Addhā hi saccam vacanam tavetaṃ, yathā isī bhāsasi evametaṃ;
Kāmā ca me santi anapparūpā, te duccajā mādisakena bhikkhu.
45. Nāgo yathā paṅkamajjhe byasanno, passam thalam nābhisambhoti gantum;
Evampaham [evamaham (syā.)] kāmapaṅke byasanno, na bhikkhuno maggamanubbajāmi.
46. Yathāpi mātā ca pitā ca puttam, anusāsare kinti sukhī bhavyeaya;
Evampi maṃ tvaṃ anusāsa bhante, yathā ciraṃ [yamācaram (sī. pī. ka. aṭṭha.)] pecca sukhī bhavyeyam.
47. No ce tuvaṃ ussahase janinda, kāme ime mānusake pahātum;
Dhammiṃ [dhammam (sī. pī.)] baliṃ paṭṭhapayassu rāja, adhammakāro tava [adhammakāro ca te (sī. syā. pī.)] māhu raṭṭhe.
48. Dūtā vidhāvantu disā catasso, nimantakā samaṇabrāhmaṇānam;
Te annapānena upaṭṭhahassu, vatthena senāsanapaccayena ca.
49. Annena pānena pasannacitto, santappaya samaṇabrāhmaṇe ca;
Datvā ca bhutvā ca yathānubhāvaṃ, anindito saggamupehi [mupeti (pī. ka.)] ṭhānam.
50. Sace ca taṃ rāja mado saheyya, nārīgaṇehi paricārayantaṃ;
Imameva gāthaṃ manasī karoḥi, bhāsesi [bhāsehi (syā. pī. ka.)] cemaṃ parisāya majjhe.
51. Abbhokāsayo jantu, vajantyā khīrapāyito;
Parikiṇṇo suvānehi [supinehi (sī. pī.)], svājja rājāti vuccatīti.

Cittasambhūtajātakam dutiyam.

499. Sivijātakam (3)

52. Dūre apassam therova, cakkhum yāciturāgato;
Ekanettā bhavissāma, cakkhum me dehi yācito.
53. Kenānusiṭṭho idha māgatosi, vanibbaka [vanibbaka (sī.)] cakkhupathāni yāciturā;
Suduccajam yācasi uttamaṅgam, yamāhu nettam purisena duccajam.
54. Yamāhu devesu sujampatīti, maghavāti nam āhu manussaloke;
Tenānusiṭṭho idha māgatosmi, vanibbako cakkhupathāni yāciturā.
55. Vanibbato [vanibbako (syā. pī.)] mayha vanim [vanam (ka.), vanim (sī. syā. pī.)] anuttaram,
dadāhi te cakkhupathāni yācito;
Dadāhi me cakkhupatham anuttaram, yamāhu nettam purisena duccajam.

56. Yena atthena āgacchi [āgañchi (sī. pī.)], yamatthamabhipatthayaṃ;
Te te ijjhantu saṅkappā, labha cakkhūni brāhmaṇa.
57. Ekaṃ te yācamānassa, ubhayāni dadāmaṃ;
Sa cakkhumā gaccha janassa pekkhato, yadicchase tvaṃ tadate samijjhatu.
58. Mā no deva adā cakkhum, mā no sabbe parākari [parakkari (syā. ka. atṭha.), parikkari (ka.)
pari + ā + kari = parākari];
Dhanaṃ dehi mahārāja, muttā veḷuriyā bahū.
59. Yutte deva rathe dehi, ājāniye calānkate;
Nāge dehi mahārāja, hemakappanavāsase.
60. Yathā taṃ sivayo [sīviyo (syā.)] sabbe, sayoggā sarathā sadā;
Samantā parikireyyuṃ [parikareyyuṃ (syā. pī.)], evaṃ dehi rathesabha.
61. Yo ve dassanti vatvāna, adāne kurute mano;
Bhūmyaṃ [bhūmyā (sī. pī.)] so patitaṃ pāsaṃ, gīvāyaṃ paṭimuñcati.
62. Yo ve dassanti vatvāna, adāne kurute mano;
Pāpā pāpataro hoti, sampatto yamasādhanāṃ.
63. Yañhi yāce tañhi dade, yaṃ na yāce na taṃ dade;
Svāhaṃ tameva dassāmi, yaṃ maṃ yācati brāhmaṇo.
64. Āyuṃ nu vaṇṇaṃ nu sukhaṃ balaṃ nu, kiṃ patthayāno nu janinda desi;
Kathañhi rājā sivīnaṃ anuttaro, cakkhūni dajjā paralokahetu.
65. Na vāhametaṃ yasasā dadāmi, na puttamicche na dhanāṃ na raṭṭhaṃ;
Satañca dhammo carito purāṇo, icceva dāne ramate mano mama [mamam (sī. pī.)].
66. Sakhā ca mitto ca mamāsi sīvika [sīvaka (sī. pī.)], susikkhito sādhu karoḥi me vaco;
Uddharitvā [uddhatva (sī.), laddha tvaṃ (pī.)] cakkhūni mamaṃ jigīsato, hatthesu ṭhapehi
[āvesi (sī.)] vanibbakassa.
67. Codito sivrājena, siviko vacanaṅkaro;
Rañño cakkhūnuddharitvā [cakkhūni uddhatvā (sī. pī.)], brāhmaṇassūpanāmayi;
Sacakkhu brāhmaṇo āsi, andho rājā upāvisi.
68. Tato so katipāhassa, uparūḷhesu cakkhusu;
Sūtaṃ āmantayī rājā, sivīnaṃ raṭṭhavaḍḍhano.
69. Yojehi sārathi yānaṃ, yuttañca paṭivedaya;
Uyyānabhūmiṃ gacchāma, pokkharañño vanāni ca.
70. So ca pokkharaṇītīre [pokkharaṇiyā tīre (sī. pī.)], pallaṅkena upāvisi;
Tassa sakko pāturahu, devarājā sujampati.
71. Sakkohamasmi devindo, āgatosmi tavantike;
Varaṃ varassu rājīsi, yaṃ kiñci manasicchasi.
72. Pahūtaṃ me dhanāṃ sakka, balaṃ koso canappako;

Andhassa me sato dāni, maraṇaññeva ruccati.

73. Yāni saccāni dvipadinda, tāni bhāsassu khattiya;
Saccam te bhaṇamānassa, puna cakkhu bhavissati.
74. Ye maṃ yācitumāyanti, nānāgottā vanibbakā;
Yopi maṃ yācate tattha, sopi me manaso piyo;
Etena saccavajjena, cakkhu me upapajjatha.
75. Yaṃ maṃ so yācitum āgā, dehi cakkhanti brāhmaṇo;
Tassa cakkhūni pādāsim, brāhmaṇassa vanibbato [vaṇibbino (sī.), vanibbino (pī.)].
76. Bhiyyo maṃ āvisī pīti, somanassañcanappaṃ;
Etena saccavajjena, dutiyaṃ me upapajjatha.
77. Dhammena bhāsītā gāthā, sivīnaṃ raṭṭhavaḍḍhana;
Etāni tava nettāni, dibbāni paṭidissare.
78. Tirokuṭṭaṃ tiroselam, samatiggayha pabbataṃ;
Samantā yojanasataṃ, dassanaṃ anubhontu te.
79. Ko nīdha vittaṃ na dadeyya yācito, api visiṭṭhaṃ supiyampi attano;
Tadiṅgha sabbe sivayo samāgatā, dibbāni nettāni mamaṃja passatha.
80. Tirokuṭṭaṃ tiroselam, samatiggayha pabbataṃ;
Samantā yojanasataṃ, dassanaṃ anubhonti me.
81. Na cāgamattā paramatthi kiñci, maccānaṃ idha jīvite;
Datvāna mānusaṃ [datvā mānusakam (sī.)] cakkhum, laddhaṃ me [me iti padaṃ natthi sī. potthake] cakkhum amānusaṃ.
82. Etampi disvā sivayo, detha dānāni bhuñjatha;
Datvā ca bhutvā ca yathānubhāvaṃ, aninditā saggamupetha ṭhānanti.

Sivijātakam tatiyaṃ.

500. Sirīmantajātakaṃ (4)

83. Paññāyupetaṃ siriyā vihīnaṃ, yasassinaṃ vāpi apetapaññaṃ;
Pucchāmi taṃ senaka etamatthaṃ, kamettha seyyo kusalā vadanti.
84. Dhīrā ca bālā ca have janinda, sippūpapannā ca asippino ca;
Sujātimantopi ajātimassa, yasassino pesakarā [pessakarā (sī. pī.)] bhavanti;
Etampi disvāna ahaṃ vadāmi, pañño nihīno sirīmāva [sirīmāva (sī. syā. pī.)] seyyo.
85. Tuvampi pucchāmi anomapañña, mahosadha kevaladhammadassi;
Bālam yasassiṃ paṇḍitaṃ appabhogaṃ, kamettha seyyo kusalā vadanti.
86. Pāpāni kammāni karoti bālo [karonti bālā (syā. ka.)], idhameva [idameva (syā. ka. aṭṭha.), imameva (ka.)] seyyo iti maññaṃāno [maññaṃānā (syā. ka.)];

- Idhalokadassī paralokamadassī, ubhayattha bālo kalimaggahesi;
Etampi disvāna ahaṃ vadāmi, pañño va seyyo na yasassi bālo.
87. Na sippametaṃ vidadhāti bhogaṃ, na bandhuvā [na bandhavā (sī. syā. ka.)] na sarīravaṇṇo yo
[na sarīrāvakaṣo (sī. syā. pī.)];
Passeḷamūgaṃ sukhamedhamānaṃ, sirī hi naṃ bhajate goravindaṃ [gorimandaṃ (sī. pī.)];
Etampi disvāna ahaṃ vadāmi, pañño nihīno sirīmāva seyyo.
88. Laddhā sukhaṃ majjati appapañño, dukkhena phutṭhopi pamohameti;
Āgantunā dukkhasukhena phutṭho, pavedhati vāricarova ghamme;
Etampi disvāna ahaṃ vadāmi, pañño va seyyo na yasassi bālo.
89. Dumaṃ yathā sāduphalaṃ araññe, samantato samabhisaranti [samabhicaranti (sī. pī.)] pakkhī;
Evampi aḍḍhaṃ sadhanaṃ sabhogaṃ, bahujjano bhajati atthahetu;
Etampi disvāna ahaṃ vadāmi, pañño nihīno sirīmāva seyyo.
90. Na sādhu balavā bālo, sāhasā vindaṭṭha dhanam;
Kandantametaṃ dummedhaṃ, kaḍḍhanti nirayaṃ bhusam;
Etampi disvāna ahaṃ vadāmi, pañño va seyyo na yasassi bālo.
91. Yā kāci najjo gaṅgamabhissavanti, sabbāva tā nāmagottaṃ jahanti;
Gaṅgā samuddaṃ paṭipajjamānā, na khāyate iddhiṃ pañño pi loka [iddhiparo hi loka (ka. sī. syā.), iddhiparo hi loko (sī. pī. aṭṭha.)];
Etampi disvāna ahaṃ vadāmi, pañño nihīno sirīmāva seyyo.
92. Yametamakkhā udadhiṃ mahantaṃ, savanti najjo sabbakālamasaṅkhyam;
So sāgaro niccamuḷāravego, velaṃ na acceti mahāsamuddo.
93. Evampi bālassa pajappitāni, paññaṃ na acceti sirī kadāci;
Etampi disvāna ahaṃ vadāmi, pañño va seyyo na yasassi bālo.
94. Asaññaṭṭo cepi paresamatthaṃ, bhaṇāti sandhānagato [saṅṭhānagato (syā. pī.), santhānagato (sī.)] yasassī;
Tasseva taṃ rūhati ñātimajjhe, sirī hi naṃ [sirihīnaṃ (sī. ka.), sirihīnaṃ (syā. pī.)] kārayate na
pañña [na pañño (sī.), na paññaṃ (syā. ka.)];
Etampi disvāna ahaṃ vadāmi, pañño nihīno sirīmāva seyyo.
95. Parassa vā attano vāpi hetu, bālo musā bhāsati appapañño;
So nindito hoti sabhāya majjhe, pacchāpi [peccampi (sī. pī.), peccāpi (?)] so duggatigāmī hoti;
Etampi disvāna ahaṃ vadāmi, pañño va seyyo na yasassi bālo.
96. Atthampi ce bhāsati bhūripañño, anāḷhiyo [anālayo (pī.)] appadhano daliddo;
Na tassa taṃ rūhati ñātimajjhe, sirī ca paññaṇavato na hoti;
Etampi disvāna ahaṃ vadāmi, pañño nihīno sirīmāva seyyo.
97. Parassa vā attano vāpi hetu, na bhāsati alikaṃ bhūripañño;
So pūjito hoti sabhāya majjhe, pacchāpi so suggatigāmī hoti;
Etampi disvāna ahaṃ vadāmi, pañño va seyyo na yasassi bālo.
98. Hatthī gavassā maṇikuṇḍalā ca, thiyo ca iddhesu kulesu jātā;
Sabbāva tā upabhogaṃ bhavanti, iddhassa posassa aniddhimanto;
Etampi disvāna ahaṃ vadāmi, pañño nihīno sirīmāva seyyo.

99. Asaṃvihitakammantaṃ, bālaṃ dummedhamantinaṃ;
Sirī jahati dummedhaṃ, jiṇṇaṃva urago tacamaṃ;
Etampi disvāna ahaṃ vadāmi, pañño va seyyo na yasassi bālo.
100. Pañca paṇḍitā mayama bhaddante, sabbe pañjalikā upaṭṭhitā;
Tvama no abhibhuyya issarosi, sakkova bhūtapati devarājā;
Etampi disvāna ahaṃ vadāmi, pañño nihīno sirīmāva seyyo.
101. Dāsova paññassa yasassi bālo, atthesu jātesu tathāvidhesu;
Yama paṇḍito nipunaṃ saṃvidheti, sammohamāpajjati tattha bālo;
Etampi disvāna ahaṃ vadāmi, pañño va seyyo na yasassi bālo.
102. Addhā hi paññāva sataṃ pasatthā, kantā sirī bhogaratā manussā;
Ñāṇaṇca buddhānamatulyarūpaṃ, paññaṃ na acceti sirī kadāci.
103. Yama taṃ apucchimha akittayī no, mahosadha kevaladhammadassī;
Gavaṃ sahasama usabhaṇca nāgama, ājaññayutte ca rathe dasa ime;
Pañhassa veyyākaraṇena tuṭṭho, dadāmi te gāmarāni soḷasāti.

Sirīmantajātakaṃ [sirimandajātakaṃ (sī. syā. pī.)] catutthamaṃ.

501. Rohaṇamigajātakaṃ (5)

104. Ete yūthā patiyanti, bhītā maraṇassa [maraṇā (syā. pī.), maraṇa (ka.)] cittaka;
Gaccha tuvampi mākaṅkhi, jīvissanti tayā saha.
105. Nāhama rohaṇa [rohanta (sī. pī.), rohana (syā.)] gacchāmi, hadayama me avakassati;
Na taṃ ahaṃ jahissāmi, idha hissāmi jīvitaṃ.
106. Te hi nūna marissanti, andhā aparīṇāyakā;
Gaccha tuvampi mākaṅkhi, jīvissanti tayā saha.
107. Nāhama rohaṇa gacchāmi, hadayama me avakassati;
Na taṃ baddhama [bandhama (ka.)] jahissāmi, idha hissāmi jīvitaṃ.
108. Gaccha bhīru palāyassu, kūṭe baddhosmi āyase;
Gaccha tuvampi mākaṅkhi, jīvissanti tayā saha.
109. Nāhama rohaṇa gacchāmi, hadayama me avakassati;
Na taṃ ahaṃ jahissāmi, idha hissāmi jīvitaṃ.
110. Te hi nūna marissanti, andhā aparīṇāyakā;
Gaccha tuvampi mākaṅkhi, jīvissanti tayā saha.
111. Nāhama rohaṇa gacchāmi, hadayama me avakassati;
Na taṃ baddhama jahissāmi, idha hissāmi jīvitaṃ.
112. Ayama so luddako eti, luddarūpo [ruddarūpo (sī. pī.)] sahāvudho;
Yo no vadhissati ajja, usunā sattiyā api [mapi (sī. syā. pī.).]
113. Sā muhuttaṃ palāyitvā, bhayaṭṭā [bhayaṭṭhā (pī.)] bhayatajjitā;
Sudukkama akarā bhīru, maraṇāyūpanivattatha.

114. Kinu teme migā honti, muttā baddhaṃ upāsare;
Na taṃ cajitumicchanti, jīvitassapi kāraṇā.
115. Bhātaro honti me ludda, sodariyā ekamātukā;
Na maṃ cajitumicchanti, jīvitassapi kāraṇā.
116. Te hi nūna marissanti, andhā aparināyakā;
Pañcannaṃ jīvitaṃ dehi, bhātaraṃ muñca luddaka.
117. So vo ahaṃ pamokkhāmi, mātāpettibharaṃ migāṃ;
Nandantu mātāpitaro, muttaṃ disvā mahāmigāṃ.
118. Evaṃ luddaka nandassu, saha sabbehi ñātibhi;
Yathāhamajja nandāmi, muttaṃ disvā mahāmigāṃ.
119. Kathaṃ tvaṃ pamokkho [kathaṃ pamokkho (sī. pī.), kathaṃ te parokkho (?)] āsi, upanītasmi
jīvite;
Kathaṃ putta amocesi, kūṭapāsamha luddako.
120. Bhaṇaṃ kaṇṇasukhaṃ vācaṃ, hadayaṅgaṃ hadayassitaṃ;
Subhāsītāhi vācāhi, cittaṃ maṃ amocayī.
121. Bhaṇaṃ kaṇṇasukhaṃ vācaṃ, hadayaṅgaṃ hadayassitaṃ;
Subhāsītāhi vācāhi, sutanā maṃ amocayī.
122. Sutvā kaṇṇasukhaṃ vācaṃ, hadayaṅgaṃ hadayassitaṃ;
Subhāsītāni sutvāna, luddako maṃ amocayī.
123. Evaṃ ānandito hotu, saha dārehi luddako;
Yathā mayajja nandāma, disvā rohaṇamāgataṃ.
124. Nanu tvaṃ avaca [avacā (sī. pī.)] ludda, “migacammāni āharim’”;
Atha kena nu vaṇṇena, migacammāni nāhari.
125. Āgamā ceva hatthatthaṃ, kūṭapāsaṅca so migo;
Abajjhi taṃ [abajjhi taṅca (pī.)] migarājaṃ, taṅca muttā upāsare.
126. Tassa me ahu saṃvego, abbhuto lomahaṃsano;
Imañcāhaṃ migāṃ haññe, ajja hissāmi jīvitaṃ.
127. Kīdisā te migā ludda, kīdisā dhammikā migā;
Kathaṃvaṇṇā kathaṃsīlā, bālhaṃ kho ne pasamsasi.
128. Odātaṅgā sucivālā, jātarūpatacūpamā;
Pādā lohitaṅkaṃ tesāṃ, añjitaṅkhaṃ manoramā.
129. Edisā te migā deva, edisā dhammikā migā;
Mātāpettibharā deva, na te so abhīhārituṃ [abhīhārayuṃ (ka. sī.), abhīhārayiṃ (syā.),
abhīhārayaṃ (pī.)].
130. Dammi nikkhasataṃ ludda, thūlaṅca maṇikuṇḍalaṃ;
Catussadaṅca [caturassaṅca (syā. ka.)] pallaṅkaṃ, umāpupphasarinnibhaṃ

[ummāpupphasirinnibhaṃ (sī. syā. pī. ka.)].

131. Dve ca sādisiyo bhariyā, usabhañca gavaṃ satam;
Dhammena rajjaṃ kāressam, bahukāro mesi luddaka.
132. Kasivāñijjā [kasī vañijjā (sī. syā. pī.)] iṇadānaṃ, uñchācariyā ca luddaka;
Etena dāraṃ posehi, mā pāpaṃ akarī punāti [akarā punanti (ka. sī. pī.)].

Rohaṇamigajātaṃ [rohantamigajātaṃ (sī. pī.)] pañcamam.

502. Cūlahamaṃsajātakaṃ (6)

133. Ete haṃsā pakkamanti, vakkaṅgā bhayameritā;
Harittaca hemavaṇṇa, kāmaṃ sumukha pakkama.
134. Ohāya maṃ ñātigaṇā, ekaṃ pāsavaṃsā gataṃ;
Anapekkhamānā [nāpekkhamānā (ka.)] gacchanti, kiṃ eso avahiyyasi.
135. Pateva patataṃ seṭṭha, natthi baddhe sahāyatā [sahāyakā (syā.)];
Mā anīghāya hāpesi, kāmaṃ sumukha pakkama.
136. Nāhaṃ “dukkhāpareto” ti [dukkhāparetopi (ka.)], dhataratṭha tuvaṃ [tavaṃ (sī. pī.)] jahe;
Jīvitaṃ maraṇaṃ vā me, tayā saddhiṃ bhavissati.
137. Etadariyassa kalyāṇaṃ, yaṃ tvam sumukha bhāsasi;
Tañca vīmaṃsamānohaṃ, “patatetaṃ” avassajjiṃ.
138. Apadena padaṃ yāti, antalikkhacaro [antalikkhe caro (sī. pī.)] dijo;
Ārā pāsāṃ na bujjihi tvam, haṃsānaṃ pavaruttama [pavaruttamo (ka. sī. pī.)].
139. Yadā parābhavo hoti, poso jīvitasāṅkhaye;
Atha jālañca pāsāñca, āsajjāpi na bujjhati.
140. Ete haṃsā pakkamanti, vakkaṅgā bhayameritā;
Harittaca hemavaṇṇa, tvaññeva [tvañca taṃ (sī.), tvañca (pī.)] avahiyyasi.
141. Ete bhutvā ca pitvā ca, pakkamanti vihaṅgamā;
Anapekkhamānā vakkaṅgā, tvaññeveko upāsasi.
142. Kinu tyāyaṃ [tāyaṃ (sī. syā. pī.)] dijo hoti, mutto baddhaṃ upāsasi;
Ohāya sakuṇā yanti, kiṃ eko avahiyyasi.
143. Rājā me so dijo mitto, sakhā pāṇasamo ca me;
Neva naṃ vijahissāmi, yāva kālassa pariyāyaṃ.
144. Yo ca tvam sakhino hetu, pāṇaṃ cajitumicchasi;
So te sahāyaṃ muñcāmi, hotu rājā tavānugo.
145. Evaṃ luddaka nandassu, saha sabbehi ñātibhi;
Yathāhamajja nandāmi, disvā muttaṃ dijādhipaṃ.

146. Kaccinnu bhoto kusalaṃ, kacci bhoto anāmayāṃ;
Kacci raṭṭhamidaṃ phītaṃ, dhammena manusāsasi.
147. Kusalañceva me haṃsa, atho haṃsa anāmayāṃ;
Atho raṭṭhamidaṃ phītaṃ, dhammena manusāsahaṃ.
148. Kacci bhoto amaccesu, doso koci na vijjati;
Kacci ārā amittā te, chāyā dakkhiṇatoriva.
149. Athopi me amaccesu, doso koci na vijjati;
Atho ārā amittā me, chāyā dakkhiṇatoriva.
150. Kacci te sādīsī bhariyā, assavā piyabhāṇinī;
Puttarūpayasūpetā, tava chandavasānugā.
151. Atho me sādīsī bhariyā, assavā piyabhāṇinī;
Puttarūpayasūpetā, mama chandavasānugā.
152. Kacci te bahavo puttā, sujātā raṭṭhavaḍḍhana;
Paññājavena sampannā, sammodanti tato tato.
153. Satameko ca me puttā, dhataratṭha mayā sutā;
Tesaṃ tvaṃ kiccamakkhāhi, nāvarujjhanti [nāvarajjhanti (ka. sī. pī.)] te vaco.
154. Upapannopi ce hoti, jātiyā vinayena vā;
Atha pacchā kurute yogaṃ, kicche [kicce (sī. syā. pī.)] āpāsu [āvāsu (syā.), āpadāsu (ka.)]
sīdati.
155. Tassa saṃhīrapaññassa, vivaro jāyate mahā;
Rattimandhova [nattamandhova (sī. pī.)] rūpāni, thūlāni manupassati.
156. Asāre sārayogaññū, matiṃ na tveva vindati;
Sarabhova giriduggasmim, antarāyeva sīdati.
157. Hīnajaccopi ce hoti, uṭṭhātā dhitimā naro;
Ācārasīlasampanno, nise aggīva bhāsati.
158. Etaṃ me upamaṃ katvā, putte vijjāsu vācaya [thāpasa (syā. ka.)];
Saṃvirūlhettha medhāvī, khette bījaṃva [khettabījaṃva (sī. pī.)] vuṭṭhiyāti.

Cūḷahaṃsajātakaṃ chaṭṭhaṃ.

503. Sattigumbajātakaṃ (7)

159. Mīgaluddo mahārājā, pañcālānaṃ rathesabho;
Nikkhanto saha senāya, ogaṇo vanamāgamā.
160. Tatthaddasā araññasmiṃ, takkarānaṃ kuṭiṃ kataṃ;
Tassā [tasmā (syā. pī. ka.)] kuṭiyā nikkhamma, suvo luddāni bhāsati.
161. Sampannavāhano poso, yuvā sammatṭhakuṇḍalo [kuṇḍalī (syā. ka.)];
Sobhati lohituṇhīso, divā sūriyova bhāsati.

162. Majjhanhike [majjhantike (sabbattha)] sampatike, sutto rājā sasārathi;
Handassābharaṇaṃ sabbaṃ, gaṇhāma sāhasā [sahasā (sī. syā. pī.)] mayaṃ.
163. Nisīthehi raho dāni, sutto rājā sasārathi;
Ādāya vatthaṃ maṇikuṇḍalañca, hantvāna sākāhi avattharāma.
164. Kinnu ummattarūpova, sattigumba pabhāsasi;
Durāsadā hi rājāno, aggi pajjalito yathā.
165. Atha tvaṃ patikolamba, matto thullāni gajjasi;
Mātari mayhaṃ naggāya, kinnu tvaṃ vijigucchase.
166. Uṭṭhehi samma taramāno, rathaṃ yojehi sārathi;
Sakuṇo me na ruccati, aññaṃ gacchāma assamaṃ.
167. Yutto ratho mahārāja, yutto ca balavāhano;
Adhitiṭṭha mahārāja, aññaṃ gacchāma assamaṃ.
168. Ko numeva gatā [kva nu'me'pagatā (?)] sabbe, ye asmim paricārakā;
Esa gacchati pañcālo, mutto tesam adassanā.
169. Kodaṇḍakāni gaṇhatha, sattiyo tomarāni ca;
Esa gacchati pañcālo, mā vo muñcittha jīvataṃ [jīvitam (bahūsu)].
170. Athāparo paṭinandittha, suvo lohitanuṇḍako;
Svāgataṃ te mahārāja, atho te adurāgataṃ;

Issarosi anuppatto, yaṃ idhatthi pavedaya.
171. Tindukāni piyālāni, madhuke kāsūmāriyo;
Phalāni khuddakappāni, bhuñja rāja varam varam.
172. Idampi pānīyaṃ sītaṃ, ābhataṃ girigabbharā;
Tato piva mahārāja, sace tvaṃ abhikaṅkhasi.
173. Araññaṃ uñchāya gatā, ye asmim paricārakā;
Sayam uṭṭhāya gaṇhavho, hatthā me natthi dātave.
174. Bhaddako vatayaṃ pakkhī, dijo paramadhammiko;
Atheso itaro pakkhī, suvo luddāni bhāsati.
175. “Etaṃ hanatha bandhatha, mā vo muñcittha jīvataṃ”;
Icevaṃ vilapantassa, sotthim [sotthī (syā.)] pattosmi assamaṃ.
176. Bhātarosma mahārāja, sodariyā ekamātukā;
Ekarukkkhassim samvaḍḍhā, nānākhettagatā ubho.
177. Sattigumbo ca corānaṃ, ahañca isīnaṃ idha;
Asataṃ so, sataṃ ahaṃ, tena dhammena no vinā.
178. Tattha vadho ca bandho ca, nikatī vañcanāni ca;
Ālopā sāhasākārā, tāni so tattha sikkhati.

179. Idha saccañca dhammo ca, ahimsā saṃyamo damo;
Āsanūdakadāyīnaṃ, aṅke vaddhosmi bhāradha [bhārata (sī. syā. pī.)].
180. Yaṃ yañhi rāja bhajati, santaṃ vā yadi vā asaṃ;
Sīlavantaṃ visīlaṃ vā, vasaṃ tasseva gacchati.
181. Yādisaṃ kurute mittam, yādisaṃ cūpasevati;
Sopi tādisako hoti, sahavāso hi [sahavāsopi (syā. ka.)] tādiso.
182. Sevamāno sevamānaṃ, samphuṭṭho samphusaṃ paraṃ;
Saro diddho kalāpaṃva, alittamupalimpati;
Upalepabhayā [upalimpabhayā (syā. ka.)] dhīro, neva pāpasakhā siyā.
183. Pūtimacchaṃ kusaggena, yo naro upanayhati;
Kusāpi pūti [pūti (sī. pī.)] vāyanti, evaṃ bālūpasevanā.
184. Tagarañca palāsenā, yo naro upanayhati;
Pattāpi surabhi [surabhī (sī. syā. pī.)] vāyanti, evaṃ dhīrūpasevanā.
185. Tasmā pattapuṭasseva [phalapuṭasseva (sī. pī.), palapuṭasseva (ka. aṭṭha.), palāsapuṭasseva (syā. ka.)], ñatvā sampākamattano;
Asante nopaseveyya, sante seveyya paṇḍito;
Asanto nirayaṃ nenti, santo pāpenti suggatinti.

Sattigumbajātakaṃ sattamaṃ.

504. Bhallātiyajātakaṃ (8)

186. Bhallātiyo [bhallātiyo (sī. pī.)] nāma ahosi rājā, raṭṭhaṃ pahāya migavaṃ acāri so;
Agamā girivaraṃ gandhamādanaṃ, supupphitaṃ [sampupphitaṃ (sī. pī.)]
kimpurisānuciṇṇaṃ.
187. Sālūrasaṅghaṅca nisedhayitvā, dhanuṃ [dhanu (sī. syā. pī.)] kalāpañca so nikkhipitvā;
Upāgami vacanaṃ vattukāmo, yatthaṭṭhitā kimpurisā ahesuṃ.
188. Himaccaye hemavatāya tīre, kimidhaṭṭhitā mantayavho abhiṇṇaṃ;
Pucchāmi vo mānusadehavaṇṇe, kathaṃ nu [kathaṃ vo (sī. syā. pī.)] jānanti manussaloke.
189. Mallaṃ giriṃ paṇḍarakaṃ tikūṭaṃ, sītodakā [sītodiyā (sī. pī.), sītodikā (?)] anuvarāma najjo;
Migā manussāva nibhāsavaṇṇā, jānanti no kimpurisāti ludda.
190. Sukiccharūpaṃ paridevayavho [paridevathavho (?) moggallānabyākaraṇe 6.38 suttaṃ],
āliṅgito cāsi piyo piyāya;
Pucchāmi vo mānusadehavaṇṇe, kimidha vane rodatha appatītā.
191. Sukiccharūpaṃ paridevayavho, āliṅgito cāsi piyo piyāya;
Pucchāmi vo mānusadehavaṇṇe, kimidha vane vilapatha appatītā.
192. Sukiccharūpaṃ paridevayavho, āliṅgito cāsi piyo piyāya;
Pucchāmi vo mānusadehavaṇṇe, kimidha vane socatha appatītā.
193. Mayekarattaṃ [rattim (pī.)] vippavasimha ludda, akāmakā aññamaññaṃ sarantā;

Tamekarattaṃ anutappamānā, socāma “sā ratti punaṃ na hessati”.

194. Yamekarattaṃ anutappathetaṃ, dhanam va naṭṭhaṃ pitaraṃ va petaṃ;
Pucchāmi vo mānūsadehavaṇṇe, kathaṃ vinā vāsamakappayittha.
195. Yamimaṃ [yayimaṃ (ka. sī.)] nadiṃ passasi sīghasotaṃ, nānādumacchādanam selakūlam
[dumacchadanam selakūṭam (sī. pī.), dumaṣaṅchannam selakūlam (ka.)];
Taṃ me piyo uttari vassakāle, mamañca maññaṃ anubandhatīti.
196. Ahañca añkolakamocināmi, atimuttakaṃ sattaliyothikañca;
“Piyo ca me hehiti mālabhārī, ahañca naṃ mālinī ajjhupessaṃ”.
197. Ahañcidaṃ kuravakamocināmi, uddālakā pāṭalisindhuvārakā [sindhuvāritā (syā. pī. ka.)];
“Piyo ca me hehiti mālabhārī, ahañca naṃ mālinī ajjhupessaṃ”.
198. Ahañca sālassa supupphitassa, oceyya pupphāni karomi mālam;
“Piyo ca me hehiti mālabhārī, ahañca naṃ mālinī ajjhupessaṃ”.
199. Ahañca sālassa supupphitassa, oceyya pupphāni karomi bhāram;
Idañca no hehiti santharattaṃ, yatthajjimaṃ [yatthajjamaṃ (sī. pī.)] viharissāma [viharissāmu
(pī.)] rattiṃ.
200. Ahañca kho agaḷum [aggalu (syā. ka.), akalum (pī.)] candanañca, silāya piṃsāmi pamattarūpā;
“Piyo ca me hehiti rositaṅgo, ahañca naṃ rositā ajjhupessaṃ”.
201. Athāgamā salilaṃ sīghasotaṃ, nudaṃ sāle salaḷe kaṇṇikāre;
Āpūratha [āpūratha (sī. pī.), āpūrathe (syā.)] tena muhuttakena, sāyam nadī āsi mayā suduttarā.
202. Ubhosu tīresu mayaṃ tadā ṭhitā, sampassantā ubhayo aññaṃamaññaṃ;
Sakimpi rodāma sakiṃ hasāma, kicchena no āgamā [agamā (sī. syā. pī.)] saṃvarī sā.
203. Pātova [pāto ca (sī. syā. pī.)] kho uggate sūriyamhi, catukkaṃ nadiṃ uttariyāna ludda;
Āliṅgiyā aññaṃamaññaṃ mayaṃ ubho, sakimpi rodāma sakiṃ hasāma.
204. Tīhūnakaṃ sattasatāni ludda, yamidha mayaṃ vippavasimha pubbe;
Vassekimaṃ [vāsekimaṃ (sī. pī.)] jīvitaṃ bhūmipāla, ko nīdha kantāya vinā vaseyya.
205. Āyuñca vo kīvatako nu samma, sacepi jānātha vadetha āyumaṃ;
Anussavā vuḍḍhato āgamā vā, akkhātha me taṃ avikampamānā.
206. Āyuñca no vassasahassaṃ ludda, na cantarā pāpako atthi rogo;
Appañca [appaṃva (syā. ka.)] dukkhaṃ sukhomeva bhiyyo, avītarāgā vijahāma jīvitaṃ.
207. Idañca sutvāna amānūsānaṃ, bhallātiyo ittara jīvitanti;
Nivattatha na migavaṃ acari, adāsi dānāni abhuñji bhoge.
208. Idañca sutvāna amānūsānaṃ, sammodatha mā kalahaṃ akattha;
Mā vo tapī attakammāparādho, yathāpi te kimpurisekarattaṃ.
209. Idañca sutvāna amānūsānaṃ, sammodatha mā vivādaṃ akattha;
Mā vo tapī attakammāparādho, yathāpi te kimpurisekarattaṃ.

210. Vividhaṃ [vividha (sī. syā.)] adhimānā suṇomahaṃ, vacanapathaṃ tava atthasaṃhitāṃ;
Muñcaṃ [muñca (sī. pī.)] girāṃ nudaseva me daraṃ, samaṇa sukhāvaha jīva me ciranti.

Bhallātiyajātakaṃ aṭṭhamaṃ.

505. Somanassajātakaṃ (9)

211. Ko taṃ hiṃsati heṭheti, kiṃ [kinnu (pī. ka.)] dummano socasi appatīto;
Kassajja mātāpitaro rudantu, kvajja setu [ko nvejja seti (ka.), ko ajja setu (?)] nihato pathabyā.
212. Tuṭṭhosmi deva tava dassanena, cirassaṃ passāmi taṃ bhūmipāla;
Ahiṃsako reṇumanuppavissa, puttana te heṭhayitosmi [pothayitosmi (ka.)] deva.
213. Āyantu dovārikā khaggabandhā [khaggabaddhā (sī. pī.)], kāsāviyā yantu [hantu (ka.)]
antepurantaṃ;
Hantvāna taṃ somanassaṃ kumāraṃ, chetvāna sīsaṃ varamāharantu.
214. Pesitā rājino dūtā, kumāraṃ etadabravum;
Issarena vitiṇṇosi, vadhaṃ pattosi khattiya.
215. Sa rājaputto paridevayanto, dasaṅgulim añjalim paggahetvā;
Ahampi icchāmi janinda daṭṭhum, jīvaṃ maṃ netvā [jīvaṃ panetvā (sī. pī.)] paṭidassayetha.
216. Tassa taṃ vacanaṃ sutvā, rañño puttaṃ adassayum;
Putto ca pitaraṃ disvā, dūratovajjhabhāsatha.
217. Āgacchum [āgañchum (sī.), āgañchu (pī.)] dovārikā khaggabandhā, kāsāviyā hantu mamaṃ
janinda;
Akkhāhi me pucchito etamatthaṃ, aparādho ko nidha mamaṃ atthi.
218. Sāyaṇca pāto udakaṃ sajāti, aggim sadā pāricaratappamatto;
Taṃ tādisaṃ saṃyataṃ brahmacāriṃ, kasmā tuvaṃ brūsi gahappaṭīti.
219. Tālā ca mūlā ca phalā ca deva, pariggahā vividhā santimassa;
Te rakkhati gopayatappamatto, [brāhmaṇo gahapati tena hoti (sī. syā. pī.)] tasmā ahaṃ brūmi
gahappaṭīti [brāhmaṇo gahapati tena hoti (sī. syā. pī.)].
220. Saccam kho etaṃ vadasi kumāra, pariggahā vividhā santimassa;
Te rakkhati gopayatappamatto, sa [natthi idaṃ sī. syā. pī. potthakesu] brāhmaṇo gahapati tena
hoti.
221. Suṇantu mayhaṃ parisā samāgatā, sanegamā jānapadā ca sabbe;
Bālāyaṃ bālassa vaco nisamma, ahetunā ghātayate maṃ [ghātayate (sī. pī.)] janindo.
222. Daḷhasmi mūle visaṭe virūḷhe, dunnikkayo veḷu pasākhajāto;
Vandāmi pādāni tava [tavaṃ (sī. pī.)] janinda, anujāna maṃ pabbajissāmi deva.
223. Bhuñjassu bhoge vipule kumāra, sabbaṇca te issariyaṃ dadāmi;
Ajjeva tvaṃ kurūnaṃ hohi rājā, mā pabbajī pabbajjā hi dukkhā.
224. Kinnūdha deva tavamatthi bhogā, pubbevahaṃ [pubbe cahaṃ (ka.)] devaloke ramissaṃ;
Rūpehi saddehi atho rasehi, gandhehi phassehi manoramehi.

225. Bhuttā ca me [bhuttā (sī. pī.)] bhogā tidivasmiṃ deva, parivāritā [paricāritā (ka.)] accharānaṃ gaṇena [accharāsaṃgaṇena (syā. pī. ka.)];
Tuvañca [tavañca (sī. pī.)] bālaṃ paraneyyaṃ viditvā, na tādise rājakule vaseyyaṃ.
226. Sacāhaṃ bālo paraneyyo asmi, ekāparādhaṃ [etāparādhaṃ (ka.)] khama putta mayhaṃ;
Punapi ce edisakaṃ bhaveyya, yathāmatīṃ somanassa karohi.
227. Anisamma kataṃ kammaṃ, anavatthāya cintitaṃ;
Bhesajjasseva vebhaṅgo, vipāko hoti pāpako.
228. Nisamma ca kataṃ kammaṃ, sammāvattāya cintitaṃ;
Bhesajjasseva sampatti, vipāko hoti bhadrako.
229. Alaso gihī kāmabhogī na sādhu, asaññato pabbajito na sādhu;
Rājā na sādhu anisammakārī, yo paṇḍito kodhano taṃ na sādhu.
230. Nisamma khattiyō kayirā, nānisamma disampati;
Nisammakārino rāja, yaso kitti ca vaḍḍhati.
231. Nisamma daṇḍaṃ paṇayeyya issaro, vegā kataṃ tappati bhūmipāla;
Sammāpaṇīdhī ca narassa atthā, anānutappā te bhavanti pacchā.
232. Anānutappāni hi ye karonti, vibhajja kammāyatanāni loke;
Viññuppasatthāni sukhudrayāni, bhavanti buddhānumatāni [vaddhānumatāni (sī. pī.)] tāni.
233. Āgacchuṃ dovārikā khaggabandhā, kāsāviyā hantu mamaṃ janinda;
Mātuñca [mātucca (pī.)] aṅkasmimahaṃ nisinno, ākaḍḍhito sahasā tehi deva.
234. Kaṭukañhi sambādhaṃ sukicchaṃ [sukiccha (sī. pī.)] patto, madhurampi yaṃ jīvitaṃ laddha
rāja;
Kicchenahaṃ ajja vadhā pamutto, pabbajjamevābhimanohamasmi.
235. Putto tavāyaṃ taruṇo sudhamme, anukampako somanasso kumāro;
Taṃ yācamāno na labhāmi svajja [sajja (sī. pī.)], arahasi naṃ yācitave [yācituye (ka.)]
tuvampi.
236. Ramassu bhikkhācariyāya putta, nisamma dhammesu paribbajassu;
Sabbesu bhūtesu nidhāya daṇḍaṃ, anindito brahmamupehi ṭhānaṃ.
237. Acchera [acchariya (sī. syā. pī.)] rūpaṃ vata yādisañca, dukkhitaṃ maṃ dukkhāpayase
sudhamme;
Yācassu puttaṃ iti vuccamānā, bhiyyova ussāhayase kumāraṃ.
238. Ye vipparamuttā anavajjabhogino [bhojino (sī. syā. pī.)], parinibbutā lokamimaṃ caranti;
Tamariyamaggaṃ paṭipajjamānaṃ, na ussahe vārayitūṃ kumāraṃ.
239. Addhā have sevitabbā sapaññā, bahussutā ye bahuṭhānacintino;
Yesāyaṃ sutvāna subhāsītāni, appossukkā vītasokā sudhammāti.

Somanassajātaṃ navamaṃ.

506. Campeyyajātaṃ (10)

240. Kā nu vijjurivābhāsi, osadhī viya tārakā;
Devatā nusi gandhabbī, na taṃ maññāmi mānusiṃ [mānusi (syā. ka.)].
241. Namhi devī na gandhabbī, na mahārāja mānusi;
Nāgakaññāsmi bhaddante, atthenamhi idhāgatā.
242. Vibbhantacittā kupitindriyāsi, nettehi te vāriḅaṇā savanti;
Kiṃ te naṭṭhaṃ kiṃ pana patthayānā, idhāgatā nāri tadingha brūhi.
243. Yamuggatejo uragoti cāhu, nāgoti naṃ āhu janā janinda;
Tamaggahī puriso jīvikattho, taṃ bandhanā muñca patī mameso.
244. Kathaṃ nvayaṃ balaviriyūpapanno, hatthatta [hatthatta (sī. syā. pī.)] māgacchi vanibbakassa;
Akkhāhi me nāgakaññe tamatthaṃ, kathaṃ vijānemu gahītanāgaṃ.
245. Nagarampi nāgo bhasmaṃ kareyya, tathā hi so balaviriyūpapanno;
Dhammañca nāgo apacāyamāno, tasmā parakkamma tapo karoti.
246. Cātuddasiṃ pañcadasiṃ [pannarasiṃ (sī. syā. pī.)] ca rāja, catuppathe sammati nāgarājā;
Tamaggahī puriso jīvikattho, taṃ bandhanā muñca patī mameso.
247. Soḷasitthisahassāni, āmuttamaṇikuṇḅalā;
Vāriḅhasayā nāri [nāriyo (pī.)], tāpi taṃ saraṇaṃ gatā.
248. Dhammena mocehi asāhasena, gāmena nikkhena gavaṃ satena;
Ossaṭṭhakāyo urago carātu, puññatthiko muñcatu bandhanasmā.
249. Dhammena mocemi asāhasena, gāmena nikkhena gavaṃ satena;
Ossaṭṭhakāyo urago carātu, puññatthiko muñcatu bandhanasmā.
250. Dammi nikkhasataṃ ludda, thūlañca maṇikuṇḅalaṃ;
Catussadañca pallaṅkaṃ, umāpupphasarinnibhaṃ.
251. Dve ca sādisiyo bhariyā, usabhañca gavaṃ satam;
Ossaṭṭhakāyo urago carātu, puññatthiko muñcatu bandhanasmā.
252. Vināpi dānā tava vacanaṃ janinda, muñcemu naṃ uragaṃ bandhanasmā;
Ossaṭṭhakāyo urago carātu, puññatthiko muñcatu bandhanasmā.
253. Mutto campeyyako nāgo, rājānaṃ etadabravi;
Namo te kāsirājatthu, namo te kāsivaḅḅhana;

Añjaliṃ te paggaṇhāmi, passeyyaṃ me nivesanaṃ.
254. Addhā hi dubbissasametamāhu, yaṃ mānuso vissase amānusamhi;
Sace ca maṃ yācasi etamatthaṃ, dakkhemu te nāga nivesanāni.
255. Sacepi [sace hi (sī. pī. aṭṭha.)] vāto girimāvaheyya, cando ca suriyo ca chamā pateyyuṃ;
Sabbā ca najjo paṭisotaṃ vajeyyuṃ, na tvevahaṃ rāja musā bhaṇeyyaṃ.
256. Nabhaṃ phaleyya udadhīpi susse, saṃvaṭṭaye [saṃvaṭṭeyaṃ (sī. pī.), saṃvaṭṭeyya (syā. ka.)]
bhūtadharā vasundharā;

Siluccayo meru samūlamuppate [mubbahe (sī. syā. pī. ka. aṭṭha.), muṭṭhahe (ka.)], na tvevahaṃ rāja musā bhaṇeyyaṃ.

257. Addhā hi dubbissasametamāhu, yaṃ mānuso vissase amānusamhi;
Sace ca maṃ yācasi etamatthaṃ, dakkhemu te nāga nivesanāni.
258. Tumhe khottha ghoravisā uḷārā, mahātejā khippakopī ca hotha;
Maṃkāraṇā [mama kāraṇā (sī. syā. pī.)] bandhanasmā pamutto, arahasi no jānituye [jānitāye (sī.), jānitave (syā.), jānitaye (pī.)] katāni.
259. So paccataṃ niraye ghorarūpe, mā kāyikaṃ sātamalatta kiñci;
Peḷāya baddho maraṇaṃ upetu, yo tādisaṃ kammakataṃ na jāne.
260. Saccappaṭiñṇā tavamesa hotu, akkodhano hohi anupanāhī;
Sabbāñca te nāgakulaṃ supaṇṇā, aggimva gimhesu [gimhāsu (sī. syā. pī.)] vivajjayantu.
261. Anukampasī nāgakulaṃ janinda, mātā yathā suppiyaṃ ekaputtaṃ;
Ahañca te nāgakulena saddhiṃ, kāhāmi veyyāvaṭikaṃ uḷāraṃ.
262. Yojentu ve rājarathe sucitte, kambojake assatare sudante;
Nāge ca yojentu suvaṇṇakappane, dakkhemu nāgassa nivesanāni.
263. Bherī mudingā [mutiṅgā (sī. pī.)] paṇavā ca saṅkhā, avajjayiṃsu uggasenassa rañño;
Pāyāsī rājā bahusobhamāno, purakkhato nārigaṇassa majjhe.
264. Suvaṇṇacitakaṃ bhūmiṃ, addakkhi kāsivaḍḍhano;
Sovaṇṇamayapāsāde, veḷuriyaphalakatthate.
265. Sa rājā pāvīsi byamaṃ, campeyyassa nivesanaṃ;
Ādiccavaṇṇasannibhaṃ, kaṃsavijju pabhassaraṃ.
266. Nānārukkhehi sañchannaṃ, nānāgandhasamīritaṃ;
So pāvekkhi kāsirājā, campeyyassa nivesanaṃ.
267. Paviṭṭhasmiṃ kāsirañṇe, campeyyassa nivesanaṃ;
Dibbā tūriyā pavajjiṃsu, nāgakañṇā ca naccisum [naccayum (sī. pī. ka.)].
268. Taṃ nāgakañṇā caritaṃ gaṇena, anvāruhī kāsirājā pasanno;
Nisīdi sovaṇṇamayamhi pīṭhe, sāpassaye [sopassaye (ka.)] candanasāralitte.
269. So tattha bhutvā ca atho ramitvā, campeyyakaṃ kāsirājā avoca;
Vimānasetṭhāni imāni tuyhaṃ, ādiccavaṇṇāni pabhassarāni;
Netādisaṃ atthi manussaloke, kiṃ patthayaṃ [kimatthiyaṃ (sī. syā. pī.)] nāga tapo karosi.
270. Tā kambukāyūradharā suvatthā, vaṭṭaṅgulī tambatalūpapannā;
Paggayha pāyenti anomavaṇṇā, netādisaṃ atthi manussaloke;
Kiṃ patthayaṃ nāga tapo karosi.
271. Najjo ca temā puthulomamacchā, āṭā [ādā (syā.), adā (pī.)] sakuntābhirudā sutitthā;
Netādisaṃ atthi manussaloke, kiṃ patthayaṃ nāga tapo karosi.
272. Koñcā mayūrā diviyā ca haṃsā, vaggussarā kokilā sampatanti;

Netādisaṃ atthi manussaloke, kiṃ patthayaṃ nāga tapo karosi.

273. Ambā ca sālā tilakā ca jambuyo, uddālakā pāṭaliyo ca phullā;
Netādisaṃ atthi manussaloke, kiṃ patthayaṃ nāga tapo karosi.
274. Imā ca te pokkharañño samantato, dibbā [dibya (syā.), diviyā (pī.)] ca gandhā satataṃ
pavāyanti;
Netādisaṃ atthi manussaloke, kiṃ patthayaṃ nāga tapo karosi.
275. Na puttahetu na dhanassa hetu, na āyuno cāpi [vāpi (sī. pī.)] janinda hetu;
Manussayoniṃ abhipatthayaṇo, tasmā parakkamma tapo karomi.
276. Tvaṃ lohitakkho vihatantaraṃso, alaṅkato kappitakesamassu;
Surosito lohitacandanena, gandhabbarājāva disā pabhāsasi.
277. Deviddhipattosi mahānubhāvo, sabbehi kāmehi samaṅgibhūto;
Pucchāmi taṃ nāgarājetamatthaṃ, seyyo ito kena manussaloko.
278. Janinda nāññatra manussalokā, suddhī va saṃvijjati saṃyamo vā;
Ahañca laddhāna manussayoniṃ, kāhāmi jātiraṇassa antaṃ.
279. Addhā have sevitabbā sapaññā, bahussutā ye bahuṭhānacintino;
Nāriyo ca disvāna tuvañca nāga, kāhāmi puññāni anappakāni.
280. Addhā have sevitabbā sapaññā, bahussutā ye bahuṭhānacintino;
Nāriyo ca disvāna mamañca rāja, karohi puññāni anappakāni.
281. Idañca me jātarūpaṃ pahūtaṃ, rāsī suvaṇṇassa ca tālamattā;
[ito haritvā sovaṇṇagharāni kāraya, rūpiyassa ca pākāraṃ karontu (sī. syā.) ito haritvā
sovaṇṇagharāni, [kāraya] rūpiyassa ca pākāraṃ karontu (pī.)] Ito haritvāna suvaṇṇagharāni,
karassu rūpiyapākāraṃ karontu [ito haritvā sovaṇṇagharāni kāraya, rūpiyassa ca pākāraṃ
karontu (sī. syā.) ito haritvā sovaṇṇagharāni, [kāraya] rūpiyassa ca pākāraṃ karontu (pī.)].
282. Muttā ca [muttānañca (sī. syā.)] vāhasahassāni pañca, veḷuriyamissāni ito haritvā;
Antepure bhūmiyaṃ santharantu, nikkaddamā hehiti nīrajā ca.
283. Etādisaṃ āvasa rājaseṭṭha, vimānaseṭṭhaṃ bahu sobhamānaṃ;
Bārāṇasiṃ nagaraṃ iddhaṃ phītaṃ, rajjañca kārehi anomapaññāti.

Campeyyajātakaṃ dasamaṃ.

507. Mahāpalobhanajātakaṃ (11)

284. Brahmaloḷkā cavitvāna, devaputto mahiddhiko;
Rañño putto udapādi, sabbakāmasamiddhisu.
285. Kāmā vā kāmasaññā vā, brahmaloke na vijjati;
Svāssu [yvāssa (sī.)] tāyeva saññāya, kāmehi vijjigucchatha.
286. Tassa cantepure āsi, jhānāgāraṃ sumāpitaṃ;
So tatha paṭisallīno [paṭisallāno (ka.)], eko rahasi jhāyatha.

287. Sa rājā paridevesi, puttasokena aṭṭito;
Ekaputto cayaṃ mayhaṃ, na ca kāmāni bhuñjati.
288. Ko nu khvettha [khettha (sī. pī.)] upāyo so, ko vā jānāti kiñcanaṃ;
Yo [ko (sī. pī.)] me puttaṃ palobheyya, yathā kāmāni patthaye.
289. Ahu kumārī tattheva, vaṇṇarūpasamāhitā;
Kusalā naccagītassa, vādite ca padakkhiṇā.
290. Sā tattha upasaṅkamma, rājānaṃ etadabravi;
Ahaṃ kho naṃ palobheyyaṃ, sace bhattā bhavissati.
291. Taṃ tathāvādinīṃ rājā, kumārīṃ etadabravi;
Tvaññeva naṃ palobhehi, tava bhattā bhavissati.
292. Sā ca antepuraṃ gantvā, bahuṃ kāmupasaṃhitāṃ;
Hadayaṅgamā pemaṇīyā, citrā gāthā abhāsatha.
293. Tassā ca gāyamānāya, saddaṃ sutvāna nāriyā;
Kāmacchandassa uppajji, janaṃ so paripucchatha.
294. Kasseto saddo ko vā so, bhaṇati uccāvacaṃ bahuṃ;
Hadayaṅgamaṃ pemaṇīyaṃ, aho [atho (sī. pī.)] kaṇṇasukhaṃ mama.
295. Esā kho pamadā deva, khiḍḍā esā anappikā [anappakā (ka.)];
Sace tvaṃ kāme bhuñjeyya, bhiyyo bhiyyo chādeyyu taṃ.
296. Ingha āgacchatorena [āgacchatorenaṃ (ka.) āgacchatu + orena], avidūramhi gāyatu;
Assamassa samīpamhi, santike mayhaṃ gāyatu.
297. Tirokuṭṭamhi gāyitvā, jhānāgāramhi pāvisi;
Bandhi naṃ [bhandhituṃ (syā. ka.)] anupubbena, āraññamiva kuñjaraṃ.
298. Tassa [tassā (syā.)] kāmarasaṃ ñatvā, issādhammo ajāyatha;
“Ahameva kāme bhuñjeyyaṃ, mā añño puriso ahu”.
299. Tato asīṃ gahetvāna, purise hantuṃ upakkami;
Ahameveko bhuñjissaṃ, mā añño puriso siyā.
300. Tato jānapadā sabbe, vikkandiṃsu samāgatā;
Putto tyāyaṃ mahārāja, janaṃ heṭṭhetyadūsakaṃ.
301. Tañca rājā vivāhesi [nivāhesi (syā.), vihāhesi (pī.)], samhā raṭṭhā ca [raṭṭhāto (sī. pī.), raṭṭhato (ka.)] khattiyo;
Yāvataṃ vijitaṃ mayhaṃ, na te vatthabba [vattabba (sī. pī.)] tāvade.
302. Tato so bhariyamādāya, samuddaṃ upasaṅkami;
Paṇṇasālaṃ karitvāna, vanamuñchāya pāvisi.
303. Athettha isi māgacchi, samuddaṃ uparūpari;
So tassa gehaṃ pāvekkhi, bhattakāle upaṭṭhite.

304. Tañca bhariyā palobhesi, passa yāva sudāruṇaṃ;
Cuto so brahmacariyamhā, iddhiyā parihāyatha.
305. Rājaputto ca uñchāto, vanamūlaphalaṃ bahuṃ;
Sāyaṃ kājena [kācena (pī.)] ādāya, assamaṃ upasaṅkami.
306. Isī ca khattiyam disvā, samuddaṃ upasaṅkami;
“Vehāyasam gamissa”’nti, sīdate so mahaṇṇave.
307. Khattiyō ca isiṃ disvā, sīdamānaṃ mahaṇṇave;
Tasseva anukampāya, imā gāthā abhāsatha.
308. Abhijjamāne vārisimṃ, sayam āgamma iddhiyā;
Missībhāvitthiyā gantvā, saṃsīdasi mahaṇṇave.
309. Āvaṭṭanī mahāmāyā, brahmacariyavikopānā;
Sīdanti naṃ viditvāna, ārakā parivajjaye.
310. Analā mudusambhāsā, duppūrā tā nadīsamā;
Sīdanti naṃ viditvāna, ārakā parivajjaye.
311. Yam etā upasevanti, chandasā vā dhanena vā;
Jātavedova sam ṭhānaṃ, khippaṃ anudahanti naṃ.
312. Khattiyassa vaco sutvā, isissa nibbidā ahu;
Laddhā porāṇakaṃ maggaṃ, gacchate so vihāyasam.
313. Khattiyō ca isiṃ disvā, gacchamānaṃ vihāyasam;
Saṃvegaṃ alabhī dhīro, pabbajjam samarocayi.
314. Tato so pabbajitvāna, kāmarāgaṃ virājayi;
Kāmarāgaṃ virājetvā, brahmalokūpago ahūti.

Mahāpalobhanaajātakam ekādasamaṃ.

508. Pañcapaṇḍitajātakam (12)

315. Pañca paṇḍitā samāgatāttha, pañhā me paṭibhāti taṃ suṇātha;
Nindiyamatthaṃ pasamsiyam vā, kassevāvikareyya [kassa vāvīkareyya (ka.)] guyhamatthaṃ.
316. Tvaṃ āvikarohi bhūmipāla, bhattā bhārasaho tuvaṃ vade taṃ;
Tava chandarucīni [chandañca ruciñca (sī. pī.)] sammāsivā, atha vakkhanti janinda pañca dhīrā.
317. Yā sīlavatī anaññatheyyā [anaññadheyyā (sī. pī.)], bhattucchandavasānugā (piyā) [() natthi sī. pī. potthakesu] manāpā;
Nindiyamatthaṃ pasamsiyam vā, bhariyāyāvīkareyya [bhariyāya vāvīkareyya (ka.)] guyhamatthaṃ.
318. Yo kicchagatassa āturassa, saraṇam hoti gatī parāyanañca;
Nindiyamatthaṃ pasamsiyam vā, sakhino vāvīkareyya guyhamatthaṃ.

319. Jeṭṭho [yo jeṭṭho (syā.)] atha majjhimo kaniṭṭho, yo [so (sī. syā. pī.)] ce sīlasamāhito ṭhitatto; Nindiyamatthaṃ pasaṃsiyaṃ vā, bhātu vāvīkareyya guyhamatthaṃ.
320. Yo ve pituhadayassa paddhagū [patthagū (syā.), pattagū (ka.)], anujāto pitaraṃ anomapañño; Nindiyamatthaṃ pasaṃsiyaṃ vā, puttassāvīkareyya [puttassa vāvīkareyya (ka.)] guyhamatthaṃ.
321. Mātā dvipadājanindasetṭha, yā naṃ [yo taṃ (sī. pī.)] poseti chandasā piyena; Nindiyamatthaṃ pasaṃsiyaṃ vā, mātuyāvīkareyya [mātuyā vāvīkareyya (ka.)] guyhamatthaṃ.
322. Guyhassa hi guyhameva sādhu, na hi guyhassa pasatthamāvikammaṃ; Anipphannatā [anipphādāya (sī. pī.), anipphannatāya (syā.), ā nipphādā (?)] saheyya dhīro, nipphannova [nipphannattho (sī. pī.), nipphannatthova (syā.)] yathāsukhaṃ bhaṇeyya.
323. Kiṃ tvaṃ vimanosi rājasetṭha, dvipadajaninda [dipadinda (sī. syā. pī.)] vacanaṃ suṇoma metaṃ [netam (sī. pī.), tetam (syā.)]; Kiṃ cintayamāno dummanosi, nūna deva aparādho atthi mayhaṃ.
324. “Paṇhe [pañño (sī. pī.), paṇhe (syā.), panhe (ka.)] vajjho mahosadho”ti, āṇatto me vadhāya bhūripañño; Taṃ cintayamāno dummanosmi, na hi devī aparādho atthi tuyhaṃ.
325. Abhidosagato dāni ehisi, kiṃ sutvā kiṃ saṅkate mano te; Ko te kimavoca bhūripañña, iṅgha vacanaṃ suṇoma brūhi metaṃ.
326. “Paṇhe vajjho mahosadho”ti, yadi te mantayitaṃ janinda dosaṃ; Bhariyāya rahogato asaṃsi, guyhaṃ pātukataṃ sutam mametaṃ.
327. Yaṃ sālavanasmim senako, pāpakammaṃ akāsi asabbhirūpaṃ; Sakhinova rahogato asaṃsi, guyhaṃ pātukataṃ sutam mametaṃ.
328. Pukkusa [pakkusa (ka.) jā. 1.7.41 paṇṇajātake passitabbaṃ] purisassa te janinda, uppanno rogo arājayutto; Bhātuṅca [bhātucca (sī. pī.), bhātuva (syā.)] rahogato asaṃsi, guyhaṃ pātukataṃ sutam mametaṃ.
329. Ābādhoyaṃ asabbhirūpo, kāmino [kāvindo (sī. pī.)] naradevena phuṭṭho; Puttassa rahogato asaṃsi, guyhaṃ pātukataṃ sutam mametaṃ.
330. Aṭṭhavaṅkaṃ maṇiratanam ulāraṃ, sakko te adadā pitāmahassa; Devindassa gataṃ tadajja hatthaṃ [devindassa tadajja hatthagataṃ (ka.)], mātuṅca rahogato asaṃsi; Guyhaṃ pātukataṃ sutam mametaṃ.
331. Guyhassa hi guyhameva sādhu, na hi guyhassa pasatthamāvikammaṃ; Anipphannatā saheyya dhīro, nipphannova yathāsukhaṃ bhaṇeyya.
332. Na guyhamatthaṃ vivareyya, rakkheyya naṃ yathā nidhiṃ; Na hi pātukato sādhu, guyho attho pajānatā.
333. Thiyaṃ guyhaṃ na saṃseyya, amittassa ca paṇḍito;

Yo cāmisena saṃhīro, hadayattheno ca yo naro.

334. Guyhamatthaṃ asambuddhaṃ, sambodhayati yo naro;
Mantabhedabhayā tassa, dāsabhūto titikkhati.
335. Yāvanto purisassatthaṃ, guyhaṃ jānanti mantinaṃ;
Tāvanto tassa ubbegā, tasmā guyhaṃ na vissaje.
336. Vivicca bhāseyya divā rahassaṃ, rattiṃ giraṃ nātivelaṃ pamuñce;
Upassutikā hi suṇanti mantaṃ, tasmā manto khippamupeti bhedanti.

Pañcapaṇḍitajātakaṃ dvādasamaṃ.

509. Hatthipārajātakaṃ (13)

337. Cirassaṃ vata passāma, brāhmaṇaṃ devavaṇṇinaṃ;
Mahājaṭaṃ khāridharaṃ [bhāradharaṃ (pī.)], paṅkadantaṃ rajassiraṃ.
338. Cirassaṃ vata passāma, isiṃ dhammaguṇe rataṃ;
Kāsāyavatthavasanaṃ, vākacīraṃ paṭicchadaṃ.
339. Āsanaṃ udakaṃ pajjaṃ, paṭigaṇhātu no bhavaṃ;
Agghe bhavantaṃ pucchāma, agghaṃ kurutu no bhavaṃ.
340. Adhicca vede pariyesa vittaṃ, putte gahe [gehe (sī. syā. pī.)] tāta patiṭṭhapetvā;
Gandhe rase paccaṇubhuyya [paccaṇubhotva (syā.), paccaṇubhutva (pī.)] sabbhaṃ, araṇṇiṃ
sādhu muni so pasattho.
341. Vedā na saccā na ca vittalābho, na puttalābhena jaraṃ vihanti;
Gandhe rase muccana [muñcana (sī. ka.)] māhu santo, sakammunā [sakammaṇā (sī. pī.)] hoti
phalūpapatti.
342. Addhā hi saccā vacanaṃ tavetaṃ, sakammunā hoti phalūpapatti;
Jiṇṇā ca mātāpitaro tavīme [taveme (sī.), tava yime (syā. pī.)], passeyyumaṃ taṃ vassasataṃ
arogaṃ [arogaṃ (syā. ka.).]
343. Yassassa sakkhī maraṇena rāja, jarāya mettī naravīrasettā;
Yo cāpi jaṇṇā na marissaṃ kadāci, passeyyumaṃ taṃ vassasataṃ arogaṃ.
344. Yathāpi nāvaṃ puriso dakamhi, ereti ce naṃ upaneti tīraṃ;
Evampi byādhī satataṃ jarā ca, upaneti maccaṃ [macca (syā. pī.)] vasamantakassa.
345. Paṅko ca kāmā palipo ca kāmā, manoharā duttarā maccudheyyā;
Etasmiṃ paṅke palipe byasannā [visannā (syā. ka.)], hīnattarūpā na taranti pāraṃ.
346. Ayaṃ pure luddamakāsi kammaṃ, svāyaṃ gahīto na hi mokkhito me;
Orundhiyā naṃ parirakkhissāmi, māyaṃ puna luddamakāsi kammaṃ.
347. Gavaṃva [gāvaṃva (sī.)] natṭhaṃ puriso yathā vane, anvesatī [pariyasatī (sī. pī.)] rāja
apassamāno;
Evaṃ natṭho esukārī mamattho, sohaṃ kathaṃ na gaveseyyaṃ rāja.

348. Hiyyoti hiyyati [hīyoti hīyati (sī.)] poso, pareti parihāyati;
Anāgataṃ netamatthīti ñatvā, uppannachandaṃ ko panudeyya dhīro.
349. Passāmi vohaṃ daharaṃ [daharī (syā. pī. ka.)] kumāriṃ, mattūpamaṃ ketakapupphanettaṃ;
Abhuttabhoge [abhutva bhoge (syā. ka. aṭṭha.), abhutva bhoge (pī.), bhoge atutvā (ka.)]
paṭhame vayasmiṃ, ādāya maccu vajate kumāriṃ.
350. Yuvā sujāto sumukho sudassano, sāmo kusumbhaparikiṇṇamassu;
Hitvāna kāme paṭikacca [paṭigacca (sī.), paṭigaccha (syā. pī.)] gehaṃ, anujāna maṃ
pabbajissāmi deva.
351. Sākhāhi rukkho labhate samaññaṃ, pahīnasākhaṃ pana khāṇumāhu;
Pahīnaputtassa mamaṃja bhoti, vāseṭṭhi bhikkhācariyāya kālo.
352. Aghasmi koñcāva yathā himaccaye, katāni [tantāni (sī. pī.)] jālāni padāliya [padāleyya (sī.)]
haṃsā;
Gacchanti puttā ca patī ca mayhaṃ, sāhaṃ kathaṃ nānuvaje pajānaṃ.
353. Ete bhutvā vamiṭvā ca, pakkamanti vihaṅgamā;
Ye ca bhutvāna vamiṃsu, te me hatthatta [hatthattha (sī. syā. pī.)] māgatā.
354. Avamī brāhmaṇo kāme, so [te (sī. pī.)] tvaṃ paccāvamissasi;
Vantādo puriso rāja, na so hoti pasamsiyo.
355. Pañke ca [pañkeva (sī. pī.)] posaṃ palipe byasannaṃ, balī yathā dubbalamuddhareyya;
Evampi maṃ tvaṃ udatāri bhoti, pañcālī gāthāhi subhāsītāhi.
356. Idaṃ vatvā mahārājā, esukārī disampati;
Raṭṭhaṃ hitvāna pabbaji, nāgo chetvāva bandhanaṃ.
357. Rājā ca pabbajamarocayittha, raṭṭhaṃ pahāya naravīraseṭṭho;
Tuvampi no hoti yatheva rājā, amhehi guttā anusāsa rajjaṃ.
358. Rājā ca pabbajamarocayittha, raṭṭhaṃ pahāya naravīraseṭṭho;
Ahampi ekā [ekāva (sī.)] carissāmi loke, hitvāna kāmāni manoramāni.
359. Rājā ca pabbajamarocayittha, raṭṭhaṃ pahāya naravīraseṭṭho;
Ahampi ekā carissāmi loke, hitvāna kāmāni yathodhikāni.
360. Accentī kālā tarayanti rattiyo, vayogunā anupubbaṃ jahanti;
Ahampi ekā carissāmi loke, hitvāna kāmāni manoramāni.
361. Accentī kālā tarayanti rattiyo, vayogunā anupubbaṃ jahanti;
Ahampi ekā carissāmi loke, hitvāna kāmāni yathodhikāni.
362. Accentī kālā tarayanti rattiyo, vayogunā anupubbaṃ jahanti;
Ahampi ekā carissāmi loke, sītībhūtā [sītībhūtā (sī.)] sabbamaticca saṅganti.

Hatthipālajātakaṃ terasamaṃ.

510. Ayogharajātakaṃ (14)

363. Yamekarattiṃ paṭhamañ, gabbhe vasati māṇavo;
Abbhutṭhitova so yāti [sayati (sī. pī.), sa yāti (katthaci)], sagaccham na nivattati.
364. Na yujjhamānā na balenavassitā, narā na jīranti na cāpi miyyare;
Sabbam hidam [hi tam (sī. pī.)] jātijarāyupaddutam, tam me matī hoti carāmi dhammam.
365. Caturaṅginim senam subhimsarūpaṃ, jayanti raṭṭhādhipatī pasayha;
Na maccuno jayitumussahanti, tam me matī hoti carāmi dhammam.
366. Hatthīhi assehi rathehi pattibhi, parivāritā muccare ekacceyyā [ekacceyyā (sī. pī.)];
Na maccuno [na maccuto (sī.)] muccitumussahanti, tam me matī hoti carāmi dhammam.
367. Hatthīhi assehi rathehi pattibhi, sūrā [purā (ka.)] pabhañjanti padhamṣayanti;
Na maccuno bhañjitumussahanti, tam me matī hoti carāmi dhammam.
368. Mattā gajā bhinnagalā [pabhinnagalā (sī.)] pabhinnā, nagarāni maddanti janam hananti;
Na maccuno madditumussahanti, tam me matī hoti carāmi dhammam.
369. Issāsino katahatthāpi vīrā [vīrā (sī. pī.)], dūrepātī [patī (ka.)] akkhaṇavedhinopi;
Na maccuno vijjhitumussahanti, tam me matī hoti carāmi dhammam.
370. Sarāni khīyanti saselakānā, sabbam hidam [hi tam (sī. pī.), pitam (syā.)] khīyati
dīghamantaram;
Sabbam hidam [hi tam (sī. pī.), pitam (syā.)] bhañjare kālapariyāyam, tam me matī hoti carāmi
dhammam.
371. Sabbe samevam hi narānanāriṇam [narānarīnam (pī.), nārī narānam (syā.), naranārīnam (ka.)],
calācalaṃ paṇabhunodha jīvitam;
Paṭova dhuttassa dumova kūlajo, tam me matī hoti carāmi dhammam.
372. Dumapphalāneva patanti māṇavā, daharā ca vuddhā ca sarīrabhedā;
Nāriyo narā majjhimaporisā ca, tam me matī hoti carāmi dhammam.
373. Nāyam vayo tārakarājasannibho, yadabbhatitam gatameva dāni tam;
Jiṇṇassa hī natthi ratī kuto sukham, tam me matī hoti carāmi dhammam.
374. Yakkhā pisācā athavāpi petā, kupitāte [kupitāpi te (sī. pī.)] assasanti manusse;
Na maccuno assasitussahanti, tam me matī hoti carāmi dhammam.
375. Yakkhe pisāce athavāpi pete, kupitepi te nijjhapanam karonti;
Na maccuno nijjhapanam karonti, tam me matī hoti carāmi dhammam.
376. Aparādhake dūsake heṭhake ca, rājāno daṇḍenti viditvāna dosam;
Na maccuno daṇḍayitussahanti, tam me matī hoti carāmi dhammam.
377. Aparādhakā dūsakā heṭṭhakā ca, labhanti te rājino nijjhapetum;
Na maccuno nijjhapanam karonti, tam me matī hoti carāmi dhammam.
378. Na khattiyoti na ca brāhmaṇoti, na aḍḍhakā balavā tejavāpi;
Na maccurājassa apekkhamatthi, tam me matī hoti carāmi dhammam.
379. Sīhā ca byagghā ca athopi dīpiyo, pasayha khādanti vipphandamānam;

Na maccuno khāditumussahanti, taṃ me matī hoti carāmi dhammaṃ.

- 380.** Māyākārā raṅgamajjhe karontā, mohenti cakkhūni janassa tāvade;
Na maccuno mohayitussahanti, taṃ me matī hoti carāmi dhammaṃ.
- 381.** Āsīvisā kupitā uggatejā, ḍaṃsanti mārentipi te manusse;
Na maccuno ḍaṃsitumussahanti, taṃ me matī hoti carāmi dhammaṃ.
- 382.** Āsīvisā kupitā yaṃ ḍaṃsanti, tikicchakā tesa viṣaṃ hananti;
Na maccuno daṭṭhaviṣaṃ [daṭṭhassa viṣaṃ (ka.)] hananti, taṃ me matī hoti carāmi dhammaṃ.
- 383.** Dhammantarī vettaraṇī [vetaraṇī (sī. pī.)] ca bhojo, visāni hantvāna bhujāṅgamānaṃ;
Suyyanti te kālakatā tatheva, taṃ me matī hoti carāmi dhammaṃ.
- 384.** Vijjādharā ghoramadhīyamānā, adassanaṃ osadhehi vajanti;
Na maccurājassa vajantadassanaṃ [vajanti adassanaṃ (syā. ka.)], taṃ me matī hoti carāmi dhammaṃ.
- 385.** Dhammo have rakkhati dhammacāriṃ, dhammo suciṇṇo sukhamāvahāti;
Eṣāniṣaṃso dhamme suciṇṇe, na duggatiṃ gacchati dhammacārī.
- 386.** Na hi dhammo adhammo ca, ubho samavipākino;
Adhammo nirayaṃ neti, dhammo pāpeti suggatinti.

Ayogharajātakaṃ cuddasamaṃ.

Tassuddānaṃ –

Mātaṅga sambhūta sivi sirimanto, rohaṇa haṃsa sattigumbo bhallātiya;
Somanassa campeyya brahma pañca-paṇḍita cirassaṃvata ayogharāti.

Vīsatiniṣātaṃ niṭṭhitam.

16. Tiṃsanipāto

511. Kiṃchandajātakaṃ (1)

1. Kiṃchando kimadhippāyo, eko sammasi ghammani;
Kiṃ patthayāno kiṃ esaṃ, kena atthena brāhmaṇa.
2. Yathā mahā vāridharo, kumbho supariṇāhavā [supariṇāmavā (ka.)];
Tathūpamaṃ ambapakkaṃ, vaṇṇagandharasuttamaṃ.
3. Taṃ vuyhamānaṃ soteṇa, disvānāmalamajjhime;
Pāṇīhi naṃ gahetvāna, agyāyatanamāharim.
4. Tato kadaliṭṭesu, nikkhipitvā sayam aham;
Satthena naṃ vikappetvā, khuppiṭṭesaṃ ahāsi me.
5. Soham apetaratho, byantībhūto [byantībhūto (sī. pī. ka.)] dukhakkhama;
Assādaṃ nādhigacchāmi, phalesvaññesu kesuci [kesupi (ka. sī.).]

6. Sostvā nūna maraṇaṃ, taṃ mamaṃ āvahissati;
Ambaṃ yassa phalaṃ sādu, madhuraggaṃ manoramam;
Yamuddhariṃ vuyhamānaṃ, udadhiṃ mā mahaṇṇave.
7. Akkhātaṃ te mayā sabbam, yasmā upavasāmaṃ;
Rammaṃ pati nisinnosmi, puthulomāyutā puthu.
8. Tvañca kho meva [me (sī.), mama (?)] akkhāhi, attānamapalāyini;
Kā vā tvamasi kalyāṇi, kissa vā tvaṃ sumajjhime.
9. Ruppapaṭṭapalimaṭṭhīva [ruppapaṭṭaplamaṭṭhīva (syā.), rūpapaṭṭapamaṭṭhīva (ka.)], byagghīva
girisānujā;
Yā santi nāriyo devesu, devānaṃ paricārikā.
10. Yā ca manussalokasmiṃ, rūpenānvāgatitthiyo;
Rūpena te sadisī natthi, devesu gandhabbamanussaloke [devagandhabbamānuse (syā.)];
Puṭṭhāsi me cārupubbaṅgi, brūhi nāmañca bandhave.
11. Yaṃ tvaṃ pati nisinnosi, rammaṃ brāhmaṇa kosikiṃ;
Sāhaṃ bhusālayā vutthā, varavārivahoghasā.
12. Nānādumagaṇākiṇṇā, bahukā girikandarā;
Mameva pamukhā honti, abhisandanti pāvuse.
13. Atho bahū vanatodā, nīlavārivahindharā;
Bahukā nāgavittodā, abhisandanti vārinā.
14. Tā ambajambulabujā, nīpā tālā cudumbarā [tālamudumbarā (syā. ka.)];
Bahūni phalajātāni, āvahanti abhiṇhaso.
15. Yaṃ kiñci ubhato tīre, phalaṃ patati ambuni;
Asaṃsayam taṃ sotassa, phalaṃ hoti vasānugam.
16. Etadaññāya medhāvi, puthupañña suṇohi me;
Mā rocaya mabhisaṅgam, paṭisedha janādhīpa.
17. Na vāhaṃ vaḍḍhavam [vaddhavam (sī. pī.)] maññe, yaṃ tvaṃ raṭṭhābhivaḍḍhana;
Āceyyamāno rājisi, maraṇaṃ abhikaṅkhasi.
18. Tassa jānanti pitaro, gandhabbā ca sadevakā;
Ye cāpi isayo loke, saññatattā tapassino;

Asaṃsayam tepi [te (sī. pī.)] jānanti, paṭṭhabhūtā [vaddhabhūtā (sī. pī.)] yasassino.
19. Evaṃ viditvā vidū sabbadhammaṃ, viddhamānaṃ cavanaṃ jīvitassa;
Na cīyatī tassa narassa pāpaṃ, sace na ceteti vadhāya tassa.
20. Isipūgasamaññāte, evaṃ lokyā viditā sati [pati (ka. syā. ka.)];
Anariyaparisaṃbhāse, pāpakammaṃ jigīsasi [jigimsasi (sī. syā. pī.)].
21. Sace ahaṃ marissāmi, tīre te puthusussoṇi;
Asaṃsayam taṃ asiloko, mayi pete āgamissati.

22. Tasmā hi pāpakaṃ kammaṃ, rakkhasseva [rakkhassu ca (syā.)] sumajjhime;
Mā taṃ sabbo jano pacchā, pakutṭhāyi [pakatthāsi (sī. pī.), patvakkhāsi (syā.)] mayi mate.
23. Aññātametaṃ avisayhasāhi, attānamambañca dadāmi te taṃ;
So duccaje kāmaguṇe pahāya, santiñca dhammañca adhiṭṭhitosi.
24. Yo hitvā pubbasaññogaṃ, pacchā saṃyojane ṭhito;
Adhammañceva carati, pāpañcassa pavaḍḍhati.
25. Ehi taṃ pāpayissāmi, kāmaṃ appossuko bhava;
Upānayāmi sītasmiṃ, viharāhi anussuko.
26. Taṃ puppharasamattebhi, vakkāṅgehi arindama;
Koñcā mayūrā diviyā, kolaṭṭhimadhusālikā;

Kūjitā haṃsapūgehi, kokilettha pabodhare.
27. Ambettha vipasākhaggā [vipasūnaggā (sī. syā. pī.), vippaonaggā (ka.)],
palālakhalasannibhā;
Kosambasaḷalā [kosumbhasalalā (sī. syā. pī.)] nīpā, pakkatālavilambino.
28. Mālī tiriṭī kāyūrī, aṅgadī candanussado [candanassado (sī.)];
Rattim tvam paricāresi, divā vedesi vedanaṃ.
29. Soḷasitthisahassāni, yā temā paricārikā;
Evaṃ mahānubhāvosi, abbhuto lomahaṃsano.
30. Kiṃ kammamakarī pubbe, pāpaṃ attadukhāvahaṃ;
Yaṃ karitvā manussesu, piṭṭhimaṃsāni khādasi.
31. Ajjhenāni paṭiggayha, kāmesu gadhito [gathito (sī. pī.), giddhito (syā. ka.), giddhiko (ka. aṭṭha.)] ahaṃ;
Acarim dīghamaddhānaṃ, paresaṃ ahitāyahaṃ.
32. Yo piṭṭhimaṃsiko hoti, evaṃ ukkacca khādati;
Yathāhaṃ ajja khādāmi, piṭṭhimaṃsāni attanoti.

Kimchandaajātakam paṭhamam.

512. Kumbhajātakam (2)

33. Ko pāturāsī tidivā nabhamhi, obhāsayaṃ saṃvarim candimāva;
Gatthehi te rasmiyo niccharanti, sateratā [sateritā (sī. syā. ka.)] vijjurivantalikkhe.
34. So chinnavātaṃ kamasī aghamhi, vehāyasaṃ gacchasi tiṭṭhasī ca;
Iddhī nu te vatthukatā subhāvitā, anaddhagūnaṃ api devatānaṃ.
35. Vehāyasaṃ gammamāgama [kamamāgama (sī. syā.)] tiṭṭhasi, kumbhaṃ kiṇāthāti
yametamatthaṃ;
Ko vā tuvaṃ kissa vā tāya kumbho, akkhāhi me brāhmaṇa etamatthaṃ.

36. Na sappikumbho napi telakumbho, na phāṇitassa na madhussa kumbho;
Kumbhassa vajjāni anappakāni, dose bahū kumbhagate suṇātha.
37. Gaḷeyya yaṃ pitvā [pītvā (sī. pī.)] pate papātaṃ, sobbhaṃ guhaṃ candaniyoḷigallaṃ;
Bahumpi bhuñjeyya abhojaneyyaṃ, tassā puṇṇaṃ kumbhamimaṃ kiṇātha.
38. Yaṃ pitvā [yaṃ ve pītvā (sī.)] cittasmimanesamāno, āhiṇḍatī goriva bhakkhasārī [bhakkhasādī (sī. syā. aṭṭha.)];
Anāthamāno upagāyati naccati ca, tassā puṇṇaṃ kumbhamimaṃ kiṇātha.
39. Yaṃ ve pivitvā acelova naggo, careyya gāme visikhantarāni;
Sammūḷhacitto ativelasāyī, tassā puṇṇaṃ kumbhamimaṃ kiṇātha.
40. Yaṃ pitvā utṭhāya pavedhamāno, sīsañca bāhuñca [bāhañca (pī.)] pacālayanto;
So naccatī dārukaṭallakova, tassā puṇṇaṃ kumbhamimaṃ kiṇātha.
41. Yaṃ ve pivitvā aggidaḍḍhā sayanti, atho sigālehipi khādītāse;
Bandhaṃ vadhaṃ bhogajāniñcupenti, tassā puṇṇaṃ kumbhamimaṃ kiṇātha.
42. Yaṃ pitvā bhāseyya ābhāsaneyyaṃ, sabhāyamāsīno apetavattho;
Sammakkhito [samakkhito (sī.)] vantagato byasanno, tassā puṇṇaṃ kumbhamimaṃ kiṇātha.
43. Yaṃ ve pivitvā ukkaṭṭho āvilakkho, mameva sabbā pathavīti maññe [maññati (sī.)];
Na me samo cāturantopi rājā, tassā puṇṇaṃ kumbhamimaṃ kiṇātha.
44. Mānātimānā kalahāni pesuṇī, dubbaṇṇinī naggayinī palāyinī;
Corāna dhuttāna gatī niketo, tassā puṇṇaṃ kumbhamimaṃ kiṇātha.
45. Iddhāni phītāni kulāni assu, anekasāhassadhanāni loke;
Ucchinnadāyajakatānimāya, tassā puṇṇaṃ kumbhamimaṃ kiṇātha.
46. Dhaññaṃ dhanam rajatam jātarūpaṃ, khettaṃ gavaṃ yattha vināsayanti;
Ucchedanī vittavataṃ [ucchedanī vittagataṃ (syā.), ucchedanīvittagataṃ (ka.)] kulānaṃ, tassā puṇṇaṃ kumbhamimaṃ kiṇātha.
47. Yaṃ ve pitvā dittarūpova [duṭṭharūpova (sī.)] poso, akkosati mātaram pitarāñca;
Sassumpi gaṇheyya athopi suṇhaṃ, tassā puṇṇaṃ kumbhamimaṃ kiṇātha.
48. Yaṃ ve pitvā dittarūpāva nārī, akkosati sasuram sāmikañca;
Dāsampi gaṇhe paricārakampi, tassā puṇṇaṃ kumbhamimaṃ kiṇātha.
49. Yaṃ ve pivitvāna [yañce pītvāna (pī.)] haneyya poso, dhamme ṭhitaṃ samaṇaṃ brāhmaṇaṃ vā;
Gacche apāyampi tatonidānaṃ, tassā puṇṇaṃ kumbhamimaṃ kiṇātha.
50. Yaṃ ve pivitvā duccharitaṃ caranti, kāyena vācāya ca cetasā ca;
Nirayaṃ vajanti duccharitaṃ caritvā, tassā puṇṇaṃ kumbhamimaṃ kiṇātha.
51. Yaṃ yācamānā na labhanti pubbe, bahuṃ hiraññaṃ pi pariccajantā;
So taṃ pivitvā alikaṃ bhaṇāti, tassā puṇṇaṃ kumbhamimaṃ kiṇātha.
52. Yaṃ ve pitvā pesane pesiyanto, accāyike karaṇīyamhi jāte;

Atthampi so nappajānāti vutto, tassā puṇṇaṃ kumbhamimaṃ kiṇātha.

53. Hirīmanāpi ahirīkabhāvaṃ, pātuṃ karonti madanāya [[madirāya \(pī.\)](#)] mattā;
Dhīrāpi santā bahukaṃ bhaṇanti, tassā puṇṇaṃ kumbhamimaṃ kiṇātha.
54. Yaṃ ve pitvā ekathūpā sayanti, anāsakā thaṇḍiladukkhaseyyaṃ;
Dubbaṇṇiyaṃ āyasyaṇcupenti, tassā puṇṇaṃ kumbhamimaṃ kiṇātha.
55. Yaṃ ve pitvā pattakkhandhā sayanti, gāvo kuṭahatāva na hi vāruṇiyā;
[\[yaṃ ve pitvā pattakkhandhā, sayanti gāvo kūṭahatāriya; na hi vāruṇiyā vego, narena sussahoriva; \(sī.\)\]](#) Vego narena susahoriva [\[yaṃ ve pitvā pattakkhandhā, sayanti gāvo kūṭahatāriya; na hi vāruṇiyā vego, narena sussahoriva; \(sī.\)\]](#), tassā puṇṇaṃ kumbhamimaṃ kiṇātha.
56. Yaṃ manussā vivajjenti, sappamaṃ ghoravisaṃ miva [[visamiva \(syā.\)](#), [visaṃ iva \(ka.\)](#), [visāmiva \(?\)](#)];
Taṃ loke visasamānaṃ, ko naro pātumarahati.
57. Yaṃ ve pitvā andhakaveṇḍaputtā, samuddatīre paricārayantā [[andhakaveṇḍaputtā \(sī. pī.\)](#),
[aṇḍakaveṇḍaputtā \(ka.\)](#)];
Upakkamaṃ musalehaññaṃ, tassā puṇṇaṃ kumbhamimaṃ kiṇātha.
58. Yaṃ ve pitvā pubbadevā pamattā, tidivā cutā sassatiyā samāya;
Taṃ tādisaṃ majjamimaṃ niratthakaṃ, jānaṃ mahārāja kathaṃ piveyya.
59. Nayimasmiṃ kumbhasmiṃ dadhi vā madhu vā, evaṃ abhiññāya kiṇāhi rāja;
Evañhimaṃ kumbhagatā mayā te, akkhātarūpaṃ tava sabbamitta.
60. Na me pitā vā athavāpi mātā, etādisā yādisako tuvaṃsi;
Hitānukampī paramatthakāmo, sohaṃ karissaṃ vacanaṃ tavajja.
61. Dadāmi te gāmarāni pañca, dāsīsaṃ satta gavaṃ satāni;
Ājaññayutte ca rathe dasa ime, ācariyo hosi mamatthakāmo.
62. Taveva dāsīsatamatthu rāja, gāmā ca gāvo ca taveva hontu;
Ājaññayuttā ca rathā taveva, sakkohasmī tidasānamindo.
63. Maṃsodanaṃ sappipāyāsaṃ [[sappipāyāñca \(sī.\)](#)] bhuñja, khādassu ca tvaṃ madhumāsapūve;
Evaṃ tvaṃ dhammarato janinda, anindito saggamupehi ṭhānanti.

Kumbhajātakaṃ dutiyaṃ.

513. Jayaddisajātakaṃ (3)

64. Cirassaṃ vata me udapādi ajja, bhakkho mahā sattamibhattakāle;
Kutosi ko vāsi tadiṅgha brūhi, ācikkha jātiṃ vidito yathāsi.
65. Pañcālarājā migavaṃ pavitṭho, jayaddiso nāma yadissuto te;
Carāmi kacchāni vanāni cāhaṃ, pasadaṃ imaṃ khāda mamajja muñca.
66. Seneva tvaṃ paṇasi sassamāno [[sayhamāno \(syā. ka.\)](#)], mamesa bhakkho pasado yaṃ vadesi;
Taṃ khādiyāna pasadaṃ jighaṇṇaṃ [[jighacchaṃ \(?\)](#)], khādissaṃ pacchā na vilāpakālo.

67. Na catthi mokkho mama nikkayena [vikkayena (sī.)], gantvāna paccāgamanāya pañhe;
Taṃ saṅkaraṃ [saṅgaram (sī. syā. pī.)] brāhmaṇassappadāya, saccānurakkhī punarāvajissam.
68. Kiṃ kammajātaṃ anutappate tvaṃ [anutappatī taṃ (sī. pī.)], pattaṃ samīpaṃ maraṇassa rāja;
Ācikkha me taṃ api sakkuṇemu, anujānitum āgamanāya pañhe.
69. Katā mayā brāhmaṇassa dhanāsā, taṃ saṅkaraṃ paṭimukkaṃ na muttaṃ;
Taṃ saṅkaraṃ brāhmaṇassappadāya, saccānurakkhī punarāvajissam.
70. Yā te katā brāhmaṇassa dhanāsā, taṃ saṅkaraṃ paṭimukkaṃ na muttaṃ;
Taṃ saṅkaraṃ brāhmaṇassappadāya, saccānurakkhī punarāvajassu.
71. Mutto ca so porisādassa [purisādassa (pī.)] hatthā, gantvā sakaṃ mandiraṃ kāmakāmī;
Taṃ saṅkaraṃ brāhmaṇassappadāya, āmantayī puttamaḷīnasattaṃ [sattum (syā. pī. ka.)].
72. Ajjeva rajjaṃ abhisiṅcayassu, dhammaṃ cara sesu paresu cāpi;
Adhammakāro ca te māhu raṭṭhe, gacchāmaṃ porisādassa ñatte [ñante (syā.)].
73. Kiṃ kamma kubbaṃ tava deva pāva [devapāde (sī. syā. pī.)], nārādhayī taṃ tadicchāmi
sotum;
Yamajja rajjamhi udassaye tvaṃ, rajjampi niccheyyaṃ tayā vināhaṃ.
74. Na kammunā vā vacasā va tāta, aparādhitoḥaṃ tuviyaṃ sarāmi;
Sandhiṅca [saddhim ca (ka.)] katvā purisādakena, saccānurakkhī punāhaṃ gamissam.
75. Ahaṃ gamissāmi idheva hohi, natthi tato jīvato vippamokkho;
Sace tvaṃ gacchasiyeva rāja, ahampi gacchāmi ubho na homa.
76. Addhā hi tāta satānesa dhammo, maraṇā ca me dukkhataṃ tadassa;
Kammāsapādo taṃ yadā pacitvā, pasayha khāde bhidā rukkhāsūle.
77. Pāṇena te pāṇamahaṃ nimissaṃ, mā tvaṃ agā porisādassa ñatte;
Etaṅca te pāṇamahaṃ nimissaṃ, tasmā mataṃ jīvitassa vaṇṇemi [varemi (sī.)].
78. Tato have dhitimā rājaputto, vanditvā mātu ca pitu ca [vandittha mātuca pitu (sī. pī.)]
pāde;
Dukhinissa mātā nipatā [nipatī (sī. pī.)] pathabyā, pitāssa paggayha bhujāni kandati.
79. Taṃ gacchantaṃ tāva pitā viditvā, parammukho vandati pañjalīko;
Somo ca rājā varuṇo ca rājā, pajāpatī candimā sūriyo ca;
Etehi gutto purisādakamhā, anuññāto sotthi paccehi tāta.
80. Yaṃ daṇḍakiraṅṅo gatassa [yaṃ daṇḍakāraṅṅagatassa (pī.)] mātā, rāmassakāsi sotthānaṃ
suguttā;
Taṃ te ahaṃ sotthānaṃ karomi, etena saccena sarantu devā;
Anuññāto sotthi paccehi putta.
81. Āvī raho vāpī manopadosaṃ, nāhaṃ sare jātu malīnasatte;
Etena saccena sarantu devā, anuññāto sotthi paccehi bhātika [bhāta (sī.), bhātā (syā. pī.)].
82. Yasmā ca me anadhimanosi sāmi, na cāpi me manasā appiyosi;
Etena saccena sarantu devā, anuññāto sotthi paccehi sāmi.

83. Brahā ujū cārumukho kutosi, na maṃ pajānāsi vane vasantaṃ;
Luddaṃ maṃ ñatvā “purisādako”’ti, ko sotthi mājānamidhā’vajeyya.
84. Jānāmi ludda purisādako tvaṃ, na taṃ na jānāmi vane vasantaṃ;
Ahañca puttosmi jayaddisassa, mamajja khāda pituno pamokkhā.
85. Jānāmi puttoti [puttosi (syā. ka.)] jayaddisassa, tathā hi vo mukhavaṇṇo ubhinnaṃ;
Sudukkaraññeva [sudukkaraññeva (syā. pī. ka.)] kataṃ tavedaṃ, yo mattumicche pituno
pamokkhā.
86. Na dukkaraṃ kiñci mahettha maññe, yo mattumicche pituno pamokkhā;
Mātu ca [mātucca (sī.)] hetu paraloka gantvā [gamyā (sī. syā.), gamyā (pī.)], sukkena saggena
ca sampayutto.
87. Ahañca kho attano pāpakiriyaṃ, āvī raho vāpi sare na jātu;
Saṅkhātājātīmaraṇohamasmi, yatheva me idha tathā parattha.
88. Khādajja maṃ dāni mahānubhāva, karassu kiccāni imaṃ sarīraṃ;
Rukkhasa vā te papatāmi aggā, chādayamāno mayhaṃ tvamadesi maṃsaṃ.
89. Idañca te ruccati rājaputta, cajesī [cajāsī (sī. pī.)] pāṇaṃ pituno pamokkhā;
Tasmā hi so [tasmātiha (sī. syā.)] tvaṃ taramānarūpo, sambhañja kaṭṭhāni jalehi aggim.
90. Tato have dhitimā rājaputto, dāruṃ samāhatvā mahantamaggiṃ;
Sandīpayitvā paṭivedayittha, ādīpito dāni mahāyamaggi [mayā yakkhamaggi (ka.)].
91. Khādajja maṃ dāni pasayhakārī, kiṃ maṃ muhuṃ pekkhasi haṭṭhalomo;
Tathā tathā tuyhamahaṃ karomi, yathā yathā maṃ chādayamāno adesi.
92. Ko tādisaṃ arahati khāditāye, dhamme ṭhitaṃ saccavādiṃ vadaññuṃ;
Muddhāpi tassa vipheyya sattadhā, yo tādisaṃ saccavādiṃ adeyya.
93. Idañhi so brāhmaṇaṃ maññamāno, saso avāsesi sake sarīre;
Teneva so candimā devaputto, sasatthuto [sasaṭṭhako (syā.)] kāmduhajja [kāmaruhajja (ka.)]
yakkha.
94. Cando yathā rāhumukhā pamutto, virocate pannaraseva bhāṇumā [bhānumā (sī. pī.)];
Evaṃ tvaṃ porisādā pamutto, viroca kapile [kampilla (sī. pī.), kapille (syā.)] mahānubhāva;
Āmodayaṃ pīraṃ mārañca, sabbo ca te nandatu ñātipakkho.
95. Tato have dhitimā rājaputto, katañjalī pariyāya [pariyagā (sī.), paggayha (syā. pī.)] porisādaṃ;
Anuññāto sotthi sukhī arogo, paccāgamā [paccāga (pī.)] kapilamalīnasattā
[kampilla’malīnasatto (sī. pī.), kapila’malīnasattā (ka.)].
96. Taṃ negamā jānapadā ca sabbe, hatthārohā rathikā pattikā ca;
Namassamānā pañjalikā upāgamuṃ, namatthu te dukkarakāraṃkosīti.

Jayaddisajātakaṃ [jayadisajātakaṃ (ka.)] tatiyaṃ.

514. Chaddantajātakaṃ (4)

97. Kiṃ nu socasinuccaṅgi, paṇḍūsi varavaṇṇini;

Milāyasi visālakkhi, mālāva parimadditā.

98. Dohaḷo me mahārāja, supinantenupajjhagā [nu'paccagā (sī. syā. pī.)];
Na so sulabharūpova, yādiso mama dohaḷo.
99. Ye keci mānūsā kāmā, idha lokasmi nandane;
Sabbe te pacurā mayhaṃ, ahaṃ te dammi dohaḷaṃ.
100. Luddā deva samāyantu, ye keci vijite tava;
Etesaṃ ahamakkhissaṃ, yādiso mama dohaḷo.
101. Ime te luddakā devi, katahatthā visāradā;
Vanaññū ca migaññū ca, mamatthe [mama te (pī.)] cattajīvītā.
102. Luddaputtā nisāmetha, yāvantettha samāgatā;
Chabbisāṇaṃ gajaṃ setaṃ, addasaṃ supine ahaṃ;
Tassa dantehi me attho, alābhe natthi jīvitaṃ.
103. Na no pitūnaṃ na pitāmahānaṃ, diṭṭho suto kuñjaro chabbisāṇo;
Yamaddasā supine rājaputtī, akkhāhi no yādiso hatthināgo.
104. Disā catasso vidisā catasso, uddhaṃ adho dasa disā imāyo;
Katamaṃ disaṃ tiṭṭhati nāgarājā, yamaddasā supine chabbisāṇaṃ.
105. Ito ujum uttariyaṃ disāyaṃ, atikkamma so sattagirī brahante;
Suvaṇṇapasso nāma girī ulāro, supupphito [sampupphito (syā.)] kimpurisānuciṇṇo.
106. Āruyha selaṃ bhavanaṃ kinnarānaṃ, olokaya pabbatapādamūlaṃ;
Atha dakkhasī meghasamānavaṇṇaṃ, nigrodharājāṃ atha sahasapādaṃ [poram (ka.)].
107. Tatthacchatī kuñjaro chabbisāṇo, sabbaseto duppasaho parebhi;
Rakkhanti naṃ aṭṭhasahassanāgā, īsānantā vātajavappahārino.
108. Tiṭṭhanti te tumūlaṃ [tumūla (syā.), bhimūla (pī. ka.)] passasantā, kuppanti vātassapi eritassa;
Manussabhūtaṃ pana tattha disvā, bhasmaṃ kareyyuṃ nāssa rajopi tassa.
109. Bahū hime rājakulamhi santi, piḷandhanā jātarūpassa devī;
Muttāmaṇiveḷuriyāmayā ca, kiṃ kāhasi dantapiḷandhanena;
Māretukāmā kuñjaraṃ chabbisāṇaṃ, udāhu ghātessasi luddaputte.
110. Sā issitā dukkhitā casmi ludda, uddhañca sussāmi anussarantī;
Karoḥi me luddaka etamatthaṃ, dassāmi te gāmarāni pañca.
111. Katthacchatī katthamupeti ṭhānaṃ, vīthissa kā nhāna [nahāna (sī. pī.)] gatassa hoti;
Kathañhi so nhāyati [nahāyati (sī. pī.)] nāgarājā, kathaṃ vijānemu gatim gajassa.
112. Tattheva sā pokkharaṇī adūre [avidūre (syā. ka.)], rammā sutitthā ca mahodikā [mahodakā (syā. ka.)] ca;
Sampupphitā bhamaragaṇānuciṇṇā [kiṇṇā (katthaci)], ettha hi so nhāyati nāgarājā.
113. Sīsaṃ nahātuppala [nahāto uppala (sī. syā. pī.)] mālābhārī, sabbaseto puṇḍarīkattacaṅgī;
Āmodamāno gacchati sanniketaṃ, purakkhatvā mahesiṃ sabbabhaddaṃ.

114. Tattheva so uggahetvāna vākyam, ādāya tūṇiṅca dhanuṅca luddo;
Vituriyati [vituriya so (sī. aṭṭha.)] sattagirī brahante, suvaṇṇapassam nāma girim ulāram.
115. Āruyha selam bhavanam kinnarānam, olokayī pabbatapādamūlam;
Tatthaddasā meghasamānavanṇam, nigrodharājam aṭṭhasahassapādam.
116. Tatthaddasā kuṅjaram chabbisānam, sabbasetam duppasaham parebhi;
Rakkhanti nam aṭṭhasahassanāgā, īsādantā vātajavappahārino.
117. Tatthaddasā pokkharaniṃ adūre, rammaṃ sutitthaṅca mahodikaṅca;
Sampupphitam bhamaragaṇānuciṇṇam, yattha hi so nhāyati nāgarājā.
118. Disvāna nāgassa gatiṃ ṭhitiṅca, vīthissa yā nhānatassa hoti;
Opātamāgacchi anariyarūpo, payojito cittavasānugāya.
119. Khaṇitvāna kāsūṃ phalakehi chādayi, attānamodhāya dhanuṅca luddo;
Passāgataṃ puthusallena nāgam, samappayī dukkaṭakammakārī.
120. Viddho ca nāgo koṅcamanādi ghoram, sabbe ca [sabbeva (sī. syā. pī.)] nāgā ninnadam
[ninnādu (syā.), ninnādam (ka.)] ghorarūpaṃ;
Tiṅca kaṭṭhaṅca raṇam [cuṇṇam (ka. sī. pī.)] karontā, dhāvimsu te aṭṭhadisā samantato.
121. Vadhissametanti [vadhissamenanti (syā.)] parāmasanto, kāsāvamaddakkhi dhajam isīnam;
Dukkheṇa phuṭṭhassudapādi saññā, arahaddhajo sabbhi avajjharūpo.
122. Anikkasāvo kāsāvam, yo vattham paridahissati [paridahessati (sī. pī.), paridhassati (katthaci)];
Apeto damasaccena, na so kāsāvamarahati.
123. Yo ca vantakasāvassa, sīlesu susamāhito;
Upeto damasaccena, sa ve kāsāvamarahati.
124. Samappito puthusallena nāgo, aduṭṭhacitto luddakamajjhabhāsi;
Kimatthayam kissa vā samma hetu, mamaṃ vadhī kassa vāyam payogo.
125. Kāsissa rañño mahesī bhadante, sā pūjitā rājakule subhaddā;
Taṃ addasā sā ca mamaṃ asaṃsi, dantehi atthoti ca maṃ [atthoti mamaṃ (syā. ka.)] avoca.
126. Bahū hi me dantayugā ulārā, ye me pitūnaṅca [pitunnampi (pī.)] pitāmahānam;
Jānāti sā kodhanā rājaputtī, vadhatthikā veramakāsi bālā.
127. Uṭṭhehi tvam ludda kharam gahetvā, dante ime chinda purā marāmi;
Vajjāsi taṃ kodhanam rājaputtiṃ, “nāgo hatto handa imassa dantā”.
128. Uṭṭhāya so luddo kharam gahetvā, chetvāna dantāni gajuttamassa;
Vaggū subhe appaṭṭime pathabyā, ādāya pakkāmi tato hi khippam.
129. Bhayaṭṭitā [bhayadditā (sī. pī.)] nāgavadhena aṭṭā, ye te nāgā aṭṭha disā vidhāvum;
Adisvāna [adisva (sī. pī.)] posam gajapaccamittam, paccāgamum yena so nāgarājā.
130. Te tattha kanditvā roditvāna [roditva (sī. pī.)] nāgā, sīse sake paṃsukam okiritvā;
Agamaṃsu te sabbe sakam nicketam, purakkhatvā mahesiṃ sabbabhaddam.

131. Ādāya dantāni gajuttamassa, vaggū subhe appaṭime pathabyā;
Suvanṇarājīhi samantamodare, so luddako kāsipuram upāgami;
Upanesi so rājakaññāya dante, nāgo hatō handa imassa dantā.
132. Disvāna dantāni gajuttamassa, bhattuppiyassa purimāya jātiyā;
Tattheva tassā hadayaṃ aphāli, teneva sā kālamakāsi bālā.
133. Sambodhipatto sa [ca (sī. syā.), va (pī.)] mahānubhāvo, sitaṃ akāsi parisāya majjhe;
Pucchiṃsu bhikkhū suvimuttacittā, nākāraṇe pātukaronti buddhā.
134. Yamaddasātha dahariṃ kumāriṃ, kāsāyavatthaṃ anagāriyaṃ carantiṃ;
Sā kho tadā rājakaññā ahoṣi, ahaṃ tadā nāgarājā ahoṣiṃ.
135. Ādāya dantāni gajuttamassa, vaggū subhe appaṭime pathabyā;
Yo luddako kāsipuram upāgami, so kho tadā devadatto ahoṣi.
136. Anāvasūram cirarattasamsitaṃ, uccāvacaṃ [ucaṃ nīcaṃ (sī. syā. pī.)] caritamidaṃ purāṇaṃ;
Vītaddaro vītasoko visallo, sayam abhiññāya abhāsi buddho.
137. Ahaṃ vo tena kālena, ahoṣiṃ tattha bhikkhavo;
Nāgarājā tadā homi [hoṣiṃ (sī. syā. pī.)], evaṃ dhāretha jātakanti.

Chaddantajātakam catutthaṃ.

515. Sambhavajātakam (5)

138. Rajjañca paṭipannāśma, ādhipaccaṃ sucīrata;
Mahattaṃ pattumicchāmi, vijetaṃ pathaviṃ imaṃ.
139. Dhammena no adhammena, adhammo me na rucati;
Kiccova dhammo carito, rañño hoti sucīrata.
140. Idha cevāninditā yena, pecca yena aninditā;
Yasaṃ devamanussesu, yena pappomu [pappemu (sī. aṭṭha.)] brāhmaṇa.
141. Yo haṃ atthañca dhammañca, kattumicchāmi brāhmaṇa;
Taṃ tvaṃ atthañca dhammañca, brāhmaṇakkhāhi pucchito.
142. Nāññatra vidhurā rāja, etadakkhātumarahati;
Yaṃ tvaṃ atthañca dhammañca, kattumicchasi khattiya.
143. Ehi kho pahito gaccha, vidhurassa upantikaṃ;
Nikkhañcimam [nikkham ratta (sī.), nikkhamimam (pī.)] suvaṇṇassa, haram gaccha sucīrata;
Abhihāram imaṃ dajjā, atthadhammānusiṭṭhiyā.
144. Svādhippāgā bhāradvājo, vidhurassa upantikaṃ;
Tamaddasa mahābrahmā, asamānaṃ sake ghare.
145. Rañño haṃ pahito dūto, korabyassa yasassino;
“Atthaṃ dhammañca pucchasi”, iccabravi yudhiṭṭhilo;
Taṃ tvaṃ atthañca dhammañca, vidhurakkhāhi pucchito.

146. Gaṅgaṃ me pidahissanti, na taṃ sakkomi brāhmaṇa;
Apidhetuṃ mahāsindhuṃ, taṃ kathaṃ so bhavissati.
147. Na te sakkomi akkhātuṃ, atthaṃ dhammañca pucchito;
Bhadrakāro ca me putto, oraso mama atrajo;
Taṃ tvaṃ atthañca dhammañca, gantvā pucchassu brāhmaṇa.
148. Svādhippāgā bhāradvājo, bhadrakārassupantikaṃ [bhadrakārassa santikaṃ (sī. syā.)];
Tamaddasa mahābrahmā, nisinnaṃ samhi vesmani.
149. Raññoḥaṃ pahito dūto, korabyassa yasassino;
“Atthaṃ dhammañca pucchesi”, iccabravi yudhiṭṭhilo;
Taṃ tvaṃ atthañca dhammañca, bhadrakāra pabrūhi [bravīhi (sī. pī.)] me.
150. Maṃsakājaṃ [maṃsakācaṃ (pī.)] avahāya, godhaṃ anupatāmaḥaṃ;
Na te sakkomi akkhātuṃ, atthaṃ dhammañca pucchito.
151. Sañcayo [sañjayo (sī. syā. pī.)] nāma me bhātā, kaniṭṭho me sucīrata;
Taṃ tvaṃ atthañca dhammañca, gantvā pucchassu brāhmaṇa.
152. Svādhippāgā bhāradvājo, sañcayassa upantikaṃ;
Tamaddasa mahābrahmā, nisinnaṃ samhi vesmani [parisati (syā.), parīsati (pī.)].
153. Raññoḥaṃ pahito dūto, korabyassa yasassino;
“Atthaṃ dhammañca pucchesi”, iccabravi yudhiṭṭhilo;
Taṃ tvaṃ atthañca dhammañca, sañcayakkhāhi pucchito.
154. Sadā maṃ gilate [gilatī (sī.), gilati (pī.)] maccu, sāyaṃ pāto sucīrata;
Na te sakkomi akkhātuṃ, atthaṃ dhammañca pucchito.
155. Sambhavo nāma me bhātā, kaniṭṭho me sucīrata;
Taṃ tvaṃ atthañca dhammañca, gantvā pucchassu brāhmaṇa.
156. Abbhuto vata bho dhammo, nāyaṃ asmāka ruccati;
Tayo janā pitāputtā, tesu paññāya no vidū.
157. Na taṃ sakkotha akkhātuṃ, atthaṃ dhammañca pucchitā;
Kathaṃ nu daharo jaññā, atthaṃ dhammañca pucchito.
158. Mā naṃ daharoti uññāsi [maññāsi (syā. ka.)], apucchitvāna sambhavaṃ;
Pucchitvā sambhavaṃ jaññā, atthaṃ dhammañca brāhmaṇa.
159. Yathāpi cando vimalo, gacchaṃ ākāsadhātuyā;
Sabbe tārāgaṇe loke, ābhāya atirocati.
160. Evampi daharūpeto, paññāyogena sambhavo;
Mā naṃ daharoti uññāsi, apucchitvāna sambhavaṃ;
Pucchitvā sambhavaṃ jaññā, atthaṃ dhammañca brāhmaṇa.
161. Yathāpi rammako māso, gimhānaṃ hoti brāhmaṇa;
Atevaññehi māsehi, dumapupphehi sobhati.

162. Evampi daharūpeto, paññāyogena sambhavo;
Mā naṃ daharoti uññāsi, apucchitvāna sambhavaṃ;
Pucchitvā sambhavaṃ jaññā, atthaṃ dhammañca brāhmaṇa.
163. Yathāpi himavā brahme, pabbato gandhamādano;
Nānārukkhehi sañchanno, mahābhūtagaṇālayo;
Osadhehi ca dibbehi, disā bhāti pavāti ca.
164. Evampi daharūpeto, paññāyogena sambhavo;
Mā naṃ daharoti uññāsi, apucchitvāna sambhavaṃ;
Pucchitvā sambhavaṃ jaññā, atthaṃ dhammañca brāhmaṇa.
165. Yathāpi pāvako brahme, accimālī yasassimā;
Jalamāno vane gacche [[caraṃ kacche \(pī.\)](#)], analo kaṇhavattanī.
166. Ghatāsano dhūmaketu, uttamāhevanandaho;
Nisīthe [[nissīve \(syā.\)](#), [nisive \(ka.\)](#)] pabbataggasmim, pahūtedho [[bahutejo \(syā. ka.\)](#)] virocāti.
167. Evampi daharūpeto, paññāyogena sambhavo;
Mā naṃ daharoti uññāsi, apucchitvāna sambhavaṃ;
Pucchitvā sambhavaṃ jaññā, atthaṃ dhammañca brāhmaṇa.
168. Javena bhadrāṃ jānanti, balibaddaṇca [[balivaddaṇca \(sī. pī.\)](#)] vāhiye;
Dohena dhenuṃ jānanti, bhāsamānaṇca paṇḍitaṃ.
169. Evampi daharūpeto, paññāyogena sambhavo;
Mā naṃ daharoti uññāsi, apucchitvāna sambhavaṃ;
Pucchitvā sambhavaṃ jaññā, atthaṃ dhammañca brāhmaṇa.
170. Svādhippāgā bhāradvājo, sambhavassa upantikaṃ;
Tamaddasa mahābrahmā, kīlamānaṃ bahīpure.
171. Raññoḥaṃ pahito dūto, korabyassa yasassino;
“Atthaṃ dhammañca pucchesi”, iccabravi yudhiṭṭhilo;
Taṃ tvaṃ atthañca dhammañca, sambhavakkhāhi pucchito.
172. Taggha te ahamakkhissaṃ, yathāpi kusalo tathā;
Rājā ca kho taṃ jānāti, yadi kāhati vā na vā.
173. “Ajja suve”ti saṃseyya, raññā puṭṭho sucīrata;
Mā katvā avasī rājā, atthe jāte yudhiṭṭhilo.
174. Ajjhattaññeva saṃseyya, raññā puṭṭho sucīrata;
Kummaggāṃ na niveseyya, yathā mūḷho acetaso [[acetano \(ka.\)](#)].
175. Attānaṃ nātivatteyya, adhammaṃ na samācare;
Atitthe nappatāreyya, anathe na yuto siyā.
176. Yo ca etāni ṭhānāni, kattaṃ jānāti khattiyo;
Sadā so vaḍḍhate rājā, sukkaṃpakkeva candimā.
177. Ñātīnaṇca piyo hoti, mittesu ca virocāti;

Kāyassa bheda sappañño, saggam so upapajjatīti.

Sambhavajātakam pañcamam.

516. Mahākapijātakam (6)

178. Bārāṇasyam [bārāṇassam (sī. pī.)] ahū rājā, kāsīnam raṭṭhavaḍḍhano;
Mittāmaccaparibyūḷho, agamāsi migājīnam [migājīram (sī.), migācīram (pī.)].
179. Tattha brāhmaṇamaddakkhi, setam citram kilāsinam;
Viddhastam koviḷāramva, kīsam dhamanisantham.
180. Paramakāruṇṇātam pattam, disvā kicchagatam naram;
Avaca byamhito rājā, “yakkhānam katamo nusi.
181. “Hatthapādā ca te setā, tato setataram [setataro (pī.)] siro;
Gattam kammāsavaṇṇam te, kilāsabahulo caṣi.
182. “Vaṭṭanāvaḷi [vaṭṭhanāvaḷi (pī.)] saṅkāsā, piṭṭhi te ninnatunnatā;
Kāḷapabbāva [kāḷapabbā ca (syā.), kāḷā pabbā ca (pī.)] te aṅgā, nāññam passāmi edisam.
183. “Ugghaṭṭapādo tasito, kiso dhamanisanthato;
Chāto ātattarūposi [ādittarūposi (ka.), atittarūposi (syā. ka. aṭṭha.)], kutosi kattha gacchasi.
184. “Duddasī appakārosi, dubbaṇṇo bhīmadassano;
Janetti yāpi te mātā, na tam iccheyya passitum.
185. “Kiṃ kammamakaram [kammamakārā (sī. syā. pī.)] pubbe, kam avajjham aghātayi;
Kibbisam yaṃ karitvāna, idaṃ dukkham upāgami”.
186. Taggha te ahamakkhissam, yathāpi kusalo tathā;
Saccavādīñhi lokasmiṃ, pasamsantīdha paṇḍitā.
187. Eko caram gogaveso, mūḷho accasariṃ vane;
Araññe iriṇe [īriṇe (sī. syā. pī.)] vivane, nānakuñjarasevite.
188. Vāḷamigānucarite, vippanaṭṭhosmi kānane;
Acariṃ tattha sattāham, khuppipāsā [khuppipāsā (sī. pī.)] samappito.
189. Tattha tindukamaddakkhiṃ, visamaṭṭham bubhukkhito;
Papātamabhilambantaṃ, sampannaphaladhāriṇam.
190. Vātassitāni bhakkhesiṃ, tāni rucchiṃsu me bhusam;
Atitto rukkhamarūhiṃ [māruya (sī. syā.)], tattha hessāmi āsito.
191. Ekam me bhakkhitam āsi, dutiyam abhipatthitam;
Tato sā bhañjatha sākhā, chinnā pharasunā viya.
192. Soham sahāva sākhāhi, uddhampādo avamsiro;
Appatiṭṭhe anālambe, giriduggasmi pāpataṃ.

193. Yasmā ca vāri gambhīraṃ, tasmā na samapajjisam [samapajjasim (sī.), samabhajjisam (pī.)];
Tattha sesim nirānando, anūnā [anātho (sī.)] dasa rattiyo.
194. Athettha kapi māgañchi [māgacchi (syā. ka.)], gonaṅgulo darīcaro;
Sākhāhi sākhaṃ vicaranto, khādamāno dumapphalaṃ.
195. So maṃ disvā kisaṃ paṇḍuṃ, kāruññamakaraṃ mayi;
Ambho ko nāma so ettha, evaṃ dukkhena aṭṭito.
196. Manusso amanusso vā, attānaṃ me pvedaḍḍaya;
Tassañjalim paṇāmetvā, idaṃ vacanamabravim.
197. Manussohaṃ byasampatto [vasampatto (syā. ka.)], sā me natthi ito gati;
Taṃ vo vadāmi bhaddaṃ vo, tvañca me saraṇaṃ bhava.
198. Garuṃ [garu (sī. pī.)] silaṃ gahetvāna, vicarī [vicari (pī.)] pabbate kapi;
Silāya yoggaṃ katvāna, nisabho etadabravi.
199. Ehi me piṭṭhimāruyha, gīvaṃ gaṇhāhi bāhubhi;
Ahaṃ taṃ uddharissāmi, giriduggata vegasā.
200. Tassa taṃ vacanaṃ sutvā, vānarindassa sirīmato;
Piṭṭhimāruyha dhīrassa, gīvaṃ bāhāhi aggahim.
201. So maṃ tato samuṭṭhāsi, tejassī [tejasī (syā. pī. ka.)] balavā kapi;
Vihaññamāno kicchena, giriduggata vegasā.
202. Uddharitvāna maṃ santo, nisabho etadabravi;
Ingha maṃ samma rakkhassu, passupissaṃ muhuttakaṃ.
203. Sīhā byagghā ca dīpī ca, acchakokataracchayo;
Te maṃ pamattaṃ himseyyūṃ, te tvaṃ disvā nivāraya [disvāna vāraya (pī.)].
204. Evaṃ me parittātūna [parittātuna (ka.)], passupi so muhuttakaṃ;
Tadāhaṃ pāpikaṃ diṭṭhim, paṭilacchim ayoniso.
205. Bhakkho ayaṃ manussānaṃ, yathā caññe vane migā;
Yaṃ nūnimaṃ vadhitvāna, chāto khādeyya vānaraṃ.
206. Asito [āsiko (pī.)] ca gamissāmi, maṃsamādāya sambalaṃ;
Kantāraṃ nittharissāmi, pātheyyaṃ me bhavissati.
207. Tato silaṃ gahetvāna, matthakaṃ sannitālayim;
Mama gatta [bhatta (sī. syā.), hattha (pī.)] kilantassa, pahāro dubbalo ahu.
208. So ca vegenudappatto, kapi ruhira [rudhira (sī.)] makkhito;
Assuṇṇehi nettehi, rodanto maṃ udikkhati.
209. Māyyomaṃ kari bhaddante, tvañca nāmedisaṃ kari;
Tvañca kho nāma dīghāvu [dīghāyu (pī.)], aññe [aññaṃ (pī.)] vāretumarahasi.
210. Aho vata re purisa, tāva dukkarakāraka;

Edisā visamā duggā, papātā uddhato [uddhaṭo (pī.)] mayā.

211. Ānīto paralokāva, dubbheyyaṃ maṃ amaññaṭha;
Taṃ tena pāpadhammena, pāpaṃ pāpena cintitaṃ.
212. Mā heva tvaṃ adhammaṭṭha, vedanaṃ kaṭukaṃ phusi;
Mā heva pāpakammaṃ taṃ, phalaṃ veḷuṃva taṃ vadhi.
213. Tayime natthi vissāso, pāpadhamma asaññaṭha [pāpadhammaṃ amaññaṭha (pī.)];
Ehi me piṭṭhito gaccha, dissamānova santike.
214. Muttosi hatthā vāḷānaṃ, pattosi mānusiṃ padaṃ;
Esa maggo adhammaṭṭha, tena gaccha yathāsukhaṃ.
215. Idaṃ vatvā giricarō, rahade [ruhiraṃ (syā. ka.)] pakkhalya matthakaṃ;
Assūni sampamajjitvā, tato pabbatamāruhi.
216. Sohaṃ tenābhisattosmi, pariḷāhena aṭṭito;
Ḍayhamānena gattena, vāriṃ pātuṃ upāgamiṃ.
217. Agginā viya santatto, rahado ruhiraṃakkhito;
Pubbalohitasāṅkāso, sabbo me samapajjatha.
218. Yāvanto udabindūni, kāyasmīṃ nipatiṃsu me;
Tāvanto gaṇḍa [gaṇḍū (sī. pī.), gaṇḍu (syā.)] jāyetha, addhabeluvasādisā.
219. Pabhinnā pagghariṃsu me, kuṇapā pubbalohitā;
Yena yeneva gacchāmi, gāmesu nigamesu ca.
220. Daṇḍahatthā nivārenti, itthiyo purisā ca maṃ;
Okkitā [okiṇṇā (sī.)] pūtigandhena, māssu orena āgamā [māgamā (sī. pī.)].
221. Etādisaṃ idaṃ dukkhaṃ, satta vassāni dāni me;
Anubhomi sakaṃ kammaṃ, pubbe dukkaṭamattano.
222. Taṃ vo vadāmi bhaddante [bhaddaṃ vo (sī. pī.)], yāvantettha samāgatā;
Māssu mittāna [mittānaṃ (sī. pī.)] dubbhittho, mittadubbho hi pāpako.
223. Kuṭṭhī kilāsī bhavati, yo mittānidha dubbhati [yo mittānaṃ idhaddubhi (sī. aṭṭha.), yo
mittānaṃ idha dubbhati (pī.)];
Kāyassa bhedaṃ mittaddu [mittadubbhī (syā. ka.)], nirayaṃ sopapajjatīti [so upapajjatīti (sī. syā.
pī.)].

Mahākapijātaṃ chaṭṭhaṃ.

517. Dakarakkhasajātaṃ (7)

224. Sace vo vuyhamānānaṃ, sattannaṃ udakaṇṇave;
Manussabalimesāno, nāvaṃ gaṇheyya rakkhaso;
Anupubbaṃ kathaṃ datvā, muñcesi dakarakkhasā [dakarakkhato (pī.)].

225. Mātaraṃ paṭhamam dajjam, bhariyam datvāna bhātaram;
Tato sahāyam datvāna, pañcamam dajjam [dajja (syā.)] brāhmaṇam;
Chaṭṭhāham dajjamattānam, neva dajjam mahosadham.
226. Posetā te janettī ca, dīgharattānukampikā;
Chabbhī tayi padussati [paduṭṭhasmim (sī. syā.)], paṇḍitā atthadassinī;
Aññaṃ upaniṣam katvā, vadhā taṃ parimocayi.
227. Taṃ tādisiṃ [tādisiṃ (ka.)] pāṇadadiṃ, orasaṃ gabbhadhāriṇiṃ [gabbhadhāriṇiṃ (sī. syā.)];
Mātaram kena dosena, dajjāsi dakarakkhino [dakarakkhato (pī.).]
228. Daharā viyalaṅkāram, dhāreti apiḷandhanam;
Dovārike anīkaṭṭhe, ativelam pajagghati [sañjagghati (ka.).]
229. Athopi paṭirājūnam, sayam dūtāni sāsati;
Mātaram tena dosena, dajjāham dakarakkhino.
230. Itthigumbassa pavarā, accantam piyabhāṇiṇī [accantapiyavādinī (sī. pī.)];
Anuggatā [anubbatā (syā.), anupubbatā (ka.)] sīlavatī, chāyāva anapāyini.
231. Akkodhanā puññavatī [paññavatī (sī. pī.)], paṇḍitā atthadassinī;
Ubbarim [upparim (sī.)] kena dosena, dajjāsi dakarakkhino.
232. Khiddārisamāpannam, anattavasamāgataṃ;
Sā maṃ sakāna puttānam, ayācam yācate dhanam.
233. Soham dadāmi sāratto [sārato (syā.)], bahum uccāvacaṃ dhanam;
Suduccajam cajitvāna, pacchā socāmi dummano;
Ubbarim tena dosena, dajjāham dakarakkhino.
234. Yenocitā janapadā [jānapadā (sī. syā. pī.)], ānītā ca paṭiggaham;
Ābhataṃ pararajjebhi, abhiṭṭhāya bahum dhanam.
235. Dhanuggahānam pavaram, sūram tikhiṇamantiṃ;
Bhātaram kena dosena, dajjāsi dakarakkhino.
236. Yenocitā [mayocitā (sī.), mayācitā (pī.)] janapadā, ānītā ca paṭiggaham;
Ābhataṃ pararajjebhi, abhiṭṭhāya bahum dhanam.
237. Dhanuggahānam pavaro, sūro tikhiṇamanti ca [tikhiṇamantino (ka.)];
Mayāyam [mayā so (sī. pī.)] sukhito rājā, atimaññati dārako.
238. Upaṭṭhānampi me ayye, na so eti yathā pure;
Bhātaram tena dosena, dajjāham dakarakkhino.
239. Ekarattena ubhayo, tvañceva dhanusekha ca [dhanusekhavā (sī. syā. pī.)];
Ubho jātettha pañcālā, sahāyā susamāvayā.
240. Cariyā taṃ anubandhittho [anubandho (ka.)], ekadukkhasukho tava;
Ussukko te divārattim, sabbakiccesu byāvaṭo;
Sahāyam kena dosena, dajjāsi dakarakkhino.

241. Cariyā maṃ ayaṃ [cariyāya ayaṃ (sī. pī.)] ayye, pajagghittho [sañjagghittho (syā.)] mayā saha;
Ajjāpi tena vaṇṇena, ativelam pajagghati.
242. Ubbariyāpihaṃ ayye, mantayāmi rahogato;
Anāmanto [anāmantā (sī.)] pavisati, pubbe appaṭivedito.
243. Laddhadvāro [laddhavāro (sī. pī.)] katokāso, ahirikaṃ anādaraṃ;
Sahāyaṃ tena dosena, dajjāhaṃ dakarakkhino.
244. Kusalo sabbanimittānaṃ, rutaññū [rudaññū (sī. syā. pī.)] āgatāgamo;
Uppāte supine yutto, niyyāne ca pavesane.
245. Paṭṭho [paddho (sī. pī.)] bhūmantalikkhasmiṃ, nakkhattapadakovido;
Brāhmaṇaṃ kena dosena, dajjāsi dakarakkhino.
246. Parisāyampi me ayye, ummīlitvā udikkhati;
Tasmā accabhamuṃ luddaṃ, dajjāhaṃ dakarakkhino.
247. Sasamuddapariyāyaṃ, mahiṃ sāgarakuṇḍalaṃ;
Vasundharaṃ āvasasi, amaccaparivārito.
248. Cāturato mahāraṭṭho, vijitāvī mahabbalo;
Pathabyā ekarājāsi, yaso te vipulaṃ gato.
249. Soḷasitthisahassāni, āmuttamaṇikuṇḍalā;
Nānājanapadā nārī, devakaññūpamā subhā.
250. Evaṃ sabbaṅgasampannaṃ, sabbakāmasamiddhinaṃ;
Sukhitānaṃ piyaṃ dīghaṃ, jīvitaṃ āhu khattiya.
251. Atha tvaṃ kena vaṇṇena, kena vā pana hetunā;
Paṇḍitaṃ anurakkhanto, pāṇaṃ cajasi duccajaṃ.
252. Yatopi āgato ayye, mama hatthaṃ mahosadho;
Nābhijānāmi dhīrassa, anumattampi dukkaṭaṃ.
253. Sace ca kismici kāle, maraṇaṃ me pure siyā;
So me putte [putte ca me (sī. syā. pī.)] paputte ca, sukhāpeyya mahosadho.
254. Anāgataṃ paccuppannaṃ, sabbamatthampi passati [sabbamatthaṃ vipassati (sī. syā. pī.)];
Anāparādhakammantaṃ, na dajjaṃ dakarakkhino.
255. Idaṃ suṇātha pañcālā, cūḷaneyyassa [cūḷānyassa (sī.)] bhāsitaṃ;
Paṇḍitaṃ anurakkhanto, pāṇaṃ cajati duccajaṃ.
256. Mātu bhariyāya bhātucca, sakhino brāhmaṇassa ca;
Attano cāpi pañcālo, channaṃ cajati jīvitaṃ.
257. Evaṃ mahatthikā [khahiddhiyā (syā.), mahiddhikā (ka.)] paññā, nipuṇā sādhu cintinī;
Diṭṭhadhammahitatthāya, samparāyasukhāya cāti.

Dakarakkhasajātakam sattamaṃ.

518. Paṇḍaranāgarājātakam (8)

258. Vikiṇṇavācam aniguyha [anigūḷha (pī.)] mantam, asaṅṅatam aparicakkhitāram [aparirakkhitāram (ka.)];
Bhayaṃ tamanveti sayam abodham, nāgam yathā paṇḍarakam supaṇṇo [suvaṇṇo (ka.)].
259. Yo guyhamantaṃ parirakkhaneyyam, mohā naro saṃsati hāsamāno [bhāsamāno (pī.)];
Taṃ bhinnamantaṃ bhayamanveti khippam, nāgam yathā paṇḍarakam supaṇṇo.
260. Nānumitto garuṃ attham, guyham veditumarahati;
Sumitto ca asambuddham, sambuddham vā anattha vā.
261. Vissāsamāpajjimahaṃ acelaṃ [acelo (sī. pī.)], samaṇo ayaṃ sammato bhāvitatto;
Tassāhamakkhiṃ vivariṃ [vivaram (sī.)] guyhamattham, atītamatto kapaṇam [kapaṇo (pī.)] rudāmi.
262. Tassāham paramaṃ [purimaṃ (sī.)] brahme guyham, vācaṅhi maṃ nāsakkhiṃ [nāsakkhi (pī.)] saṃyametuṃ;
Tappakkhato hi bhayamāgataṃ mamaṃ, atītamatto kapaṇam rudāmi.
263. Yo ve naro suhadaṃ maṅṅamāno, guyhamattham saṃsati dukkulīne;
Dosā bhayā athavā rāgarattā [rāgaratto (sī. syā. pī.)], pallathito [pallitho (pī.), pallattito (ka.)] bālo asaṃsayam so.
264. Tirokkhavāco asataṃ pavitṭho, yo saṅgatīsu mudīreti vākyam;
Āsīviso dummukhotyāhu taṃ naram, ārā arā [ārā arā (pī.)] saṃyame tādisamhā.
265. Annaṃ pānaṃ kāsika [kāsikam (pī.)] candanaṅca, manāpitthiyo mālamucchādanaṅca;
Ohāya gacchāmaṃ sabbakāme, supaṇṇa pāṇūpagatāva tyamhā.
266. Ko nīdha tiṇṇam garahaṃ upeti, asmimḍha loke pāṇabhū nāgarāja;
Samaṇo supaṇṇo atha vā tvameva, kiṃ kāraṇā paṇḍarakaggahīto.
267. Samaṇoti me sammatatto ahosi, piyo ca me manasā bhāvitatto;
Tassāhamakkhiṃ vivariṃ guyhamattham, atītamatto kapaṇam rudāmi.
268. Na catthi satto amaro pathabyā, paṅṅāvidhā natthi na ninditabbā;
Saccena dhammena dhitiyā [dhiyā (sī. pī.)] damena, alabbhamabyāharatī naro idha.
269. Mātāpitā paramā bandhavānaṃ, nāssa tatiyo anukampakatthi;
Tesampi guyham paramaṃ na saṃse, mantassa bhedaṃ parisāṅkamāno.
270. Mātāpitā bhaginī bhātaro ca, sahāyā vā yassa honti sapakkhā;
Tesampi guyham paramaṃ na saṃse, mantassa bhedaṃ parisāṅkamāno.
271. Bhariyā ce purisaṃ vajjā, komārī piyabhāṇinī;
Puttarūpayasūpetā, ṅātisaṅghapurakkhatā, tassāpi guyham paramaṃ na saṃse;
Mantassa bhedaṃ parisāṅkamāno.
272. Na guyhamattham [guyhattham (ka.)] vivareyya, rakkheyya naṃ yathā nidhiṃ;

Na hi pātukato sādhu, guyho attho pajānatā.

273. Thiyā guyhaṃ na saṃseyya, amittassa ca paṇḍito;
Yo cāmisenā saṃhīro, hadayattheno ca yo naro.
274. Guyhamatthaṃ asambuddhaṃ, sambodhayati yo naro;
Mantabhedabhayā tassa, dāsabhūto titikkhati.
275. Yāvanto purisassatthaṃ, guyhaṃ jānanti mantinaṃ;
Tāvanto tassa ubbegā, tasmā guyhaṃ na vissaje.
276. Vivicca bhāseyya divā rahassaṃ, rattiṃ giraṃ nāvelaṃ pamuñce;
Upassutikā hi suṇanti mantā, tasmā manto khippamupeti bhedaṃ.
277. Yathāpi assa [ayo (syā.), aya (ka.)] nagaraṃ mahantaṃ, advāraṃ [āḷāraṃ (pī.)] āyasaṃ
bhaddasālaṃ;
Samantakhātāparikhāupetaṃ, evampi me te idha guyhamantā.
278. Ye guyhamantā avikiṇṇavācā, dalhā sadatthesu narā dujivha [dujivhā (syā. pī.)];
Ārā amittā byavajanti tehi, āsīvisā vā riva sattusaṅghā [sattusaṅghā (sī. syā.)].
279. Hitvā gharaṃ pabbajito acelo, naggo muṇḍo carati ghāsahetu;
Tamhi [tamhī (pī.)] nu kho vivariṃ guyhamatthaṃ, atthā ca dhammā ca apaggaṭamhā
[apāgaṭamhā (sī.), apagaṭamhā (syā.), avāgaṭamhā (pī.)].
280. Kathaṃkaro hoti supaṇṇarāja, kiṃsīlo kena vatena vattaṃ;
Samaṇo caraṃ hitvā mamāyitāni, kathaṃkaro saggamupeti ṭhānaṃ.
281. Hiriyaṃ titikkhāya damenupeto [damena khantiyā (sī. syā. pī.)], akkodhano pesuṇiyaṃ pahāya;
Samaṇo caraṃ hitvā mamāyitāni, evaṃkaro saggamupeti ṭhānaṃ.
282. Mātāva puttaṃ taruṇaṃ tanujjaṃ [tanūjaṃ (sī.)], samphassaṭā [sampaṣsa taṃ (sī. pī.)]
sabbagattaṃ phareti;
Evampi me tvaṃ pāturaḥu dijjinda, mātāva puttaṃ anukampamāno.
283. Handajja tvaṃ muñca [mucca (sī.)] vadhā dujivha, tayo hi puttā na hi añño atthi;
Antevāsī dinnako atrajo ca, rajjassu [rajjassu (sī. syā. pī.)] puttaññataro me ahosi.
284. Iceveva vākyāṃ visajjī supaṇṇo, bhumaṃ patitṭhāya dijo dujivhaṃ;
Muttajja tvaṃ sabbabhayātivatto, thalūḍake hohi mayābhigutto.
285. Ātaṅkinaṃ yathā kusalo bhisakko, pipāsītānaṃ rahadova sīto;
Vesmaṃ yathā himasītāṭṭitānaṃ [himasisiraṭṭitānaṃ (pī.)], evampi te saraṇamaḥaṃ bhavāmi.
286. Sandhiṃ katvā amittena, aṇḍajena jalābuja;
Vivariya dāṭhaṃ sesi, kuto taṃ bhayaṃāgataṃ.
287. Saṅketheva amittasmiṃ, mittasmiṃ na vissase;
Abhayā bhayaṃuppannaṃ, api mūlāni kantati.
288. Kathaṃ nu vissase tyamhi, yenāsi kalaho kato;
Niccayattena ṭhātabbaṃ, so disabbi [so disamhi (pī.)] na rajjati.

289. Vissāsaye na ca taṃ [naṃ (sī. syā. pī.)] vissayeyya, asaṅkito saṅkito ca [asaṅkito ca saṅkito (sī. pī.)] bhaveyya;
Tathā tathā viññū parakkameyya, yathā yathā bhāvaṃ paro na jaññā.
290. Te devavaṇṇā [devavaṇṇī (pī.)] sukhumālarūpā, ubho samā sujayā [sujayo (sī. syā. pī.)] puñṇakhandhā [puñṇagandhā (pī.)];
Upāgamuṃ karampiyaṃ [kādambiyaṃ (sī.), kārambiyaṃ (pī.)] acelaṃ, missībhūtā assavāhāva nāgā.
291. Tato have paṇḍarako acelaṃ, sayamevupāgama idaṃ avoca;
Muttajjaṃ sabbabhayātivatto, na hi [ha (pī.)] nūna tuyhaṃ manaso piyaṃhā.
292. Piyo hi me āsi supaṇṇarājā, asaṃsayāṃ paṇḍarakena saccāṃ;
So rāgarattova akāsīmetāṃ, pāpakammaṃ [pāpaṃ kammaṃ (sī. pī.)] sampajāno na mohā.
293. Na me piyaṃ appiyaṃ vāpi hoti, sampassato lokamimaṃ parañca;
Susaññatānañhi viyañjanena, asaññato lokamimaṃ carāsi.
294. Ariyāvākāsosi anariyovāsi [anariyo cāsi (sī. pī.)], asaññato saññatasannikāso;
Kaṇḥābhijātikosi anariyarūpo, pāpaṃ bahuṃ duccharitaṃ acāri.
295. Aduṭṭhassa tuvaṃ dubbhi, dubbhī [dūbhi, dūbhī (pī.)] ca piṣuṇo casi;
Etena saccavajjena, muddhā te phalatu sattadhā.
296. Tasmā hi mittānaṃ na dubbhitabbaṃ, mittadubbhā [mittadubbhā hi (syā.)] pāpiyo natthi añño;
Āsittasatto nihato pathabyā, indassa vākyena hi saṃvaro hatoti.

Paṇḍaranāgarājajātaṃ [paṇḍarakajātaṃ (sī. syā. pī.)] aṭṭhamāṃ.

519. Sambulājātaṃ (9)

297. Kā vedhamānā girikandarāyaṃ, ekā tuvaṃ tiṭṭhasi saṃhitūru [saññatūra (sī. pī.), sañcitūru (syā.)];
Puṭṭhāsi me paṇipameyyamajjhe, akkhāhi me nāmañca bandhave ca.
298. Obhāsayaṃ vanaṃ rammaṃ, sīhabyagghanisevitaṃ;
Kā vā tvamasi kalyāṇi, kassa vā tvaṃ sumajjhime;
Abhivādemī taṃ bhadde, dānavāhaṃ namatthu te.
299. Yo putto kāsirājassa, sotthisenoti taṃ vidū;
Tassāhaṃ sambulā bhariyā, evaṃ jānāhi dānava;
Abhivādemī taṃ bhante [bhaddante (sī. syā.)], sambulāhaṃ namatthu te.
300. Vedehaputto bhaddante, vane vasati āturo;
Tamaṃ rogasammattaṃ, ekā ekaṃ upaṭṭhahaṃ [upaṭṭhahim (sī.)].
301. Ahañca vanamuñchāya, madhumaṃsaṃ migābilaṃ [migāvilaṃ (sī.)];
Yadā harāmi taṃ bhakkho, tassa nūnajja nādhati [nāthati (ka.)].
302. Kiṃ vane rājaputtana, āturena karissasi;
Sambule pariciṇṇena, ahaṃ bhattā bhavāmi te.

303. Sokattāya durattāya, kiṃ rūpaṃ vijjate mama;
Aññaṃ pariyesa bhaddante, abhirūpataraṃ mayā.
304. Ehimāṃ girimāruyha, bhariyā me [mayhaṃ (sī. syā. pī.)] catussatā;
Tāsaṃ tvaṃ pavarā hohi, sabbakāmasamiddhinī.
305. Nūna [nanu (sī. syā. pī. ka.)] tārakavaṇṇābhe [hātakavaṇṇābhe (pī.)], yaṃ kiñci manasicchasi;
Sappaṃ taṃ pacuraṃ mayhaṃ, ramassvajja [ramasujja (sī. syā.)] mayā saha.
306. No ce tuvaṃ maheseyyaṃ, sambule kārayissasi;
Alaṃ tvaṃ pātārāsāya, paṇhe [maññe (sī. pī.)] bhakkhā bhavissasi.
307. Tañca sattajaṭo luddo, kaḷāro purisādako;
Vane nāthaṃ apassantiṃ, sambulaṃ aggahī bhujje.
308. Adhipannā pisācena, luddenāmisacakkhunā;
Sā ca sattavasampattā, patimevānusocati.
309. Na me idaṃ tathā dukkhaṃ, yaṃ maṃ khādeyya rakkhaso;
Yañca me ayyaputtassa, mano hessati aññathā.
310. Na santi devā pavasanti nūna, na hi nūna santi idha lokapālā;
Sahasā karontānamasaññātānaṃ, na hi nūna santi paṭisedhitāro.
311. Itthīnamesā pavarā yasassinī, santā samā aggirivuggatejā;
Tañce tuvaṃ rakkhasādesi kaññaṃ, muddhā ca hi sattadhā te phaleyya;
Mā tvaṃ dahī [jahī (pī.)] muñca patibbatāya [patibbatā sā (sī.), patibbatā yā (pī.)].
312. Sā ca assamamāgacchi, pamuttā purisādakā;
Nīlaṃ [niḍḍaṃ (syā. ka.)] paḷinaṃ sakuṇīva [phalinasakuṇīva (sī. syā. pī.)], gatasiṅgaṃva
ālayaṃ.
313. Sā tattha paridevesi, rājaputtī yasassinī;
Sambulā utumattakkhā, vane nāthaṃ apassantī [apassatī (sī.)].
314. Samaṇe brāhmaṇe vande, sampannacaraṇe ise;
Rājaputtaṃ apassantī, tumhaṃmhi [tumhaṃ hi (pī.)] saraṇaṃ gatā.
315. Vande sīhe ca byagghe ca, ye ca aññe vane migā;
Rājaputtaṃ apassantī, tumhaṃmhi saraṇaṃ gatā.
316. Tiṇā [tiṇa (pī.)] latāni osadhyo, pabbatāni vanāni ca;
Rājaputtaṃ apassantī, tumhaṃmhi saraṇaṃ gatā.
317. Vande indīvarīsāmaṃ, rattiṃ nakkhattamāliniṃ;
Rājaputtaṃ apassantī, tumhaṃmhi saraṇaṃ gatā.
318. Vande bhāgīrathiṃ gaṅgaṃ, savantīnaṃ paṭiggahaṃ;
Rājaputtaṃ apassantī, tumhaṃmhi saraṇaṃ gatā.
319. Vande ahaṃ pabbatarājasetṭhaṃ, himavantaṃ siluccayaṃ;
Rājaputtaṃ apassantī, tumhaṃmhi saraṇaṃ gatā.

320. Atisāyaṃ vatāgacchi, rājaputti yasassini;
Kena nuja samāgacchi [samāgacchi (sī. pī.)], ko te piyataro mayā.
321. Idaṃ khoḥaṃ tadāvocaṃ [tadāvocaṃ (sī. syā.)], gahitā tena sattunā;
Na me idaṃ tathā dukkhaṃ, yaṃ maṃ khādeyya rakkhaso;
Yañca me ayyaputtassa, mano hessati aññathā.
322. Corīnaṃ bahubuddhīnaṃ, yāsu saccaṃ sudullabhaṃ;
Thīnaṃ bhāvo durājāno, macchassevodake gataṃ.
323. Tathā maṃ saccaṃ pāletu, pālayissati ce mamaṃ;
Yathāhaṃ nābhijānāmi, aññaṃ piyataraṃ tayā;
Etena saccavajjena, byādhi te vūpasammatu.
324. Ye kuñjarā sattasatā uḷārā, rakkhanti rattindivamuyyutāvudhā;
Dhanuggahānañca satāni soḷasa, kathaṃvidhe passasi bhadde sattavo.
325. Alaṅkatāyo padumuttarattacā, virāgitā passati haṃsagaggarā;
Tāsaṃ suṇitvā mitagītavāditāṃ [mitagītavādināṃ (pī.)], na dāni me tāta tathā yathā pure.
326. Suvaṇṇasaṃkaccadharā suviggaḥā, alaṅkatā mānusiyaṃcharūpamā;
Senopiyā [senūpiyā (pī.)] tāta aninditaṅgiyo, khattiyakaññā paṭilobhayanti [paṭilābhayanti (pī.)] naṃ.
327. Sace ahaṃ tāta tathā yathā pure, paṭiṃ tamuñchāya punā vane bhare;
Sammānaye maṃ na ca maṃ vimānaye, itopi me tāta tato varaṃ siyā.
328. Yamannaṃpāne vipulasmi ohite, nārī vimaṭṭhābharaṇā alaṅkatā;
Sabbaṅgupetā [pañcaṅgupetā (sī. syā. pī.)] patino ca appiyā, abajjha [avajjha (syā.), ābajjha (pī.)] tassā maraṇaṃ tato varaṃ.
329. Api ce daliddā kapaṇā anāḷhiyā, kaṭādutīyā patino ca sā piyā;
Sabbaṅgupetāyapī appiyāya, ayameva seyyā [seyyo (syā. ka.)] kapaṇāpī yā piyā [kapaṇāpī yā (ka.)].
330. Sudullabhitthī purisassa yā hitā, bhattitthiyā dullabho yo hito ca;
Hitā ca te sīlavatī ca bhariyā, janinda dhammaṃ cara sambulāya.
331. Sace tuvaṃ vipule laddhabhoge, issāvatiṇṇā maraṇaṃ upesi;
Ahañca te bhadde imā rājakaññā [imā ca kaññā (pī.)], sabbe [sabbeva (sī. syā. pī.)] te vacanakarā bhavāmāti.

Sambulājātakaṃ navamaṃ.

520. Gandhatindukajātakaṃ (10)

332. Appamādo amataṃ padaṃ [amatapadaṃ (sī. pī.)], pamādo maccuno padaṃ;
Appamattā na mīyanti, ye pamattā yathā matā.
333. Madā pamādo jāyetha, pamādā jāyate khayō;
Khayā padosā [khayā ca dosā (sī.)] jāyanti, mā pamādo [mā mado (sī. syā. pī.)] bharatūsabha [bhāradhūsabha (ka.)].

334. Bahū hi khattiyā jīnā, atthaṃ raṭṭhaṃ pamādinō;
Athopi gāmino gāmā, anagārā agārino.
335. Khattiyassa pamattassa, raṭṭhasmiṃ raṭṭhavaḍḍhana;
Sabbe bhogā vinassanti, rañño taṃ vuccate aghaṃ.
336. Nesa dhammo mahārāja, ativelaṃ pamajjasi;
Iddhaṃ phītaṃ janapadaṃ, corā viddhaṃsayanti naṃ.
337. Na te puttā bhavissanti, na hiraññaṃ na dhāniyaṃ [na hiraññanidhāniyā (ka.)];
Raṭṭhe viluppamānamhi, sabbabhogehi jiyyasi.
338. Sabbabhogā pariḷiṇṇaṃ, rājānaṃ vāpi khattiyaṃ [khattiya (ka.)];
Ñātimittā suhajjā ca, na taṃ maññanti māniyaṃ [mantiyaṃ (syā.)].
339. Hatthārohā anīkaṭṭhā, rathikā pattikārakā;
Tamevamupajīvāntā, na taṃ maññanti māniyaṃ.
340. Asaṃvihitakammaṃtaṃ, bālaṃ dummantimantinaṃ;
Sirī jahati dummedhaṃ, jiṇṇaṃva urago tacāṃ.
341. Susaṃvihitakammaṃtaṃ, kāluṭṭhāyiṃ atanditaṃ;
Sabbe bhogābhivaḍḍhanti, gāvo sausbhāmiva.
342. Upassutiṃ mahārāja, raṭṭhe janapade cara;
Tattha dīsvā ca sutvā ca, tato taṃ [tvam (ka.)] paṭipajjasi.
343. Evaṃ vedetu pañcālo, saṅgāme saramappito [samappito (sī. pī.)];
Yathāhamajja vedemi, kaṇṭakena samappito.
344. Jiṇṇo dubbalacakkhūsi, na rūpaṃ sādhu passasi;
Kiṃ tattha brahmadattassa, yaṃ taṃ maggeyya [maggeyya (pī.)] kaṇṭako [kaṇḍako (sī. syā. pī.)].
345. Bahvettha brahmadattassa, sohaṃ [yohaṃ (sī. syā. pī.)] maggasmi [maggosmi (pī.)]
brāhmaṇa;
Arakkhitā jānapadā, adhammabalinā hatā.
346. Rattiñhi [rattiñca (sī.)] corā khādanti, divā khādanti tuṇḍiyā;
Raṭṭhasmiṃ kūṭarājassa, bahu adhammiko jano.
347. Etādise bhaye jāte [tāta (sī. pī.)], bhayaṭṭā tāta [tāva (sī. pī.)] māṇavā;
Nillanakāni kubbanti, vane āhatva kaṇṭakaṃ.
348. Kadāssu nāmayāṃ rājā, brahmadatto marissati;
Yassa raṭṭhamhi jiyanti, appatikā kumārīkā.
349. Dubbhāsitañhi te jammi, anattapadakovide;
Kuiṃ rājā kumārīnaṃ, bhattāraṃ pariyasati.
350. Na me dubbhāsitaṃ brahme, kovidatthapadā ahaṃ;
Arakkhitā jānapadā, adhammabalinā hatā.

351. Rattiñhi corā khādanti, divā khādanti tuṇḍiyā;
Raṭṭhasmiṃ kūṭarājassa, bahu adhammiko jano;
Dujjīve dubbhare dāre, kuto bhaddā kumāriyo.
352. Evaṃ sayatu pañcālo, saṅgāme sattiyaṃ hato;
Yathāyaṃ kapaṇo seti, hato phālena sāliyo.
353. Adhammena tuvaṃ jamma, brahmadattassa kujjhasi;
Yo tvaṃ sapasi rājānaṃ, aparajjhivāna attano [attanā (pī.)].
354. Dhammena brahmadattassa, ahaṃ kujjhāmi brāhmaṇa;
Arakkhitā jānapadā, adhammabalinā hatā.
355. Rattiñhi corā khādanti, divā khādanti tuṇḍiyā;
Raṭṭhasmiṃ kūṭarājassa, bahu adhammiko jano.
356. Sā nūna puna re pakkā, vikāle bhaddamāhari;
Bhaddahāriṃ apekkhanto, hato phālena sāliyo.
357. Evaṃ haññatu pañcālo, saṅgāme asinā hato [dalhaṃ (pī.)];
Yathāhamajja pahato, khīraṇca me pavaṭṭitaṃ.
358. Yaṃ pasu khīraṃ chaḍḍeti, pasupālaṃ vihiṃsati [pasupālaṇca hiṃsati (sī.), pasu phālaṇca hiṃsati (pī.)];
Kiṃ tattha brahmadattassa, yaṃ no garahate [garahato (pī.)] bhavaṃ.
359. Gārayho brahme pañcālo, brahmadattassa rājino;
Arakkhitā jānapadā, adhammabalinā hatā.
360. Rattiñhi corā khādanti, divā khādanti tuṇḍiyā;
Raṭṭhasmiṃ kūṭarājassa, bahu adhammiko jano.
361. Caṇḍā aṭanakā [aṭanaka (pī.), akaṭanā (ka.)] gāvī, yaṃ pure na duhāmase;
Taṃ dāni ajja dohāma, khīrakāme hupaddutā.
362. Evaṃ kandatu pañcālo, viputto vippasukkhatu;
Yathāyaṃ kapaṇā gāvī, viputtā paridhāvati.
363. Yaṃ pasu pasupālassa, sambhameyya [pabbhameyya (sī. pī.)] raveyya vā;
Ko nīdha aparādhathhi, brahmadattassa rājino.
364. Aparādhho mahābrahme, brahmadattassa rājino;
Arakkhitā jānapadā, adhammabalinā hatā.
365. Rattiñhi corā khādanti, divā khādanti tuṇḍiyā;
Raṭṭhasmiṃ kūṭarājassa, bahu adhammiko jano;
Kathaṃ no asikosatthā, khīrapā haññate pajā.
366. Evaṃ khajjatu pañcālo, hato yuddhe saputtako;
Yathāhamajja khajjāmi, gāmakehi [gāmakehi (sī. pī.)] araññaṃ.
367. Na sabbabhūtesu vidhenti [vidhanti (ka.)] rakkhaṃ, rājāno maṇḍūka manussaloke;

Nettāvatā rājā adhammacārī, yaṃ tādisaṃ jīvamadeyyu dhaṅkā.

368. Adhammarūpo vata brahmacārī, anuppiyaṃ bhāsasi khattiyassa;
Viluppamānāya puthuppajāya, pūjesi rājāṃ paramappamādaṃ [[rājāṃ paramappavādaṃ \(sī.\)](#)],
[rājā paramappavādiṃ \(syā.\)](#)].
369. Sace imaṃ brahme surajjakāṃ siyā, phītaṃ raṭṭhaṃ muditaṃ [[pūritaṃ \(ka.\)](#)] vippasannaṃ;
Bhutvā baliṃ aggapiṇḍaṅca kākā, na mādisaṃ jīvamadeyyu dhaṅkāti.

Gandhatindukajātakāṃ dasamaṃ.

Tassuddānaṃ –

Kimchanda kumbha jayaddisa chaddanta, atha paṇḍitasambhava sirakapi;
Dakarakkhasa paṇḍaranāgavaro, atha sambula tindukadevasutoti.

Tiṃsanipātaṃ niṭṭhitaṃ.

Jātakapāliyā paṭhamo bhāgo niṭṭhito.